

କୁନ୍ଦର ସନ୍ତର

ଦୁର୍ଲ୍ଲଭ ଗଦ୍ୟ ଶ୍ଳୋକାନ୍ତବାଦ
ବିଶଦ ବ୍ୟାଖ୍ୟା ଓ ବିସ୍ତୃତ ଭୂମିକା ସମେତ

ରାୟ ବାହାଦୁର

ଶ୍ରୀଦୀନନାଥ ମାନ୍ୟାଳ ବି-ଏ, ଏମ-ବି

AMORAGORI PUBLIC LIBRARY

Serial No. Call No. Date .

Second Edition

Revised & Enlarged

୧୯୭୫

—প্রকাশক —

শ্রী অমিতাভ সান্যাল L.M.E.,

৩৩, গুরুপ্রসাদ চৌধুরী স্ট্রেন

—কলিকাতা—

—প্রিন্টার—

শ্রী নরেন্দ্র নাথ দাস

—বী প্রেস—

৩৩ গুরুপ্রসাদ চৌধুরী স্ট্রেন

—কলিকাতা—

নিবেদন

কুমার-সম্ভবে দ্বিতীয় সংস্করণ প্রকাশিত হইল। ভূমিকায় ও ব্যাখ্যায় কিছু-কিছু নূতন কথা সন্নিবেশিত করিতে হইয়াছে।

কালিদাসের এই কাব্যখানির প্রথম সাত সর্গই সুদীর্ঘের সমাদৃত। এ সম্বন্ধে ১৯২৭ সংবৎসরে তৎকালিক পণ্ডিত-কেশরী তারানাথ বর্ক-বাচস্পতি সম্পাদিত “কুমারসম্ভবম্” কাব্যের ভূমিকা হইতে তাহার মত উদ্ধৃত করিলাম ;—

“অশ্লিষ্ট কাব্যে প্রাথমিকাঃ সপ্তসর্গা এব সর্গত্রয়ঃ সুপ্রসিদ্ধাঃ
ব্যাখ্যাভিঃ প্রায়শ্চ ত এব সর্গা ব্যাখ্যাতাঃ। তদন্তর-সর্গেবু তু
পার্বতী-পরমেশ্বরয়োঃ সম্ভোগ-শৃঙ্গার-বর্ণনেন মাতাপিত্রোরিব অনাস্বাদ-
তয়া তেষ্যাদরনীয়হেন লোকেবু প্রচারাভাবঃ ব্যাখ্যাভণামুপেক্ষা চ।”

ঐ মত অনুসরণে এই গ্রন্থখানি “উমা-প্রদান”-নামক সপ্তম সর্গেই সমাপ্ত।

কালিদাসের এই সুপ্রসিদ্ধ ও ভাব-ঘন কাব্যখানিকে বাঙ্গালা-গদ্যে যথাযথরূপে প্রতিফলিত করাই এ গ্রন্থখানির প্রণয়নে আমার উদ্দেশ্য। সে নিমিত্ত মূলের অনুবাদে সর্বত্রই আমাকে কবির প্রকাশ-ভঙ্গির অনুসরণ করিয়াই কাস্ত থাকিতে হইয়াছে ;—কোথাও ভাব-বিস্তারের প্রলোভনে কাব্যিক ভঙ্গিমাতে নষ্ট করিতে সাহসী হই নাই। বস্তুতঃ ভাবই কাব্যের অন্তর্নিহিত প্রাণ-বস্তু হইলেও, কবির প্রকাশ-ভঙ্গিমাটী উদার রূপ। সেটী রূপ নষ্ট হইলে, কাব্যের কাব্যই নষ্ট হয়। অনন্বিত্যকে কাব্য-রসান্বাদন করাইবার বিফল চেষ্টায় কাব্যকে গ্রাম্যের পদ্যায় রূপান্তরিত হইতে গেলে উদ্দেশ্য

সাধনের পরিবর্তে কবির ও কাব্যের নিধন-সাধনই করা হয়। কাল-দোষে বাঙ্গালা-সাহিত্যে আজকাল কান্দাসের আদিরসাত্মক কাব্য-সম্বন্ধে এরূপ চেষ্টা মনো-মনো হইয়া থাকে বলিদ্রুই প্রসঙ্গ-ক্রমে এখানে ঐ কথাটি বলিতে হইল।

বিচিত্র-রূপ-মণ্ডিত প্রকাশ-ভঙ্গির ভিতর দিয়া ভাব-ধারণা ও রস-গ্রহণ করিতে উপযুক্ত ব্যাখ্যার প্রয়োজন। এই নিমিত্তই জগতে সর্বত্র উচ্চাঙ্গের কাব্য-নাট্যাদির ব্যাখ্যা-বিশ্লেষণের সীমা নাই। এ ক্ষেত্রে, সংস্কৃত-কাব্য-ব্যাখ্যায় দ্বিতীয় ও অপ্রতিদ্বন্দ্বী মহামহোপাধ্যায় পণ্ডিত মল্লিনাথের পদাঙ্ক অনুসরণ করিয়া পাঠকের সহায়তা করিতে আমি সাধ্য-পক্ষে যত্নের ক্রটি করি নাই। কেবল, কয়েক স্থলে ভাব-স্বরূপে নূতন ব্যাখ্যার প্রতিষ্ঠা করিতে হইয়াছে। সহৃদয় পাঠক গ্রন্থমধ্যে যথাস্থানে সে পরিচয় করিবেন।

অবশেষে, একটি কথা না বলিলে প্রত্যাবায় হয়;—প্রথম-প্রকাশিত ‘কুমারসম্ভব’-খানি আমি যখন সংস্কৃত-কাব্যশাস্ত্রে সুপণ্ডিত পূজ্যপাদ শ্রীযুক্ত তারাকুমার কবিরত্ন মহোদয়ের কর-কমলে প্রদান করিয়া ধন্য হই, তখন উহার ভূমিকাংশ আশ্চর্য ও শ্লোকানুবাদ স্থানে-স্থানে শুনিয়া, তিনি যে-সব প্রশংসা-বাচক কথায় আমাকে আশীর্ব্বাদ করিয়াছিলেন, সে-সব কথা আমার নিজমুখে বলা শোভা পায় না। পরে, বৃদ্ধ বয়সে আমি-যে ঐ গ্রন্থের পুনর্মুদ্রণে সক্ষম হইলাম, ইহা কবিরত্ন মহাশয়ের আশীর্ব্বাদেরই ফল, তাহাতে সন্দেহ নাই। স্ববির কবিরত্ন মহোদয়ের পাদপদ্মে নমস্কার করিতেছি।

কলকাত্ত
অগ্রহায়ণ—১৩৩১

}

শ্রীদীননাথ সাম্যাল

ভূমিকা

কুমারসম্ভব-কাব্যের ভূমিকায় আমি দুইটী মাত্র বিষয়ের আলোচনা করিতে চাই ;—কাব্যের গুঢ় ভাব এবং তন্নির্দেশক চিত্র-সমাবেশ । কাব্যের নশ্বগত ভাবের নিত্যতায় ও মাহাত্ম্যে এবং ঐ ভাবের পরিস্ফুটনোপযোগী চিত্র-সমাবেশের কৌশলে ও সৌন্দর্য্যে, কাব্যের উৎকর্ষাপকর্ষ । এই দুইটী ভিন্ন কাব্য-সৃষ্টিকে অত্যাণ্ড প্রসঙ্গের আলোচনা অব্যাহত মাত্র ।

মানুষ গোড়ায় পশুধর্ম্মী । এই পশুধর্ম্মী মানুষকে প্রকৃত মানুষ করিতে, মনুষ্য-সমাজকে প্রকৃত মনুষ্যোন্নত সমাজ করিতে, এবং তাহা অপেক্ষাও বাহ্য অধিক, মনুষ্যের পশু-ভাব নষ্ট করিয়া, তাহার স্থলে দেব-ভাবের প্রতিষ্ঠা করিতে, নীতিকার ও কবি—উভয়েরই আবির্ভাব । উভয়েরই একই লক্ষ্য, কিন্তু পথ ভিন্ন ; একই উদ্দেশ্য, কিন্তু উপায় ভিন্ন ; একই সাধনা, কিন্তু পদ্ধতি ভিন্ন । নীতিকার কর্তব্যাকর্তব্য নির্দেশ করেন, কর্তব্যের বিধি দেন, অকর্তব্যের নিষেধ করেন ;—কর্তব্য-পালনে পুণা ও পুরস্কারের আশা-ভরসা দেন, এবং অকর্তব্য-করণে পাপ ও শাস্তির বিভীষিকা দেখান । কিন্তু কবির পস্থা ভিন্নরূপ । তিনি কল্পনায় সংসারের একটি ক্ষুদ্র প্রতিকৃতি আঁকিয়া, তাহাতে তাহার প্রতিপাদ্য বিষয়ের উপযোগী কতকগুলি চিত্র ও চরিত্রের সমাবেশ করেন এবং বটনা-পরম্পরার অভিনয়ে কাব্যত ভাল-মন্দ চক্ষের উপর দেখাইয়া দেন । নীতিকারের শাসন-বাক্য—“শাস্ত্র” ; কবির রসাত্মক বাক্য—“কাব্য” । নীতিকার নীরস বাক্যে বাহ্য উপদেশ করেন, কবি চিত্তকে চিত্র-চরিত্রে তাহাই

উদাহৃত করেন। এইজন্যই নীতির পথ কঠিন ও কঠোর; কিন্তু কবির পথ সর্বথাই সরল ও সুগম। জনোভাবে নীতি-পালনে লোকের শৈথিল্য জন্মিতে পারে—জন্মিয়া ও থাকে; কিন্তু কবির সৃষ্টিব্রত সংসার-পট সকলেরই নয়নানন্দ-কর ও মনোরঞ্জন। নীতির উপদেশ মস্তিষ্কের উপরে কৃথিকর; কিন্তু কাব্য হৃদয়ের সামগ্রী, হৃদয়ই উহার লীলাভূমি। জ্ঞানীর কাছে ও কাব্যের আদর—সে কেবল উদাহরণে উপদেশকে দৃঢ় করে বলিয়া। কিন্তু অজ্ঞানকে কিছু বুঝাইতে হইলে, কাব্যাকারেই বুঝাইতে হয়—নীতির মর্ম্ম তাহার মস্তিষ্ক ভেদ করিয়া হৃদয়ে পৌঁছিতে পারে না। আমাদের হিন্দু-সমাজে নীতিবাক্য কাব্যাকারে সরল করিয়া, তরল করিয়া, কত রকমে জনসাধারণকে শুনান হইতেছে বলিয়াই, হিন্দু জন-সাধারণ সামাজিক গুণে অগ্ৰাণু জাতির জন-সাধারণ অপেক্ষা শ্রেষ্ঠ। এক রামায়ণে ভারত ব্যাপিয়া যাহা করিয়াছে, শুধু নীতির উপদেশে কি তাহা কখনও সাধিত হইতে পারিত? এইজন্যই আখ্যা-সাহিত্যে সমাজ-শাসনের জ্ঞান যেমন ধর্ম্মশাস্ত্র আছে, তেমনই সেই সঙ্গে লোক-শিক্ষার্থ শাস্ত্রোপদেশের উদাহরণ-স্বরূপ পুরাণাদি অসংখ্য কাব্যও আছে। দেশকালপাত্রভেদে ঐ সকল পুরাণ-কথাকে আরও সরল করিয়া, অনায়াসে সমাজের নিম্নস্তর পর্য্যন্ত লোক-শিক্ষার বিস্তার করা হইয়াছে। ঐ সকল কথা পড়িতে-পড়িতে বা শুনিতে-শুনিতে লোকে ভাল-মন্দ বুঝিতে শিখে, সুন্দর-কুংসিতের তারতম্য অনুভব করে,—দেখে যে, যাহা সৎ, তাহাই সুন্দর; আর যাহা অসৎ, তাহাই কুংসিত। নিরন্তর এইরূপ পড়িতে-পড়িতে বা শুনিতে-শুনিতে, নিত্যমু অশিক্ষিতের মনেও সত্যের আদর্শের একটা ছায়া পড়িয়া যায়। ইহা হইতেই গৃহের উন্নতি এবং সমাজের উন্নতি। অবশ্য এখানে চরিত্র-গত নৈতিক উন্নতির কথাই বলিতেছি।

এইরূপে কাব্যাকারে লোক-শিক্ষা প্রচার করায়, লোকের মনে সামাজিক ধর্ম্ম কেমন প্রতিষ্ঠা লাভ করে, ভাবিয়া দেখিলে অবাক হইতে হয়। শিক্ষিতের

ত কথাই নাই, এই সমগ্র ভারতগোপী হিন্দুর মতো অশিক্ষিতের মনেও সম্ভী-ধর্মের একটা চমৎকার আদর্শ আছে, দেখিতে পাওয়া যায়। সত্যীত্বের প্রতি সমাদর, অসত্যীত্বের প্রতি ঘৃণা, হিন্দুজাতির নিম্ন-স্তরেও যেন যজ্ঞ-গত। নিরন্তর রাম-সীতা, হর-পার্বতী, শ্যামল-সত্যবান, নল-দময়ন্তী, হরিশ্চন্দ্র-শৈব্যা, কালকেতু-কুল্লবা, ধনপতি খুল্লনা, নখিন্দর-বেহুলা প্রভৃতির কথা কান্না, গানে, যাত্রায়, পাচালীতে, কথায়, গাথায় শুনিতে-শুনিতে নিতান্ত অজ্ঞানের মনেও এই আদর্শের একটা ছায়া পড়িয়াছে। সমাজের পক্ষে ইহা কি কম উপকার! সামাজিক ধর্মের যাহা মূল, কবি সেই মূলে রস সেচন করিয়া, নিতান্ত নিম্নস্তরেও তাহা প্রসারিত করিয়া, সামাজিক ধর্ম-বৃক্ষকে সুদৃঢ় করিয়াছেন। ইহাতেই কবির জয়!

সামাজিক ধর্ম প্রেমের উপর প্রতিষ্ঠিত; এবং এই সত্যীত্ব-ধর্ম বা দাম্পত্য প্রেমই প্রেমের মূল। ইহাকে আশ্রয় করিয়াই স্নেহ, ভক্তি, প্রীতি প্রভৃতি প্রথমে গৃহে অঙ্কুরিত হয়; এবং ক্রমে আত্মীয়-স্বজন, বন্ধু-বান্ধব, স্ব-সমাজ ও স্বদেশ আলিঙ্গন করিয়া, অবশেষে জগতে ব্যাপ্ত হইতে চায়। এই দাম্পত্য-প্রেমের উৎকর্ষই সমাজের উৎকর্ষ ও গৃহের উৎকর্ষ; সুতরাং সমাজের উৎকর্ষের মূলও উহাই।* এই প্রেম নষ্ট কর, দেখিবে গৃহ থাকিবে না, —সব ছিন্ন-বিচ্ছিন্ন হইয়া যাইবে। গৃহ না থাকিলে, সমাজ কোথায় থাকে? কোন্ ইতিহাসাতীত যুগে, যে-দিন মানুষ গৃহ বাদিয়া তাহাতে গৃহিণী-স্থাপনা করিয়াছিল, সেইদিন হইতে অকুল ক্ষেত্র পাইয়া মানব-হৃদয়ের এই প্রেম-বীজ অঙ্কুরিত হয়। তার পর, যুগ-যুগান্তরের লালন-পালনে

*কিছুকাল পূর্বে প্রকাশিত "The Story of Philosophy" (by Will Durant, Ph D) হইতে উদ্ধৃত—

"Love is the best eugenics". "The family is the avenue of human perpetuity, and therefore still the basic institution among men."

দুঃখমূল ও বর্জিত হইয়া এবং শাপা-প্রশাখায় প্রসারিত হইয়া, নান'-ভাবে নানা-আকারে উহা এখন সমাজ-বাপ্ত হইয়া পড়িয়াছে। স্নেহ বলে, ভক্তি বলে, প্রীতি বলে, মৈত্রী বলে, সহন্যতা বলে,—সকল সামাজিক দাম্পত্য মূলই ইহা। গৃহে উহার জন্ম, সমাজে উহার ব্যাপ্তি, এবং পরিণামে প্রেমময়ের পাদমূলে উহার সমাপ্তি। যে বিশ্ব-প্রেম প্রেমিকের চরম আদর্শ, গাইন্দ্রা ধর্ম্মই তাহার দক্ষা, সমাজ-ধর্ম্মই তাহার সাক্ষ্য, এবং দেবত্ব-লাভেই তাহার সিদ্ধি।

কবির। অন্তর্দর্শী বালিদাই এই প্রেমের বাহ্যিক বৃক্ষ। তাই দেখিতে পাওয়া যায় যে, জগতের উৎকৃষ্ট কবি-মাত্রই এই প্রেমের উপাসক। তাহাদের কাব্যের রহস্য ভেদ করিলে দেখা যায় যে, এই প্রেমই তাহাদের কাব্যের বাজমল। যিনি উহার যত উৎকর্ষ দেখাইয়াছেন, তাহার কাব্য ততই উৎকৃষ্ট। এই প্রেমের উৎকর্ষ-গুণেই প্রেমের প্রশংসা ‘রামায়ণ’ আজিও কাব্যের আদর্শ, এবং রাম-সীতা প্রেমিকের আদর্শ হইয়া, যুগযুগান্তর ধরিয়া হিন্দুর হৃদয়ে পূজা পাইতেছেন। এই আদর্শ-গুণেই ভারতের সর্বত্র যুগে-যুগে কত কবিই উহার আশ্রয় লইয়াছেন! কাব্যে, নাটকে, গানে, ভজনে, কণায়, লীলায়, এক “রামায়ণ” হইতে ভারতে যে কি সুবিপুল সাহিত্য সৃষ্টি হইয়া, হিন্দু-সমাজের নিম্নস্তর পর্য্যন্ত এই আদর্শ প্রেমের প্রতিমা প্রতিষ্ঠা করিয়াছে, তাহা ভাবিয়া দেখিলে স্তম্ভিত হইতে হয়! কবির মত কবি হইলে, এবং আদর্শের মত আদর্শ ধরিতে পারিলে, লোক-শিক্ষায় কাব্যেরই জয়!

আমাদের পুরাণ-সাহিত্যে এই প্রেমের অনেকগুলি উৎকৃষ্ট চিত্র দেখিতে পাওয়া যায়। হর-পার্বতী তাহার মধ্যে অন্যতম। রাম-সীতার পরেই হর-পার্বতীর প্রেম সংস্কৃত-সাহিত্যে দ্বিতীয় আদর্শ-স্থানীয়। প্রেমের প্রাচুর্য, প্রেমের প্রগাঢ়তায়, পার্বতী সীতারই সমতুল। আর মহাদেব ত

প্রেমেই পাগল, প্রেমেরই সন্ধ্যাসী ! প্রেমের তীব্রতায় এই হর-ঘরণীই দক্ষ-মুণ্ডে
 পতি-নিন্দা শ্রবণে মম্বাহত। ইহা দক্ষালয়ে দক্ষের সমক্ষে যোগাশ্রিতে প্রাণ
 বিসর্জন করিয়াছিলেন। তার পর, সেই “সতী”ই আবার “পার্বতী”-
 রূপে সেই মহাদেবকেই পতিরূপে পাউবার নিমিত্ত তপের পরাকাষ্ঠায়
 প্রেমের প্রগাঢ়তা দেখাইয়া, হিন্দুর হৃদয়ে প্রেম-ধর্মের প্রতিষ্ঠা করিয়া
 রাখিয়াছেন। পুরাণে তারকাস্বরবদোপায়ে সেনানী-সৃষ্টি উপলক্ষ করিয়া
 হর-পার্বতীর পরিণয়-কল্প যে কাহিনী বিবৃত, এই প্রেমতরুই তাহার
 নিগূঢ় মর্ম।

দক্ষালয়ে তিনি “সতী”, পরে হিন্দুগণে তিনিই “পার্বতী”। সেই
 সতী-লীলায় তিনি পতি ছিলেন, এই পার্বতী-লীলাতেও তিনিই পতি
 হইবেন ;—অন্য কেহই না। রূপে তাঁহাকে মিলিল না, দূর হউক রূপ, তপে
 তাঁহাকে মিলিতে পারে। তপেও তাঁহাকে না মিলে, তবে তপেই বরং দেহ-
 ত্যাগ শ্রেয়, তবু অন্য পতি চাই না, ইন্দ্রাদি কাহাকেও না—ইহাই পার্বতীর
 প্রেমিকতা ; এবং ইহাই হিন্দুধর্মে দাম্পত্য-প্রেমের “একমেবাদ্বিতীয়ম্”-
 ভাব। রামের স্তুতি যখনই হৃদয়-বেদনায় কাতর হইয়াছেন, তখনই তাঁহার
 মনে,—জন্মজন্মান্তরে যেন রামকেই পতি পাই—এই ভাব উদ্বেলিত হইয়া
 উঠিয়াছে। ইহা সতী মাত্রেই মনোভাব। এই স্মহান্ ভাবটাকে মজ্জা
 করিয়া পুরাণের ঐ হরপার্বতী-পরিণয়-কাহিনী গঠিত। প্রেমের পূর্বরাগের
 অপূর্ব প্রগাঢ়তাই ইহার প্রাণ ! তার পর, রূপের ব্যর্থতায় এবং কামের
 ধ্বংসে ইহার বিস্তৃকতা সম্পাদন করিয়া, অবশেষে তীব্র তপের সাধনে
 ইহার উৎকর্ষ দেখান হইয়াছে।

প্রেমের এই পরম তত্ত্বটুকু ঐ পুরাণ-কাহিনীতে আছে বলিয়াই, কালিদাস
 ঐ সমগ্র কাহিনীটিকে অক্ষুণ্ণ-ভাবে তাঁহার কাব্যের বস্তু-স্বরূপে গ্রহণ করিয়া,
 তাঁহার অনূপম তুলিকার উহার সর্বদ্বন্দ্বীন পরিপুষ্টি সাধন করিয়াছেন।

এ কারো কালিদাসের কৃতিত্ব ঐ পরিপুষ্টি সাধনে । পুরাণ-কাহিনীতে যাহা কেবল উল্লেখ মাত্র, কালিদাসের কারো তাহা অগূঢ় বর্ণনায় পরিণত ; পুরাণে বর্ণনা যেখানে তরল, কালিদাস সেখানে প্রগাঢ়তা ঢালিয়া দিয়াছেন , পুরাণে যাহা রেখাকিত, কালিদাস তাহাকে বিচিত্র বর্ণে সমৃদ্ধাসিত করিয়া, শুদ্ধ শিল্পীর কায়, এই কাব্যগানিকে সর্বত্র সমুজ্জ্বল করিয়াছেন । ইহা প্রেমের এক পরম সুন্দর মহাচিত্র ।

যে স্বভাব-চিত্রণে কালিদাস জগতে অদ্বিতীয়, এ কারো তাহারও সুন্দর পরিচয় পাওয়া যায় । কালিদাসের স্বভাব-চিত্র জড়চিত্র নহে ;—উহা সর্বাংশেই ভাবময় ও চেতনাময় । বাহ্য জগতের ঐ ভাব ও চেতনার বন্ধারে অন্তর্জগতে অনুরূপ ভাব ও চেতনার তন্ত্রীগুলি বাস্তব এবং স্থপ্ত অন্তর্ভূতিগুলি জাগত হইয়া উঠে । তখন অন্তর্জগৎ, বহির্জগতের সহিত একই তানে রণিত হইতে থাকে এবং একই তালে নাচিতে থাকে । বাহিরের সহিত অন্তরের এই একতানঃহই ও একতালঃহই অন্তরের আনন্দ ;—সুতরাং মানব-হৃদয়ে উহাই বাহ্য জগতের “সৌন্দর্য্য” । এই সৌন্দর্য্যের অন্তর্ভূতিতে মন বহির্জগতের সহিত একপ্রাণ হইয়া পড়ে । মনোজগতে যেমন অন্তরের সহিত অন্তরের একপ্রাণতা-সাধনে মানব-হৃদয়ে প্রেমের প্রতিষ্ঠা ; তেমনি বহির্জগতের সহিত অন্তর্জগতের এই একপ্রাণতা-সাধনেই মানব-হৃদয়ে সৌন্দর্য্যের প্রতিষ্ঠা । “প্রেম” ও “সৌন্দর্য্য” —এই দুইটী অন্তর্ভূতিই মানব-হৃদয়ের পরম উপাদেয় উপাদান বস্তু —মানব-মনের মহাভাব ; সুতরাং এই দুয়ের পরম উৎকর্ষ সাধনই কবিদিগের চরম লক্ষ্য । এই দুই মহাভাবে যিনিই অনুপ্রাণিত, তিনিই মহাভাবুক ; এই দুই মহাভাবকে যিনিই সূচিত্রিত করিয়াছেন, তিনিই মহাকবি ; এবং এই দুই মহাভাবের চিত্রই মহাকাব্য । কালিদাসের এই মহাকাব্যে এই দুইটী মহাভাবই মৃতিমন্ত ! ঐ দুই মহাভাব অবলম্বন করিয়া, এবং তাহার সহিত আবশ্যকীয় কতকগুলি উপচিত্র সংযোগ

করিয়া, কবি এই সুন্দর সংসারপট আঁকিয়াছেন। সুনিপুণ চিত্রকরের ন্যায়, এষ্ট সকল উপচিত্রও তাহার প্রথম দৃষ্টি ও প্রচুর সাবধানতা। ইহাতে মূলচিত্র আরও ফুটিয়া উঠিয়াছে।

যে উপমা-গুণে “উপমা কালিদাসস্য” প্রবাদ-বাক্য প্রচলিত হইয়াছে, সেই উপমাগুলি গুণ এই কাব্যের অলঙ্কার ;—শ্লোকে-শ্লোকে মণিমুকুর ন্যায় জ্বল্-জ্বল্ করিতেছে! কলিঙ্গ-উপমাগুলি যেমন সুন্দর, তেমনই সুমার্জিত ও পরিপাটি ; ভাবের সৌন্দর্যকে যেন ফুটাইয়া তুলিয়াছে! অলঙ্কার-মণ্ডনে পার্শ্বভাষা যেমন ফুটিয়া উঠিয়াছিল, বিবিধ উপমাভূষণে কবির এই কাব্য-সুন্দরীও তেমনই, কুসুমভূষণে লতার ন্যায়, নক্ষত্র-ভূষণে রাশির ন্যায়, এবং বিহঙ্গ-ভূষণে নদের ন্যায়, পূর্ণসৌন্দর্যে দৃষ্টিয়া উঠিয়াছে!

কালিদাসের এই অপূর্ণ চিত্রশালিকার চিত্রগুলি একটু-একটু পরিচয় দিয়া, উদ্ভাসিতের সৌন্দর্যের প্রতি দৃষ্টি আকর্ষণ করিতেছি। সঙ্গে-সঙ্গে কাব্যের পরিকল্পনাটীও পাঠকের চক্ষে পরিষ্কৃত হইবে।

১। হিমালয়

গ্রন্থারম্ভে নগাদিরাজ হিমবান্। ছড়-হিমালয়ের নানাবিধ ঐশ্বর্যই কবির অসাধারণ তুলিকায় নগাদিরাজের রাষ্ট্রৈশ্বর্যে পরিণত হইয়াছে; ইহার অন্তরঙ্গ, ধাতুমস্ত শিখর-সকল, গজ, সিংহ, চমরী, কিম্বর-কিম্বর, বিজ্ঞান-বিজ্ঞানী ;—ইহার স্বাভাবিক বেণু-নিদা, সুরভি উপবন, পদ্ম-খচিত সরোবর, জ্যোতির্ময় ওষধি ;—এ সকলই হিমবানের অদিরাজ্যের পরিচয়। এ কাব্যে যেখানেই হিমবানের উল্লেখ আছে, সেইখানেই তাহা কাব্যাত্মরোমে স্পষ্টতঃ নগাদিরাজ জন্ম হিমবানের প্রতি প্রবৃত্ত হইলেও, তাহাতে স্বাবর হিমালয়ের প্রতি চমৎকার ইঙ্গিত লক্ষ্য এবং উপভোগ্য।

২। পার্শ্বতী

হিমবানের একমাত্র কণ্ঠ্য পার্শ্বতীর দৌলনারস্তু রূপ যেন ফুটিয়া উঠিল ! এই রূপ স্বভাব দিগন্তের লাবণ্যভাণ্ডার নিঃশেষিত হইয়া যাওয়ায়, তাহাকে পুনরায় লাবণ্য সৃষ্টি করিয়া পার্শ্বতীর রূপ স্বভাব সমাধা করিতে হইয়াছিল ! জগতের দাবতীর সৌন্দর্য যেন এই পার্শ্বতীতে একত্রীকৃত ! -

“সর্বোপমাদ্রব্য সমুচ্চয়েন যথা প্রদর্শনিনিবোধিতেন ।

স। নির্মিতা বিশ্বসৃজা প্রযত্নাদেকস্ত সৌন্দর্য-নিদ্রফলেন ॥”—(১'-৯৩)

৩। ব্রহ্মসমীপে দেবগণ

তাড়কাস্তর কর্তৃক উপদ্রুত দেবগণ, তাহাকে বধ করিতে সক্ষম, এমন এক মেনানী সৃষ্টির মানসে, ব্রহ্ম-সমীপে আসিয়াছেন । হতরাজা ও কৃতদাস সেই দেবগণের তখনকার মলিন-মুগ্ধা দেখিয়া এবং বৃহস্পতির মুখে তাঁহাদের দাসত্ব-দুর্দ্দশার কাহিনী শুনিয়া, মানুষ-যে-আমরা—আমাদেরও চক্ষে জল আসে !

৪। হিমালয়-প্রান্তে মহাদেব . . .

দক্ষ-রোষে সতীর প্রাণত্যাগের পরে, মহাদেব আসক্তিশূণ্য হইয়া, শাস্ত তপস্কার্থ হিমালয়ের এক প্রান্ত-ভাগে বাস করিতেছিলেন । দেবদারু-ক্রমে, গঙ্গা-প্রবাহে, মৃগনাভি-গন্ধে ও কিয়ত দিগের স্বস্বর সঙ্গীতে, এই অপোবনটী যেন শাস্তির আদাসভূমি ।

৫। ইন্দ্রসমীপে মদন

ইন্দ্রের আস্থানে মদন আসিয়া উপস্থিত । তাহার রতি-বলয়চিহ্নিত স্বক্ষে জগদ্বিখ্যাত সূচাক-বক্র পুষ্পবন । আসিয়াই—কি করিতে হইবে, তাহা না ওনিয়াই,—তিনি নিজমুখে নিজের ক্ষমতা খ্যাপন করিতে লাগিলেন ।

সে কি বিদ্যম দর্প ! কল্পর্পে যেন দর্প মৃতিমান্ ! শেষে, যখন তিনি সেই
দর্পের কোঁকে বসিয়া ফেলিলেন,—

“কুর্বাং হরস্তাপি পিনাকপাণে

ধৈর্য্যচ্যুতিং কে মম ধম্মিনোত্তমো !”—(৩—১০)

—তখনই মনে হয় যে, মদনের “পাখা উঠিয়াছে” ;—মদন যম-সদনেরই যাত্রী।

৬। রুদ্রাশ্রমে বসন্ত-বিকাশ

প্রিয় সহচর বসন্ত এবং ভাখা রতির সঙ্গে মদন রুদ্রাশ্রমে আসিয়া উপস্থিত
হইলে, বসন্ত তথায় স্ব-রূপ বিকাশ করিলেন। পনেরটি-মাত্র শ্লোকে কবি
এই বসন্ত বিকাশ চিত্রিত করিয়াছেন ; কিন্তু এমন জীবন্ত বসন্ত-চিত্র, বৃদ্ধি,
আর কোনও কাব্যেই নাই ! এই চিত্রে স্বাভাবিক বসন্ত-ঋতুটী যেন চক্ষের
উপরে দেখিতে পাওয়া যায়। মলয়-পবন, অশোক-কর্ণিকার-পলাশাদি
কুসুম, ভ্রমর-পংক্তি-সন্নিবেশিত সন্ত-মুগ্ধরিত চূতবাণ, তাহাতে নব-পল্লবের
পঞ্চ,—এ সকলই ঐ চিত্রে সূচক-চিত্রিত। শুধু তাহাই নহে ;—কে কি
করিতেছে, তাহাও ঐ চিত্রে কেমন চিত্রিত ! মদোদ্ধত যুগ কি করিয়া
বেড়াইতেছে ; চূতাকুরাস্বাদে গলা শানাইয়া পুংস্কোকিল কেমন স্বস্থরে কুত-
ধ্বনি করিতেছে ; ভ্রমর-ভ্রমরী কেমন করিয়া একই ক্ষুধমে মধুপান করিতেছে,
রুক্মনার কেমন করিয়া মৃগীর গাত্র কণ্ঠ্যন করিয়া দিতেছে ; আর, তাহাতে
মৃগী কেমন চক্ষু মুদিয়া পরম তৃপ্তি অনুভব করিতেছে ; করিণী কেমন করিয়া
করীর গায়ে জল ছিটকাইয়া দিতেছে ; চক্রবাক্ কেমন করিয়া প্রিয়াকে
আদর দেখাইতেছে ; কিয়রেরা কি করিতেছে—এমন কি, নবপল্লবিতা ও
পুষ্প-ভারাবনতা লতা-বধু কেমন করিয়া তরুকে আলিঙ্গন করিতেছে—
এ সকলই, কেমন সুন্দর চিত্রিত ! চক্ষের সমক্ষে যেন বসন্তের একটি
পূর্ণ ও জীবন্ত (“বায়ুস্কেপিক”) চিত্রপট !

৭। বসন্ত-প্রাচুর্ভাবে স্থাণু-বন

বসন্ত-প্রাচুর্ভাবে যখন সেই আশ্রম বিচলিত, তখন তাহারই মধ্যে, মহাদেবের তপোবনে লতা-গৃহ-দ্বারে নন্দী দাঁড়াইয়া ; তাঁহার বামহস্তে হেম-বেত্র, মুখে তর্জনী ;—নন্দী সঙ্কটে প্রমথগণকে এই বসন্ত-সঙ্কটে স্থির থাকিতে ইঙ্গিত করিতেছেন । নন্দীর শাসনে বসন্ত-প্রভাব সে স্থানটীকে স্পর্শও করিতে পারে নাই । চারিদিকে বসন্তের সেই বিচলতার মতো স্থাণু-বন প্রশান্ত, স্থির ও নিস্তব্ধ ! : সেখানকার সমস্তই যেন চিত্রাৰ্পিত !—

“নিষ্কম্পবৃক্ষং নিভৃতবিরেফং মৃকাণ্ডজং শাস্তমৃগপ্রচারম্ ।

তচ্ছাসনাং কাননম্বেব সৰ্ব্বং চিত্রাৰ্পিতারম্ভমিবাবতন্তে ॥” (৩—৪২)

৮। সমাধিস্থ মহাদেব

নন্দীর ভয়ে, নমেরু-বৃক্ষরাজীর অন্তরাল দিয়া মদন ঐ স্থাণু-বনে প্রবেশ করিয়া দেখিলেন—মহাদেব সমাধিস্থ !—বীরাসন, স্থির-কাষ, উত্তান-পাণি ; —ভুজঙ্গের সহিত উদ্বদ্ধ জটা-কলাপ, কর্ণাবলম্বী অক্ষমালা, অজিন-বাস ; —ক্ৰভঙ্কিবিহীন, অর্দ্ধ-নিমীলিত ও নাসাগ্রনিবিষ্ট দৃষ্টি !—সমাধি যেন মূর্তি-মান ! অন্তশ্চর বায়ুগণের নিরোধে মহাদেব তখন—

“অবৃষ্টি সংরম্ভমিবাম্ববাহ মপামিবাদারমমুত্তরঙ্গম্ ।

অন্তশ্চরাণাং মরুতাং নিরোধান্নিবাত নিষ্কম্পমিব প্রদীপম্ ॥”—(৩—৪৮)

৯। স্থাণু-বনে মদন

নন্দীর শাসনে স্থাণু-বনের সেই অবিচলিত ও প্রশান্ত ভাব দেখিয়া, মদন তথার প্রবেশ করিবা-মাত্রই শঙ্কিত হইয়াছিলেন ; এখন মহাদেবের ঐ প্রগাঢ়

সমাদি-মূর্তি দেখিয়া মদনের “চক্ষু স্থির” ! যে ধনুধর ইতিপূর্বেই উদ্ভ্রম কাছে
• সঙ্গীর পরাকাষ্ঠা দেখাইয়া বলিয়াছিলেন ;

“কুর্যাং হরস্তাপি পিণাকপাণে—

ধৈর্য্যচ্যুতিং কে মম ধম্মিনোত্তমো !”

সেই “ধনুধর” এখন, পিণাক-পাণির “ধৈর্য্যভঙ্গ” করা দূরে থাকুক,
তাহার মূর্তি দেখিয়াই ভয়ে একেবারে হতজ্ঞান ! “ধনুধরের” হস্ত-হুইতে
ধনুঃশর পড়িয়া গেল, তাহাঁও তিনি জানিতে পারেন নাই ! দম্পী কন্দাপের
এই বিসম দুর্গতি দেখিয়া হাসিও পায়, কান্নাও আসে ।

১০ । মদন-দহন

এমন সময়ে বসন্তপুষ্পাভরণা রক্তবস্ত্রধরী পার্শ্বতী, যেন সঞ্চারিণী
লতাটীর মত, শিবসেবার্থ যাইতেছিলেন । এই সর্বাঙ্গসুন্দরীকে দেখিয়া
মদন মনে একটু সাহস পাইলেন । তখন তিনি ধনুতে জ্বা আশ্ফালন করিয়া
দগুন দেখিলেন, মহাদেব ধ্যান হুইতে বিরত হইয়াছেন এবং সেবা-মালা
প্রদানার্থ পার্শ্বতী তাঁহার সন্নিহিত হইয়াছেন, তখনই উপযুক্ত অবসর মনে
করিয়া, তাঁহার পুষ্পধনুতে “সম্মোহন”-বাণ যোজনা করিলেন । অমনি,—
ঐ দেখ, মহাদেব কিঞ্চিং ধৈর্য্যচ্যুত হইয়া চাহিয়া দেখিলেন,—বনের প্রান্ত-
ভাগে মদন তাঁহার প্রতি বাণক্ষেপে সমুত্তত ! সেই সময়ে মদনের মূর্তি
মহাদেব যেমন দেখিয়াছিলেন, কবির তুলিকা-গুণে আজ আমরাও ঠিক যেন
তাহাই দেখিতেছি :—

“স দক্ষিণাপাঙ্গ-নিবিষ্ট-মুষ্টিং নতাংসমাকুঞ্চিত-সব্যাপাদম্ ।

দদর্শ চক্রীকৃত-চাক্র-চাপং প্রহতুমভ্যুদতমাস্থায়োনিম্ ॥”—(৩—৭০)

বাণক্ষেপী মদনের কি সুন্দর “ফোটো”-চিত্র !

এই দেখিবামাত্র মহাদেবের কোপোদয়,—কোপোদয় মাত্র তৎক্ষণাৎ জালানয় কপালাগ্নি-নির্গম এবং সেই অগ্নিতে নিমেষের মধ্যে মদন ভস্মীভূত !

১১। মহাদেবের সে-স্থান ত্যাগ

মদনের নিধন সাধন করিয়া, তপস্কার বিঘ্নকর দ্বীলোক-সন্নিবৃত্ত ত্যাগ করিবার মানসে, ভূতগণ-সহ ভূতপতি রোষে সে-স্থান হইতে প্রস্থান করিলেন।

১২। পার্শ্বতীর প্রত্যগমন

সখিদিগের সমক্ষে রূপের এই বার্থতায় পার্শ্বতী, ক্ষোভে ও লজ্জায় শ্রিয়মাণা হইয়া গৃহাভিমুখে চলিলেন। অমন রূপ এমন বার্থ হইল, মহাদেব একবার তাকাইয়াও দেখিলেন না ; পরন্তু সে-স্থানই ত্যাগ করিয়া চলিয়া গেলেন ;—ইহাতে কোন্ দ্বীলোকের ক্ষোভ না হয় ? আর, সখিদের সম্মুখে এইরূপ ঘটিলে, কোন্ রমণী লজ্জার শ্রিয়মাণা না হয় ?

১৩। পতিশোকাতুরা রতি

অকস্মাৎ এই অদ্ভুত বিপৎ-পাতে, রতি মূচ্ছিতা হইয়াছিলেন। ক্ষণেক পরে চেতনা পাইয়া রতি দেখিলেন যে, সত্য-সত্যই মদন নাই,—ধরাতলে কেবল পুরুষাকৃতি ভস্মরাশি পড়িয়া রহিয়াছে ! তখন ধরাবলুর্গনে ধূসরিতাঙ্গী বিকীর্ণ-কেশা রতির সেই মস্ম-ভেদী বিলাপে বনস্থলীও রতির দুঃখে সমহুঃখিনী হইয়াছিল ! রতি সৰ্ব্বদা একে-একে পূর্ব-সুখের কত-কথাই-না স্মরণ করিলেন ! পরে, পতির সহগামিনী হইতে উত্ততা হইয়া, রতি যখন বলিলেন,—

“শশিনা সহ যতি কৌমুদী সহ মেঘেন তড়িৎ প্রলীয়তে ।

প্রমদা পতিবত্মগা ইতি প্রতিপন্নং বিচেতনৈরপি ॥”—(৪—৩৩)

এবং পরে, প্রিয়গাত্রভঙ্গে অঙ্গ-রাগ করিয়া সখা-বসন্তকে চিতা-সজ্জা করিবার জন্ত কুতাজ্জলিপুটে বলিলেন,—

“কুসুমাস্তরণে সহায়তাং বহুশঃ সৌম্য গতত্বমাবয়োঃ ।

কুরু সম্প্রতি তাবদাশু মে প্রণিপাতাজ্জলিয়াচিতিশ্চিত্তাম্” ॥—(৪—৩৫)

—ইহা শুনিয়া পাষণ্ড গলিয়া যায় !

১৪ । গৌরী-শিখরে তপস্চারিণী পার্শ্বতী

রূপে শিবলাভ ঘটিল না দেখিয়া, পার্শ্বতী রূপের দিক্কার করিয়া, স্নেহময়ী জননীর নিষেধ না মানিয়া, অবশেষে পিতার অনুমতি লইয়া, তপস্চরণার্থ সগিসঙ্গ গৌরী-শিখরে আসিয়াছেন। তপস্তায় হয় শিবলাভ, না-হয় তপস্তাতেই দেহত্যাগ,—ইহাই পার্শ্বতীর প্রতিজ্ঞা ! প্রগাঢ় প্রেমের কি অপূৰ্ণ পূৰ্ণরাগ !

পার্শ্বতী এখন তপস্চারিণী ! শিরীষ-কুসুমাদিক স্নকুমার দেহে এখন বৃদ্ধল ; চামরলাঞ্ছন চাঁচর-চিকুরদাম এখন জটা-কলাপে পরিণত ; মেথলাম্পদ নিতুঙ্গে এখন কর্কশ তুণের রজ্জু ; চন্দন-চর্চিত ও মুক্তা-হার-শোভিত বক্ষে এখন বালারুণ-পিঙ্গল-বৃদ্ধল ; অধর-পল্লবে আব রাগ-রঞ্জন নাই ; সুকোমল অঙ্গুলিগুলি এখন কুশাকুর সংগ্রহে ক্ষত-বিক্ষত ; করে এখন অক্ষমালা ! পার্শ্বতী তপস্তা করেন ; আর, বিরামচ্ছলে মৃগগণকে আরণ্য-বীজাঞ্জলি দানে এবং বৃক্ষাদিকে জলসেচনে লালন-পালন করেন ;—এবং রাত্রিকালে কেবলমাত্র বাহুলতাকেই উপাধান করিয়া ভূমিতলে শয়ন করেন । স্নানান্তে হোম করিয়া, বৃদ্ধলের উত্তরীয় ধারণ করিয়া, পার্শ্বতী যখন স্তবপাঠ করেন, তখন তাহা শুনিতে মুনিগণও তথায় আসিয়া থাকেন ।

এইরূপ তপস্তাতেও যখন কোন ফল ফলিল না, তখন পার্শ্বতী গভীরতর তপঃসাগরে অবগাহন করিলেন—গ্রীষ্মে পঞ্চতপাঃ—অগ্নি-চতুষ্টয়ের মধ্যবর্তিনী

হইয়া, যখন তিনি সূর্যের দিকে তাকাইয়া থাকেন, তখন তাঁহার মুখমণ্ডল অতিতপ্ত হইয়া আরক্তকমলশ্রী ধারণ করে ! অযাচিত-লব্ধ মেঘবারি এবং স্রোতের সুধারশ্মিট তাঁহার পারণ-বস্ত্র ! এইরূপে বর্ষায় দিবানিশি অনাবৃত স্থানে থাকিয়া, শীত জলমনো থাকিয়া, পার্শ্বতী কুঙ্কুম-সাদা তপের সাধনে প্রবৃত্ত হইলেন । লাবণ্যময়ীর এই কঠোর তপে কঠিনদেহী তপস্বীরাও পরাজিত । তাই, কবি পার্শ্বতী সম্বন্ধে বলিয়াছেন, -

“কুবঃ বপুঃ কাঙ্কনপদ্যানির্মিতং —

যত প্রকৃতা চ সসারমেব চ ।”—(৫—১২)

গলিত-পদ্মহার তপের পরাকাষ্ঠা বলিয়া চিরপ্রসিদ্ধ ছিল । পার্শ্বতী তাহাও পরিত্যাগ করিয়া “অপর্ণা” হইয়াছেন । স্তম্ভৎ প্রেম-ব্রতের কি কঠোর সাধন !

১৫। এক জটীধারী পুরুষ ও পার্শ্বতী

পার্শ্বতীর ব্রতের কথা মহাদেব জানিতে পারিয়াছিলেন ; তদু পার্শ্বতীর মন পরীক্ষার নিমিত্ত, অর্থাৎ শিবানুরাগের গাঢ়তা পরীক্ষার নিমিত্ত, তিনি একদিন মৃষ্টিমান্ ব্রহ্মচর্যাশ্রম-স্বরূপ এক জটীধারী সন্ন্যাসীর বেশে সেই গৌরী-শিখরে আসিয়া, পার্শ্বতীর সমক্ষে উপস্থিত হইলেন । যথারীতি তপঃকুশলাদি প্রশ্নের পরে, তিনি পার্শ্বতীর এই কঠোর তপশ্চরণের কারণ জিজ্ঞাসু হইলে, সখী তাঁহাকে পার্শ্বতীর শিবানুরক্তি বিবৃত করিয়া কহিল । তখন চলনা করিয়া, সেই বৃদ্ধ ব্রহ্মচারী, মহাদেবের রূপগুণের নানা নিন্দাবাদ করিতে লাগিলেন । এই নিন্দাবাদের ভিতর গূঢ়ভাবে বেশ-একটু হাস্যরস আছে । কিন্তু ইহা-যে চলনা মাত্র, পার্শ্বতী তাহা জানেন না ; স্তব্রাং তিনি উহা প্রকৃত শিবনিন্দা ভাবিয়া, সন্ন্যাসীর সকল-কথাই শিবপক্ষে ব্যাখ্যা করিয়া, অবশেষে বলিলেন,—

“অনং বিবাদেন যথা শ্রুতমুদয়া তথাবিধ প্রাবদ্যে সমস্ত সঃ :

• • মমাত্র ভাবৈকরসঃ মনঃ দ্বিতঃ ন কামবৃত্তি বর্চনীয়মীকতে ॥”—(৫—৮২)

তখনও সম্মাসী আবার কিছু বলিতে উদ্যত হইলে, পার্শ্বতীর তাহা
অনহা হইল। তিনি সঙ্গীকে বলিলেন—সখি, বটুকে নিবারণ কর ;
কারণ,—

• “ন কেবলং যো মহতোঃ পভাসতে—

শৃণোতি তস্মাদপি যঃ স পাপভাক্ ।”—(৫—৮৩)

যিনি পূর্বজন্মে পিতৃমুখে শিবনিন্দা শুনিয়া প্রাণত্যাগে সে পাপের
প্রায়শ্চিত্ত করিয়াছিলেন, তিনি আবার শিবনিন্দা সহিবেন কেন ? পাছে
বটু আবার শিবনিন্দা করে, এবং পার্শ্বতীকে তাহা শুনিতে হয়, এই ভয়ে
তিনি সে-স্থান হইতে প্রস্থান করিতে উদ্যত হইলেন। তখন, মহাপ্রেমিক
মহাদেব পার্শ্বতীর প্রেম-ভাবে প্রীত হইয়া, তৎক্ষণাৎ নিজরূপ প্রকাশ
করিয়া, সহাস্তে পার্শ্বতীর হস্ত ধারণ করিলেন। পার্শ্বতীও মনঃ সাক্ষাৎ
মহাদেবকে সমক্ষে দেখিয়া, সার্বিক-ভাবে বিভোর হইয়া, “ন যদ্যো ন তদ্যো”
অবস্থায় দাঁড়াইয়া রহিলেন।

১৬। সপ্তর্ষিগণ

বিরাহার্থী মহাদেব, সপ্তর্ষিগণকে দিয়া হিমবানের কাছে কণ্ঠা-যাচনা
করাইবেন, এই মানসে তাঁহাদিগকে স্মরণ করিলে, অরুন্ধতী-সহ সপ্তর্ষিগণ,
তাঁহাদের প্রভামণ্ডলে বোমদেশ সমুজ্জলিত করিতে-করিতে, তৎক্ষণাৎ
মহাদেব-সমীপে আগমন করিলেন। এই সপ্তর্ষিগণের বর্ণনায় তাঁহাদের পবিত্র-
ব্রত, সৌন্দর্য, ও মাহাত্ম্য সুপরিব্যক্ত। মুক্তার যজ্ঞোপবীত, স্বর্ণের
বঙ্কল, এবং রত্নের অক্ষমালা ধারণ করিয়া, তাঁহারা বানপ্রস্থাবলম্বী কল্প-
বৃক্ষের ন্যায় দেখাইতেছেন ; আর তাঁহাদের মধ্যবস্ত্রিনী, পতিপদার্পিত-নেত্রা
অরুন্ধতী দেবী যেন মূর্ত্তিমতী তপঃসিদ্ধি !

১৭। হিমবানের রাজধানী

মহাদেবের সহিত পার্শ্বতর বিবাহ প্রস্তাব করিতে, সপ্তর্ষিগণ অরুদ্ধতাকৈ সাজ লইয়া, হিমবানের রাজধানী ওষধিপ্রস্তপূরে উপস্থিত হইলেন। এই ওষধিপ্রস্ত যেন দ্বিতীয় স্বর্গ! ধনসমৃদ্ধিতে ইহা অলংকারও অধিক এবং সৌন্দর্যে ইহা অমরাবতীর তায়। গঠনে ইহা সুরক্ষিত দুর্গ, অথচ শোভায় মনোহর! যক্ষ-কিন্নরেরা ইহার নাগরিক এবং বনদেবতার। ইহার যোষিৎ-বর্গ। এখানে জরা নাই, বার্দ্ধক্য নাই, যমভয় নাই, শত্রুভয় নাই। অধিক কি—সুখসম্ভোগে ইহা স্বর্গেরও অধিক! এইজন্য এই ওষধিপ্রস্ত দেগিয়া সপ্তর্ষিগণও ভাবিতে লাগিলেন যে, স্বর্গোদ্দেশে স্মৃতি-সঞ্চয়—শাস্ত্রের এ উপদেশ কেবল বঞ্চনা মাত্র।

১৮। হিমবান্-ভবনে-সপ্তর্ষি—বিবাহের ঘটকালি

সপ্তর্ষিগণ যখন বেগে ওষধিপ্রস্তে অবতরণ করিলেন, তখন তাঁহাদের শিরঃস্থ জটাভূট চিত্রিত-অনলের তায় দেখাইতেছিল। পরে, তাঁহারা যথাবৃদ্ধ-পুরঃসর হইয়া সারি দিয়া চলিতে লাগিলেন—দ্বিক যেন জলমগ্নো প্রতিবিম্বিত ভাস্কর-পংক্তি!

হিমবান্ তাঁহাদের প্রত্যাগমন করিলেন। এই স্থলে দ্বার্থঘটিত বর্ণনায় হিমবানের স্থাবর ও অঙ্গম উভয় মূর্তিই সুব্যক্ত।

অকস্মাৎ সপ্তর্ষিদিগের এই আগমানে হিমবান্ নিজেকে কিরূপ সম্মানিত জ্ঞান করিলেন, হিমবানের উক্তিতে তাহা কবি অতি সুন্দররূপেই দেখাইয়াছেন। হিমবানের উক্তিগুলি বিনয়ের পরাকাষ্ঠা;—

“অপমেঘোদয়ং বর্ষমদৃষ্টকুসুমং ফলম্।

অতর্কিতোপপন্নং বো দর্শনং প্রতিভাতি মে ॥”— (৬—৫৪)

* * * *

“অবৈমি পৃথমাঙ্গানং ছয়েনৈব দ্বিজোত্তমাঃ ।

মুর্দ্ধি গঙ্গা প্রপাতেন ধৌতপাদাস্তস। ৫ বঃ ॥” — (৬—৫৭)

* * * *

“ন কেবলং দরিসংস্রং ভাস্বতাং দর্শনেন বঃ ।

অন্তর্গতমপাস্তং মে রজসাহপি পরং তমঃ ॥” — (৬—৬০)

জঙ্গম-হিমবানের এই-সব উক্তিতে তাঁহার স্বাবর-রূপও বেশ কটকা উঠিয়াছে । •ইহাই এ বর্ণনার নিগূঢ় সৌন্দর্য ।

ঋষিদিগের পক্ষ হইতে অগ্নিরাঃ হিমবানের যথোচিত সাধুবাদ করিয়া তাঁহার সম্মাননা ও সংবর্দ্ধনা করিলেন । এই-সব কথাও হিমবানের স্থানরূপে জঙ্গম উভয়-রূপকেই লক্ষ্য করিয়া দ্ব্যর্থ-ভাবে কথিত ।

তাঁহার পরে, বিবাহ-প্রস্তাব ও ঘটকালি । যেমন মহতের বিবাহ-প্রস্তাব, তেমনই সুপণ্ডিত ঘটক ;—সুতরাং ঘটকালিও হইল উচ্চ-অঙ্গের । অবশেষে অগ্নিরাঃ হিমবান্কে বলিলেন,—

• “উনা বপুর্ভবান্ দাতা যাচিতার ইমে বয়ম্ ।

বরঃ শাস্তুরলং হোম অংকুলোদ্ভূভয়ে বিধিঃ ! — (৬—৮২)

অন্তোভূঃ স্তুষ্মানশ্চ বন্দ্যস্তানশ্চবন্দিনঃ ।

• সূতাসহস্রবিধিনা ভব বিশ্বগুরোগুরুঃ ॥” — (৬—৮৩)

এই বলিয়া সপ্তর্ষিগণ ঘটকালির চূড়ান্ত করিলেন ।

এই-সব কথার সময়ে পার্শ্বতী পিতার পার্শ্বে বসিয়া, মাথাটা হেঁট করিয়া, লীলা-কমলের পাপড়ি গুণিতেছিলেন ।

মেনকার মন বুঝিয়া শৈলরাজ কণ্ঠা-দানে সম্মত হইয়া, পার্শ্বতীকে কহিলেন—বৎসে, তুমি দেবাদিদেব মহাদেবের জ্যেষ্ঠ ভিক্ষা-স্বরূপে নির্দিষ্টা ; এখন ইহাদিগকে প্রণাম কর ।—পার্শ্বতী প্রণাম করিতে থাকিলে, হিমবান সপ্তর্ষিগণকে বলিলেন—এই “ত্রিলোচন-বধূ” আপনাদিগকে প্রণাম

করিতেছেন। তখন আশীর্বাদ করিয়া, অকৃত্তী নেটে লজ্জানীলা পার্শ্বতীকে নিম্ন-কোড়ে বসাইলেন।

১৯। পার্শ্বতীর প্রসাধন

মাস্তুলিক স্নানাদি সমাপনান্তে, প্রসাধিকাগণ 'অলঙ্কার-রাশি' লইয়া পার্শ্বতীর সমক্ষে বসিলেন—পার্শ্বতীকে অলঙ্কারে সাজাইবেন বলিয়া। কিন্তু সাজাইবেন কি, বিনা-অলঙ্কারেই পার্শ্বতীর অপরূপ শ্রী দেখিয়া তাঁহারা অবাক! তবু তাঁহারা পার্শ্বতীর সর্বাঙ্গ,—যেখানে: যা শোভা পায়, তাই দিয়া,—সাজাইতে লাগিলেন। ভূষিত অলক-নামে সে মুখের কি স্বন্দর শ্রীই হইল!—

“লগ্নদ্বিরেকঃ পরিভূয় পদ্মঃ সমেনরেণঃ শশিনশ্চ বিশ্বম্।

তদাননশ্রীরলকৈঃ প্রসিদ্ধৈশ্চিচ্ছেদ সাদৃশ্য-কথা-প্রসঙ্গম্॥”—(৭—১৬)

অলঙ্কার পরিতে-পরিতে পার্শ্বতীর শ্রী যেন ফুটিয়া উঠিতে লাগিল;—

“স। সম্ভবন্তিঃ কুসুমৈলতেব জ্যোতির্ভিকৃৎস্তিরিব ত্রিযামা।

সরিদ্বিহ্নৈরিব লীয়মানৈরামুচ্যমানাভরণা চকাশে॥”—(৭—২১)

মণ্ডন-কার্য সমাপ্ত হইলে, মেনকা আনন্দ-বাষ্পাকুল-লোচনে পার্শ্বতীর ললাটে মাস্তুলিক তিলক প্রদান এবং হস্তে মঙ্গল-মৃত্ত বন্ধন, করিলেন। তখন নব-বস্ত্র পরিয়া এবং দর্পণ হাতে করিয়া পার্শ্বতী, ফেনপুঞ্জাচ্ছাদিত ক্ষীরোদ-বেলার ন্যায় এবং পূর্ণচন্দ্র-শোভিতা শরদ্রাজির ন্যায়, শোভা পাইতে লাগিলেন।

২০। মহাদেবের বিবাহ-সজ্জা

এদিকে সপ্তমাতৃকাগণ মহাদেবকে প্রথম-বিবাহের যত করিয়াই সাজাইবার জন্য প্রসাধন-সামগ্রী আনিয়া, কুবের-শৈলে তাঁহার সমক্ষে রাখিলেন। মহাদেব তাহা কেবল-মাত্র স্পর্শ করিয়া, মাতৃকাগণের সম্মান বক্ষা করিলেন; কিন্তু কোন সামগ্রীই গ্রহণ করিলেন না। তাঁহার

অঙ্গের স্বাভাবিক ভস্ম-কপালাদিষ্ট ভাবাস্তর-প্রাপ্ত হইয়া বিবাহোপযোগী বেশ-
 সূচায় পরিণত হইল। মহামোগীর যোগ-বলে কি না হয়? ভস্ম, শুভ্র
 অঙ্গরাগ হইল; কপাল, শিরোভূষণ; গজাঙ্গিন, চকুল; পিঙ্গল-তার ললাট-
 নেত্র, হরিতাল-তিলক; এবং যোগানকার যে ভূঙ্গ, সে সেইথান-
 কারই অলঙ্কার হইল—কেবল, ভূঙ্গ-মণিব কোন পরিবর্তন হইল না,—
 উহা ঐ-ঐ-অলঙ্কারের মণি-রূপেই শোভা পাইতে লাগিল। আর, যাহার
 শিরে অকলঙ্ক শিশু-শশী দিব্যনিশি কিরণ-কান্তি বিকীরণ করিতেছে, তাহাব
 আর অন্য চূড়া-মণিতে কি প্রয়োজন?

২১। বর-যাত্রা

সজ্জা সমাপ্ত হইলে, মহাদেব নন্দীর হাতে ভর দিয়া, বাহুচন্দ্রাস্বত-পাঠ
 ক্রমভে উঠিয়া বসিলেন। কৈলাস-সম বৃহৎকায সেই বৃষভ, এখন যেন
 ভক্তি-সঙ্কচিত দেহ!

মহাদেবের পশ্চাতে সপ্তমাতৃকা। গতি-নিবন্ধন চঞ্চল কুণ্ডলের শোভায়
 এবং প্রভামণ্ডলে, তাহাদের মুখশ্রী নীলাকাশকে যেন পদ্মাকর সরোবর
 করিয়া তুলিল!

কনক-প্রভা-মাতৃকাগণের পশ্চাতে কপালাভরণা কালী—ঠিক যেন সম্মুখে
 বিদ্যাদুর্গীরণ করিয়া নীল-মেঘরাজী বলাকামালায় শোভা পাইতেছে!

প্রমথগণের তৃষা-নাদে দেবতার। আসিয়া শিবসেবার্থ বরযাত্রায় যোগ
 দিলেন :—

মূর্খা, বিশ্বকর্মার নিশ্চিত নূতন চত্র শিব-মন্ত্রকোপরি ধারণ করিলেন;
 মৃতিমতী গঙ্গা-যমুনা, মহাদেবকে চামর-বাজন করিতে লাগিলেন; ব্রহ্মা ও
 বিষ্ণু, শিব-সমক্ষে আসিয়া জয়োচ্চারণ করিলেন; ইন্দ্রাদি লোকপালগণ
 চত্র-চামর ও বাহনাদি নিজ-নিজ গৌরব-চিহ্ন পরিত্যাগ করিয়া, পদব্রজে ও

বিনীত-বেশে আসিয়া, কুতাঞ্জলিপুটে মহাদেবকে প্রণাম করিলেন। সপ্তর্ষি-গণ ত সেই বরদাতায় আছেনই। গন্ধর্ব-গায়ক বিগ্রাবস্থ, মহাদেবের ত্রিপুর-বিজয়াদি গুণ-গান করিতে লাগিলেন।

এইরূপে বরদাতা পর্বত-রাজের নগরাভিনুখে চলিল।

২২। বর-দর্শনে পুর-সুন্দরীদের লালসা ও কৌতুক

পর্বতরাজকণ্ঠা পার্বতীর বর—সেই লোকবিশ্রুত মহাদেবকে দেখিতে পুরন্দরীরা লালসিত। বর আসিতেছেন শুনিয়া, সকল-কক্ষ ছাড়িয়া প্রাসাদ-গবাক্ষে যাইতে তাঁহাদের যেরূপ ব্যস্ততা কবি চিত্রিত করিয়াছেন, তাহা অতি সুনির্মল হাস্য-রসের উদ্দীপক। তাড়াতাড়ি সুন্দরীরা যখন গবাক্ষ-মুখে আসিয়াছেন, তখন কাহারও হাতে আলুলায়িত কেশপাশ—দ্রুত আসিতে খোঁপা খুলিয়া গিয়াছে, মালা পড়িয়া গিয়াছে; কাহারও এক চক্ষু মাত্র অঙ্গন-রাগ-রঞ্জিত, তিনি সেই অঙ্গন-শলাকা হাতে করিয়াই গবাক্ষে উপস্থিত; কাহারও পায়ের দ্রব অলক্তক-রাগে গবাক্ষ পর্য্যন্ত সারা-পথ অলক্তকাক্ষিত; কাহারও হস্তে শিথিল বসন-গ্রন্থি—দ্রুত আসিতে তাঁহার নীবিবন্ধ খুলিয়া গিয়াছিল, তিনি তাহা বাঁধিতে সময় পান নাই; কাহারও অঙ্গুষ্ঠে মুক্তা-মালার শুধু সূত্রটি রহিয়াছে—তিনি মালা গাঁথিতেছিলেন, তাড়াতাড়ি আসিতে সেই অসমাপ্ত মালার মুক্তাগুলি প্রতি-পদক্ষেপে একটা-একটা করিয়া খুলিয়া পড়িয়া গিয়াছে।

শিব-সন্দর্শন-পিপাসা সুন্দরীদের যেন তৃপ্ত হয় না! তাঁহারা সর্বেন্দ্রিয়কে চক্ষুগত করিয়া, সেই চক্ষু দ্বারা শিব-রূপ যেন “পান” করিতে লাগিলেন। আর, মুখে কেবল—“আহা আহা! মরি মরি! কুসুম-কোমলা পার্বতীর “অপর্ণা” হওয়া সার্থক; এমন পুরুষ-প্রবরের অঙ্ক-লক্ষ্মী হওয়ার ত কথাই নাই, উহার দাসী হওয়াও সৌভাগ্যের কথা! এখন বুঝা গেল যে, মদনকে

ইনি দৃষ্ট করেন নাই ; নিশ্চয়ই ইহার অপরূপ রূপ দেখিয়া মদন নিজেই দেহুত্যাগ করিয়াছে !”

২৩। বর-বধূর যুগল মূর্তি

যে হরগৌরীর অধিষ্ঠান-প্রভাবে সংসারের বর-বধূ-মায়েই বিবাহ-কালে স্বকাস্তি ধারণ করে, আজ স্বয়ং সেই হরগৌরীই বর-বধূ ! স্তব্ধ বিবাহের সময়ে তাঁহাদের অপরূপ শ্রী হইল, তাহা বলাই বাহুল্য। যথারীতি উদ্ভাস-ক্রিয়া সমাপ্তির পরে বর-বধূ, গুরুজনদিগকে প্রণাম করিয়া, কুসুমাস্ত্রিত বেদীর উপরে স্ববর্ণাসনে আসীন হইলে, লক্ষ্মী তাঁহাদের মস্তকোপরে দীর্ঘনালাদণ্ড কমল-ছত্র ধারণ করিলেন ; তখন সেই কমলদলের প্রান্তলগ্ন শিশির-বিন্দুজালে চত্বের মুক্তাফল-শোভা সম্পাদিত হইতে লাগিল ! সরস্বতী তখন বরকে সংস্কৃতে এবং বধূকে প্রাকৃত্তে স্তুতি করিলেন।

*

*

*

*

• এই-সব চিত্রে স্পষ্টই দেখা যায় যে, এই কাব্যের পরিকল্পনায় পাত্র-পাত্রীগণ কেহই প্রাকৃত মানব-মানবী না হইলেও, কাব্যের উদ্দিষ্ট বিষয় এবং সেই প্রসঙ্গে তাঁহাদের কাব্য-কলাপ—সবই পূর্ণমাত্রায় মানবতা-মণ্ডিত। বলা বাহুল্য, তাহা না হইলে উহাতে মানবের উপভোগ্য রসাদি থাকিতেই পারিত না।—এ কাব্যে দেবাদিদেব স্বয়ং মহাদেব বিপক্লীক ; এবং বয়সের গাছ-পাথর না থাকিলেও, ঐ অবস্থায় সাধারণ মানবেরই মত পুনরায় দার-পরিগ্রহে সমুৎসুক। ইনিই এ কাব্যে নারক। এমন-যে জড়াগ্রগণ্য হিমালয়-পর্বত, তাহা এ কাব্যে বজ্র-ভাগাধিকারী ও নানা-রাষ্ট্রস্বর্গ-বিশিষ্ট পর্বতাধিরাজ হিমবান্। সপ্তর্ষিগণকে প্রত্যাগমনার্থ ইনি যখন অর্ঘ্য-হস্তে, গুরু-পাদ-বিক্ষেপে বেদিনীকে কাপাইরা চলিতে থাকিলেন, তখন সেই রক্তাধর, প্রাণ্ড-দেহ, দীর্ঘ-ভুজ, শিলা-বক, হঠে-পুটে ও তার-পরিষ্ঠ সচল পুরুষটিকে হিমালয়-পর্বত

ভাবে কাহার সাধ্য ? তাই কবি স্বয়ংই বলিয়া দিয়াছেন—“হিমবানিতি” । বাস্তবিক, এ কাব্যে হিমবান্ মহেশ্বর্যবান্ গৃহ্যত । ইহার রাণী মেনকা এবং পুত্র-কন্যাও আছে । এই কন্যাই পার্বতী—এ কাব্যের নায়িকা । পার্বতীর পরিণয়ই কুমারসম্ভবের (এ অংশের) উদ্দিষ্ট বিষয় । এই বিবাহ-ব্যাপারেও কোথাও তাত্‌কালিক মানব-সামাজিকতা হইতে চ্যুতি লক্ষিত হয় না—রোমান্টিকতার প্রলোভনেও না । উপরে উক্ত ১ঃ সাক্ষক চিত্রে, যখন ছন্দ-বেশী মহাদেবের মুখে শিব-নিন্দা শুনিয়া পার্বতী বিরক্ত ভাবে চলিয়া যাইতে উচ্চতা, তখন মহাদেব নিজমূর্তি ধারণ করিয়া পার্বতীর হস্ত ধারণ করিলে, পার্বতী সাঙ্ঘিক-ভাবাপন্ন হইয়া “ন যযৌ ন তনৌ” অবস্থা প্রাপ্ত হইলেন । তখন মহাদেবও বলিলেন—“তবান্মি দাসঃ” । রোমান্টিক কবিদিগের কাব্যে ইহাই “পরিণয়” বলিয়া গণ্য হইতে পারিত । কিন্তু কালিদাস তাহা করেন নাই ; পার্বতীও নিজেকে “পরিণীতা” জ্ঞান করেন নাই ;—তিনি সখি-মুখে মহাদেবকে জানাইলেন—“দাতা মে ভূভূতাং নাথঃ প্রমণীক্রিয়তা-মিতি”—ভূধরেশ্বর হিমবান্ আমার সম্ভ্রাতা, ইহাই আপনি সম্ভ্রমণ করুন । ইহাই হিন্দুর গার্হস্থ্য-ধর্মোচিত সুন্দর মানবতা বা সামাজিকতা । বাস্তবিক, পারিবারিক ও সামাজিক সম্বন্ধাদি বাদ দিয়া কেবল মাত্র ব্যক্তিগত নর-নারীর “কপোত-কপোতী সম” মিলন কেবলমাত্র ভাব-রাজ্যের ব্যাপার ; সীতি-কাব্যাদিতে শোভন ও উপভোগ্য হইলেও কাব্য-নাট্যাদি সংসার-চিত্রে, বাহ্যতে নানাক্রমে, নানা-রঙ্গে, নানা-রসের উদ্ভাবনা করিতে হয়, সেখানে শুধু ভাব-গত প্রেম দ্বারা নানাবিধ রূপ কোটান একেবারেই অসম্ভব । এই জন্যই সর্বত্রই কাব্য-নাট্যাদি মানবতা-মণ্ডিত হইয়া থাকে । পুরাণে হর-পার্বতীর কাহিনীটিতে বেশ মানবতা বিদ্যমান এবং আরও মানবতার অবসর আছে বলিয়া, কালিদাস উহা তাঁহার কাব্যের বস্তুরূপে গ্রহণ এক তাঁহার অসাধারণ তুলিকাপাতে এক মনোহর সংসার-পট রচনা করিয়াছেন ।

তরকার-বদোপায়ে সেনানী-সৃষ্টি ইহার ভূমি ও অগ্র-পশ্চাৎ ভাগ ;
 অন্যান্য চিত্রগুলি ইহার আনুষঙ্গিক ও পারিপার্শ্বিক ; এবং ঐ আদর্শ প্রেমমূর্তি
 হর-পার্বতীই এই মহাপটের কেন্দ্র-স্বরূপ । বিস্তৃত প্রেম এই মহালেখ্যের
 লক্ষ্য বস্তু ও মঞ্চ ; ভাব-চিত্রণে ভাবোদ্দীপনা ইহার সৌন্দর্য্য ; পরিপাটী ভাষা
 ইহার বণ, এবং সুমার্জিত উপমারাজী ইহার সমুজ্জ্বল অলঙ্কার । ইহার
 সর্ব্বাংশই সুচিহ্নিত ও সৌন্দর্য্যময় । কবির কথ্যতেই তাঁহার এই অল্পম
 কাব্যের উপমা দিয়া, “গজাজলে গজা-পূজা” করি—প্রসাধনান্তে পার্বতীর
 বিকশিত-শ্রী ও সন্মান-পরিপুষ্ট বরবপুর জায়, এই কাব্যখানিও —

“উন্নীলিতং তুলিকয়েব চিত্রং—

সূর্য্যাংগুভির্ভিন্ন মিবাবিন্দম্ ।”—(১—৩২)

"I revere the rhythm as well as the rhyme by which poetry becomes poetry : but that which is really, deeply, and fundamentally effective—that which is really permanent, and furthering, is that which remains of the poet when he is translated into prose."

(Goethe on Shakespeare)

দ্ব্যতিমন্ত রত্ন-সকল ও মহোষধি-সকল লাভ করেন, তখন তাঁহারা এই হিমালয়কেই ঐ গো-রূপা ধরিত্রীর বংশ-স্বরূপ করিয়াছিলেন।—

হিমালয়কে “গো-রূপা ধরিত্রীর বংশ-স্বরূপ” বলায় মাহুশ্মেহাস্পাদভ-হেতু হিমালয়ের সারগ্রাহিত্ব সূচিত। দোহনের পূর্বে গো-বংশ মাহুশ্মেহের সার-ভাগ পান করিয়া থাকে।

(এই পৃথিবী-দোহন আখ্যায়িকা-সংক্ষেপে বিস্তারিত বিবরণ শ্রীমদ্ভাগবতে ৪র্থ স্কন্ধে ১৮শ অধ্যায়ে আছে ।)

৩।—এই হিমালয় অনন্ত রত্নের আকর বলিয়া, শুধু একমাত্র নৈত্য-দোষ ইহার সৌন্দর্য্য-সৌভাগ্য বিলোপ করিতে পারে নাই;—যেমন চন্দের (স্নিগ্ধ) কিরণ-রাশির মধ্যে তাঁহার একমাত্র কলঙ্ক-দোষ ডুবিয়া যায়, গুণরাশির মধ্যে একমাত্র দোষও সেইরূপ।—

হিমের আশ্রয় হইলেও, হিমালয় অনন্তরত্নের আকর বলিয়াই চির-প্রসিদ্ধ।

৪।—এই হিমালয় তাঁহার (সু-উচ্চ) শিখর-সকলের দ্বারা (সিন্দুর-গৈরিকাদি-সম্বলিত) ধাতুমস্তা ধারণ করিয়া আছেন। তাঁহার শিখরগুলির এই ধাতুমস্তা (দৃশ্যতঃ ও কার্য্যতঃ) ঠিক যেন অকাল-সঙ্ক্যার মত ; ধাতুমস্তা-জনিত এই অকালসঙ্ক্যা-শ্রী দেখিয়াই হিমালয়ের অঙ্গসরাগণ প্রকৃত-সঙ্ক্যা-ভ্রমে সাঙ্ক্য-বেশভূষাদি-কার্য্য স্বরায় সম্পাদন করিতে প্রবৃত্ত হয় ; কখনও বা স্বরা-হেতু অলঙ্কারাদির বিপরীত বিশ্বাসও করিয়া ফেলে।—

সূর্যাস্তকালে অমৃতগাম্যঃ সূর্যোর কিরণমালা বিচ্ছিন্ন মেঘখণ্ড-সকলের উপরে সংক্রমিত ও প্রতিফলিত হইয়া রক্তিম-রাগ-সম্পন্ন এক প্রকার বিশিষ্ট ৩ উৎপাদন করে, যাহা দেখিলেই বুঝা যায় যে, সন্ধ্যাকাল সমাগত। হিমালয়ের মেঘসম্পর্শী শিখরসকলের সিন্দূর-গৈরিকাদি ধাতুরাগও সন্নিবিষ্ট-সঞ্চারী মেঘসকলে সংক্রমিত ও প্রতিফলিত হইয়া আকাশে সন্ধ্যা-৩র অনুরূপ ৩ উৎপাদন করিয়া অমরদিগের মনে অকাল-সন্ধ্যা-ভ্রম জন্মাইয়া দেয়।

হিমালয়ের শিখরসকল সিন্দূর-গৈরিকাদি ধাতুময় এবং হিমালয় অমরদিগের বিহারস্থল ; ইহাই বর্ণিত হইবে।

৫।—সিন্ধুগণ এই হিমালয়ের নিতম্ব-প্রদেশ-সঞ্চারী মেঘ-মণ্ডলের অধস্তটস্থ ছায়া উপভোগ করিয়া, শুধু বৃষ্টি-ক্লেশ দূরীকরণার্থ, ইহার আতপবস্ত্র শিখর-দেশ আশ্রয় করিয়া থাকেন।—

হিমালয় অগ্নিমানি-সিন্ধু দেবঘোনি-বিশেষেরও বাসযোগ্য ভূমি, এবং ইহার শৃঙ্গসকল মেঘমণ্ডলাতিক্রমী স্ব-উচ্চ,—যেহেতু মেঘমণ্ডল ইহার “নিতম্বপ্রদেশ-সঞ্চারী” মাত্র।

৬।—এই হিমালয়ে তুষার-ক্ষতি-নিবন্ধন, রক্তচিহ্নসকল ধৌত হইয়া যাওয়ায়, কিরাতগণ, গজ-হননকারী কেশরীদিগের পাদপ্রক্ষেপ-স্থান দেখিতে না পাইলেও, ঐ সকল গজহস্তা সিংহগণের নখরক্ক-মুক্ত গজমুক্তা-সকল দেখিয়াই, সিংহদিগের গমন-মার্গ জানিতে পারে।—

হিমালয়ের ব্যাধসকল সিংহঘাতী এবং গজসকল মুক্তাকর, ইহাই ভাব। সিংহের পশুরাজ্য-হেতু হিমালয়ের ব্যাধগণের, এবং মুক্তাকরক-হেতু হিমালয়ের

গজগণের শ্রেষ্ঠতা ; এবং এই উভয়ের বাসস্থান বলিয়া অনাগ্র পক্ষতাপেক্ষা হিমালয়ের উৎকর্ষ ।

৭।—এই হিমালয়ের ভূর্জবৃক্ষের বৃক্ষ-সকল সিন্দূরাদি দ্রব ধাতুরস-চিহ্নিত হওয়ায় ঠিক যেন শ্রুশ্রাক্ষরবৎ প্রতীয়মান হয় ; এবং ধাতুরসের রক্তবর্ণ-হেতু এই সকল ভূর্জবৃক্ষ দেখিতে পদ্মকাথা কুঞ্জর-বিন্দু সকলের মত রক্তবর্ণ । তাহাতে এই ভূর্জবৃক্ষসকল বিজ্ঞাধরী-সুন্দরীদিগের অনঙ্গ-লেখার (প্রেম-পত্রীর) কার্য্য করিয়া তাহাদের উপকার করে ।—

প্রেম-পত্রীর জায় এই অক্ষুণ্ণিও ‘শ্রুশ্রাক্ষরবৎ’ ও ‘রক্তবর্ণ’ ; সুতরাং হিমালয়ের দিব্যাক্ষনাদের বিহারোপযোগিত্ব-সূচক ।

৮।—বংশী-বাদক যেমন মুখোথিত বায়ুদ্বারা বংশীর ছিদ্র-ভাগসকল পূর্ণ করতঃ স্বরোৎপাদন করিয়া গায়কের সহিত তান দেয়, এই হিমালয়ও তদ্রূপ স্বীয় গুহামুখোথিত বায়ুদ্বারা কীচক-নামক বেণু-বিশেষের রক্তভাগ-সকল পূর্ণ করতঃ এক উচ্চস্বর নির্গত করিয়া, তদ্বারা উচ্চ-গ্রাম-গায়ক কিন্নরদিগের সহিত যেন তানপ্রদান করিতেই ইচ্ছা করিতেছেন।—

হিমালয় দেব-গায়ক কিন্নরদিগের বাসস্থান এবং তাহাদের গীতাভ্যাসাদির উপযোগী ।

৯।—এই হিমালয়ে, গণ্ডস্থল-কণ্ঠ-অপনয়নার্থ গজগণ কর্তৃক ঘর্ষিত হওয়াতে, সরল দ্রুমসকলের গাত্র হইতে সুগন্ধ ক্ষীর নিঃসৃত হইয়া সান্নিদেশসকলকে সুব্রতি করিতেছে।—

ইহাতে হিমালয়ের গজাকরত্ব ব্যক্ত ।

১০।—এই হিমালয়ে রাত্রিকালে ওষধি-বৃক্ষ-সকলের জ্যোতিঃ কন্দর-গৃহাভ্যন্তরে প্রবেশ করাকে, উহা তথায় বনিতা সজ্জিত রমমান কিরাতদিগের তৈলসেকানপোক্ষী সুরত-প্রদীপের কাঁচা করিয়া থাকে।—

প্রদীপ জাশিয় আলোক করিতে গেলে, উহাতে তৈল-নিষ্কেপ প্রযোজন হয়, কিন্তু এই ওষধি-জ্যোতিতে সে প্রযোজন নাই, অথচ প্রদীপের কাঁচা হইতেছে।

১১।—এই হিমালয়ের ঘনীভূত-চিম-বহুল পথ অশ্বমুখা কিন্নরস্বীদিগের পদাঙ্গুলি ও পার্শ্বভাগের ক্রেশদায়ক হইলেও, তাহারা নিতম্ব-ও-পয়োধর-ভার-পীড়িতা বলিয়াই মন্দগতি ত্যাগ করিতে পারেন না।—

হিমমণ্ডিত পথ পাদপীড়াকর হইলেও, কিন্নর-ঈগণ গুরু-নিতম্ব ও পীন পয়োধর-ভার হেতু শীঘ্র চলিতে অক্ষম।

১২।—এই হিমালয়, পেচকের ঘায় দিবাভাঁত ও গুহালীন অন্ধকারকে দিবাকর হইতে রক্ষা করিয়া থাকেন; যেহেতু, শরণাগত সজ্জনের প্রতি উচ্চশিরঃ (উন্নত) লোকদিগের যেমন মমতাভিমান হয়, শরণাগত জন ক্ষুদ্র (নীচ) হইলেও তাহাদের প্রতি তাহাদের তেমনই মমতাভিমান হইয়া থাকে।—

হিমালয় যেমন আকৃতিতেও উচ্চশিরঃ, তেমনই প্রকৃতিতেও উচ্চশিরঃ অর্থাৎ উন্নত। তাই তাহার মহতোচিত এই ক্ষুদ্র-সংরক্ষণ।

১৩।—এই হিমালয়ের চমরীগণ ইতস্ততঃ তাহাদের সুশোভন লাদুল বিক্ষেপ করিয়া চন্দ্র-কিরণ-শুভ্র চামর বাজন দ্বারা হিমালয়ের “গিরিৰাজ” অখ্যাত করিতেছে।—

ভূতা কড়ক চামরবাজন রাজ-চিহ্ন।

১৪।—এই হিমালয়ে, বহুক্ষেপনিবন্ধন আশ্রয় লজ্জিতা কিন্নরদ্বাদিগের পক্ষে শুভ্র-শুভ্র-দ্বারাবলম্বা মেঘমণ্ডলগুলি যবনিকার কাৰ্য্য করিয়া থাকে।—

আচ্ছাদনের কাৰ্য্য করিয়া, মেঘ-বন্ধন করিয়া দিগের লক্ষ্য নিবারণ।

১৫।—এখানকার বায়ু ভাগীরথী-নিবাহী-শীতল-বহা, (সুতরাং শীতল ও শীতল) ;—পুষ্পিত দেবদারুগণকে মুহুমুহ কাপাইয়া উহা প্রবাহিত হইতেছে, (সুতরাং সুবতি) ;—এবং, এমন বহুবাহুসম্পন্ন যে, উহা কড়ক কিবাতদিগের কঠিবন্ধ শিখণ্ডবহ ভিন্ন হইতেছে নাত্র।—মৃগয়া-ক্লিষ্ট কিবাতেরা হিমালয়ের এই (শীতল, সুবতি ও বহু) বায়ু সেবন করিয়া শ্রান্তিদূর করিয়া থাকে।—

১৬। এই হিমালয়ের উদ্ধাদেশস্থিত সারোবরের প্রস্ফুটিত গন্ধগুলি সপুষিগণ অতি প্রাতে নিজ হস্তে অবচয়ন করিয়া লইয়া গেলে, যে-সব (অন্ধ-প্রস্ফুটিত) পদ্য ভবশষ্ট থাকে, অধাদেশ-ভ্রমী সৃষ্টি তাহার উদ্ধমুখ কিরণদ্বারা এই অবশিষ্ট গন্ধগুলিকে প্রস্ফুটিত করেন।—

অগ্নি পান্থিক সরোবরের পশ্চিমকূল ঘুরে অদেবী রশ্মি দ্বারা প্রস্ফুটিত হয়; কিন্তু হিমালয়ের এই উদ্দেশ্য মাত্রওমণ্ডলাপেক্ষাও উচ্চে অবস্থিত শিল্প, সূর্যকে তাঁহার উদ্ভাস কিরণ দ্বারা তথাকার পদাঙ্কলিকে ফুটাইতে হয়।

সপর্ষিগণ তথায় নিজে হস্তে পদ্মাবচয়ন করেন; ইহাতে বৃদ্ধিত হইবে,—
হিমালয়ের এই উদ্দেশ্য সপর্ষিগণের সন্নিবর্তন।

১৭।—এই হিমালয় যজ্ঞসাধনোপযোগী সর্বপ্রকার দ্রব্যাদির জন্মস্থান এবং তিনি ভূভার-ধারণোপযোগী বলেরও অধিকারী; ইহা জানিয়াই প্রজাপতি সূর্য হিমালয়ের জন্ম যজ্ঞ-ভাগ নির্দ্ধা-
বিত করিয়া, তাঁহাকে শৈলাধিপতি প্রদান করিয়াছেন।

১৮। মেনকসখা এই হিমালয় মর্যাদাভিজ্ঞ; সেই জন্ম তিনি কুলরক্ষার্থ পিতৃগণের মানসী কন্যা, মুনিদিগেরও মাননীয়, এবং কুলশীল-সৌন্দর্যাদি সকল বিষয়েই নিজ-সদৃশী মেনকা দেবীকে যথাশাস্ত্র বিবাহ করিয়াছিলেন।

১৯।—কালক্রমে তাঁহারা উভয়ে শাস্ত্রানুসারী সুরভ-কণ্ঠে প্রবৃত্ত হইলে, মনোরম যৌবন-শালিনী ভূধর-রাজ-পত্নীর গর্ভ-সঞ্চার হইল।

২০। মেনকার এই প্রথম গর্ভ (রূপে-গুণে সর্বথা) নাগবধূপভোগ্য মৈনাক নামে পুত্র জন্মগ্রহণ করিয়াছিলেন। ব্রহ্মপুত্র ইন্দ্র ক্রুদ্ধ হইয়া পর্বতগণের পক্ষাচ্ছদ করিতে থাকিলে, তখন এই মৈনাকই কেবল ইন্দের কুলিশাঘাতের বেদনা

জানিতে পারেন নাট—কুলিণাঘাত হইতে কেবল এষ্ট মৈনাকই
বাঁচিয়াছিলেন; এবং সেষ্ট অবধি ইনি সমুদ্রের সহিত
সম্বাবদ্ধ।

ইন্দ্র-সকল, পরস্পরই পক্ষচ্ছেদ করিয়াছিলেন; কেবল হিমালয়-তনয়
মৈনাকের পক্ষচ্ছেদ করিতে পারেন নাট, ইহা মৈনাকের উৎকর্ষ-বাক্যক; এবং
এ-হেন পুত্রের পিতা বলিয়া হিমাদ্রির উৎকর্ষ।

মৈনাক, নগাদিরাজ হিমালয়ের পুত্র হইয়াও ইন্দ্রভয়ে ভূভাগ ত্যাগ
করিয়া পলায়নপর হইয়াছিলেন, এষ্ট অপকর্ম আশঙ্ক্য করিয়া কবি বলিতেছেন
যে, বিতাড়িত হইলেও মৈনাক জনাবিপতি সমুদ্রের অর্থাৎ মহত্তরই সহিত
সম্বাবদ্ধ।

অশ্রাব্য-কথা-বিশেষ নির্দিষ্ট; এষ্ট হেতু মৈনাকবর্নন দাঁতের দোষ
হইল যে, বর্ণিতব্য হর-পার্বতী-বিবাহ-ব্যাপারে পার্বতী অশ্রাব্য দোষ-
বিরহিতা অর্থাৎ পার্বতী ভ্রাতৃমর্তী।

২১। মৈনাক-জন্মের পরে, দক্ষ-প্রজাপতির কন্যা, মহা
দেবের পূর্ব পত্নী, পতিব্রতা সতী-দেবী পিতা কর্তৃক (শিবনিন্দা
রূপ) অবমাননা সহিতে না পারায়, যোগাগ্নিতে দেহ বিস-
র্জন করিয়া, পুনর্জন্ম হেতু শৈল-বধু মেনকাকে আশ্রয়
করিয়াছিলেন।

২২। সাধু-আচরণ হেতু অশ্রু-নীতি-ক্ষেত্রে উৎসাহগুণ
কর্তৃক যেমন সম্পদের সৃষ্টি হয়, নিয়মবতী মেনকাতে ভূধরাধি-
পতি কর্তৃক তেমনই সেই কল্যাণী সতী উৎপাদিতা হইলেন।

২৩। এই কন্যার জন্মদিনে দিক্ সকল প্রসন্ন, বায়ু
রাজারহিত (নির্মল), (আকাশে) শব্দ-ধ্বনি ও তৎপরে
পুষ্পবৃষ্টি, অধিক কি, শৈলবৃক্ষাদি স্থাবর ও দেব-তির্থস্বরূপাদি
শরীরী-মাত্রেবরই পক্ষে সেই দিন সুখময়, হইয়াছিল।

২৪। নব-মঘগর্জমকালে বিদূর-পর্বতের অন্তঃস্থ বৈদূর্য্য-
মণির প্রভা উথিত হইতে থাকিলে, উহার প্রাস্তভূমি যেমন
শোভা পায়, নব-প্রসূতা কন্যার দেহ-সমুদ্ভূত সুকান্তি-প্রভা-
মণ্ডলের দ্বারা জননীও সেইরূপ শোভা পাইতে লাগিলেন।

উথিত বৈদূর্য্যমণি-প্রভার সহিত সজোজাতা প্রভাময়ী কন্যার উপমা।

২৫। বাল-চন্দ্র-লেখা যেমন অভ্যাদয়ের পর হইতে দিন-
দিন বাড়িবার কালে জ্যোৎস্নাময়ী কলারামির দ্বারা পুষ্টি লাভ
করে, নব-প্রসূতা এই কন্যাও তেমনই দিনে-দিনে বাড়িতে-
বাড়িতে লাবণ্যময় অঙ্গ-প্রত্যঙ্গের দ্বারা পুষ্টিলাভ করিতে
লাগিল।

২৬। পিতাদি সকল-বন্ধুজনের প্রিয় এই কন্যাকে বন্ধুজনে
আভিজাতিক নামে অর্থাৎ পর্বত-বংশসম্ভূত বলিয়া “পার্বতী”
নামে ডাকিতেন। পরে, এই কন্যা বয়ঃস্থা হইয়া যখন তপস্যা
করিতে প্রবৃত্ত হইলেন, তখন মাতা মেনকা ইহাকে তপস্যা
করিতে নিষেধ করিয়া বলিয়াছিলেন—“উমা” (হে বৎসে,

তপস্যা করিও না) ; সেট অংশি পার্শ্বতী “উমা” নাম
পাইয়াছিলেন।

২৭ বহু-অপভ্রাণ হইলেও, হিমালয়ের দৃষ্টি এত
সম্মানটীতে (পার্বতীতে) ভূঁপ্ত পাইত না ; অনন্ত পুষ্প
সদৃশ বসন্তের ভঙ্গ-মালা চূত-কুশুর্নই সাতিশয় আসক্ত হইয়া
থাকে ।—

বসন্তের নানাবিধ পুষ্পের মধ্যে চূত-মঞ্জরীর ছাদ, হিমালয়ের বহু সম্মানের
মধ্যে পার্শ্বতীই মাদুধা গুণে সৰ্ব্ব প্ৰেমা সমন্বিত কর্ণমায়া।

২৮। সমধিক প্রভাবতা শিখা দ্বারা দাপের ন্যায়, ত্রিপথগা
(মন্দাকিনী) দ্বারা স্বর্গপথের ন্যায়, এবং বিশুদ্ধা বাণী দ্বারা
বিদ্বানের ন্যায়, এই কন্যা দ্বারা হিমবান্ শোভিতও হইয়াছিলেন
এবং শোভিতও হইয়াছিলেন !

২৯। বাল্যকালে ক্রীড়ারস আশ্বাদন করিবার জন্যই যেন,
পার্বতী সখীগণ-পরিবেষ্টিতা হইয়া, মন্দাকিনী-সৈকতে বালির
বেদী, কন্দুক ও (কৃত্রিম) পুত্রক রচনা দ্বারা বারংবার ক্রীড়া
করিয়া বেড়াইতেন।

সতীষ্ট যখন পার্শ্বতী-স্বরূপে জন্মান্তর গ্রহণ করিয়াছেন, তখন পুনরায়
স্বাভাবিক বাল্যক্রীড়া করিবার বিশেষ প্রয়োজন ছিল না ; তবু যে পার্শ্বতী
এ জন্মেও আবার বাল্য-খেলা করিতেন, সে যেন কেবল স্তম্ভুর ক্রীড়ারস
উপভোগ করিবার জন্যই।

৩০। শরৎকাল সমাগত হইলে হংসমালা যেমন (সংস্কার-রশ্মি) গঙ্গায় আসিয়া উপস্থিত হয়, রাত্রিকাল সমাগত হইলে নদ্যৌষধি (তৃণবিশেষ) যেমন (প্রকৃতি-বশেই) নিজ দীপ্তিতে সমুজ্জল হয়, স্থিরোপদেশা (মেধাবিনী) পার্বতীর শিক্ষাকালে তাহার পূর্বজন্মার্জিত বিজ্ঞা-সকল তেমনই সংস্কারবশেই তাহাতে প্রতিভাত হইয়াছিল !

অন্যাসনেই পার্বতী বহুল বিদ্যাশিক্ষা করিতে সমর্থ হইলেন।

৩১। পরে, পার্বতী বালোর পরবর্তী বয়স—যে বয়স অঙ্গ-যষ্টির অযত্নসিদ্ধ অনলকার-সাধন স্বরূপ, যে বয়স আসব-নামে খ্যাত না হইলেও তদ্বৎ মত্ততা-সাধক এবং যে বয়স মদনের পুষ্পহীন অঙ্গ-স্বরূপ,—— পার্বতী বালোর পরে সেই নবযৌবন প্রাপ্ত হইলেন।—

মদনের পাঁচটা ফলবাণ ; যুবতীর নবযৌবন যেন মদনের ষষ্ঠ-বাণস্বরূপ ; তাহে ফলহীন। যুবতীর নবযৌবন-রূপ বাণের দ্বারা মদন পুরুষের হৃদয় বিদ্ধ করেন বলিয়া, ইহা মদনের “অঙ্গস্বরূপ”।

মদনের পঞ্চফলবাণ অরবিন্দ, অশোক, চূত, নবগন্ধিকা ও রক্তোৎপল।

৩২।—তুলিকা দ্বারা উদ্ভাসিত চিত্রের ন্যায়, সূর্যাংশু দ্বারা বিকাশিত অরবিন্দের ন্যায়, পার্বতীর নবযৌবন দ্বারা অভিবাঞ্চিত (পূর্ণায়ত) বপু চতুব্র-শোভি (যেখানে যেমনটী হইলে শোভা পায়, তাহার কমও নয়, বেশীও নয়,—এমন সর্বদা সুন্দর) হইয়া উঠিল।—

৩৩। পার্শ্বতীর চরণদ্বয়ের অভ্রান্ত অঙ্গুষ্ঠ-নখের এমনই প্রভা যে, পাদনিষ্ক্রেপ-কালে নির্ভর-ন্যাস-হেতু যেন অমৃনিহিত রক্তরাগ উদগীরণ করিয়া, চরণ-দুখানি পৃথিবীতে সঞ্চারিণী স্থলারবিন্দ-শ্রী ধারণ করিত !—

৩৪। প্রতাপদেশ-লুপ্ত রাজহংসেরা সেই অবনতাক্ষী পার্শ্ব-তীর নৃপুৰ-ধ্বনি আদায় করিবার জন্যই যেন তাঁহাকে গতি-বিষয়ে তাহাদের বিলাস-সুন্দর পাদক্ষেপ শিক্ষা দিয়াছিল !—

বৃদ্ধ রাজহংসদিগের ইচ্ছা ছিল যে, পার্শ্বতীকে তাহাদের গতি-বিলাস শিখাইয়া প্রতাপদেশ-স্বরূপ তাঁহার নৃপুৰ-ধ্বনিটা তাহার আদায় করে ! তাই, তাহার পার্শ্বতীকে তাহাদের বিলাসগতি শিখাইয়াছিল !

তাম্বস্বার্থ—পার্শ্বতীর “হংসগতি” ত ছিলই, তার উপর ছিল তাঁহার সেই লীলাসুন্দর পাদ-বিজ্ঞাসের সহিত স্মধুর নৃপুৰধ্বনি (যাহা রাজহংসের নাই) । ইহা পার্শ্বতীর গতি-সৌন্দর্যের উৎকর্ষ-বাক্যক ।

৩৫। পার্শ্বতীর উরুদ্বয় বর্জুলাকার ও অনুপূর্ণ (ক্রমশঃ ক্রশ), অথচ নাতিদীর্ঘ ; এই সুশ্রী উরুদ্বয়ের সৃষ্টিতে সৃষ্টি-কর্তার লাবণ্য-ভাণ্ডার একেবারেই নিঃশেষ হইয়া যাওয়ায়, অন্যান্য অঙ্গ নিষ্কারণার্থ তাঁহাকে পুনরায় লাবণ্য-সৃষ্টির জন্য বদ্ধ করিতে হইয়াছিল !—

রাসীকৃত গঠন-লাবণ্য পার্শ্বতীর উরুদ্বয়ে বিদ্যমান ।

উরুদ্বয়েই বিধাতার সমস্ত লাবণ্য ‘নিঃশেষিত’ বলায় উরুদ্বয়ের পূর্ণতা সূচিত ।

৩৬। উপমান-যোগ্য সুপর্যাপ্ত রূপ পাইয়াও, ঐরাবতাদি হস্তী-বিশেষের কর কর্কশ-স্পর্শ-হেতু, এবং রামরস্তাদি কদলী-বৃক্ষ-বিশেষ একান্ত-শৈত্য-হেতু, পার্বতীর উরুদ্বয়ের উপমান-বহির্ভূত !—

পার্বতীর উরুদ্বয়ের গঠন করীকরের ন্যায় হইলেও, উহা করীকরের মত কর্কশ নহে ; আর, কদলীতরুর ন্যায় হইলেও, উহা কদলীতরুর মত শীতস্পর্শ নহে । কাক্ষ-দোষে করীকর এবং শৈত্য-দোষে রস্তাতরু, বিপুলরূপ সত্ত্বেও, পার্বতীর উরুর উপমান হইতে পারে নাই ।

৩৭। অনিন্দ্য-রূপা পার্বতীর নিত্য-দেশের শোভা কেবল ইহা হইতেই অনুমেয় যে, মহাদেব (বিবাহান্তে) তাঁহার নিজ ক্রোড়ে,—যেখানে বসিবার ইচ্ছা পর্যাপ্ত অন্য কোন নারী করিতে পারে না,—মহাদেব তাঁহার সেই ক্রোড়ে পার্বতীকে বসাইয়া ছিলেন !—

পার্বতীর বিপুল নিত্য-দেশের শোভা এমনই অনির্কচনীয় যে, কবি তাহা বর্ণনা না করিয়া কেবল অনুমান করিয়া লইবার ইচ্ছিত করিলেন !

৩৮। পার্বতীর সূক্ষ্ম নবরোমরাজ্য বস্ত্র-গ্রন্থি অতিক্রম করিয়া সুগভীর নাভি-রন্ধ্রে প্রবেশ করিয়া এমনই শোভা পাইতে লাগিল, যেন মেখলার মধ্যবর্তী ইন্দ্রনীল-মণির আভাই বুঝি নাভি-রন্ধ্রে প্রবেশ করিয়া শোভা পাইতেছে !—

রোমরাজ্যের বর্ণ ও আভা ইন্দ্রনীল-মণির সদৃশ ।

মেখলার মধ্যমণি নাভির সন্নিকট বলিয়া, দেখিতে যেন উহারই আভা নাভিমধ্যে শোভা পাইতেছে !

৩৯। (ডমরু-সদৃশাকৃতি) বেদিবৎ কৃশমধ্যা তরুণী পার্শ্ব-
তীর কটিদেশে সূচাক্র বলীত্রয় বিরাজিত। এই ত্রিবলী যেন
মদনের আরোহণার্থ নবযৌবন কর্তৃক রচিত সোপান !—

৪০। উৎপলান্নি পার্শ্বতীর সুগৌর স্তনযুগল পরস্পরকে
ঠেলিয়া একপ-ভাবে প্রবন্ধি-প্রাপ্ত হইয়াছিল যে, শ্যামমুখ সেই
স্তনদ্বয়ের মধ্যে একগাছি মৃণাল-মূত্রের ব্যবধানও ছিল না !—

৪১। পার্শ্বতীর ভূজযুগল শিরীষ-পুষ্পের অপেক্ষাও অধিক
সুকুমার বলিয়া মনে হয় ; কারণ, মদন (নিজের পুষ্প-বাণ
সবেও) মহাদেবের কাছে পরাজিত হইয়া, পরে এই দুই বাহু-
পাশ দ্বারাই তাঁহার কণ্ঠবন্ধন করাইয়াছিলেন ।—

পুষ্প-বাণের দ্বারা যাহা হয় নাই, এই দুই বাহু দ্বারা তাহাই হইয়াছিল,
ইহাই বাহুদ্বয়ের পুষ্পাধিক সৌকুমার্যব্যঞ্জক ।

৪২। পার্শ্বতীর পীনস্তনোন্নত কণ্ঠ ও সেই কণ্ঠলগ্ন
বর্জুলাকার মুক্তাভরণ, পরস্পর শোভাসম্পাদন-হেতু, ইহাদের
ভূষণ-ভূষা-ভাব উভয়তঃ সমান হইয়াছিল !—

মুক্তাহার কণ্ঠের যেমন শোভা সম্পাদন করিয়াছিল, সেই কণ্ঠও তেমনই
মুক্তাহারের শোভা সম্পাদন করিয়াছিল। ইহা পার্শ্বতীর কণ্ঠ-সৌন্দর্যের
চরমোৎকর্ষ-ব্যঞ্জক ।

৪৩। লোলা অর্থাৎ চঞ্চলা লক্ষ্মী-দেবী যখন চন্দ্রে বাস
করেন, তখন তিনি পদ্মের সুগন্ধ ভোগ করিতে পান না ;

আবার যখন পদ্ম বাস করেন, তখন চন্দের শোভা ভোগ করিতে পান না ; কিন্তু উমা-মুখে আসিয়া তিনি চন্দ্র ও পদ্ম, উভয়-জনিত আনন্দই ভোগ করিয়াছিলেন ।—

উমা-মুখে লক্ষ্মী-শ্রী-বিরাজমানা, ইহাই পিণ্ডিত মর্থ ।

লক্ষ্মী কতু চন্দ্রগতা, কতু পদ্মাস্রিতা, “চঞ্চলা” বলার ইহাই সার্থকতা । “লোলা” অর্থে লোলুপা, লোভশালিনী বুঝিলেও সুন্দর অর্থ হয়, যথা,— রূপাভিমানিনী লক্ষ্মীদেবী চন্দ্রাশ্রয়ে পদ্মগুণ উপভোগ করিতে পা’ন না ; আবার পদ্মাশ্রয়ে চন্দ্রগুণ উপভোগ করিতে পা’ন না ; তাই চন্দ্র ও পদ্ম, উভয়ের গুণ এককালীন উপভোগের নিমিত্ত লোলুপা লক্ষ্মী উমা-মুখে আসিয়া দুই-ই পাইয়া প্রীত হইয়াছিলেন ।

৪৪ । পার্বতীর (সুমুখের) ঈষৎ-হাস্য যখন তাঁহার তাম্রাঙ্গণ ওষ্ঠের উপরে শুভ্র শোভা বিস্তার করিত, সে হাস্য-শোভার অনুকরণ কেবল নবপল্লবের উপরে রক্ষিত শ্বেতপদ্মাদি পুষ্প দ্বারা, অথবা নির্মল পদ্মরাগমণির উপরে স্থাপিত মুক্তাকল দ্বারাই সম্ভব ;—অন্য কোন কিছুর দ্বারা নহে ।—

৪৫ । মধুরভাষিনী পার্বতী তাঁহার যেন-অমৃতস্রাবী স্বরে যখন বাক্যলাপ করিতেন, তখন শ্রোতার কাছে কোকিলও বিতন্ত্রী বাদকের ন্যায় কর্ণের অপ্রীতিকর বোধ হইত !—

পার্বতীর কণ্ঠস্বর কোকিলের সুবিখ্যাত পঞ্চম-স্বরের অপেক্ষাও সমধিক সুমিষ্ট ও কর্ণসুখকর ।

“বিতস্তী বাদক অর্থাৎ বিষমবদ্ধ-যন্ত্র-বাদক, ঠিক করিয়া সুর মিলান হয় নাই, অথচ বাজান। এইরূপ “বেহুরো” বাজনা নিতাস্তই শ্রুতি-কঠোর।

৪৬। আয়ত-লোচনা পার্বতীর চঞ্চল দর্শন, বায়ু-বহুল স্থানের নীলোৎপল হইতে নির্বিশেষ ;—বায়ু-তাড়িত নীলোৎপল যেমন চঞ্চল, পার্বতীর আয়ত-লোচনযুগলও সেইরূপ চকিত-বিলোকিত ; এই চকিত-দর্শনটী পার্বতী কি যুগাঙ্গনাদিগের নিকট শিখিয়াছিলেন ? অথবা কি, যুগাঙ্গনারাই তাহাদের চকিত-দর্শন পার্বতীর কাছে শিখিয়াছিল ?—

সুন্দর চকুর তিনটি গুণই এখানে বর্ণিত,—আয়ত, নীল ও চঞ্চল।

যাহার দেখিয়া অনুকরণ বা যাহার কাছে শিক্ষা করা যায়, তাহারই প্রাধান্য থাকে। এ স্থলে, কে কাহার দেখিয়া শিখিয়াছিল, নিশ্চয় না বুঝিতে পারায়, উভয়ের একান্ত সৌন্দর্য্য সূচিত।

৪৭। পার্বতীর দীর্ঘ-রেখ ক্রয়ুগলের কাঙ্ক্ষি যেন কঙ্কলী দিয়া তুলি দ্বারা চিত্রিত ! ক্রয়ুগের এই লীলাচতুরা (বিলাস-সুন্দর) কাঙ্ক্ষি দেখিয়া অনঙ্গ স্বীয় ধনু-সৌন্দর্য্যের অহঙ্কার ত্যাগ করিয়াছিলেন।—

মদনের পুষ্পধনুর শোভা জগতে অতুলনীয়। কিন্তু পার্বতীর সুবক্র ক্রয়ুগের কাঙ্ক্ষি তাহাকেও পরাজিত করিয়াছে।

৪৮। তির্য্যক্-জাতি জন্তুর চিত্রে যদি লজ্জা থাকিত, তাহা হইলে পর্বত-রাজপুত্রীর সেই (সুন্দর) কেশপাশ

দেখিয়া চমরীগণের নিজেদের কেশপ্রিয়ই নিশ্চয়ই শিথিল
হইত।—

পার্বতীর কেশ-কলাপ চমরীগণেরও লজ্জা-জনক ; কেবল পশু-বুদ্ধিতে
লজ্জা-জ্ঞানাভাবেই তাহারা নিজ-নিজ চামরের প্রিয় !

৪৯। (অধিক কি !) বিশ্ব-শ্রষ্টা যেন জগতের সর্ববস্তু-
গত সৌন্দর্য্য একত্র দেখিবার ইচ্ছায় চন্দ্রাবিন্দাদি সমস্ত
উপমান-দ্রব্য সংগ্রহ করিয়া এবং যেখানে যেটা সাজে সেইখানে
সেইটা সন্নিবেশিত করিয়া, অতি যত্নে পার্বতীকে নির্মাণ
করিয়াছিলেন !

এক কথায়, জগতের সমস্ত সৌন্দর্য্য যেন একত্রিত হইয়া পার্বতীতে
বিরাজমান !

৫০। যুথেক-বিচরণশীল নারদ ঋষি একদা এই কন্যাকে
পিতা হিমালয়ের নিকটে দেখিয়া সমাদেশ করিয়াছিলেন যে,
কালে এই কন্যা প্রেম-বশে মহাদেবের অর্দ্ধাঙ্গভাগিনী ও তদীয়
অসপত্নীকা ভার্য্যা হইবেন ।

পতির প্রেম আর অসপত্নিত্ব, এই দুইটাই রমণীগণের সৌভাগ্য-সূচক ;
সুতরাং আকাঙ্ক্ষনীয় ।

৫১। এই নারদ-বাক্যে নির্ভর করিয়া, হিমালয়, কন্যার
প্রগল্ভ বয়স হইলেও, অশ্রু-বরাভিলাষ করেন নাই ; কারণ,
মন্ত্রপূত ঘৃত, অগ্নি বিনা অশ্রু কোন তেজেরই প্রাপ্য নহে ।

এখানে, পার্শ্বতী যেন নারদ-বাণী রূপ মন্ব দ্বারা সংস্কৃত ঘৃত ! এমন পবিত্র ঘৃত কেবল মহাদেব-রূপ অগ্নিরই ভোগ্য, অন্য কাহারই নহে ।

৫২। (আবার) যখন দেবদেব প্রার্থী নহেন, তখন তাঁহাকে ডাকিয়া কন্যা-পরিগ্রহ করাইতেও হিমাদ্রি সমুৎসুক ছিলেন না ; কারণ, পাছে প্রার্থনা বিফল হয়, এই ভয়ে বুদ্ধিমান লোকে অভীষিত বিষয়েও মাধাস্থ্য অবলম্বন করিয়া থাকেন ।

“মাধাস্থ্য” অর্থাৎ উৎস্রুকা ও তাজ্জিলা এই দুয়ের মধ্যস্থ ভাব—উদাসীন্য ।

৫৩। সুন্দরী পার্শ্বতী পূর্বজন্মে যেদিন দক্ষ-রোষ-হেতু শরীর বিসর্জন করিয়াছিলেন, সেই দিন হইতে পশুপতি বিষয়াসক্ত ত্যাগ করিয়া অপত্নীক আছেন ; এ পর্য্যন্ত পুনরায় দার-পরিগ্রহ করেন নাই ।

মূলের ‘সুদতী’র এখানে সুন্দরী অর্থই প্রশস্ত ; কারণ, সুন্দর দৃষ্টের সার্থকতা এখানে দেখা যায় না ।

৫৪। সেই অবধি কৃষ্ণিবাস, তপস্কার্থ হিমাদ্রির কোন (এক অতি মনোরম) প্রস্থ-দেশে বাস করিতেছেন । ঐ প্রস্থদেশ গঙ্গা-প্রবাহ-ধৌত দেবদাক্ষর ছায়ায় শীতল, মৃগনাভি-কস্তুরীর সুগন্ধে আমোদিত, এবং কিন্নরদিগের সুস্রাব্য সঙ্গীতে মুখরিত ।

এহলে প্রস্থদেশটীর বর্ণনায় যে-তিনটি বিশেষণ আছে, তাহাদের সার্থকতা সম্বন্ধে মল্লিনাথ কিছুই বলেন নাই। কালিদাস কিন্তু নিরর্থক বিশেষণ ব্যবহারের কবি ছিলেন না। আমার মনে হয়, সার্থকতা এইরূপ—

প্রস্থ-দেশটি শাস্ত্র তপস্তার পক্ষে সর্বথা উপযোগী ; —গঙ্গা-প্রবাহে পবিত্রীকৃত, দেবদাক্ষছায়ায় স্নানীতল, যুগনাভি-কস্তুরীর গন্ধে চিত্তের প্রসন্নতা-সাধক, এবং তপোবিশ্লকর, প্রতিকূল-শব্দাদি-বিরহিত, —যে-কিছু শব্দ, তাহা কেবল দেবারধনার অমুকুল কিস্করদিগের সুকণ্ঠ-সঙ্গীত-ধ্বনি। বলা বাহুল্য, বিপল্লীক মহাদেবের পক্ষে উগ্রতপস্তাপেক্ষা শাস্ত্র-তপস্তাই সতীবিয়োগ-বিধুর ননের শাস্তিদায়ক।

৫৫। মহাদেবের প্রমথগণ সুরপুমাগ-কুমুমে ভূষিত হইয়া, মুখ-স্পর্শ ভূজ-বন্ধন পরিধান করিয়া, এবং দেহে মনঃশিলা অমুলেপন করিয়া, গন্ধৌষধি-ব্যাপ্ত শিলাতলে উপবিষ্ট।

৫৬। সেখানে যখন মহাদেবের দর্পকল বৃষভ কুরাগ্র দ্বারা ভূষারসজ্জাত-কণ্ঠিন শিলা-সকল বিদৌর্ণ করিতে-করিতে, (দূরা-গত) সিংহনাদ সহ্য করিতে না পারিয়া, উচ্চরবে গর্জন করিতে থাকিত, তখন তাহা শুনিয়া মহাতীত গো-সদৃশ এক-প্রকার পার্শ্বতীয় যুগগণ অতিকণ্ঠে ঐ (ভীষণ) বৃষের দিকে তাকাইয়া দেখিত।

সুন্দর স্বভাবোক্তি।

৫৭। স্বয়ং ইন্দ্রাদি তপঃফলদানের কর্তা হইয়াও, অ-মহাদেব ঐ প্রস্থে নিজেরই মূর্ত্যন্তর অগ্নি স্থাপন করিয়া ও তাহা

সমিৎ-কাষ্ঠের দ্বারা উদ্দীপিত করিয়া, কোন ফলকামনায় তপশ্চরণ করিতেছিলেন।

মহাদেবের অষ্টমূর্তি—পঞ্চভূত, চন্দ্র, সূর্য্য, ও অগ্নি।

৫৮। দেবারাধ্য মহাদেব অর্ঘ্যাভীত হইলেও, তাঁহাকে অর্ঘ্য-দানে পূজা করিয়া আরাধনা করিবার নিমিত্ত, অঙ্গিনাথ তনয়াকে সখীগণের সহিত সংযত-ভাবে যাইতে আজ্ঞা করিলেন।

৫৯। যুবতী কুমারী সমাধির প্রতিপক্ষভূতা হইলেও মহাদেব পার্শ্বতীর শুশ্রূষা স্বীকার করিয়াছিলেন ;—চিত্ত-বিকারের হেতু বিদ্যমান থাকিলেও ষাঁহাদের চিত্ত-বিকার না ঘটে তাঁহারা ই (প্রকৃত) ধীর !

ষে-পার্বতীতে জগতের সকল প্রকার সৌন্দর্য্য একত্র হইয়া বিরাজমান, সেই পরমরূপবতী যুবতী কুমারী হইতেও মহাদেব কিছুমাত্র তপোবিশ্বের আশঙ্কা করিলেন না, ইহাতে তাঁহার অসাধারণ ধৈর্য্যগুণ সূচিত।

৬০। সেই-অবধি শুকেশী (পার্শ্বতী) প্রত্যহ পূজা-কুমুমাди অবচয়ন, অতি দক্ষতার সহিত বেদিসম্মার্জন, এবং নিত্যকর্ম্মাহুষ্ঠানের কুশ ও জল আনয়ন ইত্যাদি কার্য্য দ্বারা গিরিশের সেবা করিতে লাগিলেন এবং (যেন ইহার পুরস্কার-স্বরূপ) চন্দ্রমৌলীর শিরঃস্থ চন্দ্রকলার স্নিগ্ধকিরণে পার্শ্বতীর অমঙ্গলিত ক্রান্তি দূর হইতে লাগিল।

“উমোৎপত্তি” নামক প্রথম সর্গ সমাপ্ত।

দ্বিতীয় সর্গ

১। যে সময়ে হিমালয়-প্রান্তে পার্বতী তপোনিরত মহা-দেবের সেবা করিতেছিলেন, সেই সময়ে তারকাসুর কর্তৃক উপক্রান্ত দেবগণ দেবেন্দ্রকে অগ্রে করিয়া (তারক-নাশ-ক্ষম সেনানী সৃষ্টি প্রার্থনা করিবার জন্য) স্বয়ম্ভু-ধামে (ব্রহ্মসমীপে) গমন করিলেন ।

২। সরোবরে মুকুলিত পদ্মগুলির পক্ষে যেমন প্রাতঃ-সূর্য্য, মলিন-মুখশ্রী দেবগণের সমক্ষে তখন ব্রহ্মা তেমনই আবির্ভূত হইলেন ।

মুকুলিত-পদ্ম সরোবর ও তারকাসুরের উপদ্রবে হত-সম্মান দেবগণ উভয়েই “মলিন-মুখশ্রী” । ঐরূপ পদ্মের পক্ষে যেমন সূর্য্য, জ্ঞানমুখ দেবগণের পক্ষে ব্রহ্মা তেমনই জ্ঞানিহর ।

৩। পরে দেবগণ, জগতের স্রষ্টা, বাগীশ্বর চতুর্মুখ ব্রহ্মাকে নমস্কার করিয়া, অর্থযুক্ত বাক্যাবলী দ্বারা তাঁহার শ্রব করিতে লাগিলেন ;—

৪। “সৃষ্টির পূর্বে আপনি অবিভক্ত (নিরূপাধি) আত্মা-রূপী ছিলেন ; পরে সৃষ্টি-প্রবৃত্তি-কালে সত্যাদি ত্রিগুণের বিভাগ-

হেতু উপাধি প্রাপ্ত হইয়াছিলেন ; অতএব, হে ব্রহ্ম-বিষ্ণু-রুদ্র-রূপী ত্রিমূর্তি, আপনাকে নমস্কার !—

৫। “হে অঙ্ক (জন্মরহিত) ! আপনি জন্মমধ্যে যে আনোঘ বাজ নিষ্ক্ষেপ করিয়াছিলেন, তাহা হইতেই (স্থাবর জঙ্গমাশ্রক) এই চরাচর বিশ্ব উৎপন্ন হইয়াছে। এই হেতু, আপনি বিশ্বের প্রভব অর্থাৎ কারণ বলিয়া কীৰ্ত্তিত হইয়া থাকেন।

মহু-সংহিতায় আছে—“তিনি স্বকীয় শরীর হইতে বিবিধ প্রজা সৃষ্টির ইচ্ছা করিয়া ধ্যানযোগে প্রথমতঃ জলের সৃষ্টি করিলেন, এবং তাহাতে আপন শক্তি-বাজ অর্পণ করিলেন।”— ১ম অধ্যায়, ৮ম শ্লোক।

৬। “সৃষ্টির পূর্বের কেবলমাত্র আপনিই ছিলেন :” পরে মহরজস্তুমঃ এই তিনগুণ দ্বারা হরি-হর-ব্রহ্ম-রূপাশ্রক তিন শক্তি বিজুষ্টিত করিয়া, সৃষ্টি-স্থিতি-প্রলয়ের আপনিই একমাত্র কারণ হইয়াছেন। -

ব্রহ্মা বিষ্ণু ও মহেশ্বর, সৃষ্টি স্থিতি ও প্রলয়ের অব্যবহিত কারণ হইলেও, যখন ঐ ত্রিশক্তি নিরূপাধি ব্রহ্ম হইতে সমুদ্ভূত, তখন প্রকৃত পক্ষে নিরূপাধি ব্রহ্মই সৃষ্টি, স্থিতি, ও প্রলয়ের একমাত্র (মূল) কারণ।

৭। “প্রজা-সৃষ্টি হেতু আপনি নিজেকে (দ্বিধা) বিভক্ত করিয়া, তদ্বারা স্ত্রী ও পুরুষ সৃষ্টি করিয়াছেন। প্রসূতি-স্বরূপ

আপনার ঐ দুই ভাগ সৃষ্ট প্রাণীবর্গের পিতামাতা বলিয়াই গণ্য
হইয়া থাকে ।—

মহুসংহিতায় আছে—“তিনি আপনার দেহ দ্বিধা করিয়া, অর্দ্ধেক অংশে
পুরুষ ও অর্দ্ধেক অংশে নারী সৃষ্টি করিলেন ;”—১ম অধ্যায়, ৩২ শ্লোক ।

৮। “আপনি নিউকাল-পরিমাণ দ্বারা আপনার বাত্ৰিদিন
(অর্থাৎ বিশ্রাম-কাল ও কার্য-কাল) বিভাগ করিয়াছেন ।
যাহা আপনার জাগরণ (কার্যকাল), তাহাই পঞ্চভূতাত্মক
জগতের সৃষ্টিকাল ; আর যাহা আপনার সুপ্তি (বিশ্রাম-কাল),
তাহাই জগতের প্রলয়-কাল ।—

মহুসংহিতায় আছে :—যখন সেই পরমদেব জাগরিত হন, তখন এই
বিশ্ব-ব্রহ্মাও চেষ্টিত থাকে, এবং যখন সেই শাস্ত্রাত্মা সুষুপ্তিলাভ করেন, তখন
বিশ্ব-ব্রহ্মাওও নিম্নলিখিত হইয়া যায় ।”—১ম অধ্যায়, ৫২-তম শ্লোক ।

৯। “আপনি জগতের যোনি (উৎপত্তি-স্থল), কিন্তু স্বয়ং
অযোনি (আপনার উৎপত্তি-স্থল নাই); আপনিই জগতের
অমৃতক (সংহারক), কিন্তু স্বয়ং নিরমৃতক (অমৃতহীন); আপনিই
জগতের আদি, কিন্তু আপনার আদি নাই ; আপনিই জগতের
ঈশ্বর (নিয়ন্তা), কিন্তু আপনার নিয়ন্তা নাই ।

১০। “হে ভগবন্ ! আপনি নিজের দ্বারাই নিজেকে
জানেন ; নিজের দ্বারাই নিজেকে সৃষ্টি করেন ; এবং নিজের

দ্বারাই আপনি নিজেতেই লীন হয়েন ;—আপনি সর্ব বাপারেই সমর্থ ।—

সকল ক্রিয়াই জ্ঞান-সাপেক্ষ ; এখানেও সেইজন্য আত্ম-সৃজন-ক্রিয়ার পূর্বে আত্মজ্ঞান কথিত হইয়াছে ! প্রথম কর্তব্যার্থজ্ঞান, পরে সৃষ্টি, অবশেষে লয় ;—এ সকলই সেই একই শক্তির বিভিন্ন অবস্থামাত্র । ইহাই বেদান্ত-দর্শনের মূল কথা ।

১১। “আপনি (সরিৎসমুদ্রাদিবৎ রসাত্মক) দ্রবরূপী ; আবার নিবিড় সংযোগ নিবন্ধন (মহৌধরাদিবৎ) কঠিনরূপী ; আপনি (ইন্দ্রিয়গ্রাহ্য ঘটাদিবৎ) স্থূল ; আবার (অতৌন্দ্রিয় পরমাণুবৎ) সূক্ষ্ম ; আপনি (তুলাদিবৎ) লঘু ; আবার (পাষাণাদিবৎ) গুরু ; (কার্যরূপে) আপনি ব্যক্ত ; আবার (কারণরূপে) অব্যক্ত । এইরূপ অগ্নিাদি বিভূতি-নিষয়েও আপনার যথাকামত্ব,—আপনি যাহা ইচ্ছা করেন, তখন তাহাই হয়েন ।—

অগ্নিাদি বিভূতি যথা—অগ্নিমা, লঘিমা, ব্যাপ্তি, প্রাকাম্য, মহিমা, ঈশিত্ব, বশিত্ব, ও কামাবসায়িতা—এই অষ্ট প্রকার ।

“অগ্নিমা”—অগ্নু অর্থাৎ ক্ষুদ্রতম আকার ধারণ করিবার ক্ষমতা ।
 “লঘিমা”—লঘুতম হইবার ক্ষমতা । “ব্যাপ্তি”—ব্যাপকতা-শক্তি ।
 “প্রাকাম্য”—সর্ববিধ কামনাসিদ্ধির ক্ষমতা । “মহিমা”—মহত্তম হইবার ক্ষমতা । “ঈশিত্ব”—সর্ববিধ কাষ্যের উপরে কর্তৃত্ব-ক্ষমতা ! “বশিত্ব”—সর্বক্রিয়াকে বশে রাখিবার ক্ষমতা । “কামাবসায়িতা” সর্ববিধ কামনায় সাফল্য অর্থাৎ চরিতার্থতা প্রাপ্তির ক্ষমতা ।

১২। “ওঙ্কারাত্মক প্রণব যে বাক্যের উপক্রম ; উদাত্ত, অদুদাত্ত, ও স্বরিং, এই তিন স্বরে যে বাক্যের উচ্চারণ ; যে বাক্যের কৰ্ম্ম অর্থাৎ প্রতিপাদ্য-বিষয়, যজ্ঞ ; এবং (ঐ বিহিত কৰ্ম্ম দ্বারা) যে বাক্যের ফল, স্বর্গ ;—সেই বাক্যের অর্থাৎ বেদের উৎপত্তি-কারণ, আপনি ।—

১৩। “আপনাকে ভোগাপবর্গ-রূপ পুরুষার্থের প্রবর্তিনী প্রকৃতি কহা হইয়া থাকে ; আবার আপনাকেই সেই প্রকৃতির সাক্ষী-স্বরূপ উদাসীন অর্থাৎ কূটস্থ পুরুষও কহা হইয়া থাকে ।—
ইহা “সাম্ব্য” মতে স্তব ।

১৪। “আপনি অগ্নিষাভাদি দগ্ধ-পিতৃগণেরও (তর্পণীয়) পিতা ; ইন্দ্রাদি দেবগণেরও পূজ্য ; শ্রোষ্ঠেরও শ্রোষ্ঠ ; এবং (দক্ষাদি) প্রজাপতিদিগেরও বিধাতা (স্রষ্টা) ।—

১৫। “শাস্বত আপনিই হবা ও হোতা ; ভোজ্য ও ভোক্তা ; কার্য্য ও কর্ত্তা ; এবং আপনিই ধাতা, আবার আপনিই পরম ধ্যেয় বস্তু ।”

১৬। দেবগণের পক্ষ হইতে এইরূপ ব্যর্থ্য, (সূত্র্যং) হৃদয়ঙ্গম স্তুতিবাক্য শ্রবণে তাঁহাদের প্রতি অনুগ্রহ-প্রবণ হইয়া ব্রহ্মা যখন উত্তর করিলেন ;—

১৭। (কবি বলিতেছেন) তখন (বেদশ্রুতি) সেই পুরাতন কবির (ব্রহ্মার) চতুর্মুখ হইতে উচ্চারিত হইয়া, শব্দের চতুর্বিধ মূর্তিই যেন চরিতার্থ হইল !

শব্দের চারি প্রকার অবয়ব, যথা :—দ্রব্য, গুণ, ক্রিয়া, ও জাতি । চারিমুখে উচ্চারিত হইয়া, শব্দের চারি অঙ্গই যেন পরম সার্থকতা লাভ করিল ।

১৮। (ব্রহ্মা উত্তর করিলেন)—“হে প্রভূত-পরাক্রম-শালী, দীর্ঘবাহু দেবগণ ! (দেখিতেছি) তোমরা সকলে একই কালে এখানে সমাগত হইয়াছে ; (ভরসা করি) স্বকীয় প্রভাব দ্বারা তোমরা নিজ-নিজ অধিকার রক্ষা করিতেছ ; তোমাদের শুভাগমন ত ?

এখানে প্রস্রচ্ছলে দেবগণের উপস্থিত হৃদয়ের ইঙ্গিত । “দীর্ঘবাহু” স্ববীর-লক্ষণ ।

১৯। “হে বৎসগণ ! নীহারাচ্ছাদিত হীনপ্রভ নক্ষত্রগণের ন্যায়, তোমাদের মুখগুলি পূর্বের সেই স্বাভাবিক জ্যোতিঃ ধারণ করিতেছে না কেন ?—

২০। “দেখিতেছি, ইন্দ্রের বজ্র, যাহা দ্বারা তিনি বৃদ্ধা-শুরকে বধ করিয়াছিলেন, সেই বজ্র আজ তেজঃক্ষয়-হেতু নিস্প্রভ ; তাহা হইতে আর সেই বিচিত্র বর্ণ-সকল নির্গত

হইতেছে না ; তাই বোধ হইতেছে, যেন উহার অগ্রভাগের সে
তীক্ষ্ণ আর নাই ।—

ইন্দের বজ্রাস্ত্র জালাময়, বিচিত্র-বর্ণ, ও স্তম্ভীক ; কিন্তু আজ উহার সে
জালাও নাই, সে বর্ণ-বৈচিত্র্যও নাই, আর সে তীক্ষ্ণতাও নাই ।

২১ । “কেনই বা অরি-দুর্ব্বার এই বরুণের হাতে তাঁহার
পাশাস্ত্র, মস্তুর দ্বারা নষ্ট-শক্তি সর্পের মত, শোচনীয়তা প্রাপ্ত
হইয়াছে ?—

২২ । “ভগ্ন-শাখ বৃক্ষের ন্যায়, গদাহীন বাহু, কুবেরের
পরাস্রব-জনিত শলাপ্রায় হৃদয়-বেদনা যেন कहিয়াই জানাই-
তেছে !—

“যেন” বলার অভিপ্রায় এই যে, বাহুর নাকি কথা कहিবার শক্তি নাই,
তবু লক্ষণে ‘যেন’ কথা कहারই মত সূক্ষ্ম কহিয়াই জানাইতেছে !

২৩ । “যমও (দেখিতেছি) ভেজোহীন দণ্ড দ্বারা মাটি
পুঁড়িতে-খুঁড়িতে, তাঁহার এমন যে অমোঘ যমদণ্ড, তাহাতে
নির্ব্বাণ অঙ্গারের লাঘব আনিতেছেন !—

নির্ব্বাণ অঙ্গারখণ্ড দিয়া লোকে অন্তমনস্ক ভাবে মাটি গোঁড়ে । আজ
যম তাঁহার হাতের “দণ্ড” দ্বারা ঐরূপে মাটি গোঁড়ায়, “যমদণ্ডের” কি লাঘবই
ধটান হইয়াছে ! ‘নির্ব্বাণ অঙ্গার’ যমদণ্ড-পক্ষে নষ্ট-বীৰ্য্য-বাক্যক ।

২৪ । “কেনই বা ঐ আদিত্যগণ, এখন তেজঃক্ষয়ে এমন

শীতল হইয়াছেন যে, চিত্রশাস্ত্র প্রতিকৃতির মত, তাঁহাদের দিকে সচ্ছন্দ দৃষ্টপাত করিতে পারা যাইতেছে ?—

২৫। প্রতিকূল গতি দেখিয়া যেমন জল-প্রবাহের স্রোত-প্রতিবন্ধ অনুমান করা যায়, উনপঞ্চাশৎ বায়ুগণের স্থলিত-গতি দেখিয়া তেমনই অনুমান হইতেছে যে, ইহাদের স্বাভাবিক গতি বাধাপ্রাপ্ত হইয়াছে।—

২৬। “আর ঐ (একাদশ) রুদ্রদিগেরও মস্তকের জটাজুট যেরূপ অবনমন এবং তাহাতে চন্দ্ররেখা যেরূপভাবে লম্ববান্ দেখিতেছি, তাহাতে স্পষ্টই বুঝা যাইতেছে যে, উহাদের লঙ্কারের সে প্রভাব আর নাই।—

উর্দ্ধমুখ জটা প্রভাব-ব্যাঞ্জক ; অবনমন জটা পরাভব-দুঃখ-ব্যাঞ্জক । ইহারই রুদ্রদিগের অঙ্গ ।

২৭। “বিশেষ-শাস্ত্র-বাক্য দ্বারা যেমন সাধারণ-শাস্ত্রের শাসনাধিকারের লোপ হয়, প্রথমাবধি লক্ষপ্রতিষ্ঠ হইয়াও আপনারা কি তেমনই এখন (কোন) প্রবলতর শত্রু কর্তৃক স্বাধিকারচ্যুত হইয়াছেন ?—

সাধারণ-শাসন-বাক্য, “মা হিংস্তাং” অর্থাৎ জীব-হিংসা করিও না। কিন্তু যেখানে যজ্ঞ-বিশেষে পশুবিশেষ-বধের ব্যবস্থা দেখা যায়, সেখানে বুঝিতে হইবে যে, এই বিশেষ-বিধি দ্বারা সাধারণ-বিধির অধিকার-সঙ্কোচ করা হইয়াছে ; কোথাও বা একেবারেই লোপ করা হয়।

২৮। “সেই জন্মই, বংশগণ ! জিজ্ঞাসা করিতেছি, আমার নিকটে কি প্রার্থনা করিতে তোমরা সকলে মিলিয়া আসিয়াছ, বল, । (আমি ত বুঝিতে পারিতেছি না, কারণ) আমাতে লোক-সৃষ্টির কর্তৃক অবস্থিত, লোক-রক্ষার কর্তৃক তোমাদেরই উপরে ন্যস্ত ।”

লোক-রক্ষার ভার দেবগুণের হাতে থাকায়, উহার জন্ম তাঁহারা কেন লোকস্রষ্টার কাছে আসিলেন, ইহাষ্ট জানিবার জন্ম ব্রহ্মার এই প্রশ্ন ।

২৯। ব্রহ্মা এইরূপ প্রশ্ন করিলে, ইন্দ্র, মন্দানিল-স্পন্দিত কমলাবলীর ন্যায় শোভাশালী তাঁহার সেই নেত্র-সহস্র দ্বারা (ইঙ্গিত করিয়া) সুরগুরু বৃহস্পতিকে ব্রহ্মাকৃত প্রশ্নের উত্তর দিতে প্রবর্তিত করিলেন ।

মূর্লে আছে—“কমলাকর” । এখানে “আকর” অর্থে সমুদ্র ! “সহস্র” আগ্রহাতিশয়া-বাক্যক ।

৩০। তখন বৃহস্পতি, (যিনি তাঁহার দ্বিনেত্রে ইন্দ্রের সহস্রনয়ন অপেক্ষাও অধিক দর্শনক্রমতাসালী, সুতরাং যিনি ইন্দ্রের পক্ষে দ্বিনেত্র-সম্পন্ন দর্শনেন্দ্রিয়-স্বরূপ), কৃতাঞ্জলি হইয়া পদ্যাসন ব্রহ্মাকে এই কহিতে লাগিলেন :—

ইন্দ্রের সহস্র নয়নেও যে দূরদর্শিতা নাই, বৃহস্পতির দুইটা মাত্র নয়নেই তাহার অপেক্ষা অধিক দর্শন-ক্রমতঃ বিদ্যমান, এই হেতু বৃহস্পতি যেন ইন্দ্রের “দ্বিনেত্র চক্ষু”-স্বরূপ অর্থাৎ প্রধান পরামর্শ-দাতা, সুদক্ষ মন্ত্রী । এখানে “চক্ষুঃ” শব্দে মনশ্চক্ষুঃ বুঝিতে হইবে ।

৩১। “হে ভগবন্! আপনি যাহা বলিলেন, ঠিক তাহাই ঘটিয়াছে ;—সত্যই আমাদের অধিকার শত্রু কর্তৃক বিমর্দিত হইয়াছে। প্রভো! সর্বাসুখ্যামী হইয়া, আপনি ইহা কেন না জানিবেন ?—

৩২। “আপনার প্রদত্ত বরলাভে উদ্ধৃত হইয়া, তারক-নামে মহাসুর ত্রিলোকে উপদ্রব করিবার জন্য ধূমকেতুর ন্যায় উদ্ভিত হইয়াছে।—

৩৩। “(এই তারকাধিকৃত) পুরে, যতটুকু কিরণ-দানে উহার ক্রীড়া-বাপীর কমলগণের বিকাশমাত্র সম্পন্ন হয়, সূর্য্য-দেবকে কেবলমাত্র ততটুকু কিরণই বিস্তার করিতে হইতেছে।—

তারক-পুরে সূর্য্য-দেব তারকাসুরের ভয়ে অর্থাৎ পাছে প্রচণ্ড উত্তাপে উহার কষ্ট হয়, এই ভয়ে, তাঁহার স্বাভাবিক সুপ্রখর কিরণ-জাল বিস্তার করিতে পারিতেছেন না ; কেবলমাত্র, ঈষদৃষ্ণ কিরণ-দানে তথাকার ক্রীড়া-বাপীর সুকোমল কমলগুলিকে ফুটিয়া, সূর্য্যদেবকে তারকের সুখের সহায়তা করিতে হইতেছে। প্রচণ্ড মার্ত্তণ্ডের পক্ষে ইহা কি বিষম-হীনতা-বাক্যক !

৩৪। “চন্দ্রদেবকে সর্বদা (কি শুক্ল-পক্ষ, কি কৃষ্ণ-পক্ষ, দুই পক্ষেই, প্রতিরাত্রিতে) ষোলকলায় পূর্ণ হইয়া তারকা-সুরের সেবা করিতে হইতেছে।—কেবলমাত্র হরচূড়ামণীকৃতা কলাটী লইতে হয় নাই, (ইহাই যাহা কিছু সুখের)।—

তারক নিজের সুখোপভোগের নিমিত্ত চন্দ্রকে প্রতিরাত্রিতে ষোলকলায়

পাটাইয়া লইতেছেন। অহা! তারকের হাতে চন্দ্রদেবের কি অসাধারণ,
অস্বাভাবিক দুর্গতি!

৩৫। “কুসুম-চুরির অভিযোগ-ভয়ে (অথবা দণ্ড-ভয়ে)
বায়ু তারকাসুরের উত্থান-সঞ্চরণে নিবৃত্ত হইয়া, কেবল তাহার
পাশ্বে মৃদু-মৃদু বহিতেছেন মাত্র,—এত মৃদু যে, তালবৃন্ত-
বাক্সনেরই মত, তাহার অধিক নয়।—

অপ্রতিহত-গতি পবন-দেব সর্বদাই কুসুম-গন্ধ-ভোগী, কিন্তু তারকা-
সুরের ফুল-বাগানে তাহা করিবার যো নাই, করিলেই চৌঘাপরাধ ও দণ্ড।
পরন্তু, পবন-দেবকে তারকের কাছে থাকিয়া, সামান্য ভূতোর ন্যায় মৃদু-মৃদু
শাসন করিতে হইতেছে! কোথায় বা তাহার সেই অপ্রতিহত-গতি,
আর কোথায় বা কুসুম-গন্ধোপভোগ!

৩৬। “ঋতুগণ পর্যায়-সেবা (ঋতুর পরে ঋতু অনুসারে
পর্যায় ক্রমে সেবা) পরিত্যাগ করিয়া, এখন সর্বদাই (সর্ববিধ)
পুষ্প-সম্ভারে, উদ্যান-মালী যেরূপ উদ্যানপালকে সেবা করে,
সেইরূপে তারকাসুরকে সেবা করিতেছে!—

তারকাসুরের শাসনে এখন আর শীত-গ্রীষ্ম-বর্ষাদি-দোষযুক্ত ঋতুভেদ
নাই; বরং সম্বৎসর ধরিয়া সকল ঋতুকেই তারকাসুরের জন্ত প্রচুর ফুল
যোগাইতে হইতেছে; “এখন এ ফুলের ঋতু নহে,” “ও ফুলের ঋতু নহে”,
ইত্যাদি বলিলে চলিতেছে না।

৩৭। ‘সরিং-পতি সমুদ্র, তারককে উপহার দিবার যোগ্য
(উত্তম-উত্তম) রত্ন-সকল যতদিন পরিপক্বাবস্থা-প্রাপ্ত না হয়,

কেবল ততদিন মাত্র নিজ জলাভাস্তুরে রাখিয়া, অতি আগ্রহের সহিত (পরিপাক-কাল) প্রতীক্ষা করিয়া থাকেন !—

উৎকৃষ্ট মুক্তাদি রত্ন-সকল যেরূপ পরিপক্যাবস্থা প্রাপ্ত হয়, অননি কিঞ্চিন্মাত্র কাল-বিলম্ব না করিয়া তৎক্ষণাৎ তাহা তারকাসুরকে উপঢৌকন দিতে

৩৮। “বাসুকি-প্রমুখ সিদ্ধ-সর্পগণকে তাহাদের শিরঃস্থ উজ্জ্বল-মণি-প্রভা দ্বারা রাত্ৰিকালে তারকাসুরের চারি পাশ্বে স্থির প্রদীপের কার্য্য করিতে হইতেছে !—

বাসুকি প্রভৃতি শ্রেষ্ঠ সর্প-সকলকে তাহাদের মাথার মণির প্রভা দ্বারা তারকের আলোক-সেবা করিতে হইতেছে । মণির আভা বলিয়া উহা “স্থির” অর্থাৎ অকম্প ও অনির্ভেদ প্রদাপ ।

..

৩৯। “(অধিক কি), দেবরাজ ইন্দ্রকেও তারকাসুরের অনুগ্রহাপেক্ষী হইয়া, ঘন-ঘন দূত দ্বারা কল্পদ্রুম-প্রসূন পাঠাইয়া, তাহার মনস্তৃষ্টি-সাধন করিতে হইতেছে !

কল্পবৃক্ষের ফুল মুহূর্হ না পাঠাইলে ইন্দ্রেরও রক্ষা নাই !

৪০। “রবি-শশী-পবনাদি এইরূপে তাহাকে সেবা করিতেছে ; তবু সে ত্রিভুবনকে পীড়ন করিতে নিরস্ত হইতেছে না । প্রতাপকার দ্বারাই দুর্জয় শাস্ত হয় ; উপকার করিয়া দুর্জয়কে কখনই শাস্ত করা যায় না ।—

সেবা করিয়া, তাহাকে শাস্ত করা যাইবে না ; তাহাকে শাস্ত করিতে হইলে যথোচিত প্রতীকার করা চাই, ইহাই ভাব ।

৪১। “নন্দন-কাননের দ্রুম-সকল,—(অলঙ্কারার্থে)
যাহাদের পল্লবগুলি অমর-বধূরা তাহাদের সুকুমার হস্ত দ্বারা
সদয় ভাবে ঢিড়িতেন,—নন্দন-কাননের সেই দ্রুমসকল (আজ)
নিদ্রয় তারক কর্তৃক ছেদন ও পাতনে অভিজ্ঞ হইতেছে !—

নন্দনকাননের পারিজাতাদি বৃক্ষ-সকল এতই শোভার বস্তু যে, কেহ
উদ্ভাদিগকে কাটিয়া ফেলা দরে থাকুক, নিদ্রয়ভাবে স্পর্শ পয়াম্ত করিত না ;
কেবল অমর-বধূরা অলঙ্কারার্থে তাহাদের সুকোমল হস্ত দিয়া পল্লব চয়ন
করিতেন ;—তাহাও অতি সদয়-ভাবে, পাছে বৃক্ষদিগের অঙ্গ আঘাত
লাগে । আজ সেই বৃক্ষ-সকল তারক কর্তৃক ছেদিত ও পাতিত হইয়া ছেদ-
পাতের দুঃখ অনুভব করিতেছে !

৪২। “তারকের নিজাকালে, বখন সুরবন্দিনীরা নিশ্বাস-
প্রমাণ বায়ু দ্বারা তাহাকে ব্যঞ্জন করেন, তখন সেই চামরগুলি
(ছুঃখিনী) সুরবন্দিনীদিগের নেত্রবাম্পবিন্দু বর্ষণ করিতে
থাকে !—

নিশ্বাসাপেক্ষা অধিক বায়ু-বাজনে পাছে তারকের নিদ্রাভঙ্গ হয়, এই ভয়ে
বন্দিনীরা নিশ্বাস-সমান বায়ুই ব্যঞ্জন করিতেন ।

কেহ-কেহ ব্যাখ্যা করেন,—বন্দিনীদিগের মনস্তাপ-জনিত নিশ্বাসেব
সহিত মিশ্রিত বায়ু দ্বারা ব্যঞ্জন । কিন্তু মূলে বা মল্লিনাথের টীকায় এ
আভাস নাই । “শ্বাস-সাধারণ বায়ু” অর্থাৎ যে বায়ু নিশ্বাসের সমান, নিশ্বাস-
প্রমাণ, নিশ্বাসের অনধিক ।

চামর-বাজন-কালে বায়ু যদি জলকণা-সিক্ত হয়, তাহা হইলে উহা ভোগীর পক্ষে বড়ই সুখকর। এ স্থলে, চুংখিনী বন্দিনীদেব অশ্রু-কণাটী তারকের পক্ষে জলকণার কাণা করিত :—বন্দিনীরা কাঁদিত বটে, কিন্তু তাহাতে তারকের জলসিক্ত বায়ু উপভোগ হইত !

তারকাসুরের নিদ্রাকালেই চুংখিনী সুর-বন্দিনীদেব রোদনর অবসর !

৪৩। “সূর্যাস্থগণের ক্ষুরে চূর্ণিত মেরুশৃঙ্গসকল উৎপাটিত করিয়া, তারকাসুর তাহাদিগকে নিজের (ত্রিভুবনস্থ) ধাম-সকলের কেলি-পর্বত করিয়াছে !—

“সূর্যাস্থগণের ক্ষুরে চূর্ণিত” মেরুশৃঙ্গগণের অভ্রাচ্ছতা-বাক্যক।

সূর্যাদেবের এক-চক্র রথে সপ্তাশ্ব-যোজিত। (সপ্তাশ্ব সম্ভবর্ণের - রূপক)।

৪৪। “মন্দাকিনী এখন জলাবশেষ মাত্র ; তাহাও আবার দিগ্‌গজদিগের মদে আবিল। সেই জলের (সার) শস্য-স্বরূপ যত কনক কমল, তারকাসুরের বাণীগণই ঐ সকল কনক-কমলের ধাম হইয়াছে !

স্বর্গ-নদী মন্দাকিনীর সমস্ত কনক-কমলগুলি উপাড়িয়া আনাটয়া তারকা-সুর নিজের দীর্ঘিকায় লাগাইয়াছে !

৪৫। “তারকাসুরের অকস্মাৎ-আগমন-ভয়ে এখন দেব-রথের পথ দুর্গম হইয়াছে ; সুতরাং দেবগণ সম্প্রতি ত্রিভুবন-দর্শনানন্দে বঞ্চিত !—

৪৬। “মহা সমারোহে অনুষ্ঠিত যজ্ঞে যাজ্ঞিকগণ যখন অগ্নিতে আভূতি প্রদান করেন, তখন সেই মায়াবী আমাদের অগ্নিমুখ হইতে আমাদের সাক্ষাতেই সেই আভূতি বলপূর্বক কাড়িয়া লয় !—

অগ্নিই দেবগণের মুখ ; এই মুখ দিয়াই তাহার। যজ্ঞের হবির্ভোজন করিয়া থাকেন । কিন্তু এখান মায়াবী তারকাসুর মায়াবলে এই সকল হবিঃ দেবতাদের মুখ হইতে কাড়িয়া খাইতেছে,—দেবতারা কেবল “ফাল্-ফাল্” করিয়া চাহিয়া দেখিতেছেন মাত্র, নিবারণ করিতে পারিতেছেন না । তারকের মায়াবলের কাছে দৈববল সম্পূর্ণ অক্ষম হইয়া পড়িয়াছে !

৪৭। “সু-উন্নত উচ্চৈঃশ্রবা, যাহা ইন্দ্রের চিরকালার্জিত মূর্তিমান্ যশঃ-স্বরূপ —তারকাসুর সেই হয়-রত্নটিকেও অপহরণ করিয়াছে !—

৪৮। “ত্রিদোষজ সান্নিপাতিক জ্বর-বিকারে বীৰ্য্যবন্ত ঔষধ-সকলও যেমন বিফল হইয়া যায়, সেই ক্রুর তারকাসুরের প্রতি আমাদের-অবলম্বিত সকল উপায়ই সেইরূপ বার্থ হইয়াছে !—

বীৰ্য্যবন্ত ঔষধের সহিত তুলনা দ্বারা উপায়গুলির সাক্ষাতিকত্ব সূচিত । উদাহরণ-স্বরূপ দুইটা সাক্ষাতিক উপায় পরেই কথিত হইতেছে ।

৪৯। “যে হরিচক্রে আমাদের জয়াশা ছিল, তারকাসুরের প্রতি নিষ্কিপু সেই হরি-চক্র দ্বারা যেন তাহার কণ্ঠে কণ্ঠ-ভূষণই অর্পিত করা হইয়াছে !—বরং প্রতিঘাতে চক্রের অশ্বনিহিত তেজঃ

সমুদগত হওয়ায় উহা সমধিক উজ্জ্বল কণ্ঠভূষণরূপেই তারকের কণ্ঠে শোভা পাইতে লাগিল !—

বিষ্ণুর অমোঘ “সুদর্শনচক্র” তারকাসুরের কণ্ঠচ্ছেদ না করিয়া, বরং তাহার ‘কণ্ঠভূষণ’ হইয়াছে । এমন চরম সাজঘাতিক উপায় প্রয়োগ করিয়াও তাহা বিফল হইয়াছে !

৫০। ঐরাবতকে পরাজিত করিয়া, তারকাসুরের গজ-সকল এখন পুষ্কর-আবর্তকাদি মেঘে বপ্ন-ক্রীড়া অভ্যাস করিতেছে !—

ইন্দ্রের “ঐরাবত গজ” আর-এক সাজঘাতিক উপায়,—তারকের প্রতি প্রযুক্ত হইয়াছিল ; কিন্তু তাহাও ব্যর্থ হইয়াছে !

৫১। “এমন-সকল শ্রেষ্ঠ উপায় যখন ব্যর্থ হইল, তখন হে বিভো ! মুমুক্শু ব্যক্তিগণ যেমন পুনরুৎপত্তির নিবৃত্তি-মানসে কক্ষবন্ধচ্ছেদক্ষম ধর্ম্মের আশ্রয় লয়েন, আমরাও সেইরূপ (এই আশুরিক যন্ত্রণার নিবৃত্তি-উদ্দেশে, তারক-সংহার ক্ষম) এক দেব-সেনানী-সৃষ্টির ইচ্ছা করিতেছি ;—

৫২। “সুর-সৈন্যদিগের রক্ষা-কর্ত্তা-স্বরূপ যে-সেনানীকে অগ্রে করিয়া, ইন্দ্র বন্দীস্বরূপা জয়ন্তীকে শত্রু-হস্ত হইতে প্রত্যানয়ন করিবেন ;—(আমরা এমন-এক দেব-সেনানী-সৃষ্টির ইচ্ছা করিতেছি) ।”

‘জয়ন্তী’ যেন স্ত্রী-স্বরূপা,—তারকাসুর কর্ত্তক বন্দীকৃত ।

দ্বিতীয় সর্গ

৫৩। বৃহস্পতির বাক্যাবসানে, স্বয়ম্ভু কথা কহিলেন ;
মনোহরসে সে কথা যেন গর্জনা-স্তু-বৃষ্টি-কও পরাজয় করিল ।—

“গর্জনাশ্চে বৃষ্টি” বৃহস্পতি কড়ক দুঃখ-পারজাপনের পরে ফলোদয়-স্বরূপ
প্রকাব্যাক্যের সুভগত-ব্যঞ্জক ।

৫৪। (স্বয়ম্ভু বললেন)—“কিছুকাল প্রতীক্ষা কর ;
তোমাদের এই মনোবাসনা সফল হইবে । কিন্তু উহার সিদ্ধি-
‘বসয়ে আমি স্বয়ং ঐ সেনানা-সৃষ্টি-ব্যাপারে প্রবৃত্ত হইতে
পারিব না ।—

৫৫। “(কারণ), ঐ ‘তারক’-দৈত্য আমা-হইতেই প্রতিষ্ঠা-
প্রাপ্ত ; সুতরাং আমা-কড়ক তাহার ক্ষয়-সাধন অনুচিত । (অন্য
ব্যক্তির কথা দূরে থাক্), বিষ-বৃক্ষও নিজ-হস্তে পালন করিয়া
শেষে নিজ হস্তেই তাহা ছেদন করিতে নাই ।—

৫৬। পূর্বে সেই তারকাসুর আমার কাছে, (যেন দেবেরও
অবধ্য হই) এই বর চাহিয়াছিল ; আমিও তাহাকে সেই বরই
দিয়াছিলাম । (যদি বল, জানিয়া-গুনিয়া এমন ভয়ানক
দৈত্যকে কেন এমন প্রশ্রয় দিলাম ?—) তাহার ত্রিলোক-দহন-
ক্ষম তপঃ-প্রভাব আমি ঐ বরদানে শাস্ত করিয়াছিলাম ।—

ঐ বর না দিলে তাহার তপঃরূপ অগ্নিতে তখনই ত্রিলোক দগ্ধ হইয়া
বাইত । ত্রিলোক-রক্ষার্থ, বর-রূপ জলদানে তখন সেই প্রচণ্ড অগ্নি প্রশমিত
করিতে হইয়াছিল ।

৫৭। “কোন (উপযুক্ত) ক্ষেত্রে নিষিক্ত নীল-লোহিতের শুক্রে অংশ (ধূজটির ঔরস-জাত পুত্র) বিনা আর কে, সেই যুদ্ধ-কুশল (তারকাসুর) যখন যুদ্ধে উদ্ভূত হইবে, তখন তাহাকে অভিভূত করিতে সমর্থ হইবে ?—

৫৮। “সেই (দেবাদিদেব) মহাদেব তমোগুণাতীত জ্যোতির্ময় পরমাত্মা ; তাঁহার অনন্ত মহিমা ভেদ করা আমার ও সাধ্য নহে,—(এমন কি), বিষ্ণুরও সাধ্য নহে ।—

এই অমন্ত-প্রভাব-সম্পন্ন মহাদেবের অসাধ্য কিছুই নাই । তারক-সংহার-ক্ষম সেনানী সৃষ্টি ইঁ হারই সাধ্য—ইহাই ভাবার্থ ।

৫৯। “যখন তোমরা কার্য্যার্থী হইয়াছ, তখন এক কন্ধ্যা কর ;—অয়স্কাস্ত্র-মণি দ্বারা যেমন লৌহকে আকর্ষণ করা যায়, তেমনি, উমা-সৌন্দর্য্য দ্বারা তোমরা শত্রুর সমাধিস্থ মনকে আকর্ষণ করিতে উদ্যোগী হও ।—

৬০। “আমাদের উভয়ের (মহাদেবের ও আমার) নিষিক্ত বীজ ধারণ করিতে কেবল মাত্র দুইটা স্ত্রীলোকই পারে,—উমা এবং শত্রুর জলময়ী মূর্তি ।

সুতরাং, ব্রহ্মা যখন স্বয়ং এ সেনানী-সৃষ্টি ব্যাপারে হস্তক্ষেপ করিবেন না, তখন উমা ছাড়া গতাস্তর নাই । ‘জলময়ী মূর্তি’ মহাদেবের অষ্ট মূর্তির অন্ততম ।

৬১। “শিতিকণ্ঠের আশ্রয়ই তোমাদের সেনাপতিত্ব

পাঠয়। স্বায় বার্ষ্য-বিভূতি দ্বারা সুরবন্দীদিগের বেণীমোচন করিবে।”

“সুরবন্দীদিগের বেণীমোচন” দ্বারা তারকাশুর-বধ সূচিত।

৬২। বিশ্বায়োনি (ব্রহ্মা) দেবগণকে এইরূপ কহিয়া তিরোধান করিলেন। দেবগণও মনে-মনে কর্তব্য-নিশ্চয় করিয়া স্বর্গ-ধামে প্রত্যাগত হইলেন।

৬৩। (তখন), ইন্দ্রদেব, হরচিত্তাকর্ষণ-কার্য্যে কন্দর্পই সাধক হইবেন, ইহা নিশ্চয় করিয়া, স্বরায় কার্য্য-সিদ্ধির জন্য দ্বিগুণিত-বেগ-সম্পন্ন মনে কন্দর্পকে স্মরণ করিলেন।

একেই “মনের গতি” ক্রান্ততায় চির-প্রসিদ্ধ; তাহার উপর “দ্বিগুণিত-বেগ” সম্পন্ন বলায় অতিশয় ক্রান্তগতি সূচিত।

“স্মরণ” অর্থাৎ মনে মনে আস্থান।

৬৪। তখন, পুষ্প-ধনু কামদেব, রতি-বলয়-চিহ্নাঙ্কিত স্বক্কে ললিতাঙ্গনাদিগের ক্র-লতার শ্রায় চারু-কোটি-সম্পন্ন ধনুকখানি স্থাপিত করিয়া, এবং সহচর বসন্তের হস্তে চুতাকুর অস্ত্রটি শাস্ত্র করিয়া, কৃতাজ্জলিপুটে ইন্দ্র-সমীপে উপস্থিত হইলেন।

কন্দর্প শৃঙ্গার-বীর; স্ততরাং বীরোপযোগী উপকরণ—ধনুকবাণের উল্লেখ সার্থক। ‘চুতাকুর’ মদনের পঞ্চ ফুলবাণের মধ্যে শ্রেষ্ঠ বাণ। (মদনের পঞ্চবাণ—১-৩১ শ্লোকের টীকা দেখ)

“ব্রহ্ম-সাক্ষাৎকার” নামক দ্বিতীয় সর্গ সমাপ্ত।

তৃতীয় সর্গ

১। (তখন), ইন্দ্রের সহস্র চক্ষুঃ দেবগণকে পরিত্যাগ করিয়া, এককালে কন্দর্পের উপরে পতিত হইল।—আশ্রিতের প্রতি প্রভুর আদর প্রয়োজনাপেক্ষা-হেতু প্রায়ই চঞ্চল হইয়া থাকে।

যাহার দ্বারা যখন কোন কাণ্ড করিতে হইবে, প্রভুর আদর তখন তাহার প্রতিই সমধিক হইয়া থাকে।

২। বাসব, কামদেবকে তাহার সিংহাসনের সন্নিহিতে স্থান দান করিয়া, “এই খানে বস” বলিলে, কামদেব অবনত-মস্তকে প্রভুর অনুগ্রহের জন্য কৃতজ্ঞতা জানাইয়া, গোপনে তাহাকে এই প্রকার বলিতে উপক্রম করিলেন :—

৩। “হে লোকগুণজ ! ত্রিলোকে আপনার জন্য কি করিতে হইবে, আজ্ঞা করুন। আমাকে স্মরণ করিয়া, আপনি আমার প্রতি যে অনুগ্রহের সৃষ্টি করিয়াছেন, এখন কোন কার্যের আজ্ঞা-প্রদানে ঐ অনুগ্রহকে সংবদ্ধিত করুন, ইহাই আমি ইচ্ছা করিতেছি।—

৪। “কে আপনার ইন্দ্র-পদের আকাঙ্ক্ষায় সুদীর্ঘ তপস্যা দ্বারা আপনার ঈর্ষা জন্মাইয়াছে, বলুন ?—এখনই আমার এই ধনুঃতে বাণ সংযোজিত করিয়া তাহাকে ইহার বশবর্তী করি।—

• মদন-বাণে বিদগ্ধ হইলেই তপো ভঙ্গ হইবে, তপো ভঙ্গ হইলেই ঈশ্বর-প্রাপ্তি অশুভ-সুন্দর-পর্যন্ত ; আর, তাহা হইলেই ঈশ্বর নিকটক ।

৫। “আপনার অসম্মানিত এক পুনরাবর্তিত-ক্লেশ-ভরে মুক্তি-মার্গ প্রাপ্ত হইয়াছেন, বলুন ?—তাহাকে এখনই সুন্দরী-দলের অকুটি-কুটিল কটাক্ষের দ্বারা (সংসারের ভোগ-সুখে) চরকালের জন্য এক কারয়া রাখা ।—

এখানে উদ্যোগ-গানাকে রক্ষা-দার বন্ধনের ভার অর্পণিত ।

৬। “কি আপনার শত্রু, বলুন ?—সে ব্যক্তি শুক্রাচার্য্য কড়ক নীতি-শাস্ত্র অধ্যাপিত হইয়া থাকলেও, আমি তাহার পাত্ত বিষয়াভিলাষ-রূপ দূত নিযুক্ত করিয়া, তাহার দম্ব ও অর্থকে—প্রবল প্রবাহ যেমন নদীর তটদ্বয়কে পৌড়ন করে,—সেইরূপ পৌড়ন করি ।

এখানে দুঃসাহা-সাদনে মদনের সক্ষমতা সুব্যক্ত ; কারণ, নীতি-শাস্ত্রদেতা শুক্রাচার্য্যের শিষ্যগণকে দম্ব ও অর্থ বিষয়ে দর্শন করা একান্তই দুষ্কর ।

৭। “কোন দৃঢ়-পাতিব্রতা-ধর্ম্মাবলম্বিনী রমণীর সৌন্দর্য্য আপনার লোলচিত্ত অধিকার করিয়াছে ? যদি ইচ্ছা করেন যে, সেই রমণী লজ্জা ত্যাগ পূর্ব্বক স্বয়ং আসিয়া আপনার কাছে তাহার বাহু সংলগ্ন করে, তাহাও বলুন ।—

এখানে ইন্দ্রের পরদারিকত্বের প্রতি কবির তীব্র কটাক্ষ লক্ষ্য । এই ‘লোল-চিত্ত’ ইন্দ্রই ছলনা করিয়া অহল্যা-গগন করিয়াছিলেন ।

পূর্বোক্ত তিনটি শ্লোক দ্বারা দম্য, অর্প, কাম, ও মোক্ষ এই চতুর্বিধই মননের অধিকার ও অসাধ্য-সাধন-ক্ষমতা হুচিত ।

৮। “হে কাম-পীড়িত ! সুরতাপরাধ-হেতু কুপিতা, এমন কোন্ রমণীর পদানন্ত হইয়াও আপনি তৎকর্তৃক তিরস্কৃত হইয়াছেন, বলুন ?—আমি তাহার দেহকে গাঢ় অন্ততাপে দগ্ধ করিয়া প্রবাল-শয্যায় শরণ লওয়াই ।—

“প্রবাল-শয্যা” অর্থাৎ নব-পল্লব-শয্যা ; শীতলতা-হেতু তাপিত দেহের শরণোপযোগী । এইজন্যই কাব্যাদিতে নব পল্লব-শয্যা বিরহ-সম্ভাপিতাদিগের আশ্রয়-স্থান ।

৯। “হে বীর ! আপনি প্রসন্ন হউন ; আপনার বজ্র ও বিশ্রাম করুক । দৈতা-দানবাদির মধ্যে যে-কোন জন সুরারি, আমার এই পুষ্প-বাণের আঘাতে তাহার বাতনীর্যা বিফল করিয়া তাহাকে এমন (নিঃসৃজঃ ও কাপুরুষ) করিব যে, সে কোপক্ষুরিতাধরা স্ত্রীলোক দেখিয়াও ভীত হইবে !—

“প্রসন্ন হউন” অর্থাৎ নির্ভাবনা হউন ।

“বজ্র ও বিশ্রাম করুক”—ইহা দ্বারা কুশুম্ব-বাণের অত্যাধিক-ক্ষমতা মনন-মুখে অতি-দর্পে প্রকাশিত ।

১০। “অধিক কি বলিব ?—(আপনার প্রসাদে) এই কুশুম্ব (পুষ্প-বাণ) মাত্র সম্বল করিয়াই, এবং আমার এক-মাত্র সহায় মধুকে সঙ্গে লইয়াই, আমি পিনাক-পাণি হরের ও

তৃতীয় সর্গ

বৈধব্য-চ্যুতি ঘটাইতে পারি ;—অন্য ধনুর্ধরেরা আমার কাছে কে ?

কে ?—(তুচ্ছ-বাক্যক) ।

পূর্ববর্তী কয়েকটী শ্লোকে এবং এখানেও মদনের গলাফুলগুলির মধ্যে বাক্যার্থে দেবেন্দ্রের প্রতি বৈশ-একটু তীব্র কটাক্ষ লক্ষিত হয় । ৭ম শ্লোকে মাল্লনাথ তাহা স্থম্পষ্টভাবেই উল্লেখ করিয়াছেন—“এতচ্চন্দ্রশ পরদারিকয়া-চক্রম্” । তারপরে, ৮ম শ্লোকে মদনের মুখে দেবেন্দ্রকে সম্বোধন—“কামিন্” এবং ৯ম শ্লোকে—“প্রসাদি বৈশ্রামাণ্ড বার ! বজ্রম্”—এই দুই স্থলেও আমার মনে হয়, দেবেন্দ্রের প্রতি স্পষ্ট বৈশ্যাক্তি । সেইরূপ এই ১০ম শ্লোকেও—“তব প্রসাদঃ কুন্তমায়নোপ-সহায়মেকঃ মধুমেব লক্ষ্য” —এই ভক্তির মনোহর, আমার মনে হয়, ইন্দ্রের বজ্রাঘের এবং অগণ্য দেব-সেনার প্রতি প্রচ্ছন্ন কটাক্ষ, গূঢ় ব্যঙ্গোক্তি বর্তমান । বলা বাহুল্য, এরূপ ব্যঙ্গোক্তি কাব্যার্থে বড়ই উপভোগ্য । অবশেষে, গর্ভোক্তির মুখে “আমি পিনাক-পাণি হরের ও বৈষ্যচ্যুতি-সাদনে সক্ষম”—এই কথায়, পক্ষাস্তরে দেবেন্দ্রের অতীর্ণিত প্রস্তাব যেন মদনের মুখ দিয়াই আসিয়া পড়িল ! ইহাও উৎকৃষ্ট কাব্য-কলায় অঙ্গ বলিয়া পরিগণিত ।

১১ । মদন-বাক্য শ্রবণ করিয়া, ইন্দ্র স্বীয় উরুদেশ হইতে একখানি চরণ নামাইয়া, তদ্বারা পাদপীঠকে সম্মানিত করিলেন ; এবং সঙ্কলিত (হরচিন্তাকর্ষণ) বিষয়ে মদনের নিজমুখে তাঁহার শক্তি প্রকটিত হইল বুঝিয়া, মদনকে কহিলেন—

১২ । “হে সখে ! (তোমার ক্ষমতার কথা যাহা বলিলে) সে-সবই তোমাতে সম্ভব । আমার ছুই অস্ত্র—বজ্র আর তুমি ;

(তাহার মধ্য) বজ্র, তপোবলে বলীয়ান্ মহত্তর প্রতি কুষ্ঠিত-
গতি ; কিন্তু তুমি সর্বব্রহ্মগামী ও সকলের উপরেই কার্য্যকর ।—

তাপসেরা ও মদনের প্রভাবে অভিভূত হইয়া থাকেন ।

১৩। “আমি তোমার বল অবগত আছি ; সেইজন্যই
তোমাকে আমি নিজের মত জ্ঞান করিয়া, এষ্ট গুরু-কার্য্যে
নিয়োগ করিতেছি । শেষ-সর্পের ভূ-ভার-ধারণ-ক্ষমতা জানিয়াই
কুমার তাহাকে তাঁহার দেহ-বহনে আদেশ করেন ।—

বিষ্ণু অনন্ত-শয্যা-শয্যা ।

১৪। “মহাদেবের প্রতিও তোমার বাণ কার্য্যকর, যাহা
বলিলে, তাহাতেই তোমা-দ্বারা আমাদের কার্য্য অঙ্গীকৃত-প্রায়
হইয়াছে ; যেহেতু, প্রবল শত্রু কর্তৃক উদ্বেজিত যজ্ঞাংশভোজা
দেবগণের ঈপ্সিত কার্য্যও তাহাই ।—

মদন-বাণে হরধ্যান-ভঙ্গ করাই দেবগণের এখন ঈপ্সিত ।

১৫। “এ (বিপন্ন) দেবগণ শত্রুজয়ার্থ মহাদেবের
বীর্য্যোদ্ভব এক সেনানী পাঠিতে ইচ্ছা করেন । কৃতমহ্নতাস,
ব্রহ্মধ্যান-তৎপর সেই মহাদেব তোমার একটী-মাত্র বাণ-
নিষ্ক্ষেপেই ধৈর্য্যচ্যুত হইবেন ।—

এখানে কাথোর স্বরূপ ও তাহাতে মদনের সাধকত্ব স্পষ্টীকৃত হইল ।

১৬। “এখন তুমি সেই যত্নায়া মহাদেবের সেবা-রতা
হিমাদ্রিশ্রুতাকে তৎপ্রতি আকৃষ্টা করিতে যত্ন কর । দ্বীনীলোকের

মধ্যে (কেবল একমাত্র) সেই সুদক্ষা পারদর্ভী মহাদেবের
বাঁধা-নিষেকের (উপযুক্ত) ক্ষেত্র, ইহা ব্রহ্মা উপদেশ
করিয়াছেন ।—

দ্বিতীয় সর্গে ৬০ম শ্লোকে ব্রহ্মার উক্তি দেখ ।

১৭। “পিতৃ-নিয়োগে পারদর্ভী এখন হিমাদ্রি-শিখরে
তপোনিরত স্থানুর সেবা করিতেছেন, ইহাই আমার গুচর
অপ্সরাদিগের মুখে আমি শুনিয়াছি ।—

১৮। “অতএব, (হে মথ্যে !) কার্যাসিদ্ধার্থ গমন কর
এবং এই দেব-কার্যটি (সম্পন্ন) কর । হর-ধ্যান-ভঙ্গ-রূপ
এই প্রয়োজনটি পারদর্ভী-সম্মিধান-রূপ কারণাস্তুর-সাধা । বীজা-
স্তুর যেমন উৎপত্তির পূর্বে জলের অপেক্ষা করে, এই প্রয়ো-
জনটিও সেইরূপ তোমার সহায়তা-রূপ কারণের অপেক্ষা
করিতেছে ।—

১৯। “দেবগণের বিজয়োপায়-স্বরূপ সেই (ধ্যানরত)
মহাদেবের প্রতি অস্ত্র-চালনা (বাণ-নিষ্ক্ষেপ দ্বারা তাঁহার ধ্যান-
ভঙ্গ করা) কেবল তোমারই সাধ্যায়ত্ত,—অন্য কাহারই নহে ;
অতএব তুমিই কৃত্তী ! অনন্য-সাধারণ কর্ম্য অপ্রসিদ্ধ হইলেও
তৎ-কর্তার যশের কারণ হইয়া থাকে ।—

এ কার্যটি অনন্য-সাধারণ অর্থাৎ অসাধারণ ত বটেই ; পরন্তু ইহা প্রসিদ্ধ
কার্যও বটে ; কারণ, ইহা দেব-কার্য । এই উভয় গুণে এই কার্যটি মননের
পক্ষে অতি-যশস্কর ।

২০। “এই সকল দেবগণ তোমার কাছে প্রার্থী ; কার্য্যটীও ত্রিভুবনের হিতার্থ ; এবং করিতে হইবে তোমার (পুষ্প-) ধনুঃ দ্বারা ;—সুতরাং কক্ষটী অতি হিংস্রও নহে !—অহো ! তোমার দৌরহ স্পৃহনীয় !—

২১। “হে মন্থথ ! আর-এ বসন্ত, উনি ত তোমারই সহচর ; সুতরাং উঁহাকে পৃথক করিয়া না বলিলেও, উনি তোমার সহায় হইবেন ;—সমীরণকে কে আদেশ করে যে, তুমি ছত্ৰাশনের সহায় হও ?”

বায়ু যেমন অগ্নির স্বভাব-সিদ্ধ সহায়, বসন্তও তেমনই মদনের ; সুতরাং আদেশ-অনুরোধের প্রয়োজনাভাব।

২২। মদন তখন “যে আজ্ঞা” বলিয়া, প্রসাদ-দত্তা মালার ন্যায়, প্রভুর আজ্ঞা শিরে ধারণ করিয়া গমন করিলেন। উদ্ভূত তাঁহার ঐরাবত তাড়ন-কর্কশ তদন্ত মদনের অঙ্গস্পর্শ করিয়া তাঁহাকে বিদায় দিলেন।

অবনত-শিরে আজ্ঞা অঙ্গীকার করা হয় বলিয়া, আজ্ঞা “শিরে ধারণ” “শিরোধার্যা” ইত্যাদি বলা হইয়া থাকে। “অঙ্গ-স্পর্শ”—(উৎসাহ-বর্দ্ধনাথ)।

২৩। দেহপাত করিয়াও যেন কার্য্য-সিদ্ধি হয়, এইরূপ প্রার্থনা করিতে-করিতে, হিমালয়ের যে-স্থলে স্থানু তপস্যা করিতেছিলেন, মদন প্রিয়সখা বসন্ত ও ভাষ্যা রতির সহিত সশঙ্কচিত্তে সেই রুদ্রাশ্রমে প্রবেশ করিলেন।

যোগ-নিরত রুদ্রদেবের যোগভঙ্গ কর। অতিশয় বিপজ্জনক, ইহা ভাবিয়া
হসিত 'সশঙ্ক' । রতি-হৃদয়ে ভাবী অমঙ্গলের যেন একটা চায়াপাত হইয়াছিল ।

“Coming events cast their shadows before”—এই
প্রাভাবিকতা কাব্যার্থেও স্বন্দর উপভোগ্য ।

২৪ । •(তখন) সংযমী মুনিদিগের তপঃ-সমাদিগ বিরোধী
বসন্ত, মদনের অভিমানভূত নিজের (মনোহর) স্ব-রূপ বিকাশ
করিয়া, সেই রুদ্রাশ্রমে প্রাদুর্ভূত হইল ।—

সেই রুদ্র-শিখরে তপোবিহ্বল বসন্ত-ঋতুর লক্ষণ-সকল বিকশিত হইয়া
উঠিল ।

২৫ । উষ-রশ্মি (সূর্য্য) দক্ষিণায়ন-কাল উল্লঙ্ঘন করিয়া
কুবেরাধিকৃত উত্তরদিকে (উত্তরায়ণে) প্রবৃত্ত হইলে, দক্ষিণ
দিকের মুখ দিয়া দুঃখস্বাসের মত বায়ু বহিতে লাগিল ।—

সংস্কৃতে “দিক্” শব্দ স্ত্রীলিঙ্গ । এই অবলম্বন করিয়া এখানে একটা
স্বন্দর নায়ক-নায়িকা-ভাব স্পষ্টে বিদ্যমান । সূর্য্য যেন উষ-প্রকৃতিক নায়ক ;
তিনি দক্ষিণায়নকাল অর্থাৎ সঙ্গম-কাল উল্লঙ্ঘন করিয়া, কুবেরাধিকৃত অর্থাৎ
কোন এক কুংসিত পুরুষ কর্তৃক রক্ষিতা রমণীতে প্রবৃত্ত হইলে, দক্ষিণা অর্থাৎ
দক্ষিণাবর্তী, স্ব-নায়িকা দুঃখে নিশ্বাস ফেলিতে লাগিলেন ।

ফলিতার্থ—দক্ষিণায়ন-কাল উল্লঙ্ঘন করিয়া সহসা সূর্য্যের উত্তরায়ণ-কাল
সম্প্রস্থিত হইল এবং সেই সঙ্গে মৃদু মলয়ানিল বহিতে লাগিল ।

২৬ । সুন্দরীদের বাত্মান-নূপুর-ভূষিত পদের আঘাত
অপেক্ষা না করিয়াই, অশোক-বৃক্ষ মূল হঠাতে আরম্ভ করিয়া

(অগ্রভাগ পর্য্যন্ত) সপল্লব কুসুম-স্তবকে শোভিত হইয়া উঠিল ।—

সংস্কৃত-সাহিত্যে কবি-প্রসিদ্ধি এই যে, যুবতী স্ত্রীলোকের পদাঘাত না পাইলে অশোকের কুস্তমোদগম হয় না । আজ অকস্মাৎ বসন্ত প্রাদুর্ভাবের আপনাপনিষ্ট অশোক-বৃক্ষ পুষ্পিত হইল—যুবতীর পদাঘাতের অপেক্ষা রহিল না ।

২৭ । পল্লবাকুর-রূপ চারুপঙ্ক-বিশিষ্ট নব-চূত-কুসুম-বাণ নির্মাণ করিয়া, মধু তৎক্ষণাৎ তাহার উপরে স্যায় প্রভু মদনের নামাক্ষর-স্বরূপ ভ্রমর-পংক্তি বসাইয়া দিলেন ।—

এখানে বসন্ত যেন পুষ্প-দন্তঃ মদনের ইষুকার ; প্রভুর জন্ত চূতবাণ প্রস্তুত করিলেন ; পল্লবাকুর ঐ বাণের পঙ্ক । বাণ-নির্মাণ সমাপ্ত হইলে, মধু তখনি উহার উপরে ভ্রমর-পংক্তি বসাইয়া যেন প্রভুর নামাক্ষিত করিয়া দিলেন ।

কৃষ্ণবর্ণ-হেতু অক্ষরের সহিত ভ্রমরের সাদৃশ্য । অক্ষর-মালার ত্রায় ভ্রমর-পংক্তি দ্বারা যেন নামাক্ষিত হইল ।

২৮ । বর্ণোৎকর্ষ থাকিলেও, কর্ণিকার-কুসুম নির্গন্ধতা-প্রযুক্ত চিত্তের পরিতাপোৎপাদন করিতে লাগিল । গুণগ্রামের সাকল্য-সম্পাদনে (একাধারে সকল গুণের সমাবেশ সম্বন্ধে) বিধাতার প্রবৃত্তি প্রায়ই পরাশ্রুখী ।—

জগতে সকল উত্তম বস্তুই কিছু-না-কিছু দোষাশ্রিত, যথা—সুধাকর চন্দ্র কলঙ্ক । এখানেও সেইরূপ,—কর্ণিকার দেখিতে সুশ্রী হইলেও গন্ধহীন ।

২৯। অ বকশিতাবস্থা-(মুকুল-বস্থা)-হেতু বালেন্দুর আয় বক্রভাবাপন্ন, অতি-লোহিত পলাশ-কুঁড়িগুলি, ঠিক যেন বসন্তের সহিত সর-সঙ্গীত বনস্থলী-রূপ স্রীগণের দেহে সজোদন্ত নখ-ক্ষতের মত দেখা দিতে লাগিল।—

‘সজোদন্ত’ বলিয়াই নখ-ক্ষত গুলি ‘অতি-লোহিত’।

৩০। বসন্ত-লক্ষ্মী, সংলগ্ন-ভ্রমর-রূপ কঙ্কল-রচনা দ্বারা চিত্রবর্ণ তিলক মুখোপরে প্রকাশ করিয়া, বাল্যরূপ-সুন্দর লাক্ষ্য-রাগে চূতপ্রবাল-রূপ ওষ্ঠের শোভা সম্পাদন করিলেন।—

তিলক=পুষ্প বিশেষ। প্রবাল=নব পরাব।

৩১। মদোদ্ধত মৃগগণ, পিয়াল-ফ্রম-মঞ্জরীর (উড্ডীয়মান) পরাগ-কণায় চারিদিক্ দেখিতে না পাইয়া, জীর্ণ-পত্র-পতন-হেতু মর্ম্মর-শব্দ-সমাকুল বনস্থলীতে অনিলাভিমুখে চলিতে লাগিল।—

“মদোদ্ধত মৃগ”, “পিয়াল-ফ্রম-মঞ্জরীর পরাগ”, “জীর্ণ-পত্র-পতন-হেতু মর্ম্মর শব্দ”—এ সকলই বনস্থ-বাক্যক স্বভাবোক্তি।

৩২। চূতাকুরাশ্বাদে মধুর-কণ্ঠ পুংস্কাকিলের কূজন যেন মনস্বিনীদিগের মান-ভঞ্জন-দক্ষ মদনেরই বচন-স্বরূপ প্রতীয়মান হইতে লাগিল।—

কোকিলের ‘কুহ’-রবের দ্বারা মদনই যেন স্বয়ং মনস্বিনীদিগকে বলিতে লাগিলেন—“মান ত্যজ” অর্থাৎ কোকিলের রবে - যেন মদনেরই কথায়—মানিনীগণ মান ত্যাগ করিতে লাগিলেন। বসন্ত-সমাগমে মানিনীদিগের মান স্বতঃই দূরে যায়, ইহাই নিগূঢ় মর্ম্ম।

৩৩। হিমাগমে বিশদাধরা ও পাণ্ডুর-মুখচ্ছবি কিম্বদন্তী-
জনাদের চন্দন-চর্চিত পত্র-রচনা-সকলোর মধ্যে স্বেদোদগম
দেখা দিল।—

হিম-ভয়ে কিম্বদন্তীগণ অধরে মধুচ্ছিষ্ট-প্রদান করিতেন; অতএব এগন
হিমাগমে তদভাবে তাঁহারা “বিশদাধরা”।

সী . ভাবে কুম্ভ-পরিহার হেতু তাঁহাদের মুখচ্ছবি “পাণ্ডুর”।

স্ত্রীলোকেরা নিজ-নিজ নেহে যে সকল পত্রাকার চিত্র অঙ্কিত করিতেন,
তাঁহাদেরই নাম “পত্র-বিশেষক” বা “পত্র-রচনা”।

৩৪। সেই স্থান-বনস্থ তপস্বীগণ অকস্মাৎ তথায় অকাল-
বসন্তের প্রাদুর্ভাব দেখিয়া অতি-যত্নে মনোবিকার দমন এবং
অতি-কষ্টে স্বীয়-স্বীয় মনকে স্ববশে রাখিতে সক্ষম হইলেন।—

৩৫। পুষ্প-ধনুঃতে জা। সংলগ্ন করিয়া, রতি-সঙ্গে, মদন
যখন ঐ স্থান-বনে উপস্থিত হইলেন, তখন স্থাবর-ভ্রম-মিথুন
গণ অত্যাৎকর্ষ-প্রাপ্ত, স্নেহ-রস-সম্পৃক্ত শৃঙ্গার-ভাব কার্য্যতঃ
প্রকাশ করিতে লাগিল।—

সর্ববিধ প্রাণী-মধ্যে বসন্তকালোচিত শৃঙ্গার-চেষ্টা লক্ষিত হইতে লাগিল।

“পুষ্প-ধনুঃতে জা। সংলগ্ন করিয়া” অর্থাৎ কার্য্যোদ্ধত হইয়া।

৩৬। কুম্ভ-রূপ একই পাত্রে স্বীয় প্রিয়া ভ্রমরী মধুপান
করিলে পরে, ভ্রমর তদনুবর্তী হইয়া প্রিয়ার পীতাবশেষ পান

করিতে লাগিল ; এবং কৃষ্ণসার মৃগ, তদীয় স্পর্শ-মুখে নির্মালি-
তাক্ষি মৃগীকে শৃঙ্গ দ্বারা কণ্ঠ্যন করিতে লাগিল ।—

৩৭ । . করিণী : প্রমবশে পঙ্কজরেণু-গন্ধি ভল নিজমুখাভাস্তর
চটতে (উদগীর্ণ করিয়া) করীনে দিতে লাগিল ; আর চক্রবাক
অর্দ্ধভুক্ত মৃগাল দিয়া চক্রবাকীকে আদর দেখাইতে লাগিল ।—

৩৮ । কিন্নর যখন প্রিয়া-সঙ্গে গান করিতে লাগিলেন,
যখন শ্রম-বারিতে প্রিয়া-মুখের তিলক-রচনা বিকিৎ বিশ্লেষিত
হইয়া গেলেও, পুষ্পাসব-পান-হেতু যুগিত নেত্রে প্রিয়ার মুখ-
মণ্ডল শোভা পাঠিতে লাগিল ; কিম্পুরুষ গীতাস্তরে প্রিয়ার
এ শোভন মুখ চুম্বন করিতে লাগিলেন ।—

‘শ্রম-বারি’, ‘তিলক-রচনা’, ‘পুষ্পাসব’—এ সকলই বসন্তকাল-ব্যঙ্গক ।

৩৯ । (জঙ্গম প্রাণীদিগের ত কথাই নাহি, এমন-কি স্থাবর
প্রাণী) তরুগণ ও তাহাদের অবনমিত শাখা-ভুজ দ্বারা পর্যাপ্ত-
পুষ্প-স্তবক-স্তম্বী ও নবোদগত-পল্লবোষ্ঠ-মনোহরা লতা-বধূদিগের
নিকট আলিঙ্গন পাঠিতে লাগিল ।

এখানে লতা-বধূদিগের স্তন ও ওষ্ঠের উল্লেখে আলিঙ্গনের পূর্ণাঙ্গতা ব্যক্ত
বৃক্ষাদি উদ্ভিদগণ সচেতন অর্থাৎ সুখ-দুঃখ-সমন্বিত অস্তুঃসজ্জা-বিশিষ্ট ;
সুতরাং ইহারাও জঙ্গম প্রাণীদের ন্যায় বদনাদিকার-ভুক্ত !

৪০। সেই বসন্তাবির্ভাব-কালে মহাদেব অপ্সরাদিগের গান শুনিয়াও আশ্বাসসন্ধানপর রহিলেন ; কারণ, যাহাদের চিত্ত বশে থাকে, এইরূপ বহিবিব্র-সকল তাহাদের সমাধি-ভঙ্গ-কারিতে কখনই সমর্থ হয় না !

৪১। এইরূপ বসন্ত-সমাগম হইলে, 'নন্দী লতা-গৃহ-দ্বারে (দাঁড়াইয়া), বাম হস্তে হেম-বেত্র ধারণ করিয়া, এবং মুখে (দক্ষিণ হস্তের) তর্জনী অর্পণ করিয়া, সঙ্ক্ষেতে প্রমথগনকে শিক্ষা দিতে লাগিলেন—“সাবধান ! যেন চপল হইও না” ।

দক্ষিণ হস্তের তর্জনী মুখোপরে অর্পণ নিষেধ-ব্যাঞ্জক ।

৪২। নন্দীর শাসনে (তখন) সেই সমগ্র কাননের (সেই কাননস্থ সর্ববিধ জীবের) কার্যোদ্ভব যেন চিত্রাৰ্পিতবৎ অবস্থিত হইয়া রহিল ;—বৃক্ষ সকল নিকম্প, ভৃঙ্গগণ নিশ্চল, পক্ষী-সরীসৃপাদি নিঃশব্দ, ও মৃগগণ নিবৃত্ত-গতি !

এখানে উদ্ভিজ্জ, শ্বেদজ, অণ্ডজ ও জরায়ুজ সকল প্রকার জীবই উল্লিখিত ।

মলয়-বায়ুর অভাবে বৃক্ষগণের পল্লব স্থির ; কুসুমভাবে ভৃঙ্গগণ নিশ্চল ; বসন্ত-মূলভ প্রেরণাভাবে পক্ষী-সরীসৃপাদি নীরব এবং ঐ কারণেই মৃগগণ-ভাবে অবস্থিত ।

৪৩। যুদ্ধযাত্রাকালে যেমন গুরু-সম্মুখীন দেশ পরিত্যাগ করিয়া যাইতে হয়, কামদেব তেমনই নন্দীর দৃষ্টিপাত (দৃষ্টি-

অধিকৃত দেশ) পরিচার করিয়া পাশ্ব-দেশস্থ যে-স্থান পরস্পর-
বিভূড়িত-শাখ-নামেরদ্বারা সমাচ্ছন্ন, ভূতপতির সেই সমাধিস্থানে
প্রবেশ করিলেন ।

জ্যোতিষ শাস্ত্রে কথিত আছে — “প্রতিশুক্ৰঃ প্রতিবৃদ্ধঃ প্রতাপারকমেবচ ।
অর্থাৎ শুক্ৰ-সমো রাজা হতসৈন্যো নিবর্ততে ॥”

অর্থাৎ শুক্ৰ, বৃদ্ধ ও শনি সম্মুখে করিয়া যুদ্ধযাত্রা করিলে, ন-ন-কেন
হইনি শুক্ৰসম রাজা, তবু তাঁহাকে হতসৈন্য হইয়া ফিরিতে হইবে ।

৪৪ । আসন্ন-মৃত্যু মদন দেখিলেন যে, বায়চক্ষ্যাস্ত্র,
দেবদারু-দ্রুম-নির্মিত বেদীর উপরে ত্রাসক সমাধিনিষ্ঠ হইয়া
অসীন রহিয়াছেন ।—

৪৫ । বাঁরাসনাসীন, মহাদেবের উত্তরার্দ্ধ-দেহ স্থির, আয়ত
কৃষ্ণ, স্কন্ধদ্বয় সন্মিত, এবং অঙ্কনধো সন্নিবেশিত উদ্ধতল
হৃদয় প্রফুল্ল-রাজীববৎ শোভা পাইতেছে !—

গীতায় অধ্যায়-যোগাদ্বায়ে যোগাসন-সম্বন্ধে আছে :— “সমং কায়াশিরো
দ্বাবং দারুয়চলং স্থিরং ।”—(৬-১৩)

৪৬ । তাঁহার জটাকলাপ ভুজঙ্গের সহিত উদ্বন্ধ ; অক্ষ-
নালা কর্ণাবলম্বী, সূতরাং দ্বিরাবৃত্ত ; এবং অঙ্গাচ্ছাদন গ্রন্থিযুক্ত
কৃষ্ণমৃগাজিন ;—তাহা আবার কণ্ঠের (নীল) প্রভার সহিত
মিলিয়া অতি গাঢ় নীল দেখাইতেছিল ।

৪৭। তাঁহার উগ্রভারা-বিশিষ্ট নেত্রত্রয় ঈষৎ-প্রকাশিত ও নিশ্চল, ক্রবিক্ষেপে আসক্তি-রহিত, নিষ্পন্দ-পক্ষমালাযুক্ত এবং অধোমুখী দৃষ্টিতে নাসাগ্রনিবিষ্ট হইয়া রহিয়াছে।—

“সংপ্রেক্ষা নাসিকাগ্রঃ স্ং দিশ্চানবলোকয়ন্।” (৩)

৪৮। তিনি অন্তশ্চর (প্রাণ) বায়ুগণের নিরোধ-হেতু অনারদ্ধ-বর্ষ মেঘের ন্যায়, অপান-বায়ুর নিরোধ-হেতু অন্তঃকরঙ্গ হৃদয়ের ন্যায়, এবং শেষ-বায়ুর নিরোধ-হেতু নির্বাত স্থানে নিষ্কম্প প্রদাপের ন্যায় প্রতায়মান হইতেছিলেন।—

যোগদর্শনে সূত্র “যোগাশ্চত্বৰ্ত্তি-নিরোধঃ”। গীতার সঙ্গীত-১৫ ধ্যেয় উপমা দেওয়া হইয়াছে — “যথা দীপোনিবাতস্থানেজতে অর্থাৎ কোন বাতশূন্য স্থানে নিষ্কম্প প্রদীপ। (গীতা - ৬-১২)

৪৯। তাঁহার ব্রহ্ম-করোটিস্থ নেত্র-বিবর-মুখে যে সূক্ষ্ম কপালাগ্নি উখিত হইতেছিল, তাহার কিরণাকুর, যুগল-সূত্রাধিক শুকুমার (তদীয় শিরঃস্থ) বালেন্দুর শ্রীরও গ্লানিজনক !

মহাদেবের ব্রহ্মরন্ধ্রাখিত কিরণের সূক্ষ্ম ছটা, সৌকুমার্যো তদীয় শিরঃস্থ চন্দ্রকলার শ্রীকেও পরাস্ত করিয়াছিল।

৫০। তিনি মনোবৃত্তিগণকে নবদ্বার হইতে নিবৃত্তি করিয়া, এবং সমাধি দ্বারা বশীভূত মনকে হৃদয়ে স্থাপন করিয়া, ক্ষেত্রজ পুরুষেরা যাহাকে অবিনাশী কহেন,—সেই আত্মাকে স্বীয় আত্মার মধ্যে অবলোকন করিতেছিলেন।

৫১। (যাহাকে কাযাতঃ অভিভূত করা দূরে থাকুক) মন ও যাহাকে অভিভূত করা সম্ভব বলিয়া ভাবা যায় না, (সেই যোগ-মূর্তিধারী) মহাদেবকে নিকটে দেখিয়া মদন এমন ভয়-বিস্মল হইয়া পড়িয়াছিলেন যে, তাহার শিথিল হস্ত হইতে শর ও চাপু ঝলিত হইয়া পড়িয়া গেলেও মদন হতা জানিতেই পারেন নাট ।

মহাদেবের সেই বিরাট সমাধি-মূর্তি দেখিয়াই ভয়ে মদন শব্দ-হস্ত হতজ্ঞান হইয়া পড়িয়াছিলেন ।

৫২। এমন সময়ে মদন, সখিগণ-সঙ্গে পর্বত-রাজ-কন্যা পার্বতীকে যাইতে দেখিলেন ; ইহার দেহ-সৌন্দর্য্যের প্রভাবে মদনের নির্বাণ-প্রায় তেজঃ যেন পুনরুজ্জীবিত হইয়া উঠিল ।

ইহা উমা-রূপের উৎকর্ষ-বাঙ্কক । মহাদেবের যোগ-মূর্তি দেখিয়া মদন হতশ হইয়াছিলেন :• এমন সময়ে পার্বতীর অপরূপ রূপ মদনের মনে যেন আশার সঞ্চার করিয়া দিল, অর্থাৎ মদন মহাদেবকে দেখিয়া তাহার যোগভঙ্গ করা একেবারেই অসম্ভব ভাবিতেছিলেন, এমন সময়ে তথায় পার্বতীকে দেখিয়া তাহার সাহস হইল,—মদন ভাবিলেন যে, এমন রূপের সাহায্যে মহাদেবের যোগ-ভঙ্গ সাধা হইলেও হইতে পারে ।

৫৩। পার্বতী বসন্তপুষ্পাভরণে ভূষিতা ছিলেন ;— তাহার অশোকাভরণের শোভা এমন যে, পদ্মরাগ মণিকেও যেন তিরস্কার করে ;—তাহার কর্ণিকারালঙ্কারে সুবর্ণের বর্ণ আশ্রিত ; —এবং তাহার পুষ্পালঙ্কার যেন মুক্তাকলাপ !

মণি, মুক্তা ও স্বর্ণ, এই ত্রিবিধ অলঙ্কারই শ্রেষ্ঠ। বসন্ত-পুষ্পালঙ্কার-
পার্বতীর অঙ্গে এই ত্রিবিধ অলঙ্কারের শোভাই বিরাজমান; অশোভে
পদ্মরাগাদিক শোভা, কর্ণিকারে স্বর্ণ-শোভা এবং নিখুঁতী কুন্তলের মালায়
মুক্তাকলাপের শোভা।

৫৪। পীনস্থানে ঈষৎ-আনমিত দেহ তরুণারুণ-বর্ণের বসনে
আচ্ছাদন করিয়া পার্বতী যাঠতেছিলেন,—ঠিক যেন পর্যাাপ্ত
পুষ্পস্তবকে আনমিতা, নবপল্লবচ্ছাদিতা একটী লতাষ্ট বৃক্ষ
সঞ্চরণ করিতেছিল!—

এখানে পর্যাাপ্ত-পুষ্প-স্তবকে যেন লতার পীন স্থান এক নব-পল্লবের
বালাকারণ অর্থাৎ রক্তবর্ণ বসন। (৩৯শ শ্লোক দেখ)।

৫৫। পার্বতীর নিতম্বদেশে হইতে বকুল-মালার মেখলা
পুনঃ পুনঃ শালিত হইয়া পড়িতেছিল, এবং পার্বতী পুনঃ পুনঃ-
উহা হস্ত দ্বারা ধরিয়া রাখিতেছিলেন।—এই বকুল-মালা যেন
মদনের পুষ্প-ধনুর দ্বিতীয় জ্যা;—রক্ষা-স্থান-বিৎ মদন গ্যাস-
স্বরূপ উহা পার্বতীর নিতম্ব-দেশে রাখিয়াছিলেন।—

‘রক্ষা-স্থান-বিৎ’ মদন জানিতেন যে, তাহার পুষ্প-ধনুর জ্যা হইতে
পারে এমন বকুল-মালা রাখিবার উপযুক্ত স্থান পার্বতীর নিতম্ব। তাই
তিনি উহা “গ্যাস” স্বরূপে এখানে রাখিয়াছিলেন। যদি ইহাৎ পুষ্প-ধনুর
জ্যা ছিঁড়িয়া যায়, তাহা হইলে মদন তখন পার্বতীর নিকট হইতে তাহার এই
নিতম্ব-কাঞ্চী-রূপা বকুলমালা ছড়াটা চাহিয়া লইয়া জ্যার কাষে লাগাইবেন,
“দ্বিতীয় জ্যা” বলিবার ইহাই গুঢ় তাৎপৰ্য।

৫৬। পার্শ্বতীর নিখাসের সুগন্ধে বর্জিত-তৃষা ভুঞ্জ তাঁহার
বিশ্বাধরের সন্নিকটে বিচরণ করিতেছিল ; এবং আবেগ-চঞ্চল-
দৃষ্টি পার্শ্বতী নীলারবিন্দ দ্বারা উহাকে তাড়াইতেছিলেন ।

৫৭। রাত্তরও লজ্জা উৎপাদন-কারিণী, এমন সর্বদা সুন্দরী
পার্বত্যকে দেখিয়া পুষ্প-বঁহুঃ মদন, জিতেন্দ্রিয় মহাদেবের প্রতি
পুনরায় নিজ কায্য সাধনের চেষ্টা করিলেন ।

পরম-সুন্দরী পার্বত্য বিচরণে জিতেন্দ্রিয়েরও ইন্দ্রিয়-চাঞ্চল্য ঘটান
নষ্ট, ইহাই এখানে 'জিতেন্দ্রিয়' বলার অভিপ্রায় ।

ইতিপূর্বে মহাদেবকে দেখিয়া ভয়ে মুহমান্ মদনের স্তম্ভিত হইতে চাপ
ও বাণ পড়িয়া গিয়াছিল ; কায্য-সিদ্ধির আশা এক-প্রকার নিকাশিত হইয়াছিল ।
এখন পার্শ্বতীর রূপ দেখিয়া মদনের ভরসা হইল ; মদন পুনরায় চাপ ও বাণ
গ্রহণ করিলেন,—'পুনরায়' বলিবার ইচ্ছা তাৎপর্য্য ।

৫৮। উমা যখন তাঁহার ভবিষ্যৎ-পতি শম্ভুর দ্বারদেশে
উপস্থিত হইলেন, তখন শম্ভুও অন্তরে পরমাশ্রিত্য পরম জ্যোতিঃ
দর্শন করিয়া ধ্যানে বিরত হইয়াছিলেন ।—

৫৯। তখন তিনি অগ্নে-অগ্নে নিরুদ্ধ প্রাণ-বায়ু বিমুক্ত
করিয়া ভূমির উপরে উপবেশন করিলেন, এবং দৃঢ় বীরাসন
শিথিল কারলেন । প্রাণ-বায়ু-মোচন হেতু, ইচ্ছাং দেহ-ভারের
গুরুত্ব-বশতঃ মহাদেবোপবিষ্ট ভূমিভাগের অধঃস্থল ভুজঙ্গাধি-
পতি শেষ-নাগ তাহার কণাগ্র দ্বারা অতি-কষ্টে ধারণ করিয়া
রাখিতে সক্ষম হইয়াছিল ।

সমাদি-অবস্থায় প্রাণ-বায়ুর নিরোধ-হেতু দেহ লম্ব-ভার হইয়া শূন্যে অবস্থিত ছিল। এখন ঐ প্রাণ-বায়ুর মোড়নে গুরুভার দেহ অনন্ত-নাগকে পৌড়িত করিয়া ভূমিতলে আশ্রয় করিল।

৬০। তখন নন্দী, ভগবান্ মহাদেবকে নমস্কার করিয়া সেবার্থ শৈল-সূতার আগমন-বার্তা নিবেদন করিলেন, এবং ক্রক্ষেপের ইঙ্গিতে প্রভুর অনুমতি পাওয়া পার্শ্বতীকে মহাদেব-সমীপে লইয়া গেলেন।

৬১। সেখানে গিয়া পার্শ্বতীর সখীগণ প্রাণিপাত পূর্বক স্বহস্তাবচিত, পল্লবখণ্ড-মিশ্রিত বসন্তপুষ্প-সম্ভার ব্রাহ্মকের পাদ-মূলে বিকীর্ণ করিলেন।

৬২। উমাও মস্তক অবনত করিয়া ধ্বজকে প্রণাম করিলেন ; (মস্তক অবনত করাতে) তখন তাঁহার কুম্ভালক-মধ্য-স্থ শোভন নবকর্ণিকার পুষ্প, এবং তাঁহার কর্ণ হইতে পল্লব, স্থলিত হইয়া পড়িল।

৬৩। পার্শ্বতী প্রণাম করিলে পরে, মহাদেব তাঁহাকে “এক-পত্নী-রত পতি প্রাপ্ত হইবে”, এই কথা যেন প্রকৃত-তথ্য-জ্ঞাপনের মতই কহিলেন ;—জগতে মহাপুরুষের উক্তি কখনও বিপরীত অর্থ পোষণ করে না !

৬৪। বহিঃপ্রবেশোচ্চ পতঙ্গবৎ মদন, ইহাই বাণ-নিষ্ক্ষেপের
উপযুক্ত অবসর বুঝিয়া, উমার সমক্ষে হরের প্রতি লক্ষ্য স্থির
রাখিয়া শরাসন-জা। মৃত্যুমুখ আকর্ষণ করিতে লাগিলেন।

ভা-আকর্ষণ বাণ-নিষ্ক্ষেপের উদ্যোগ-বাক্যক। মদন প্রস্তুত হইতেছেন।

৬৫। (মহাদেব পার্বতীকে “এক-পত্নী-রত পতি প্রাপ্ত
হইবে”, ইহা বলিলে) পরে পার্বতী তাহার তাম্রকুচি (রক্তবর্ণ)
হস্তে মন্দাকিনীর সূর্য্যাপক-পদ্মবীজের মালা তপস্বী গিরিশকে
সমর্পণ করিলেন।

এইরূপ মালা তপস্বীরই উপযোগী, ইহাই “পত্নী” বলার সার্থকতা।

৬৬। ত্রিলোচন ভক্তপ্রিয়-হেতু এ মালা প্রতিগ্রহ
করিবার উপক্রম করিতেছেন, ঠিক এমনই সময়ে পুষ্পধনুঃ
মদন তাহার ধনুঃতে “সন্মোহন” নামে অব্যর্থ বাণ সন্ধান
করিলেন।

হর-পার্বত্যার ঘনিষ্ঠ সান্নিধ্য দেখিয়া, মদন ধনুঃতে বাণ ছুড়িলেন ; কিন্তু
এখনও ছুঁ দিলেন না।

মদনের পক্ষ পুষ্পবাণের উল্লেখ পূর্বে করা হইয়াছে। ক্রিয়া ও গুণাত্ম-
মদনের পক্ষবাণের অষ্টবিধ নাম- সন্মোহন, উন্মাদন, শোষণ, তাপন ও স্তম্বন।

৬৭। মহাদেবও চন্দ্রোদয়ারস্ত্রে সমুদ্রবৎ ঈষৎ-ধৈর্য্যচ্যুত
হইয়া, বিশ্বফলতুলা-অধরোষ্ঠশোভিত উমা-মুখের দিকে নেত্রপাত
করিলেন।

ইহা মহাদেবের রতি-ভাব-বাক্যক।

৬৮। শৈলমুতাও বিকশমান-বাল-কদম্ব-তুলা পুলকিত
অঙ্গ দ্বারা রতিভাব প্রকাশ করিয়া, ব্রীড়া-বিভ্রান্ত-নেত্র-শোভিত
সুচারুতর মুখখানি ফিরাইয়া, অবস্থিতি করিতে লাগিলেন।

এখানে পার্শ্বতীর রতি-ভাব সৃষ্টি।

৬৯। তখন (স্বীয় ধৈর্যচূড়ান্তি ঘটিলে) ত্রিনেত্র
জিহ্বেদ্রিয়-বলে ইন্দ্রিয়-বিকার দৃঢ়ভাবে নিগ্রহ করণাস্তুর চিত্ত-
বিকারের কারণানুসন্ধিৎসু হইয়া, সেই স্থানের প্রান্তভাগে দৃষ্টি-
নিষ্ক্ষেপ করিলেন।

৭০। (তথায়) তিনি দেখিতে পাইলেন যে, মদন দক্ষিণ
অপাঙ্গে মুষ্টি নিবিষ্ট করিয়া, নতস্কন্ধ হইয়া, বাণপদ আকুঞ্চিত
করিয়া, এবং তাঁহার চারু পুষ্পধনুঃ চক্রাকৃত করিয়া, বাণ-
প্রহারে উদ্যত হইয়া রহিয়াছেন।

৭১। তাহা দেখিয়া তপস্চারী মহাদেবের কোপ বদ্ধিত
হইলে, তাঁহার ক্রকুটি-কুটিল মুখ হুস্প্রক্ষ্য হইয়া উঠিল, এবং
তৎক্ষণাৎ তাঁহার তৃতীয় নেত্র হইতে উদ্দীপ্যমান জ্বালাময় অগ্নি
নিগতি হইল।

৭২। (অমনি) “হে প্রভো! ক্রোধ সম্বরণ কর, সম্বরণ
কর”—এই দৈববাণী আকাশে আসিতে-আসিতে ততক্ষণে
ভবনেত্রোদগত সেই অগ্নি মদনকে ভস্মাবশেষ করিয়া ফেলিল।

৭৩। অতি তুঃসহ-অভিভব-সজ্জাত মোহ রতির (চক্ষুরাদি) ইন্দ্রিয় সকলের ক্রিয়া নিবারণ করতঃ, মহুৎকালের জন্য ভট্ট-নাশ জানিতে না দিয়া, রতির উপকারই করিয়াছিল !

সহসা এইরূপ অর্চিস্ত ত বিপৎপাতে রতি মূচ্ছাগত হইলেন। যেখানে কষ্টে নিরতিশয় অসহ্য, সেখানে মূচ্ছাই শ্রেয়ঃ।

৭৪। বজ্র যেমন বনস্পতি বৃক্ষকে নাশ করে, তপোবিষ্ম-কারী মদনকে তেমনই আশু ধ্বংস করিয়া, স্ত্রীজন সন্নিধান পরিত্যাগ মানসে, ভূতগণসহ ভূতপতি (তথা হইতে) অশ্রুধান করিলেন।

স্বীলোক-সন্নিধানই এইরূপ তপোবিষ্মকর অনর্থের হেতু; অতএব তাহা পরিহৃতব্য।

৭৫। এমন উন্নতশিরঃ (মহৎ) পিতার অভিলাষ বার্থ হইল এবং নিজের এমন সুললিত বপুঃ,—তাহাও নিষ্ফল হইল, ইহা ভাবিয়া, এবং সখিগণের সমক্ষে এই অবমান-ব্যাপার ঘটিল, ইহাতে অতিশয় লজ্জান্বিতা হইয়া, শৈলায়ুজাও শূন্যমনে অতিকষ্টে ভবনাভিমুখে চলিয়া গেলেন !

৭৬। তৎক্ষণাৎ হিমবান, রুদ্ধকোপভয়ে-নিম্নলিতাঙ্গী ও অনুকম্পাপাত্রী ছহিতাকে ছুই হস্তে ধারণ করিয়া, দন্তদ্বয়লগ্না পদ্বিনী লইয়া সুরগজ যেমন যায়, তেমনই, গতিবেগে দৌঘী-কৃতান্ত হইয়া, পথানুসরণ করিয়া চলিলেন।

“মদন-দহন” নামক তৃতীয় সর্গ সমাপ্ত।

চতুর্থ সর্গ

১। মোহৈকশরণা, বিবশা সতী কামবধূকে নব-বৈধবোর
অসহ্য বেদনা অনুভব করাটবার জন্য, বিধি তাঁহার চেতনা
সম্পাদন করিলেন।

মোহাবসানে রতি অসহ্য নববৈধব্য-বেদনা অনুভব করিতে লাগিলেন।
'নব' বৈধবোর দুঃসহ্য সৃষ্টিত।

২। মোহাশ্বে রতি নয়ন উন্মীলন করিয়া (বাস্তব ঘটনা)
দেখিতে ব্যগ্র হইলেন ; রতি জানিতেন না যে, প্রিয় মদন
একেবারেই তাঁহার অতৃপ্ত চক্ষুর অদৃশ্য হইয়াছেন !

'অতৃপ্ত'—লালসা ব্যঞ্জক। মদনকে দেখিয়া রতির চক্ষু কখনই তৃপ্ত হই
নাই,—অর্থাৎ মদনকে রতি যতই দেখিয়াছেন, ততই আরও দেখিতে বাসনা
হইয়াছে। কিন্তু, হায় ! আজ মদন রতির ঐ অতৃপ্ত চক্ষুর দর্শনাতীত !

৩। “হে জীবিত-নাথ ! তুমি কি জীবিত আছ ?—এই
বলিয়া রতি উঠিয়া সম্মুখে দেখিলেন যে, ভূমিতলে কেবলমাত্র
এক পুরুষাকৃতি হর-কোপানলদগ্ধাবশেষ ভস্ম-রাশি পড়িয়
রহিয়াছে !

পুরুষ নাই ; কেবল ভস্মের পুরুষাকৃতি মাত্র পড়িয়া রহিয়াছে।

ভস্মময় আকৃতির কিছু-মাত্র ব্যতায় হয় নাই ইহাতে বুঝিতে হইবে যে,
মহাদেবের কোপাগ্নি-নির্গম ও মদনের মৃত্যুর মধ্যে মুহূর্ত্ত-মাত্র ব্যবধান ছিল
না। (instantaneous death)।

৬। এই দেখিয়া রতি পুনরায় বিহ্বল হইয়া পড়িলেন ;
এবং ভূমিলুণ্ঠন করিতে-করিতে তাঁহার স্তনযুগল ধসর হইয়া
উঠিল। বিক্ষিপ্ত-(আলুপালু)-কেশা রতি তখন সেই বন-
ভমিকে যেন সমছঃখিনী করিয়া বিলাপ করিতে লাগিলেন :—

শোক-বিহ্বলা রতির বক্ষাচ্ছাদন স্থলিত হইয়া পড়িয়াছিল ; সেইজন্য
ভূমিলুণ্ঠনে তাঁহার স্তনযুগল “ধসর”।

৫। “হে মদন ! তোমার যে (বর-) বপুঃ কাঙ্ক্ষিতভায়
বিলাসিজনদিগের উপমা-স্থল ছিল, সেই দেহ আজ এই দশা
প্রাপ্ত হইয়াছে,—ইহা দেখিয়াও আমি বিদীর্ণ হইলাম না ;—
অহো ! দ্বীলোকেরা কি কঠিন !—

৬। “হে প্রিয় ! সেতুবন্ধ ভগ্ন হইলে জলপ্রবাহ যেমন
হৃদধীনজীবিতা নলিনীকে কোথাও নিক্ষেপ করিয়া চলিয়া যায়,
তুমিও তেমনই অকস্মাৎ সৌহার্দ-বন্ধন বিচ্ছিন্ন করিয়া হৃদধীন-
জীবিতা আমাকে কোথায় ফেলিয়া চলিয়া গেলে ?—

৭। “হে প্রিয় ! তুমি কখনও আমার অপ্রিয় কিছু কর
নাই ; আমিও কখনও তোমার অপ্রিয় কিছু করি না ;—তবে
অকারণে এই বিলাপকারিণী রতিকে কেন দর্শন দিতেছ না ?—

মদন রতির অপ্রিয় কিছু করিয়া থাকিলে, লজ্জায় দর্শন না দেওয়া সম্ভব
ছিল ; অথবা রতি মদনের অপ্রিয় কিছু করিয়া থাকিলে, রতিকে শাস্তি
দেওয়ার অভিপ্রায়ে মদনের অদর্শন সম্ভব ছিল ;—কিন্তু এখানে দুয়েরই
ঘটাব।

৮। “(আমি ত কখনই তোমার অপ্রিয় কার্য্য করি নাই ; তবে) যখন তুমি অসুস্থবশে অন্য নারীর নাম ধরিয়। আমায় ডাকিতে, তখন আমি রাগভরে আমার মেখলা-রূপ রঙ্কু দিয়া তোমায় বন্ধন করিতাম ; তুমি কি তাই স্মরণ করিয়া আজ এষ্ট অভিমান করিতেছ ?—অথবা আমি যখন কণ্ঠোৎপল দিয়া তোমার মুখে আঘাত করিতাম, তখন সেই উৎপল-চূড় কেশরে তোমার চক্ষুর দুঃখোৎপাদন করিত : তুমি কি তাই মনে করিয়া আমায় প্রতিফল দিবার জন্য আজ এষ্টরূপ অদৃশ্য রহিয়াছ ?—

এমন হঠাৎ মদন মারা গেলেন, ইহা রত্নির মন কিছুতেই বুঝিতেছে না। তিনি তাঁহার পূর্বকৃত নারীজনোচিত প্রণয়পরাধ সকল স্মরণ করিয়া ভাবিতেছেন, বুঝি মদন আজ রত্নির সেই সকল অপরাধের প্রতিফল দিবার জন্যই অভিমানবশতঃ অদৃশ্য হইয়া রত্নিকে কষ্ট দিতেছেন !

৯। “হে প্রিয় ! তুমি বলিতে যে, আমি তোমার হৃদয়-বাসিনী ; উহা মিথ্যা ও কেবল ছলনা-কথা মাত্র বলিয়াই মনে হইতেছে ; নতুবা আজ তুমি নাই, তবে রত্নি রহিয়াছে কেন ?—

মদনের হৃদয়ই যদি রত্নির আশ্রয়-স্থল হইত, তাহা হইলে আজ আশ্রয়ের বিলোপে আশ্রিতারও বিলোপ হইত।

১০ “তুমি পরলোকে নব-প্রবাসী থাকিতে-থাকিতেই (অবিলম্বেই) আমি তোমার অনুগমন করিয়া তোমার সহিত মিলিব, ইহাতে সন্দেহ নাই ; কিন্তু বিধাতা জগতের

লোককে বঞ্চিত করিলেন, (ইহাই দুঃখ) ;— কারণ, দেহিজনের
শুখ তোমারই অধীন ছিল ।—

১১। “হে প্রিয় ! রজনীর গাঢ় অন্ধকারাবগুষ্ঠিতা ও
মবগজ্জন-ভীত অভিসারিণী রমণীদিগকে (তাহাদের অভি-
লষিত) কামোদিগের গৃহে পৌঁছাইয়া দিতে, তুমি বিনা আর কে
সক্ষম হইবে ?—

অবগুষ্ঠন লজ্জানিবারণার্থ । রজনীর অন্ধকারই অভিসারিণী নারীদিগের
অবগুষ্ঠন-স্বরূপ হইয়া যেন তাহাদের লজ্জা নিবারণ করে,— অর্থাৎ রাহিতে
তাহাদিগকে কেহ দেখিতে পায় না ।

কামাক্ষ না হইলে দুঃসাহসের কণ্ঠ কেহ করিতে পারে না । সুতরাং
মদনভাবে দুঃসাহসিকা নারীদিগের অভিসার বন্ধ ।

১২। “হে প্রিয় ! তোমার অভাবে, ঘূর্ণামান-অরুণনয়না
ও পদে-পদে-স্থানিত-বচনা প্রমদাদিগের বারুণী-পানোন্তুজিত
কাম এখন কেবল বিড়ম্বনা মাত্র ।

মদনভাবে কাম নিষ্ফল ।

১৩। “হে অশরীরি ! তুমি চন্দের প্রিয়বন্ধু ; সেট জন্ম
প্রিয়বন্ধুর দেহ এখন কেবল কথামাত্রাবশিষ্টে তওয়ায়
চন্দ্র নিজের পূর্ণোদয় নিষ্ফল জানিয়া, কৃষ্ণপক্ষ গত হইলেও
অতি-কষ্টে কৃষ্ণ ত্যাগ করিতেছেন ।—

মদন-বিনাশে চন্দ্র অতি দুঃখে বৃদ্ধি পাইতেছেন ! মদনভাবে পূর্ণচন্দ্র
ফল কি ?—উপভোগই বা করিবে কে ?

১৪। “হরিতাক্ষ-বর্ণ-বিশিষ্ট, সূচাক-বৃক্ষ-শোভিত
পুংস্কাকিল-রবের মাধুর্য্য-সম্পাদক নবচূত-কুম্বন এখন কাহার
পন্থকের বাণ হইবে, বল ?—

চূত-চক্ষুণে পুংস্কাকিলের রব মধুর হয়।—(তৃতীয় সর্গে বসন্ত
বর্ণনে দেখ ।)

নব-চূতকুম্বন পুষ্প-পন্থর পঞ্চবাণের মতো শ্রেষ্ঠ বাণ । “মহুচর মধুহস্ত
চতু চূতাক্ষরাস্তঃ” (১ — ৬৪)

১৫। “যে অলি-পংক্তিকে তুমি অনেকবার নিভের পুষ্প-
পন্থর গুণ-কাথো নিয়োজিত করিতে, দেখ, এই সেই অলি-
পংক্তি আজ সক্রম-স্বনে গুঞ্জন করিয়া, যেন দুর্ভর-শোক-
পীড়িতা আমারই হৃৎথে কাঁদিতেছে !—

১৬। “হে প্রিয় ! পুনরায় তোমার সেই মনোহর দন্ত
ধারণ করিয়া উখিত হও এবং মধুরালাপে স্বভাব-সুদক্ষ
কাকিলাকে সুরত-দোতা-কাথ্য করিতে আজ্ঞা কর ।—

মধুরালাপীরই দোতা-কাথ্যে অধিকার ও পটুতা । কোকিলা মধুরালাপে
স্বভাব-পণ্ডিতা, স্বভাব-সিদ্ধা ।

১৭। “হে স্মর ! (তুমি আমার পায়ে) মাথা কুটিয়া যে-
সকল আলিঙ্গন যাত্রা করিতে, সেই-সকল নিভৃত-নিষ্পন্ন,
সকম্প সুরত স্মরণ করিয়া আমি এখন শান্তি পাইতেছি না ।—

১৮। “হে রতিপণ্ডিত ; তুমি স্বহস্তে আমার অঙ্গে যে
বসন্ত-কুম্বাভরণ রচনা করিয়াছিলে, তাহা আমার অঙ্গে এখনও

র'হিয়াছে (শুকায় নাট) ; কিন্তু তোমার সেই চারুবপুঃ
অদৃশ্য হইল !—

১৯। “আমার চরণের লাক্ষ্যরাগ-পরিকল্প্য সমাপ্ত না
হইতেই ক্রুর দেবগণ তোমাকে স্মরণ করিয়াছিল ; (হে প্রিয় !)
এখন এস, আমার শ্রুতি বামচরণের লাক্ষ্যরাগ রচনা কর ।

প্রাণান্তিক কন্ধে নিয়োগ করায় দেবগণ ‘ক্রুর’ ।

২০। “হে প্রিয় ! স্বর্গে চতুরা সুরকামিনীজন-কণ্ঠক তুমি
বিলোভিত না-হইতে-হইতেই আমি পতঙ্গ-বদ্ব্য অবলম্বন করিয়া,
পুনরায় তোমার অঙ্কাশ্রয়িনী হইব ।—

‘পতঙ্গবদ্ব্য অবলম্বন করিয়া’—অর্থাৎ অগ্নি-প্রবেশ করিয়া ।

পাছে সুরকামিনীগণ মদনের মনোহরণ করিয়া তাঁহাকে বশীভূত করিয়া
ফেলে, এই ভয়ে রতির পত্নীগমনে তিলান্ন বিলম্ব সহিতেছে না । পতিব্রতা
পত্নীর স্বীকৃতি স্তম্ভ ঈর্ষা-ভাব স্নন্দররূপেই ব্যক্ত ।

২১। “হে রমণ ! আমি (এখনই) তোমার অনুগমন
করিলেও, মদনের বিচ্ছেদে রতি ক্ষণমাত্রও ত জীবিতা ছিল,
আমার এ অপবাদ কিন্তু কোনও কালে ঘুচিবে না ।—

২২। “হে প্রিয় ! পরলোকগত তোমার (মৃতদেহে চন্দন-
লেপনাদি) অন্ত্য-মণ্ডনকার্য্যও আমি করিতে পাইলাম না ।
জীবনের সহিত তোমার দেহও অতর্কিত-ভাবে একই-সময়ে
ধ্বংস প্রাপ্ত হইল !—

জীবন-নাশের সঙ্গে-সঙ্গেই মদনের মৃতদেহও ভস্মানশিষ্টে ; স্ততরাঃ মদন দেহই নাই, তখন আর অন্ত্যমণ্ডন হইবে কিসের ?

মৃতদেহের অন্ত্যমণ্ডন করিতে না পাওয়া আত্মীয়ের সঙ্গে দুর্ভাগ্য-বাঙ্কক !

২৩। “তুমি ক্রোড়ে ধনুঃ স্থাপন করিয়া, ধনুকের বাণ সোজা করিতে-করিতে, তোমার প্রিয়-সখা বসন্তের সঙ্গে হাসিয়া আলাপ করিতে ও তাহার দিকে অপাঙ্গ-দৃষ্টি নিঃক্ষেপ করিতে, তাহা আমার স্মরণ-পথে আকৃষ্ট হইতেছে।—

এ সময়ে পূর্ব-সুখস্মৃতি নিদাক্ষণ কষ্ট-দায়ক হইলেও আবাবিক ।

২৪। “তোমার পুষ্পধনুঃ-রচয়িতা, তোমার সেই প্রিয়-সখা মধুই বা কোথায় ? তবে, তিনিও কি পিনাকীর উগ্র-রোমে পড়িয়া স্তম্ভদের গতি পাইয়াছেন ?”

প্রিয় স্তম্ভঃ মদনের সঙ্গে বসন্ত কি হরকোপানলে দগ্ধ হইলেন ?—রতি ইহাই আশঙ্কা করিতেছেন । ভগ্না ত গিয়াছেনই, আবার ভগ্ন-স্তম্ভঃও কি গেলেন ? ইহাতে রতির কাতরতা আরও বর্দ্ধিত হইল ।

২৫। তখন, বিষাক্ত শরের ন্যায়, রতির এই সকল বচনে গম্ভাহত হইয়া, কাতরা রতিকে আশ্বাস দিবার জন্য বসন্ত তাঁহার সম্মুখে আবির্ভূত হইলেন ।

২৬। মধুকে দেখিয়া রতি বক্ষে, প্রবল করাঘাতে স্তনযুগল পৌড়ন করিতে-করিতে অত্যধিক রোদন করিতে লাগিলেন ;—

আত্মায়ের সম্মুখে ছুঃখের দ্বার যেন (স্বতঃই) উদ্ঘাটিত
হইয়া যায় ।

২৭। কাতরা রতি মধুকে কহিলেন,—“হে বসন্ত ! দেখ,
তোমার মুখে এখন কি হইয়াছেন ! তিনিই এই কপোত-
পিঙ্গল ভাস্বরানি ! (ঐ দেখ), কণা-কণা করিয়া পবন উহা
বিকীর্ণ করিতেছে !—

২৮। “হে স্মর ! এই বসন্ত তোমাকে দেখিতে উৎসুক
হইয়াছেন, এখন একবার দর্শন দাও ; দয়িতার প্রতি পুরুষ-
দিগের প্রেম অস্থির হইলেও, সুহৃদ্ভানের প্রতি তাঁহাদের প্রেম
কখনও অস্থির হয় না ।—

‘বসন্ত উৎসুক হইয়াছেন’ বলিলে যদি মদন বসন্তকে দেখা দিতে
আসেন !—হায় ! কাতর হৃদয় এমনই দুঃশায় মুগ্ধ হইয়া থাকে !

২৯।—“হে মদন ! এই বসন্তই তোমার পার্শ্বে থাকিয়া,
সুরাসুরসহ সমস্ত জগৎকে তোমার ধনুঃর,—কৌণ মৃণাল-তন্তু
যার গুণ এবং সুকোমল কুসুম যার বাণ,—তোমার সেই পুষ্প-
ধনুঃর বশে আনিয়াছেন ।—

যে বন্ধুর এমন ক্ষমতা যে, মদন স্বয়ং সুকুমার-অস্ত্রমাত্র-সহায় হইলেও
যিনি মদনের পার্শ্বে থাকিয়া জগৎকে ঐ সুকুমার অস্ত্রের বশে আনিয়াছেন,
মদনের আজ্ঞাকারী করাইয়াছেন, এমন সুদূর্লভ বন্ধুর প্রতি প্রেম কখনই
যাবার নয়, ইহাই তাৎপর্য্য ।

৩০। “হে বসন্ত ! তোমার সেই সখা পবনাহত দীপের
 ন্যায় গত হইয়াছেন, আর ফিরিবেন না ; এখন আমি কেবল
 ঐ নির্বাপন দীপের বহির ন্যায় পড়িয়া আছি এবং অসহ
 শোকের ধূমোদগীরণ করিতেছি, দেখুন !—

“পবনাহত দীপের” উপমায়া মদন-দহনের ক্ষিপ্ততা সূচিত ।

৩১। “হে সখে ! মদনের সঙ্গে আমার বধ না করিয়া
 বিধাতা বধ-কায়া কেবল অর্দ্ধেক-সম্পন্ন করিয়াছেন মাত্র ;—
 কারণ, সুদৃঢ় আশ্রয়-বক্ষ গজ-কর্তৃক ভগ্ন হইলে, তদাশ্রিতা
 লতাও তখনই পড়িয়া যায় ।—

এখনও যখন রতি বাঁচিয়া আছে, তখন বিধাতার মদন-বধ-কায়া সম্পূর্ণ
 হয় নাই,— অর্দ্ধেক হইয়াছে মাত্র । ইহা মদনের সহিত রতির একাঙ্গত-
 দাঙ্কল ।

অনুরূপ ভাব রামায়ণে—রামের প্রতি বনবাসের আদেশ শুনিয়া সীতার
 উক্তি—“অতশ্চিবাহমাদিষ্টা বনে বস্তবামিতাপি” অর্থাৎ ঐ আদেশে আমিও
 বনবাসে আদিষ্টা ।

৩২। “তাহা যখন হয় নাই,—এখনও যখন বাঁচিয়া আছি,
 তখন আপনি বন্ধুজনের এই কার্য্যটি করুন ;—আমি পতি-
 বিয়োগ-বিধুরা হইয়াছি, আমাকে অগ্নিদানে পতির নিকটে
 প্রেরণ করুন ।—

সহমরণে বন্ধুর সাহায্যের প্রয়োজন ।

৩৩। “শশী অন্ত হইলে, তাঁহার সঙ্গে কৌমুদীর লোপ হয় ; মেঘ বিলীন হইয়া গেলে, সেই-সঙ্গে তড়িৎও অদৃশ্য হইয়া যায় ; প্রমদাগণ যে পতির পথই অনুসরণ করে, তাহা বিচেতন পদার্থ-সকলের দ্বারাও প্রতিপন্ন হইতেছে !—

সচেতনের ত কথাই নাই, বিচেতনেও পত্যন্তগমন প্রতিপন্ন হইতেছে । অতএব পত্যন্তগমন ভিন্ন পতিব্রতার গতান্তর নাই ।

৩৪। “(অতএব) আমি এই সুখদ প্রিয়-গাত্র-ভ্রম্মে স্তনযুগল রঞ্জিত করিয়া, অগ্নি-শয্যায় (যেন নবপল্লব-শয্যায় !) এই দেহকে শায়িত করিব !

তাপ-নিবারণার্থ বিরহীগণ গারে চন্দন মাখিয়া শ্মশীতল নবপল্লব-শয্যায় শয়ন করেন । ইহা কবি-প্রসিদ্ধি । এখানে, বিরহ-সম্ভাপিতা রতির পক্ষে দগ্ধ মদনের ভয়ই যেন চন্দন স্বরূপ, আর অগ্নিই যেন নবপল্লব-শয্যা ! চন্দনের স্থানে ‘ভস্ম’ ও নবপল্লবের স্থানে ‘অগ্নি’—রতির বিসম দুর্ভাগ্য-বাক্যক ।

অগ্নির রক্তবর্ণত্ব-হেতু নবপল্লবের সহিত ‘বাহু’ সাদৃশ্য ।

৩৫। “হে সৌমা ! তুমি কতবার আমাদের (স্বামী-স্ত্রীর) কুমুমশয্যা-রচনায় সাহায্য করিয়াছ ; সম্প্রতি আমি কৃতাজলি হইয়া প্রার্থনা করিতেছি,—এখন তুমি আমার চিতা-শয্যা-রচনা করিয়া দাও ।

সুখে যিনি সহায়তা করিয়াছেন, দুঃখেও তাঁহারই সহায়তা করিবার কথা । তা ছাড়া, আজ যখন চিতাই রতির পক্ষে স্বামীর সহিত মিলিত হইবার

শয্যা, তখন যিনি এতদিন দম্পতীর ফুলশয্যা-রচনায় সাহায্য করিয়া আসিয়াছেন, আজ তিনিই সেই দম্পতীর মিলনার্থ চিত্রা-শয্যা-রচনা করুন।

৩৬। “চিত্রা-রচনাস্তর, তুমি আমাতে অগ্নিপ্রদান করিয়া মলয়-মারুত-সঞ্চালনে সত্বর কার্য্য নিষ্পন্ন করিও ;—কারণ, তুমি ত জান যে, মদন আশা বিনা ক্ষণমাত্র স্থষ্ট থাকেন না।—

মলয়-মারুত বসন্তেরই অন্তর। এবং সে সময়ে তথায় বর্তমান ; সুতরাং চিত্রা-প্রজ্বলনে তাহার সাহায্যও লওয়া হউক, ইহাই অভিপ্রায়।

“নবপল্লব-শয্যার” সহিত যোজন। করিয়া দেখিলে, এখানে ‘মলয়’ মারুতের উল্লেখে একটু নিগূঢ় সৌন্দর্য্য দৃষ্ট হয়। বিরহ-তাপিতা রমণী চন্দনচর্চা করিয়া যখন নবপল্লব-শয্যায় শয়ন করে, তখন যদি মলয়পবন বহে, তাহা হইলে তাহার বড়ই উপকার হয়। বিরহবিধুরা রত্নির পক্ষেও মদন-দেহের ভস্ম ‘চন্দন’, অগ্নি ‘নবপল্লব-শয্যা’ এবং তাহাতে যখন রত্নি শয়ন করিবেন, তখন ‘মলয় পবন’ বহিয়া বিরহ-সন্তাপ দূর করুক ;—পক্ষান্তরে, পবন-সাহায্যে দাহ-কার্য্য শীঘ্র সম্পন্ন হইয়া অবিলম্বে দম্পতীর পরলোক-সম্মিলন ঘটুক।

৩৭। “এই করিয়া, তাহার পরে (দাহ-কার্য্য নিষ্পন্ন হইলে,) আমাদের উদ্দেশে একটীমাত্র জলাঞ্জলি দিও ;—পরলোকে তোমার সেই বান্ধব, মদন, ঐ জলাঞ্জলি বিভাগ না করিয়াই, আমার সহিত একত্রই পান করিবেন।—

উভয়ের জন্য ‘একটী মাত্র’ জলাঞ্জলি এবং পরলোকে উহা ‘একত্র’ পান—এ সকল ঐকান্তিক-প্রেম-ব্যাঞ্জক।

৩৮। “হে মাধব ! (পিণ্ডানাঙ্গ) পরলোককৃত্যে মদনের উদ্দেশ্যে চঞ্চল-নবপল্লব-যুক্ত সহকার-মঞ্জরী দিও ;—কারণ, চূত-কুসুম তোমার সখার বড়ই প্রিয় ।”

জীবদশায় যে দ্রব্য তাহার সম্যক প্রিয়, মৃত্যুর পরে সেই দ্রব্য তাহার আত্মার উদ্দেশ্যে উৎসর্গ করা হইয়া থাকে ।

৩৯। শুষ্ক-জল তড়াগের শফরীকে বাকুল দেখিয়া, প্রথম বর্ষা যেমন তাহার প্রতি কৃপাবতী হয়েন, আকাশ-সমুদ্রা বাণীও তেমনিই রতিকে দেহত্যাগে কৃতনিশ্চয়া দেখিয়া তৎপ্রতি অন্ত-কম্পা করিলেন ।

শুষ্ক-জল তড়াগের শফরী ও দেহত্যাগে কৃতনিশ্চয়া রতি, উভয়েই মৃত-প্রায় ।

৪০। আকাশ-বাণী হইল—“হে কুসুমায়ুধ-পত্নি ! তোমার ভর্তা বহুকাল ছলভি থাকিবেন না । যে কর্মের ফলে তিনি হরনেত্রাগ্নিতে পতঙ্গ প্রাপ্ত হইলেন (পতঙ্গবৎ দগ্ধ হইলেন), তাহা শ্রবণ কর ;—

৪১। “মদনের প্রেরণায় প্রজাপতি ব্রহ্মার ইন্দ্রিয়-চাক্ষুশ্য ঘটায়, তিনি স্ব-সুতা সরস্বতীকে অভিশাপ করেন ; পরে, তিনি ইন্দ্রিয়-বিকার নিগ্রহ করিয়া, মদনকে এই (হরকোপানলে-দাহাত্মক) অভিশাপ দিয়াছিলেন ।—

৪২-৪৩। “পরে, ধর্ম্য-কর্তৃক প্রার্থিত হইয়া, (প্রশমিত-
কোপ) সেই ভগবান্ ব্রহ্মা মদনের প্রতি তাঁহার অভিশাপের
অবসান-কালে এই উক্তি করিয়াছিলেন যে,—যখন পার্বতীর
তপে তুষ্ট হইয়া মহাদেব তাঁহাকে বিবাহ করিবেন, তখন মনের
আনন্দে তিনি মদনকে পুনরায় তাঁহার সেই স্বীয় (বর) বপুঃ
দিয়া পুনর্জীবিত করিবেন ;— — জিতেন্দ্রিয় লোকেরা, মেঘের
ন্যায়, যেমন বিদ্যুৎদগারী, তেমনিই (পরক্ষণেই) মেঘেরই ন্যায়,
অমৃতবধী ।—

কোপ-হেতু শাপ-প্রদান ; আবার পরক্ষণেই কোপাবসানে শাপ-মুক্তির
উপায়-বিধান ; ইহাই জিতেন্দ্রিয়-ব্যাঙ্গক । মেঘ-পক্ষে যেমন প্রথমে
তড়িৎদগার এবং পরক্ষণেই অমৃতোপম বারি-বর্ষণ ; জিতেন্দ্রিয়-পক্ষে তেমনিই
প্রথমে কোপ এবং তৎপরেই প্রসাদ ।

দাহাত্মক-হেতু, বিদ্যুতের সহিত এই অভিশাপের সাদৃশ্য ; এবং
অমৃতোপম সর্জীবনী-পুণে মেঘ-নিঃসৃত শীতল বারির সহিত শাপাবসান-বারির
উপমা সার্থক ; জলেই অগ্নি নির্বাপন হয় ।

৪৪। “অয়ি শোভনে ! পুনরায় তোমার প্রিয়-সম্মিলন
হইবে ; অতএব তুমি স্বীয় দেহ রক্ষা কর ;—দেখ, (গ্রীষ্মে)
সূর্য্য কর্তৃক বিশোষিতা হইলেও বর্ষাগমে নদী আবার প্রবাহনতী
হইয়া থাকে ।”

এখানে নদীর জল-শোষক ‘সূর্য্য’ তাপ-ব্যাঙ্গক ; মদনও তাপ-দগ্ধ ।

৪৫। এই প্রকারে কোন অদৃশ্য-দেহ প্রাণী রত্নির
মরণোত্তোগ-প্রকৃতি নিবারণ করিলে, উহারে প্রত্যাহ করিয়া

কুম্ভমাধু-বন্ধু বসন্ত সফলতা-সূচক সুবচনে রতিকে আশ্বাস দিতে লাগিলেন ।

৪৬। কিরণ-ক্ষয়ে মলিনা দিনমানের চন্দ্রলেখা যেমন প্রদোষ-কালের প্রতীক্ষা করে, শোক-কৃশা মদন-বধুও ইহার পরে তেমনই তাহার বিপদের অন্তকাল প্রতীক্ষা করিতে লাগিলেন ।

চন্দ্রকলার পক্ষে যেমন দিনমান, রতির পক্ষে তেমনই এই শাপকাল, উভয়ই ক্ষীণতা-বাঞ্ছক । চন্দ্রকলা যেমন পুনঃ কিরণ সঞ্চয়ের জন্ত সন্ধ্যার প্রতীক্ষা করে, রতিও তেমনই পুনঃ ভর্তৃ-মিলনের জন্ত শাপাবসানের প্রতীক্ষা করিতে লাগিলেন ।

*

*

*

[দ্বিতীয় সর্গে যখন মদন বির-বেশে সখা বসন্ত এবং ভাৰ্যা রতিকে সঙ্গে লইয়া দেবকাৰ্য্য-সাধনোদ্দেশে যাত্রা করিলেন, তখন পাঠকের মনে প্রশ্ন উঠিতে পারে এই যে,—মহাদেবের ধ্যান-ভঙ্গ করিতে যদিও মদনের বাণচ মুখ্য উপায়, তবু গৌণ উপায়-স্বরূপ অন্তকূল পারিপার্শ্বিক অবস্থা সংঘটন করিতে অর্থাৎ তখন অকালে বসন্ত সৃষ্টি করিতে সখা বসন্তের প্রয়োজন থাকিলেও, এ ব্যাপারে যখন ভাৰ্যা রতির করণীয় কোন কাৰ্য্যই নাই, তখন তাহাকে সঙ্গে লইবার কি প্রয়োজন ছিল ?

ইহার উত্তর এই যে,—প্রথমতঃ জগতে জীব-প্রবাহের মূলে যে-এক অতি দুৰ্জয় মহাশক্তি জীবমাত্রেরই উপরে কাৰ্য্য করিতেছে, পুরাণে তাহারই দ্বৈত-মূৰ্ত্তি—মদন ও রতি, পরস্পর অবিচ্ছেদ্য—মেধানে মদন, সেই থানেই রতি ; সুতরাং এ যাত্রাতেও স্বভাবতঃই রতি, মদনের সহ-গামিনী হইয়াছেন,

দৃষ্টিতে ইহাও । ইহাতে আশ্চর্যের বিষয় কিছুই নাই ; বরং কবির সৃষ্টি-দৃষ্টিতেই আশ্চর্য্যাস্থিত ইহাতে হয় । রতি-বিলাপের মধোই উভয়ের অবিচ্ছেদ্য-ভাবের স্পষ্ট ইঙ্গিত আছে ।

দ্বিতীয়তঃ—এ যাত্রায় মদনের সহিত রতির গমন, কাব্যের দিক্ দিয়াও একান্ত প্রয়োজন । নতুবা, এই শেষ-যাত্রায় যখন হর-কোপানলে মদন নিমেষের মদ্যে ভস্মীভূত হইলেন ;—মহাদেব তৎক্ষণাৎ সে স্থান ত্যাগ করিলেন ;—পার্বতীও হতাশ-হৃদয়ে সগি-সঙ্গে গৃহ-মুখে প্রস্থান করিলেন, —এবং সঙ্গে রতি না থাকিলে একা সখা বসন্তও ক্ষণমনে সে স্থান ত্যাগ করিতেন, সন্দেহ নাই ;—তখন সেখানে বিরাজ করিতে থাকিত কেবল-মাত্র মদনের ভস্মরাশি ; আর চারিদিকের সেই চিত্তাৰ্পিতবৎ বনস্থলীর নীরবতা । জগন্মান্ত মদন-দেবের এইরূপে নির্জনে দেশে অশোচিত-ভাবে পরিসমাপ্তি কাব্যার্থে নিত্যন্ত অশোভন হইত ভাবিয়াই কবি, রতিকে মদনের সঙ্গে আনিয়াছেন এবং দগ্ধ পতির ভস্মে ধূসরিতাঙ্গী, বিকীর্ণ-কেশা রতির মুখ দিয়া এমন-এক নম্রভেদী বিলাপ করাইয়াছেন, যাহার করুণ-ধ্বনি সে-দিন কেবল সেই স্থানে-বনে প্রতিধ্বনিত হইয়াই ক্ষান্ত হয় নাই ;—কবির তুলিকা-গুণে চিরকাল তাহা সাহিত্য-জগতে প্রতিধ্বনিত হইতে থাকিবে ।

ইহাও লক্ষ্য করিবার বিষয় যে, কাব্যের একটি অথও সর্গই এই উদ্দেশ্যে উৎসর্গীকৃত ।]

“রতি-বিলাপ”-নামক চতুর্থ সর্গ সমাপ্ত :

পঞ্চম সর্গ

১। পিনাকী ঐরূপে পার্বতীর সমক্ষে মন্থকে দক্ষ করিয়া পার্বতীর মনোরথ ভগ্ন করাতে, সতী মনে-মনে নিজ রূপকে নিন্দা করিতে লাগিলেন ;—কারণ, যে সৌন্দর্য্যের বলে পতি-সৌভাগ্য ঘটিল না, সে সৌন্দর্য্যে ফল কি ?

ইহা মদন-দহন ব্যাপারেরই অব্যবহিত পরবর্তী । মদন-দহনান্তে, একদিকে পার্বতী ক্ষুব্ধমনে গৃহে ফিরিলেন ; আর একদিকে রতি বিলাপ করিতে লাগিলেন । চতুর্থ সর্গে রতি-বিলাপ সবিস্তারে কথিত হইয়া, এখন পার্বতীর কথা হইতেছে ।

২। (তখন) পার্বতী সমাধি-অবলম্বনে প্রচুর তপস্যা দ্বারা নিজ সৌন্দর্য্যের সাফল্য সম্পাদন করিতে ইচ্ছা করিলেন ;—অন্যথা, তেমন পতি ও তেমন প্রেম,—এই দুই বস্তু কিরূপে পাওয়া যাইতে পারে ?

ভূতপূর্ব-পত্নী সতীর প্রতি মহাদেবের প্রসিদ্ধ প্রেমই তাঁহার অসাধারণ প্রেমিকত্বের প্রমাণ ; এবং মৃত্যুঞ্জয়ই তাঁহার অসাধারণ পতিত্বের প্রমাণ । পতির দীর্ঘজীবন ও প্রেমিকতা—এই দুইটাই ঈশ্বরের সর্বপ্রদান কামনা ।

৩। মেনকা যখন শুনিলেন যে, কন্যা মহাদেবের প্রতি আসক্তচিত্তা হইয়া, তপশ্চরণে প্রবৃত্তা হইবার উদ্যোগ করিতেছেন, তখন তিনি পার্বতীকে হৃদয়ে আলিঙ্গন করিয়া মহান্ মুনিস্বত্ব হইতে তাঁহাকে নিবারণার্থ কহিলেন ;—

‘মহান্ মুনিব্রত’ অর্থাৎ শ্রুষ্টি তপঃ—যাহা কেবল শ্রুদ্-দেহশালী মুনিগণই আচরণ করিতে সক্ষম। যে-কোন জননী পক্ষে, বিশেষতঃ কন্যাগত-প্রাণা মেনকার পক্ষে শ্রুকোমল বাল্য কন্যাকে কঠোর তপশ্চা-ব্রত হইতে নিবারণ করা, বড়ই স্বাভাবিক।

৪। “হে বৎসে ! যে-দেবতার পূজা করিতে ইচ্ছা কর, গৃহে ত সেই দেবতাই আছেন, (তবে, কেন তপশ্চরণ করিতে যাবে ?), (বল দেখি), কোথায় (ছঃসহ) তপশ্চা, আর—কোথায় তোমার এই (শ্রুকুমার) দেহ !—শ্রুকোমল শিরীষ-পুষ্প ভ্রমরের পদই সহিতে পারে ; পক্ষিদিগের পদ-ভার সহ্য কি উহার কৰ্ম ?”

শিরীষকুম্ম-শ্রুকুমার পার্শ্বতীর দেহ দারুণ তপঃ-সাধনার নিতান্তই অনুপযোগী, ইহাই ভাব।

৫। এইরূপ উপদেশ দিয়াও মেনকা স্থির-কল্প কন্যাকে উত্তম হইতে নিবারণ করিতে সক্ষম হইলেন না,—অভিলষিত বিষয়ে স্থির-নিশ্চয় মনকে, আর নিম্নাভিমুখ জল-প্রবাহকে কে প্রতিনিবৃত্ত করিতে পারে ?

ইষ্ট কৰ্মে দৃঢ়প্রতিজ্ঞ জন, আর, নিয়গামী জল,—উভয়ই দুৰ্দ্ধার।

৬। হিমবান্, কন্যার এই তপশ্চরণাভিলাষের বিষয় অবগত হইলে, পরে কোন সময়ে স্থির-চিত্তা পার্শ্বতী আপুসখী-মুখ দ্বারা

পিতার সমীপে, ফলোদয় পর্য্যন্ত তপঃ-সমাধির জন্য অরণ্যবাসের
অনুমতি যাক্ষা করিলেন ।

বিবাহ যে ব্যাপারের উদ্দেশ্য, এরূপ ব্যাপার সম্বন্ধে যুবতী কন্যা পিতার
কাছে নিজমুখে প্রস্তাব করিতে স্বভাবতঃই কুণ্ঠিত ; সেইজন্য পার্শ্বতী নিজ-
মুখে পিতৃ-অনুমতি না চাহিয়া, আপ্তসখী-রূপ যুগের দ্বারা অর্থাৎ বিশ্বস্ত সখীকে
দিয়া পিতৃসমীপে অনুমতি প্রার্থনা করাইলেন ।

৭। প্রস্তাবানুরূপ আগ্রহ দেখিয়া তুষ্ট হইয়া, পূজ্যতম পিতা
অনুমতি প্রদান করিলে, তপশ্চরণার্থ গৌরী, ময়ুরাদি অহিংস্র-
প্রাণি-সেবিত এক শিখরে গমন করিলেন ; পরে এই শিখর
লোক-মধ্যে গৌরীর নামে (“গৌরী-শিখর” নামে) অভিহিত
হইয়াছিল ।

৮। তখন তপশ্চরণে কৃতনিশ্চয়া পার্শ্বতী তাঁহার বন্ধুঃ
হইতে মুক্তাহার মোচন করিয়া ফেলিলেন ; আর বন্ধুর চন্দন-
চর্চা, তাহা ত (গতিহেতু) দোহুল্যমান হার-কর্তৃক (ইতিপূর্বেই)
বিলুপ্ত হইয়াছিল । সেই মুক্তাহারের স্থানে তিনি বালারূপ-
পিঙ্গল বন্ধল (কণ্ঠলব্ধী স্তনোত্তরীয় রূপে) বন্ধন করিলেন ;—
তখন, সেই বন্ধাবদ্ধ বন্ধল পীনোন্নত পয়োধর কর্তৃক যেন
বিদারিত-প্রায় দেখাইতে লাগিল ।

৯। তাঁহার মুখ-মণ্ডল সুশোভন কেশপাশেও যেমন মধুর
দেখাইত, এখন জটা-কলাপেও তেমনই মধুর দেখাইতে

লাগিল ;—ভ্রমর-পংক্তি তে যে কেবল পঙ্কজের শোভা, এমন নাহি—শৈবালাসঙ্গে ও পঙ্কজ শোভা ধারণ করে ।—

১০। যে নিতম্ব-দেশ মেখলা-দামের আশ্রয়, সেই নিতম্ব-দেশে পার্শ্বতী এখন তপস্ব্যার্থ মুঞ্জ-নামক কক্কশ ভাণের রজ্জু ত্রিরাবৃত্ত করিয়া (তিন ফের দিয়া) পরিবেশন ;—(কার্কশ-হেতু) ঐ মুঞ্জময়ী মেখলা ধারণে প্রতিফলে পার্শ্বতীর রোমাঞ্চ হইতে লাগিল, এবং এইরূপ মেখলা এই প্রথম পরিয়াছেন বলিয়া, উহাতে তাঁহার (সুকোমল) জঘন-দেশ আরক্তিম হইয়া উঠিল !

১১। যে হস্ত লাক্ষারস-রঞ্জনার্থ অধরে বাইত, আজ অধর-রাগ ভাগ করায়, সে হস্ত আর অধরে বাইতেছে না ; যে হস্ত স্তন্যরাগে অরুণিত কন্দুক ধরিয়া বারংবার ক্রীড়া করিত, আজ কন্দুক-ক্রীড়ার অভাবে, সে হস্ত আর কন্দুক ধরিতেছে না ;—আজ কুশাসুর-সংগ্রাহে ক্ষত-বিক্ষত সেই হস্তকে পার্শ্বতী জপ-মালার সহচর করিয়াছেন ।

ক্রীড়া-কালে কন্দুক বারংবার বক্ষের উপরে পড়াতে, কুঙ্কম-চন্দনাদি স্তন্য-রাগে উহা রক্তবর্ণ হইয়া উঠিত ।

১২। গৃহে মহামূল্য শয্যায় অবলুষ্ঠন-হেতু নিজকেশচ্যুত পুষ্প ও যে-পার্শ্বতীর ক্লেশোৎপাদন করিত, সেই পার্শ্বতী আজ

বাহুলতাকে উপাধান করিয়া, সংস্तरণ-রহিত অনাবৃত ভূমির উপরে শয়ন ও উপবেশন করিতে লাগিলেন।—

‘মহামূল্য’—শয্যার কোমলত্ব-সূচক।

শয়নাবস্থায় কেশচূষিত পুষ্প ও পার্শ্বতীর ক্লেশ জন্মাইত ; ইহাতে বুঝাইতেছে যে, পার্শ্বতীর দেহ কুসুম্যপেক্ষা ও সুকুমার।

১৩ ! সম্প্রতি সংযমবতী বলিয়া পার্শ্বতী দুইজনের কাছে তাঁহার দুইটী জিনিষ (সংযমাস্ত্রে আবার ফিরিয়া লইবেন, এই উদ্দেশ্যে) আপাততঃ যেন কুসুম-ধনের মত অর্পণ করিয়াছিলেন,— সুকুমার লতাদিগের কাছে তাঁহার সুললিত অঙ্গ-ভঙ্গী, আর হরিণাঙ্গনাদিগের কাছে তাঁহার চঞ্চল দৃষ্টি !—

তপঃস্তা পার্শ্বতীতে আপাততঃ তাঁহার সেই সুললিত অঙ্গ-ভঙ্গী দেখা যাইতেছে না, অথচ পার্শ্ববর্তী লতাতে উহা বর্তমান ; আর সেই চঞ্চল চক্ষুর চাহনিও এখন পার্শ্বতীতে নাই, উহা হরিণাঙ্গনাতেই দেখা যাইতেছে ; তাই বোধ হয়, পার্শ্বতী তপঃকালের জন্য তাঁহার ঐ দুইটী সম্পদ্বি ঐ দুই জীবের কাছে কুসুম রাখিয়া দিয়াছেন ; তপঃশেষে আবার লইবেন।

১৪। তন্দ্রাহীনা পার্শ্বতী ঘট-রূপ স্তনের ধারায় ক্ষুদ্র-ক্ষুদ্র বৃক্ষগুলিকে (লালন-পালন করিয়া) বাড়াইতে লাগিলেন ;— এইরূপে, প্রথমজাত পুত্রের জন্ম এই বৃক্ষগুলির উপরে তাঁহার যে পুত্র-স্নেহ জন্মিতে লাগিল, ভবিষ্যতে কুমার কার্ত্তিকেরও তাহা কমাষ্টতে পারিবেন না।—

কুমারসম্ভব

— *::* —

প্রথম সর্গ

১।—উত্তর প্রদেশে হিমালয় নামে দেবতাত্মা পর্বতরাজ বিরাজ করেন। ইহার দেহ, পূর্ব ও পশ্চিম উভয়দিকেই সমুদ্র-গর্ভে প্রবেশ করিয়া, যেন পৃথিবীর মানদণ্ড-স্বরূপে অবস্থিত।—

“উত্তর প্রদেশে” হিমালয়ের দেবভূমিষের সূচক।

“দেবতাত্মা”—হিমালয় জড়াকৃতি হইলেও জড়প্রকৃতি নহেন;—ইনি দেবতাত্মা। ইহাতে বক্ষ্যমাণ যেনকা-পরিণয়, পার্বতী-জনন, মহাদেবের সহিত ঘনিষ্ঠ-সংস্ক-স্থাপনাদি হিমালয়ের চৈতন্য ও দেবোচিত ব্যবহার-সকলের উপযোগিতা সিদ্ধ হইল।

মানদণ্ড—মাপিবার কাঠি “গজকাঠি”। “পৃথিবীর মানদণ্ড” হিমালয়ের বিশাল দৈর্ঘ্য-সূচক।

২।—যখন শৈল-সকল দোহন-দক্ষ মেরুকে দোকা করিয়া পৃথু-প্রদর্শিতা গো-রূপা ধরিত্রীকে দোহন করাইয়া, (ছকাকারে)

শোচনীয়তা প্রাপ্ত হইয়াছে ; এখন লোকের নয়ন-কৌমুদী-
স্বরূপা তুমিও সেই দশা প্রাপ্ত হইলে !—

কুৎসিতের সঙ্গে স্বরূপের সমাগম শোচনীয় ; শাস্ত্র-সমাগমে শশিকলা
ত পূর্ব হইতেই শোচনীয় হইয়া আছে ; এখন পার্বতীও শোচনীয় হইতে
চলিলেন ;—ইহাই তাৎপর্য্য ।

৭২ । “ত্রিলোচনের বিরূপাক্ষই তাঁহার রূপের পরিচয়
দিতেছে ! অজ্ঞাত জন্মেই তাঁহার কুলের পরিচয় ! আর
দিগম্বরদেই তাঁহার ধন-সম্পত্তির পরিচয় !—অধিক কি
বলিব ?—হে কুরঙ্গশাবকাক্ষি ! বরে রূপগুণাদি যে-যে বিষয়
লোকে দেখিতে চায়, ত্রিলোচনে কি তাহার একটীও বিদ্যমান ?—

কথিত আছে —“কন্যা বরযতে রূপং মাতা বিত্তং পিতা ক্রতম্ । বান্ধবাঃ
ফুলমিচ্ছন্তি মিষ্টান্নমিতরে জনাঃ ॥” বিবাহ-বিষয়ে কন্যার প্রার্থনা বরের
রূপ ; মাতার প্রার্থনা বরের ধন-সম্পত্তি ; পিতা চাহেন, বরের বিত্তা ; কন্যা-
বান্ধবেরা চাহেন, বরের বংশ ; আর অপর লোকে যথেষ্ট মিষ্টান্ন পাইলেই তুষ্ট ।
কিন্তু মহাদেবে উহার সকলগুলিই বিদ্যমান না থাকুক, উহার একটাও কি
আছে ?—তিনি বিরূপাক্ষ, অজ্ঞাত-জন্ম, ও দিগম্বর !

৭৩ । “অতএব তুমি এই অসদভিলাষ হইতে তোমার
মনকে নিবৃত্ত কর ; কোথায় এবংবিধ অমঙ্গল-শীল পুরুষ, আর
কোথায় তোমার মত প্রশস্ত-ভাগ্যচিহ্নযুক্তা রমণী !—সাধুজনে
কখনও শ্মশান-শূলের বৈদিক-যূপ-সংস্কার করিতে ইচ্ছা
করেন না ।”

সেই অমঙ্গলাচারী পুরুষে, আর এই সৌভাগ্য-লক্ষণা পার্শ্বতীতে প্রভূত প্রভেদ—এমন কি, একে অন্যের ঠিক বিপরীত-গুণসম্পন্ন বলিলেই হয়। অতএব, এই উভয়ের মিলন কোনক্রমেই বাঞ্ছনীয় নহে,—ইহাই ব্রহ্মচারীর উক্তির মর্ম্ম।

‘শ্মশান-শূল’—বধা ভূমিতে প্রোথিত শূল।

‘বৈদিক-যূপ-সংস্কার’ - যজ্ঞার্থ পশু-বন্ধনের কাষ্ঠ-স্তম্ভকে ‘যূপ’ বলে। জল-সেকাদি ‘বৈদিক’ আচারে সংস্কার করিয়া উহাকে ক্রিয়োপযোগী করিতে হয়। এই পুণ্যাত্মক সংক্রিয়া যূপেরই যোগ্য,—শ্মশান-শূলের নহে।

৭৪। ব্রাহ্মণ এইরূপে প্রতিকূল-বাদী হইলে, কোপে পার্শ্বতীর অধরোষ্ঠ কাঁপিতে লাগিল; তখন তিনি তাঁহার ভ্র-লতা বিকুঞ্চিত করিয়া উপাশু-লোহিত নেত্রে বক্র-দৃষ্টি করিয়া রহিলেন।

শিবগুণ-মুগ্ধা, শিবগতপ্রাণা পার্শ্বতীর মনে শিব-নিন্দা অসহ। ‘বক্রদৃষ্টি’—অনাদর-ব্যাঙ্গক।

৭৫। পরে, পার্শ্বতী ব্রহ্মচারীকে কহিলেন;—“আপনি যেরূপ বলিলেন, তাহাতে বুঝিলাম যে, নিশ্চয়ই মহাদেবকে আপনি পরমার্থতঃ জানেন না। মহাত্মাদিগের চরিত অলোক-সামান্য এবং তাঁহাদের আচরিত অনুষ্ঠানাদির হেতুও ছুর্কোষ; এইজন্যই মূঢ় লোকে (না বুঝিয়া) তাঁহাদিগের আচরণে দোষারোপ করে।—

৭৬। “বিপৎ-প্রতীকার-প্রয়াসী বা ঐশ্বর্য্যকামী লোকে ..
নাঙ্গলিক কার্য্যের অনুষ্ঠান করে ; কিন্তু যিনি জগতের শরণা
এবং যিনি সর্ববিধ-কামনা-বিরহিত, তাঁহার ঐ সকল নাঙ্গ-
লিকে,—যাহাতে চিত্ত-বৃত্তি আশা-কলুষিত হয়, এরূপ নাঙ্গলিক
আচরণে—প্রয়োজন কি ?—

মহাদেব ‘কদাচারী’, ‘শ্মশান-বাসী’ ইত্যাদি পূর্বোক্ত নিন্দাবাদের উত্তর।

৭৭। “মহাদেব নিজে দরিদ্র হইয়াও সম্পদ-দাতা, শ্মশান-
বাসী হইয়াও ত্রিলোক-নাথ, এবং ভীম-রূপী হইয়াও শিব
(সৌম্য),—এইরূপ কথিত হইয়া থাকে ; তাঁহাকে “বথার্থরূপে
জানেন, এমন কেহই নাই !—

ব্রহ্মচারী পার্শ্বতীকে কহিয়াছিলেন ;—“হে পার্শ্বতি, দেখিতেছি, তুচ্ছ
বস্তুতে তোমার অতিশয় নির্বন্ধ” ইত্যাদি। ইহা তাহারই উত্তর।

৭৮। “এই নিখিল বিশ্বই যাহার মূর্ত্তি, তিনি অঙ্গে বিভূ-
ষণই ধারণ করুন বা সর্পই জড়ান,—গজাজিনই পরিধান
করুন বা পটুবস্ত্রই পরিধান করুন,—আর তিনি কপাল-ধারীই
হউন বা ইন্দু-শেখরই হউন,—তাঁহার প্রকৃত রূপ যে কি, তাহা
কিছুতেই অবধারণ করা যায় না !—

সকল রূপই তাঁহাতে সম্ভব। ব্রহ্মচারী বলিয়াছিলেন—‘নবোঢ়া বধূর
কলহংসচিহ্নিত পটুবস্ত্র কি কখন শোণিতবিন্দুবর্ষী গজাজিনের সহিত একত্র
সংযুক্ত হইবার যোগ্য ?’—ইহা তাহারই উত্তর।

৭৯। “তঁাহার অঙ্গের সংসর্গ পাঠিয়া চিত্তা-ভঙ্গ্য নিশ্চয়ই
বিশুদ্ধিই প্রাপ্ত হয় ; নতুবা, (বিভূতি-ভূষণের) নৃত্যাভিনয়-
কালে তঁাহার দেহ হঠাৎ স্নানিত ঐ চিত্তাভঙ্গ্য-রজঃ দেবগণ
নিজ-নিজ শিরে বিলোপন করিবেন কেন ?—

ব্রহ্মচারী কহিয়াছিলেন যে, পার্শ্বতীর্থ হরিচন্দনাম্পদ স্তন্যগলে চিত্তাভঙ্গ্য
বিরাজ করিবে, ইত্যাদি—ইহা তাহারই উত্তর। মহাদেবের দেহের
যে চিত্তাভঙ্গ্য দেবগণেরাও মাথায় মাথেন, তাহ পাওয়া ত অতি-বড়
সৌভাগ্যেরই বিষয়।

৮০। “সেই নিঃসম্পদ মহাদেব যখন বৃষভারোহণে গমন
করেন, তখন মদম্রাবী দিগ্গজারোহী (ঐরাবতারোহী) ইন্দ্রও
তঁাহার পদে স্বীয় মুকুট লুপ্তিত করিয়া, সেই মুকুটস্থ বিকশিত-
মন্দার-কুমুমের পরাগে ঐ পদদ্বয়ের অঙ্গুলি-গুলি অরুণিত
করিয়া থাকেন !—

যিনি ইন্দ্রেরও পূজা, তঁাহার আর সম্পদেরই বা কি প্রয়োজন, আর
বৃষভারোহণেই বা কি দোষ ? ইহা মহাদেবের দিগম্বর হ ও বৃষভানুভ
সহস্রে ব্রহ্মচারীর উক্তির উত্তর।

৮১। “নষ্টস্বভাব-প্রণোদিত হইয়া আপনি ঈশ্বরের দোষ
কথনে ইচ্ছুক হইয়াও কিন্তু তঁাহার প্রতি একটি বাক্য যথাযথ
কহিয়াছেন ;—পণ্ডিতেরা বাহ্যকে ব্রহ্মারও সৃষ্টিকর্তা কহিয়া
থাকেন, সেই (অনাদি) ঈশ্বরের জন্ম জানা যাইবে কেনন
করিয়া ?—

ব্রহ্মচারী বলিয়াছিলেন যে; ত্রিলোচন ‘অজ্ঞাত জন্মা’ । এখানে পার্শ্বতীর
তীব্র বিদ্রোপোক্তি তাহারই উদ্ভব ।

৮২। “আর বিবাদে প্রয়োজন নাই ;, আপনি তাঁহার
সম্বন্ধে যেমন শুনিয়াছেন, তিনি অশেষ প্রকারে সেইরূপই
হউন । আমার মন কিন্তু তাঁহাতে প্রেমভাব-রূপ একমাত্র
রস আশ্বাদনার্থ অবস্থান করিতেছে ;—কামনা কখনও, লোকে
কি বলিবে, তাহা লক্ষ্য করে না ।—

৮৩। “হে সখি ! এই ব্রাহ্মণের ওষ্ঠ স্ফুরিত হইতেছে ;
ব্যক্তি, পুনরায় ইনি কিছু-না-কিছু বলিতে ইচ্ছুক হইয়াছেন ;
উহাকে নিবারণ কর । যে মহতের অপবাদ করে, কেবল
সেই-যে পাপভাগী হয়, তাহা নহে ; যে তাহার কাছে (ঐ
অপবাদ) শ্রবণ করে, সেও পাপভাগী ।—

মহতের নিন্দা ‘করা’ দূরে থাকুক, ‘শুনিতো’ শাস্ত্রের নিষেধ ।

৮৪। “অথবা, এ স্থান ত্যাগ করিয়া যাই”—এই বলিয়া
পার্বতী চলিলেন ; (রোষভরে দ্রুতগমন হেতু) তাঁহার বন্ধের
বাক্যলম্বিত হইয়া পড়িল । পার্বতীকে চলিয়া যাইতে দেখিয়া
বৃষরাজ-ধ্বজ (মহাদেব) নিজরূপ প্রকাশ করিয়া সহাস্ত্রে
পার্বতীর হস্ত ধারণ করিলেন ।

৮৫। তখন সান্ধাৎ মহাদেবকে দেখিয়া সাত্বিক-ভাবোদয়ে পার্বতী কাঁপিতে লাগিলেন এবং তাঁহার অঙ্গ-যষ্টি ঘর্ম্মাক্ত হইয়া উঠিল। তিনি বিক্ষেপের জন্য যে পদ উঠাইয়াছিলেন, সে পদ উঠানই রহিল,—পর্বত কর্তৃক পথাবরোধ-হেতু আকুলিতা নদীর শ্যায়, পার্বতী না-পারিলেন যাইতে, না-পারিলেন স্থির থাকিতে।

ভাবোচ্ছাসে ও লজ্জায় পার্বতীর এই সঙ্কটাবস্থা,—ভাবোচ্ছাসে যাইতেও পারিতেছিলেন না, অথচ লজ্জায় থাকিতেও পারিতেছিলেন, না; ইহা আত্যন্তিক প্রেম-ভাবের সাত্বিক লক্ষণ।

৮৬। (তখন) “হে অবনতান্ধি! সুবহু তপের দ্বারা তুমি আমায় ক্রয় করিলে; আজ হইতে আমি তোমার দাস হইলাম;”—চন্দ্রমৌলি এইরূপ কহিলে, তৎক্ষণাৎ পার্বতীর তপঃক্লেশ বিদূরিত হইয়া গেল;—কারণ, ফলসিদ্ধি হইলে ক্লেশ আবার নবতা ধারণ করে।

ক্লেশ সফল হইলে, সে ক্লেশ আর থাকে না; তখন দেহ ও মন দুই-ই পুনরায় পূর্বের মতই ‘নবতা’ অর্থাৎ অক্লিষ্টভাব প্রাপ্ত হয়।

“তপঃ-ফলোদয়” নামক পঞ্চম সর্গ সমাপ্ত।

বঠ সর্গ

১। উঠার পরে, পার্শ্বতী একান্তে সখিমুখে বিশ্বাস
মহাদেবকে জানাইলেন,—“ভূধরেশ্বর হিমবান্ আগার সম্প্রদাতা,
ইচ্ছাই আপনি সম্প্রদান করুন।”

বিবিমতে পিতা কর্তৃক সম্প্রদত্ত ইচ্ছা পরিণীতা হইলে, পার্শ্বতী পরম
অনুগৃহীতা হইবেন, ইচ্ছাই ও.ব।

২। সখি-মুখে এটুকু জানাইয়া এবং হর-প্রতি পাননা
সন্তুষ্টি হইয়া, পার্শ্বতী, বসন্তে পরভূত-মুখরা চূত-যষ্টির ন্যায়,
স্থিরভাবে অস্থিরে বিরাজ করিতে লাগিলেন।

চূত-শাখা নিজে কথা কহিতে পারে না বলিয়া, কোকিলার মুখ দিয়া
যেন নিজের কথা কহায় :—এখানে পার্শ্বতীও তদ্রূপ, সখি-মুখে বাহ্যিক
বসন্তের চূত-যষ্টির ন্যায় একপাশে দাঁড়াইয়া রহিলেন। প্রাপ্ত-যৌবনা পার্শ্বতী
সৌন্দর্যো যেন বসন্তের ‘চূতযষ্টি’ এবং কোকিল-রূপ-সখি-মুখে মুখরিতা।

৩। স্বর-শাসন (মহাদেব) তখন,—“তাহাই করিব”—
এইরূপ প্রতিজ্ঞা করিয়া, এবং অতি-কষ্টে উমাকে ছাড়িয়া
গিয়া, জ্যোতিষ্ময় সপ্তর্ষিগণকে স্মরণ করিলেন।

‘অতি-কষ্টে’—উমার প্রতি পগড় অনুরাগ-বাক্যক।

৪। (শিব কর্তৃক স্মরণ নাত্র) তৎক্ষণাৎ সপ্তর্ষিগণ স্বীয় প্রভামণ্ডলে আকাশকে সুপ্রকাশিত করিতে-করিতে, অরু-দ্রভীকে সঙ্গ লইয়া, প্রভুর সম্মুখে সমুপস্থিত হইলেন ।

৫। এই সপ্তর্ষিগণ। সোম-গঙ্গা-প্রবাহ—বাহার বরষ কর্তৃক ভীরু মন্দার-রক্ষরাজীর কুম্ব-সকল উত্তমৃতঃ বিক্ষিপ্ত হইতেছে, এবং বাহার জন তিগ্গজদিগের মদগন্ধে মগদ্বী—সেই বোমগঙ্গার স্নাত ।—

৬। বৃদ্ধাময় বজ্রোপবীত, হেননয় বহুল ও রত্নময় উপ-নাগা, ধারণ করিয়া, উঁহারা যেন বানপ্রস্থ শ্রমী কল্পবৃক্ষগণের মত প্রতিভাত হইতেছিলেন ।—

কল্পবৃক্ষেই স্বর্ণ-নিমুক্তাদি ফলে ।

৭। সহস্র-রশ্মি সূর্য্যদেব তাঁহার রথাস্রগণকে (সপ্তর্ষি-মণ্ডলের) অধঃপ্রদেশ দিয়া ঢালাইয়া, এবং (তন্মাণ্ডলাঘাত-ভয়ে) উঁহার রথক্ষজা নানাটয়া, অরু এই সপ্তর্ষিগণকে প্রণাম-পূর্ব্বক (মননানুজতি-প্রাপ্তি পর্য্যন্ত) প্রতীক্ষা করিয়া থাকেন ।—

সপ্তর্ষিগণ সূর্য্যদেবেরও সম্পূজা এবং সপ্তর্ষি-মণ্ডল সূর্য্য মণ্ডলেরও উপরে ।

৮। প্রলয়-বিপদে যখন পৃথিবী বাহুলতা দ্বারা বরাহদ্রংষ্ট্রা ধরিয়া তৎকর্তৃক উদ্ধৃতা হয়েন, তখন এই সপ্তর্ষিগণও পৃথিবীর সঙ্গে ঐ মহাবরাহ-দ্রংষ্ট্রায় বিশ্রম লাভ করিয়াছিলেন ।—

এই সপ্তর্ষিগণই হ্যপ্রলয়েও অবিনাশী ।

৯। বিশ্বযোনি ব্রহ্মার পরে, এই সপ্তর্ষিগণ অবশিষ্ট সৃষ্টি সম্পাদন করিয়াছেন বলিয়া, ইঁহারা (ব্যাসাদি) পুরাণবিৎ কর্তৃক পুরাতন সৃষ্টিকর্তা বলিয়া কীর্তিত ।—

১০। ইঁহারা পরিপাক-প্রাপ্ত, বিশুদ্ধ, প্রাক্তন-তপস্যার ফলভোগ করিতে থাকিয়াও, (এখনও) তপোনিষ্ঠ ।

ইহাতে প্রারব্ধভোগী সপ্তর্ষিগণের তপোনিষ্ঠার নিকামত্ব সূচিত ।

১১। তাঁহাদের মধ্যবর্তিনী সাধ্বী অরুন্ধতী দেবী পতি-পদে দৃষ্টি অর্পণ করিয়া, যেন সাক্ষাৎ তপঃসিদ্ধির ন্যায় প্রতিভাত হইতে লাগিলেন ।

অরুন্ধতী যেন সপ্তর্ষিদিগের মূর্ত্তিমতী তপঃসিদ্ধি (পবিত্রতা-ব্যঞ্জক) ।

১২। ভগবান্ (মহাদেব) অরুন্ধতীকে ও মুনিদিগকে সমান গৌরবেই দেখিলেন ;—কারণ, সাধুগণের চরিত্রই পূজ্য ; তাঁহারা স্ত্রী, কি, পুরুষ—ইহা দেখিবার বিষয় নহে ।

• • কথিত আছে ;—“গুণাঃ পূজাহানং গুণিষু ন চ লিঙ্গং ন চ বয়ঃ”—অর্থাৎ গুণীর গুণই পূজ্য বস্তু ; তিনি পুরুষ, কি, স্ত্রী অথবা বৃদ্ধ, কি বালক—ইহা দেখিবার প্রয়োজন নাই ।

১৩। অরুন্ধতীকে দেখিয়া শত্ভুর দারপরিগ্রহার্থ যত্ন আরও অধিক হইল ;—পতিব্রতা পত্নীরাই ত (যজ্ঞাদি) ধর্ম-ক্রিয়া-সকলের মূল কারণ ।

ধর্ম-কর্মই গার্হস্থ্য-জীবনের মুখ্য উদ্দেশ্য এবং সে-পক্ষে অরুদ্ধতীর জায় পতিব্রতা পত্নীই প্রধান সহায়।

১৪। যদিও ধর্মভাব-প্রণোদিত হইয়াই মহাদেবের মন পার্বতীর প্রতি আসক্ত হইয়াছিল, তবু ইহাতে পূর্বাপরাধ-ভীত মদনের মন প্রফুল্ল হইয়া উঠিল।

মহাদেবের এই দাবাসক্তি কর্ম-ভাব প্রণোদিত হইলেও, ইহাতে মদনের কার্যের অবসর ঘটিবে; সুতরাং পুনর্জীবন-লাভ সম্বন্ধে ভাবিয়া মদনের মন ‘প্রফুল্ল’ হইল।

হর-কোপানলে দগ্ধ হইয়া মদন ভাবিয়াছিলেন, বুঝি মহাদেব পার্বতী প্রতি-আসক্তিহীন; সুতরাং আসক্তি ঘটাইতে যাওয়া ‘অপরাধ’ হইয়াছিল। কিন্তু এখন মহাদেবের মনে সেই পার্বতীর প্রতি আসক্তির সঞ্চার দেগিয়া; মদনের মন ‘অপরাধ-ভয়’-বিহীন হইয়া, বরং কার্য-সাকল্যের আশায় ‘প্রফুল্ল’ হইয়া উঠিল। পুনর্জীবনের সঙ্গে কার্য-সাকল্য,—ইহাও মদনের প্রফুল্লতার হেতু।

১৫। (মহাদেব সগৌরবে তাঁহাদিগকে অভ্যর্থনা করিলে) পরে, সাক্ষ-বেদ-প্রবক্তা সেই সপ্তর্ষিগণ প্রীতি-কণ্টকিত-গাত্রে জগদ্গুরু মহাদেবকে পূজা করিয়া, কহিতে লাগিলেন ;—

১৬। “আমরা-যে সম্যক্ বেদাধ্যয়ন করিয়াছি, আমরা-যে অগ্নিতে বিধি-পূর্বক হোম করিয়াছি, আমরা-যে তপস্যাচরণ করিয়াছি, আজ আমাদের (সেই-সকল কার্যের) ফল পরিপক্ব হইল ;—

এখানে আশ্রম-ত্রয়ের কার্য-সকল বথাক্রমে উক্ত হইয়াছে ;—‘বেদ-ধ্যান’ ব্রহ্মচর্যাশ্রমের কার্য, ‘হোম’ গার্হস্থ্যাশ্রমের কার্য, এবং ‘তপস্তা’ বানপ্রস্থ্যশ্রমের কার্য ।

১৭।—“যেহেতু, জগদ্বিধি হইয়া আপনি, আমাদের মনোরথের অগোচর এমন-যে আপনার মনোদেশ, সেইখানে আজ আমরা গিয়ে লইয়াছি।—

‘মনোদেশে লওয়া’—অর্থাৎ মনে স্মরণ করা ।

মহাদেবের মনোদেশ সপ্তর্ষিগণের মনোরথেরও অগোচর, সুতরাং আজ মহাদেব কর্তৃক স্মৃত হইয়া সপ্তর্ষিগণ সর্বিশেষ অধ্যুযুক্ত ।

১৮। “আপনাকে যে ব্যক্তি অন্তরে স্মরণ করে, কৃতি-দিগের মধ্যে সেই ব্যক্তিই শ্রেষ্ঠ ; আর আজ ব্রহ্মদেবি আপনিই আমাদের অন্তরে স্মরণ করিয়াছেন ;—সুতরাং আমাদের সৌভাগ্যের কথা আর কি বলিব ?—

১৯। “সত্য, আমরা চন্দ্র-সূর্য্য হইতেও উচ্চ স্থানে অবস্থান করি ; কিন্তু আজ আপনার স্মরণানুগ্রাহে, আমরা তাহা হইতেও উচ্চতর পদ পাইলাম ।—

আকাশে ‘সপ্তর্ষি-মণ্ডল’-নামে এক প্রসিদ্ধ তারকা-গুচ্ছ আছে— (“Great Bear”) সৌর-জগৎ হইতে বহুদূরে অবস্থিত ।

২০। “আপনার কর্তৃক সম্মানিত হইয়া আমরা নিজে-
স্বপ্নকে বড় জ্ঞান করিতেছি ;—কারণ, উত্তমের নিকট সমাদর
পাটলেটে প্রায়শঃ নিজ গুণের প্রতি প্রত্যয় জন্মে ।—

২১। “হে বিরূপাক্ষ ! আপনার কর্তৃক স্মরণ জন্ম,
আমাদের (অশুরের) যে প্রীতি হইয়াছে, তাহা,—আপনি
প্রাণিগণের অহুধ্যামা,—আপনার কাছে আর কি নিবেদন
করিব ?—

অশুরের প্রীতি ‘অহুধ্যামা’ যেমন বুদ্ধিহীন, বাস্তব দ্বারা নিবেদন করিয়া
তেমন বুঝান অসম্ভব ।

২২। “হে দেব ! আপনাকে প্রভাক্ষ দেখিয়াও, তদ্বৎ
আপনাকে আমরা জানি না ; অতএব আপনি আমাদের প্রতি
প্রসন্ন হইয়া আপনার স্ব-রূপ ব্যক্ত করুন ;—আপনি বুদ্ধি-
মার্গের অতীত !—

সপ্তর্ষিদিগের সমক্ষে এখন মহাদেবের যে রূপ বিদ্যমান, উহা তাঁহার
দৃশ্যমান রূপ মাত্র,—তাত্ত্বিক রূপ নহে ! তাঁহার তাত্ত্বিক রূপ যে কি, তাহা
তিনি নিজ মুখে ব্যক্ত না করিলে, জ্ঞান বলে অপরের জানিবার সাধ্য নাই ;—
এমন কি, সপ্তর্ষিদিগের ন্যায় জ্ঞানীদিগেরও নাই—ইহাই ভাব ।

২৩। “হে ভগবন্ ! আপনার এই দৃশ্যমান যে মূর্তি আমরা
দেখিতেছি, ইহা কি আপনার সেই মূর্তি—যাহার দ্বারা আপনি
এই ব্যক্ত ভগৎ সৃজন করেন ? না, যাহার দ্বারা আপনি

সেই সৃষ্ট জগৎ পালন করেন, ইহা আপনার সেই মূর্তি ?
অথবা, যাহার দ্বারা আপনি বিশ্বের সংহার করেন, ইহা কি
আপনার সেই মূর্তি ?—আপনার এই মূর্তি ঐ তিনের (ব্রহ্মা-
বিষ্ণু-মহেশ্বরের) কোনটী ?

মহাদেব আদি-দেব । সৃজন, পালন, ও সংহার এই কার্য-ত্রয়ের জন্য
তিনি তিন-রূপে প্রকট হইয়া থাকেন । বস্তুতঃ তাঁহার যে স্ব-রূপ কি, তাহা
জ্ঞানের অতীত !

২৪ । “অথবা, হে দেব ! আমাদের এই স্মৃতি প্রার্থনা
এখন থাকুক । আপনার স্মরণমাত্রে আমরা উপস্থিত হইয়াছি ;
এখন কি করিব, আশ্রয় করুন ।”—

ভগবানের স্বরূপ-নিরূপণ,—ইহা অতি গভীর ও গুহ্যতম কথা ; স্মরণঃ
এরূপ স্মৃতি প্রার্থনার সময় ইহা নহে ।

২৫ । তখন ভগবান্ তাঁহার শুভ্র দশন-কাস্তি দ্বারা শিরঃস্থ
চন্দ্রকলার ক্ষীণপ্রভাকে বাড়াইয়া, উত্তর করিলেন ;—

হর-শিরে চন্দ্রের একটি-মাত্র কলা বিরাজ করে ; স্মরণঃ উহার
প্রভা ‘ক্ষীণ’ । কথা কহিবার কালে, দশন-কাস্তি সুপ্রকাশিত হইয়া,
চন্দ্রকলার ক্ষীণ কাস্তিকে বাড়াইল ;—ইহা দশনের উৎকর্ষ-বাক্যক । ‘শুভ্র’জ-
হেতু দশন-কাস্তি, চন্দ্রকলার শুভ্র কাস্তিকে ‘বাড়াইতে’ পারিল । জন্মদেবের
“দন্তকচি-কৌমুদী” ।

২৬। “হে ঋষিগণ ! আপনারা জানেন, আমার কোন প্রবৃত্তিই স্বার্থ-প্রণোদিত নহে ; আমার অষ্টমূর্তি দ্বারাই আমার এই পরার্থ-প্রবৃত্তি সূচিত হইতেছে ।—

মহাদেবের অষ্টমূর্তি, যথা :—‘সকল’ নামে ক্ষিতি-মূর্তি, ‘ভব’ নামে জল-মূর্তি, ‘রুদ্র’ নামে অগ্নিমূর্তি, উগ্রনামে বায়ু-মূর্তি, ‘ভীম’ নামে আকাশমূর্তি ‘পশুপতি’ নামে যজ্ঞমান-মূর্তি, ‘মহাদেব’ নামে চন্দ্র-মূর্তি, এবং ‘ঈশান’ নামে সূর্য্য-মূর্তি ।

যতাত্তরে, অষ্টমূর্তি, যথা :—পঞ্চভূত, চন্দ্র, সূর্য্য ও অগ্নি । ভগবানের এই সকল মূর্তিই বিশ্বের হিতার্থে অবলম্বিত ও ‘পরার্থে’ প্রয়োজিত ।

২৭। • ‘তুষাতুর চাতকেরা যেমন মেঘের কাছে বারি-বর্ষণ যাক্ষা করে, সম্প্রতি শত্রুপীড়িত দেবগণও তেমনই আমার কাছে পুত্রোৎপাদনের প্রার্থনা করিয়াছেন ।—

এস্থলেও ভগবানের ‘পরার্থ-প্রবৃত্তি’ সূচিত ।

২৮। “এই জন্ম, যজ্ঞার্থী যেমন হবির্ভূক (অগ্নি) উৎপাদনের নিমিত্ত অরণি-সংগ্রাহের ইচ্ছা করে, আমিও তেমনই পুত্রোৎপাদনের নিমিত্ত পার্শ্বতীকে পাইতে ইচ্ছা করিতেছি ।—

২৯। “এখন, আমার এই প্রয়োজনে, হিমবানের কাছে পার্শ্বতী যাক্ষা করা আপনাদেরই কর্তব্য ; কারণ, সাধুগণ কর্তৃক সংঘটিত (বৈবাহিকাদি) সম্বন্ধ কখনই বিকলতা-প্রাপ্ত হয় না ।—

৩০। “হিমবান্ যেরূপ উন্নত, সুপ্রতিষ্ঠিত ও ভূভারবহন-ক্ষম, তাহাতে তাঁহার সহিত সম্বন্ধ ঘটিলে, উহা আমার অগৌরবের বিষয় হইবে না।—

‘উন্নত’, ‘সুপ্রতিষ্ঠিত’, ও ‘ভূভার-বহনক্ষম’—এই তিনটি বিশেষণ স্মৃদ্ধদেহধারী নগাধিরাজের প্রতি প্রযুক্ত্য হইলেও, এই তিনটি বিশেষণের দ্বারা হিমালয়ের স্মৃদ্ধদেহের প্রতিও লক্ষ্য করা হইয়াছে ;—হিমালয়ের স্মৃদ্ধদেহও ‘উন্নত’, ‘সুপ্রতিষ্ঠিত’, ও ‘ভূভার-বহনক্ষম’।

৩১। “কন্যার্থে, হিমবানকে যেরূপ কহিতে হইবে, তৎসম্বন্ধে আর আপনাদিগর প্রতি উপদেশের প্রয়োজন দেখি না ;— কারণ, আপনাদের প্রণীত আচারই সাধুগণ অন্তরে উপদেশ করিয়া থাকেন।—

সপ্তর্ষিগণ নিজেরাই যখন অন্তরে উপদেষ্টা, তখন আর তাঁহাদিগকে উপদেশ করিবার প্রয়োজনাভাব।

৩২। “আর্য্য্য অরুন্ধতীরও এই কার্য্যে সাহায্য করা উচিত ;—এইরূপ বৈবাহিক-সম্বন্ধ-সংঘটন-কার্য্যে সচরাচর পতিপুত্রবতী গৃহিণীরাই সমর্থ হইয়া থাকেন।

স্ত্রী-প্রধান কার্য্যে গৃহিণীদের কথাই কার্য্যকরী হইয়া থাকে। পতিপুত্রবতী গৃহিণীরা কস্তার মাকে কস্তার ভাবী স্বখদুঃখের কথা যেমন বুঝাইবেন, এমন আর কেহই পারিবে না ; এবং তাঁহাদের কথায় কস্তার মা যেমন বুঝিবেন ও বিশ্বাস করিবেন, এমন আর কাহার কথায় নহে ; এইজন্যই এখানে অরুন্ধতীর পটুতা।

৩৩। “অতএব, কার্যসিদ্ধার্থে আপনারা হিমবানের ‘ওষধি-প্রস্থ’ নামক পুরে গমন করুন ; এই (সম্মুখস্থ) মহা-কোশী-প্রপাত-স্থলে আমাদের পুনরায় সাক্ষাৎ হইবে।”

‘মহাকোশী’ নামে কোন নদী ; তাহারই ‘প্রপাতে’ অর্থাৎ যেখানে ঐ নদী উচ্চতর শৃঙ্গ হইতে ‘পতিত’ হইতেছে।

যে পর্য্যন্ত-না ঋষিরা বিবাহ-সম্বন্ধান্তে ফিরিয়া আসেন, ততদিন মহাদেব মহাকোশী-প্রপাত-স্থানে অপেক্ষা করিবেন।

৩৪। সংয়মিদিগের আদি সেই মহাদেব বিবাহ করিতে উৎসুক হইয়াছেন জানিয়া, প্রজাপতি-পুত্র এই তপস্বিগণ দার-পরিগ্রহ-জ্ঞা লজ্জা ত্যাগ করিলেন।

সংযমী-শ্রেষ্ঠ শিব যখন বিবাহ করিয়া সংসারী হইতে উদ্ধৃত, তখন আর গার্হস্থ্যশ্রমী বলিয়া সপ্তদ্বিগণের লজ্জার কারণ কোথায় ?

৩৫। তখন মুনিমণ্ডল ‘যে আজ্ঞা বলিয়া চলিয়া গেলেন ; ভগবান্ও পূর্ন্বাক্ত মহাকোশী-প্রপাত-স্থলে সমুপস্থিত হইলেন।

৩৬। মনের তুল্য বেগশালী পরমর্ষিরাও অসি-নীল আকাশে উঠিয়া অবিলম্বে ওষধিপ্রস্থে উপস্থিত হইলেন।

৩৭। এই হিমালয়-নগরটী যেন ধনসমৃদ্ধির আশ্রয় কুবেরপুরীর ঐশ্বর্য-সার দিয়াই নির্মিত এবং যেন স্বর্গের অতিরিক্ত জনসম্পৎ নিঃসারণ করিয়াই উপনিবেশিত।—

হিমবান্-পুরী ওষধিপ্রস্থ ধনসমৃদ্ধিতে যেন কুবেরপুরীর স্থায় ; এবং উহার লোকজন স্বর্গীয়-ভাবাপন্ন ।

৩৮ । গঙ্গাপ্রবাহ ইহাকে পরিখা-রূপে পরিবেষ্টন করিয়া প্রবাহিত হইতেছে ; ইহার প্রাচীর বড়-বড় মনিশিলায় গঠিত ; এবং প্রাচীর-মধ্যে দীপ্তিমান্ ওষধিসকল রাত্রিকালে অন্ধকার দূর করিতেছে ;—অতএব, ইহা দুর্গবৎ সংরক্ষিত হইলেও মনোহর !—

গঠনে সুদৃঢ় হইলেও সাধারণ দুর্গ, দেখিতে সুন্দর হয় না ; কিন্তু হিমবানের পুরী যেমন গঠনে সুদৃঢ়, দেখিতে তেমনই সুন্দর । এখানে এই কাব্যের অন্যান্য স্থলের মত, জড়-হিমালয়ের প্রতি ইঙ্গিত লক্ষ্য এবং উপভোগ্য ।

৩৯ । এই ওষধি-প্রস্থে গজগণ সিংহভয়-বিহীন ; অশ্বগণ বিলোম্বব ; যক্ষ ও কিন্নরগণ ইহার পৌর জন ; এবং বন-দেবীরা ইহার যোষিৎবর্গ ।—

‘সিংহ-ভয়-বিহীন’—হিমালয়ের গজগণের সিংহাধিক বলিষ্ঠত্ব-ব্যাঙ্গক । বোধ হয়, বিলোম্বব অর্থই তখন উৎকৃষ্ট বলিয়া পরিগণিত ছিল ।

৪০ । ইহার মেঘস্পর্শী ভবনসকল হইতে যে মৃদঙ্গ-নাদ শ্রুত হয়, তাহা (অবিকল) মেঘগর্জনের প্রতিধ্বনি বলিয়াই সন্দেহ উৎপাদন করে ; কেবল তালমানেই উহাকে মৃদঙ্গ-নাদ বলিয়া বুঝা যায় ।—

৪১। এই ওষধিপ্রসূ-পুরে (শ্রেণিবদ্ধ) কল্পদ্রুম-সকল চঞ্চল বিটপাংশুকে শোভিত হইয়া, পৌর জনের অবহুনির্মিত (স্বভাব-জাত) দণ্ডপতাকা-শ্রী ধারণ করিয়াছে।—

গৃহ-শোভার্থে, দণ্ড প্রোথিত করিয়া তাহাতে পতাকা উড়ান হয় ; এখানে স্বভাবজাত কল্পবৃক্ষের দ্বারাই ঐ শোভা সাধিত হইতেছে, ইহা ওষধি-প্রসূর উৎকর্ষ-বাক্যক।

‘কল্পদ্রুম’-শোভায় ওষধি-প্রসূ ইন্দ্রপুরীর সাদৃশ্য প্রাপ্ত হইয়াছে, ইহাই এখানে গূঢ় ভাব।

৪২। রাত্রিকালে এখানকার প্রমোদ-স্থলের স্ফটিক-হর্ম্যা-সকলে জ্যোতিষ্কগণ প্রতিবিস্তিত হইয়া মুক্তাহারের (বা পুষ্প-হারের) শোভা ধারণ করে।

৪৩। এখানে মেঘাচ্ছন্ন রাত্রিতে অভিসারিকাগণ ওষধি-গণের আলোকে পথ দেখিতে পাইয়া, অন্ধকারের কষ্ট জানিতে পারে না।

৪৪। এই গিরি-রাজ-পুরে,, বয়সের শেষ পর্য্যন্ত লোকের যৌবন ; এখানে কুমুমায়ুধ মদন ভিন্ন অন্য প্রাণাস্তক কেহ নাই ; এবং রতিশ্রম-জাত নিদ্রাটুকুই এখানকার লোকের যা-কিছু চৈতন্যাপগম !—

এখানকার লোকের বার্দ্ধক্য নাই,—সকলেই আজীবন যৌবন-সম্পন্ন। এখানে বয়স্কদের ভয় নাই,—যা-কিছু প্রাণ-নাশের আশঙ্কা, সে কেবল মদনের পঞ্চশরে। এক কথায়, এই গিরিরাজপুরে লোকে অজরায়র !

জরা-মৃত্যু ত এখানে নাই-ই ; এমন-কি, এখানে লোকের ক্লান্তি পর্য্যন্তও নাই ;—যা-কিছু ক্লান্তি, তাহা রতি-শ্রান্তি মাত্র ; স্বল্প নিদ্রাতেই তাহা দূর হয়, দীর্ঘ নিদ্রার প্রয়োজন হয় না ।

৪৫ । এখানকার যুবা-জনেরা যা-কিছু ক্ষমা-প্রার্থী, সে কেবল অকুটি-কুটিল, কম্পিতোষ্ঠা ও ললিতাদুলি দ্বারা তর্জন-কারিণী মানিনীদিগের কোপের শাস্তি পর্য্যন্ত ।—

শত্রু-কোপভয় এখানে নাই ;—এখানে যুবাদের যা-কিছু ভয়, সে কেবল মানিনীদের কোপ হইতে, এবং যা-কিছু ক্ষমা-প্রার্থনা, সে কেবল মানিনীদের কোপ-শাস্তির নিমিত্ত । স্থূল মর্ম্ম এই যে, এখানে মারাত্মক ভয়ের কারণ কিছুই নাই ।

৪৬ । গন্ধমাদন নামে সুগন্ধী গিরি, যেখানকার কল্লবৃক্ষ-গণের ছায়ায় শুইয়া বিছাধর-পথিকেরা শ্রান্তি দূর করে, সেই গন্ধমাদন এই ওষধি-প্রস্থের বহিঃস্থ উপবন !

এমন সুরমা উপবন পুরের উৎকর্ষ-ব্যাঞ্জক ।

৪৭ । স্বর্গীয় মুনিগণ ওষধি-প্রস্থে উপস্থিত হইয়া, এই তৈমবত-পুর দর্শনে ভাবিতে লাগিলেন যে, স্বর্গোদ্দেশে (জ্যোতিষ্টোমাদি) যে-সকল অনুষ্ঠান, সে-সকলই, দেখিতেছি, কেবল প্রতারণা মাত্র ।

পূণ্যফলে স্বর্গ-সুখভোগ হইবে, এইরূপ শাস্ত্রাদেশে লোকে কতই-না যাগ-যজ্ঞাদির অনুষ্ঠান করিয়া থাকে ! কিন্তু হিমবানের রাজধানী এই ওষধিপ্রস্থ-পুর স্বর্গাপেক্ষাও রমণীয়, অথচ বিনা যাগ-যজ্ঞেই এই গিরিরাজপুরে লোকে স্বর্গাধিক সুখভোগ করিতেছে !

৪৮। মুনিগণ যখন অন্তরীক্ষ হইতে বেগে অবতরণ করিতেছেন, তখন দ্বারপালেরা উর্দ্ধমুখ হইয়া তাঁহাদিগকে দেখিতে লাগিল ; এবং চিত্রিত অনলের ন্যায় নিম্পন্দ জটাভারে তাঁহাদিগকে মুনিগণ বলিয়া বুঝিতে পারিল ;—সুতরাং নিবারণ করিল না ; মুনিরাও গিরিরাজ-ভবনে নামিলেন ।

‘নিম্পন্দ’ জটাভার--বেগাতিশয়া-বাক্যক । অতিবেগে গমনে শিরঃস্থ দীর্ঘ কেশদাম নিম্পন্দ-ভাব ধারণ করে । “অভিজ্ঞান-শকুন্তলম্” নাটকে ভৃগুশস্তুর বেগগামী রথান্ববেগের বর্ণনায় আছে :—“নিকম্প-চামর-শিখা ” ।

৪৯। গগন হইতে অবতীর্ণ সেই মুনি-পংক্তি, বৃক্ষানুক্রম-পুরঃসর হইয়া জলমধ্যে প্রতিবিম্বিত ভাস্কর-পংক্তির স্থায় শোভা পাইতে লাগিলেন ।

জলমধ্যে প্রতিবিম্বিত সূর্য্য-পংক্তিও ‘বৃক্ষানুক্রম-পুরঃসর’—অর্থাৎ সর্ক-পেঙ্গা বড় প্রতিবিম্ব সর্ক-সম্মুখে, তদপেক্ষা ছোট তাহার পশ্চাতে, ক্রমে এইরূপ যত ছোট, ততই পশ্চাতে । মুনি পংক্তিও এইরূপ—যিনি সর্কপেক্ষা বৃক্ষ, তিনি সকলের অগ্র ; যিনি তাঁহার ছোট, তিনি তাঁহার পরে ; যিনি তাঁহারও ছোট, তিনি তৎপরে ;—এইরূপ বয়সানুক্রমে । ইহা সম্মান-সূচক রীতি ।

এখানে আরও একটি সৌন্দর্য্য আছে ;—জল-মধ্যে প্রতিবিম্বিত ভাস্কর-পংক্তির সহিত মুনিপংক্তির উপমায়, মুনিগণের তেজস্বিতা-সঙ্গেও তাঁহাদের স্থপ-দর্শনীয় সূচিত হইয়াছে । জলমধ্যে প্রতিবিম্বিত রবিচ্ছবি যেমন রবির স্থায় উগ্রদর্শন নহে, তেমনই এই মুনিগণ তপস্বী হইলেও, যখন গার্হস্থ্যায়ত্নী, তখন তপস্বিদের মত উগ্রদর্শন নহেন, পরন্তু সৌম্য-দর্শন ।

৫০। তখন গিরিরাজ, সেই পূজ্য ঋষিদিগের জন্য অর্ঘ্যার্থ জল লইয়া অন্তঃসার-গুরু পাদ-বিক্ষেপে বসুন্ধরাকে নামাইতে-নামাইতে, দূর হইতে তাহাদিগকে প্রত্যাদগমন করিলেন।

পর্বত-রাজ চলিতেছেন ; সে গুরু-ভারে বসুন্ধরার নামিবারই কথা। যেখানে-যেখানে পর্বত-রাজের পা পড়িতেছে, সেই-সেই স্থানেই বসুন্ধরা বসিয়া যাইতেছে ! কি চমৎকার-ভাবে জঙ্গম-হিমবানে শ্রাবর হিমালয়ের গুরুভার আরোপিত হইয়াছে !

৫১। ধাতুবৎ রক্তাধর, প্রাংশু দেহ, দেবদারু-দীর্ঘ ভুজ এবং স্বভাবতঃ শিলাবৎ বক্ষঃ,—এই সকলের দ্বারা, ইনিই যে হিমবান্, ইহা সুব্যাক্ত হইতেছে।

এখানে দ্ব্যর্থ-ঘটিত বর্ণনায় হিমবানের শ্রাবর ও জঙ্গম—উভয় রূপই বর্ণিত হইয়াছে ;—জঙ্গম হিমবান্ ‘ধাতুর মত রক্তাধর’ ; শ্রাবর হিমালয়ের ধাতুই যেন তাহার রক্তাধর। জঙ্গম হিমবান্ ‘পর্বতাকার উচ্চ’ ; শ্রাবর হিমালয় নিজেই সু-উচ্চ পর্বত। জঙ্গম হিমবান্ ‘দেবদারুবৎ দীর্ঘভুজ’ ; শ্রাবর হিমালয়ের দেবদারু বৃক্ষই—যেন তাহার ‘দীর্ঘ ভুজ’। জঙ্গম হিমবান্ ‘শিলাবৎ-কঠিন-বক্ষঃসম্পন্ন’ ; শ্রাবর হিমালয়ের ‘শিলাই যেন তাহার কঠিন বক্ষঃ’।

রাজপক্ষে,—‘রক্তাধর’, ‘উন্নত-দেহ’, ‘দীর্ঘভুজঃ’, ‘কঠিন-বক্ষঃ’—এ সকলই যেমন রাজোচিত দৈহিক রূপের উৎকর্ষ-ব্যাঞ্জক ; পর্বত-পক্ষে,—ধাতুমত্তা উচ্চতা, দেবদারু-বাহুল্য ও শিলা-প্রাচুর্য, তেমনই পর্বতোচিত শ্রাবর-রূপের উৎকর্ষ-ব্যাঞ্জক।

৫২। যথাবিধি অর্চনান্তে, হিমবান্ স্বয়ং পথ-প্রদর্শক হইয়া, সেই বিস্তৃত-চরিত মুনিদিগকে অন্তঃপুরে প্রবেশ করাইলেন।

‘বিস্তৃত-চরিত’ বলায় অন্তঃপুর-গমন-যোগ্যতা সূচিত।

৫৩। সেখানে তাঁহারা বেত্রাসনে আসীন হইলে, ভূধরে-শ্বর নিজের আসন-পরিগ্রহ করিয়া, কৃতাজ্জলি-পুটে প্রভুগণকে এই কথা বলিতে লাগিলেন—

৫৪। “অতর্কিতরূপে (অকস্মাৎ) আপনাদের এই দর্শন প্রাপ্তি, আমার পক্ষে, বিনামেঘে বৃষ্টিবৎ ও কুসুম-ব্যাতিরেকে ফলবৎ প্রতিভাত হইতেছে !—

বিনা-মেঘে বৃষ্টিলাভের স্থায়, এবং বিনা-ফুলে ফললাভের স্থায়, অকস্মাৎ মুনিদিগের দর্শন-লাভ, হুল’ভঙ্গ-হেতু, হিমবানের পক্ষে পরম সৌভাগ্য-বাক্যক।

৫৫। “আমি মৃত হইলেও, আজ্ঞা আপনাদের এই অনু-গ্রহে, নিজেকে জ্ঞানী মনে করিতেছি ; আমি লৌহময় হইলেও, আজ্ঞা নিজেকে সুবর্ণময় মনে করিতেছি ; এবং মনে করিতেছি, আজ্ঞা যেন আমি ভূমি হইতে উঠিয়া স্বর্গীকৃত হইলাম !—

সপ্তর্ষিগণের দর্শন পাইয়া হিমবান্,—জ্ঞান, রূপ, ও স্থান,—এই তিন বিষয়েই যেন পরম উৎকর্ষ লাভ করিলেন। এখানেও ব্যঙ্গার্থে-হিমবানের স্বাবর-ভাবের ইঙ্গিত।

৫৬। “আজ হইতে আমি প্রাণিদিগের শুদ্ধির নিমিত্ত
তীর্থ-স্বরূপ হইলাম;—কারণ, যে স্থানে সজ্জনের অধিষ্ঠান, তাহাই
তীর্থ বলিয়া খ্যাত হইয়া থাকে।—

এখানে হিমবানের স্বাবর-দেহকে নির্দেশ করা হইয়াছে।

৫৭। “হে দ্বিজোত্তমগণ। আমি নিজেকে এই দুইটী বস্তুর
দ্বারা সমান পূত মনে করিতেছি,—(এক), আমার শিরোপরে
গঙ্গা-প্রপাত ; এবং (দ্বিতীয়), আপনাদের এই পাদধৌত
জল।

সপ্তর্ষিদিগের পাদ-ধৌত জল, গঙ্গা-জলেরই শ্রায় পাবন, ইহাই ভাব।
এখানেও স্বাবরাত্মক হিমালয়ের প্রতি ইঙ্গিত।

৫৮। “আমি (স্বাবর-জঙ্গমাশ্রক) দ্বিরূপ হইলেও, বোধ
হইতেছে, আপনারা আমার জঙ্গম-দেহকে আপনাদের ভূতা-
ভাবে নিযুক্ত করিয়া এবং আমার স্বাবর-দেহকে আপনাদের
চরণাঙ্কিত করিয়া, আমার এই উভয়-রূপকেই আপনাদের
অমুগ্রহ বিভাগ করিয়া দিয়াছেন।—

ভূত্যের প্রতি প্রভুর অমুগ্রহ দুই প্রকার ;—হয়, কোন কর্মে নিয়োগ ;
না-হয়, শিরে পদার্পণ। সপ্তর্ষিগণ কর্তৃক, হিমবান্ দুই প্রকারেই অমুগ্রহীত
হইলেন। অতএব হিমবান্ ধন্য !

এখানে হিমবান্ অমুমান করিয়া লইতেছেন যে, যখন সপ্তর্ষিরা
আসিয়াছেন, তখন কোন-না-কোন কার্যের আজ্ঞা নিশ্চয়ই দিবেন। এই
অমুমান করিয়াই, তিনি নিজেকে দুই-প্রকারেই অমুগ্রহীত মনে করিতেছেন।

৫৯। “আমার প্রতি আপনাদের এই মহদমুগ্ধতার জন্য আমার পরিতোষ এতই বৃদ্ধি পাইতেছে যে, আমার এই দিগন্ত-ব্যাপ্ত দেহেও তাহার স্থান হইতেছে না।—

হিমালয়ের বিপুল দেহেও হৃষ পরিতোষ না। দেহের বিপুলতা স্বাবর ও জঙ্গম উভয়তঃ বৃদ্ধিতে হইবে।

৬০। “আপনারা এমনই ভাস্বর যে, আপনাদের দর্শনে কেবল-যে আমার গুহা-স্থিত বাহ্য-অঙ্ককার দূরীভূত হইল তাহা নহে,—আমার মনের অজ্ঞানান্ধকারও দূরীভূত হইল, !—

দেবর্ষিগণ অন্তর্বাহ্য উভয়তই প্রভাশালী ;—তাঁহাদের প্রভায় বাহ্য তমঃও যেমন দূরে যায়, তাঁহাদের দর্শনে মানসিক তমঃও তেমনই নষ্ট হয়। সাত্ত্বিক গুণময় লোকের দর্শনে সাত্ত্বিক ভাবের উদয় হয়, ইহা আধ্যাত্মিক তত্ত্ব।

৬১। “আপনাদের প্রয়োজনীয় কার্য্য ত আমি কিছুই দেখিতেছি না ; যদিও কিছু থাকে, তবে তাহা যে কি, তাহাও ত বৃদ্ধিতে পারিতেছি না ; ইহাতেই আমার মনে হইতেছে যে, বৃদ্ধি আমাকে কেবল পবিত্র করিবার জন্তই আপনাদের এখানে আগমন।—

নিম্পৃহ তপস্বিগণের কি প্রয়োজন থাকিতে পারে ? যদিই বা কিছু থাকে, তবে তাহা যে কি, তাহাও হিমবান্ বৃদ্ধিতে পারিতেছেন না ; কারণ, তপের প্রভাবে সকলই ত তাঁহাদের স্বগত।

৬২। “আপনারা নিম্পৃহ; সুতরাং আপনাদের প্রয়োজনীয় কিছু না থাকিলেও, কোন-না-কোন কার্যে আচ্ছা করিয়া আমায় অনুগ্রহীত করুন ;—কারণ, কর্মে বিনিয়োগই প্রভুদিগের সম্বন্ধে কিঙ্করগণের প্রতি অনুগ্রহ।—

কর্মে নিয়োগ করিলেই ভূতা বুঝে যে, প্রভু তাহার উপর তুষ্ট ; কোন কর্মে নিয়োগ না করাই বরং অতৃষ্টির লক্ষণ।

৬৩। “এই আমরা, এই আমার দারা, আর এই আমার বংশের প্রাণ-স্বরূপা কন্যা ;—ইহার মধ্যে যাহার দ্বারা আপনাদের কার্য্য, বলুন, (তাহাকেই সেই কার্য্যার্থ দিব) ; (ধন-রত্নাদি) বাহ্য বস্তুর কথা ত ধর্তব্যই নহে।”

দেবর্ষিগণের কার্য্য-সাধনার্থ হিমবানের অদেয় কিছুই নাই।

এখানে কেমন কোণে ও অবলীলা-ক্রমে কন্যার কথা আসিয়া পড়ায় দেবর্ষিগণের উদ্ভিষ্ট বিষয় হিমবানের মুখ দিয়াই অগ্রসর হইয়া পড়িল !

৬৪। হিমবানের ঐ কথা গুহা-মুখে বিসর্পিত হইয়া প্রতি-ধ্বনিত হওয়াতে, বোধ হইল যেন হিমবান্‌ই ঐ কথা দুই বার কহিলেন !

‘প্রতিধ্বনি’ ধ্বনিরই অনুরূপ বলিয়া ‘যেন দুইবার’ কহার মত।

‘দুইবার’ কহা অনুরোধাত্মক-ব্যঙ্গক। এখানে প্রতিধ্বনির দ্বারা যেন সে কার্য্য সম্পন্ন হইল।

৬৫। হিমবান্ এইরূপ কহিলে, ঋষিগণ, কথাপ্রসঙ্গ-পটু অঙ্গিরাস-মুনিকে তাঁহাদের অগ্রণী-রূপে উত্তর করিতে কহিলেন। তখন, অঙ্গিরাস ভূধরকে বলিতে লাগিলেন —

৬৬। “আপনি যে কহিলেন,—আমাদের কার্যে আপনার কিছুই অদেয় নাই ইত্যাদি, তাহা, এমন কি, তদপেক্ষাও অধিক আপনাতে সম্ভবে ; আপনার শিখর-সকলও যেরূপ সমুন্নত, আপনার মনও তদ্রূপ।—

স্বাবর-হিমালয়ও যেমন ‘সমুন্নত’-শিখর, জঙ্গম-হিমবান্ও সেইরূপ ‘সমুন্নত’-হৃদয়। পরার্থে আশ্র-নিয়োগ, দার-নিয়োগ, কন্ডা-নিয়োগাদির প্রস্তাব উন্নত হৃদয়েই লুক্কণ।

৬৭। “(শাস্ত্রে) আপনাকে যে স্বাবর-রূপী বিষ্ণু কহিয়া থাকে, তাহা যথার্থই ;—কারণ, (বিষ্ণুর জায়) আপনার কুক্ষিও ত স্বাবর-জঙ্গম-রূপী চরাচরের আধার।—

গীতায় আছে।—“যজ্ঞানাং জপযজ্ঞোহশ্বি স্বাবরাণাং হিমালয়ঃ”। অর্থাৎ (ভগবান্ কহিতেছেন) যজ্ঞ-সকলের মধ্যে আমি জপ-যজ্ঞ, স্বাবরদিগের মধ্যে আমি হিমালয়। বিষ্ণু যেমন বিশ্বোদর, স্বাবর-পক্ষে হিমালয়ও তেমনই চরাচর সমস্ত ভূতের আধার ;—জগতের স্বাবর-জঙ্গমাদি সমস্ত বস্তুই হিমালয়ে বিদ্যমান।

৬৮। “আপনি পৃথিবীকে রসাতল-মূল হইতে ধরিয়া না থাকিলে, শেষ-নাগ তাহার মৃণাল-কোমল কণা দ্বারা কি পৃথিবীকে ধারণ করিয়া রাখিতে সক্ষম হইত ?—

৬৯। “হে পর্বতরাজ ! আপনার কীর্তি-সকল, আপনার নদীগুলির জায়, অবিচ্ছিন্ন ও নিৰ্মল প্রবাহে প্রবাহিত ;— উভয়ই সমুদ্রোন্মির বাধা মানে নাই ; এবং উভয়ই পুণ্যস্থ-হেতু লোক-পাবন ।—

হিমালয়ের নদী-সকল যেমন সাগর-তরঙ্গের বাধা না মানিয়া, তন্মধ্যে প্রবেশ করিয়াছে ; হিমবানের কীর্তিসকলও তেমনই তরঙ্গায়িত সাগরের বাধা না মানিয়া, স্বদূর সাগর-পার পর্যন্ত প্রসারিত !

হিমালয়োদ্ভূত গঙ্গা-যমুনাদি নদীসকলও যেমন লোক-পাবন, হিমবানের কীর্তিগুলিও তেমনই লোক-কীর্তিত পুণ্য-শ্লোক ।

৭০। “বিষ্ণু-পাদোদ্ভব বলিয়া গঙ্গার যেমন শ্লাঘা, আপনার উন্নতশিরঃ তাহার দ্বিতীয় উৎপত্তি-স্থান বলিয়াও, তাহার তেমনই শ্লাঘা ।—

গঙ্গোৎপত্তি-বিষয়ে বিষ্ণুপদের পরেই হিমালয়-শিখর ; ইহা হিমবানের অত্যন্ত-পবিত্রতা-সূচক উৎকর্ষ-ব্যঙ্গক ।

৭১। “হরি যখন ত্রিবিক্রম (ত্রিপাদ) দ্বারা ত্রিলোক-আক্রমণে উদ্ভূত হইয়াছিলেন, তখনই-কেবল তাঁহার মহিমা উর্দ্ধ, অধঃ, ও তিৰ্য্যক্—সর্বত্র ব্যাপক হইয়াছিল ; কিন্তু আপনার উর্দ্ধ-অধঃ-তিৰ্য্যক্-ব্যাপী মহিমা স্বাভাবিক ।—

প্রাকৃতিক গঠনে হিমালয় তিৰ্য্যক্-উর্দ্ধ-অধঃ-ব্যাপী।

৭২। “আপনি যজ্ঞভাগভুক্ ইন্দ্রাদিদিগের মধ্যে স্থান পাইয়া, সূর্যের উচ্চ ও হিরণ্য শৃঙ্গকেও ব্যর্থ করিয়াছেন।—

সূর্য যখন যজ্ঞভাগভুক্ নহেন, তখন তাঁহার উচ্চ ও হিরণ্য শৃঙ্গ থাকা বৃথা হইয়াছে ;—কারণ, যজ্ঞভাগ পাইয়া দেবগণের মধ্যে গণ্য হওয়াই চরম সম্মান-বাক্যক ।

৭৩। “সজ্জনের আরাধনায় পটু এই-আপনার ভক্তিময় জঙ্ঘম-দেহ দেখিয়া বোধ হইতেছে যে, আপনি আপনার কাঠিন্ধ্যাংশ-সমস্তই আপনার শিলাময় শ্বাবর-দেহে অর্পণ করিয়াছেন।—

এই জঙ্ঘম-হিমবান্ এমনই ভক্তিময়, যে ইহাতে শ্বাবর-হিমবানের কাঠিন্ধের লেশমাত্র নাই ।

৭৪। “এখন, আমাদের আগমনের প্রয়োজন শুধুন ;—সে প্রয়োজন বাস্তবিকই আপনারই ; আমরা কেবল শ্রয়ঃ উপদেশ করিয়া উহাতে অংশীভাগী মাত্র !—

কার্য্যটী বাস্তবিক হিমবানেরই ; কারণ, ইহা তাঁহারই কন্টার উৎকৃষ্ট বিবাহের প্রস্তাব ; সূতরাং তিনিই ইহার ফলভোগী ; আমরা কেবল উপদেশী মাত্র ।

৭৫। “যে অষ্টগুণ কেবল মহাদেবেরই ঐশ্বর্য্য-বাচক, আর কাহারই নহে—অগ্নিমাди সেই অষ্টগুণ যিনি ধারণ করিয়া

থাকেন ; আর যিনি অর্দ্ধচন্দ্রের সহিত, ‘পরমেশ্বর’ এই নাম ধারণ করিয়া থাকেন ; (সেই শম্ভু ইত্যাদি)—

অষ্টগুণ বা বিভূতি, যথা—অগ্নিমা, লঘিমা, ব্যাপ্তি, প্রাকাম্য, মহিমা, ঈশিত্ব, বশিত্ব ও কামবসায়িতা । এই অষ্টবিধ গুণ কেবল ভগবান্ মহাদেবেই বিদ্যমান, অন্য-কাহাতেই নহে ।

৭৬ । “যান-নিয়োজিত অশ্ব-সকল যেমন পরম্পরের সহায়তায় পথে রথকে ধারণ করিয়া থাকে, তেমনই পৃথিব্যাদি যাহার অষ্টমূর্ত্তি পরম্পরের সহায়তা করিয়া এই পরিদৃশ্যমান বিশ্বকে ধারণ করিয়া রহিয়াছে ; (সেই শম্ভু ইত্যাদি)—

মহাদেবের অষ্ট-মূর্ত্তি, যথা :—কিত্যপ্তেজোমরুংবোম এই পঞ্চভূত এবং চন্দ্র, সূর্য্য ও যজমান (অথবা অগ্নি) ।

রথাস্থগনের দ্বায় অষ্টমূর্ত্তির পরস্পর আত্মকুল্যে এই জগৎপ্রাণ চলিতেছে ।

৭৭ । “যোগিগণ যাহাকে সর্বভূতাসুখ্যামী পরমাত্মা-জ্ঞানে অন্বেষণ করেন, এবং মণীষিগণ যাহার পদকে পুনর্জন্ম-ভয়-নিবারক कहিয়া থাকেন ; (সেই শম্ভু ইত্যাদি)—

৭৮ । “বিশ্বের যাবতীয় কার্মের সাক্ষী ও বরদ সেই শম্ভু সাক্ষাৎ-নিজে আমাদের মুখ দিয়া আপনার কণ্ঠ্যাকে যাক্ষণ করিতেছেন ।—

৭৯। “কথার সহিত অর্থের যোগ সাধনের জায়, কন্যার, সহিত তাঁহার যোগ সংঘটন করাই এখন আপনার কর্তব্য ;— কারণ, কন্যা সম্পাত্র-শুভা হইলে, (কন্যা-বিষয়ে) পিতার কোন দুঃখই থাকে না।—

৮০। “স্বাবর-জন্ম, যাবতীয় সকলেই আপনার এই কন্যাকে মাতা জ্ঞান করুক ;—কারণ, মহাদেব জগতের পিতা !—

ইহাতে প্রস্তাবিত বিবাহে কন্যার ভারী সৌভাগ্য সূচিত। ‘জগৎ-পিতা’র সহিত বিবাহে পার্শ্বতী ‘জগন্মাতা’ হইবেন।

৮১। দেবগণ শিতিকণ্ঠকে প্রণাম করিয়া, তৎপরে তাঁহাদের চূড়া-মণির কিরণে এই কন্যার চরণদ্বয় রঞ্জিত করুন।—

ইহাও পার্শ্বতীর ভারী সৌভাগ্য-সূচক। মহাদেব দেবগণের মান্ত ; সুতরাং তাঁহার সহিত বিবাহে পার্শ্বতীও দেব-মান্তা হইবেন।

৮২। “উমা বধু, আপনি সম্প্রদাতা, শশু বর এবং আমরা ঘটক ;—এই কারণ-কলাপই আপনার বংশের জীবন্মুখির পক্ষে পর্যাপ্ত।—

বিবাহ-ব্যাপার চারি ব্যক্তির মহাব্রতা-সাপেক্ষ—বধু, দাতা, বর ও ঘটক। এতলে সেই চারিজনই অসাধারণ ! পার্শ্বতীর জ্ঞান রূপবতী ও

শুণবতী কন্যা, বধূ ; পৰ্ব্বতাদিরাজ হিমবান্, সম্প্রদাতা ; স্বয়ং মহাদেব, বর ;
এবং সপ্তর্ষি-মণ্ডল, ঘটক ! এমন অসাধারণ কারণ-সমবায় সম্প্রদাতার কুলের
শ্রীর্দ্ধি-সাধক হইবারই কথা ।

৮৩। “মহাদেবে কন্যাদান করিয়া, আপনি সেই বিশ্ব-
গুরু,—যিনি কাহারও স্তব করেন না, অথচ সকলেরই
স্তবনীয় ; যিনি কাহারও বন্দনা করেন না, অথচ সকলেরই
বন্দনীয় ;—সেই বিশ্বগুরুও গুরু হউন ।”

এই বিবাহে, হিমবান্ বিশ্বগুরু মহাদেবের শ্রুতরাং বন্দ্য হইবেন ;
ইহা কি তাঁহার পক্ষে সাধারণ সৌভাগ্যের বিষয় ?

৮৪। অঙ্গিরাঃ-ঋষি এইরূপ কহিতে থাকিলে, পার্বতী
পিতার পাশ্বে বসিয়া, অধোমুখে লীলা-কমলদল গণনা করিতে
লাগিলেন ।

ইহা কন্যার স্বাভাবিক লজ্জা-ব্যঞ্জক । বিবাহ-প্রসঙ্গ^১ শ্রবণে, পার্বতী
লজ্জায় অধোমুখী হইয়া, হস্তে কমলের পাপড়ি গুণিতে লাগিলেন ; যেন
কিছুই গুণিতেছেন না ! ফলতঃ, অতি-আগ্রহের সহিত সবই গুণিতেছেন,
এবং অন্তরে হর্ষানুভব করিতেছেন, ইহা অনুমেয় ।

৮৫। পৰ্ব্বতরাজ, মহাদেবকে কন্যাদান করিতে সম্যক্
ইচ্ছুক হইয়াও, তবু (মেনকার অভিপ্রায় জানিবার জন্ত)
মেনকার মুখের দিকে চাহিলেন ;—যেহেতু কন্যা-সম্বন্ধীয়

বিবাহে গৃহস্থ ব্যাক্তগণ প্রায়ই গৃহিণীর চক্ষে দেখিয়া-(বা চলিয়া)-
থাকেন ।

যে-সকল বাপারে (যেমন কন্যার বিবাহে) কন্যার শুভাশুভ দেখিত
হয়, সেই-সকল কারো দুঃখমান গৃহস্থ লোকে গৃহিণীর মতের উপরেই নির্ভর
করেন ; কারণ, কন্যার শুভাশুভ মাতা যেমন বুঝেন, পিতা তেমন বুঝিতে
পারেন না । পরের চক্ষে ‘দেখা’ বা ‘চলা’ সম্পূর্ণ নির্ভরতা-ব্যঞ্জক ।

৮৬ । মেনকাও পতির অভীষিত কার্যো সম্পূর্ণ অনুমোদন
করিলেন ; পতিব্রতারা পতির ইষ্ট বিবাহে কখনই অন্যথা-চারিণী
হয়েন না ।

৮৭ । মুনি-বাক্যাবসানে, হিমবান্ মুনি-প্রস্তাবিত কথায়
ইহাই সন্তুর্, মনে স্থির করিয়া, মাঙ্গলিক ভূষণালঙ্কৃত কন্যাকে
হস্ত দ্বারা ধারণ করিয়া কহিলেন—

৮৮ । “হে বৎসে ! এস, তুমি বিশ্বাত্মা মহাদেবের জন্য
ভিক্ষা-স্বরূপে নির্দিষ্টা ; মুনিগণ তাঁহার জন্য তোমাকে চাহিতে-
ছেন ;—(আজ) আমি গৃহস্থাশ্রমীর ফল পাইলাম ।”

সংপাত্রে কন্যাদান গৃহস্থের পক্ষে পুণ্যদায়ক ।

৮৯ । তনয়াকে এইরূপ কহিয়া, মহীধর ঋষিদিগকে
কহিলেন ;—“(এই) ত্রিলোচন-বধূ আপনাদের সকলকে প্রণাম
করিতেছেন ।”

‘ত্রিলোচন-বধূ’ বলায় কন্যাদান সম্পূর্ণ রূপেই স্বীকৃত হইল ।

৯০। মুনিগণ তখন, মনোগত-অভিপ্রায়ানুযায়ী-কার্যকারী হিমবানের উদার বাক্যের সাধুবাদ করিলেন ; এবং শীঘ্রই সফল হইবে, এমন-সকল আশীর্বাদ দ্বারা অধিকার সম্বর্দ্ধনা করিলেন ।

“বার পুত্রের জননী হও” ইত্যাদি-রূপ আশীর্বাদের প্রতি এখানে ইঙ্গিত ।

৯১। তখন, প্রণামাসক্তি-হেতু স্থলিত-কনক-কুণ্ডলা ও লজ্জাবতী পার্বতীকে অরুন্ধতী দেবী নিজক্রোড়ে বসাইলেন ।

৯২। এদিকে মেনকা ছহিত-স্নেহ-বিহ্বলা হইয়া অশ্রু-বিসর্জন করিতে লাগিলেন দেখিয়া, অরুন্ধতী, অনন্যদার বরের (মৃত্যুঞ্জয়হাদি) নানাগুণের উল্লেখ করিয়া, সেই অশ্রুমুখী পার্বতী-মাতাকে বিশোকা করিলেন ।

কণ্ঠার ভাবী-বিচ্ছেদ আসন্ন-প্রায় অনুভব করিয়া মেনকা বিহ্বল হইয়া-ছিল ; পরে অরুন্ধতীর মুখে বরের অনন্ত-পত্নিত্ব ও চিরজীবিত্বাদি কণ্ঠার সৌভাগ্যকর গুণাবলীর কথা শুনিয়া আশ্বস্ত হইলেন ।

৯৩। তখন, হর-কুটুম্ব হিমবান্ বিবাহ-যোগ্য তিথি জিজ্ঞাসা করিলে, তিন-দিবসান্তে চতুর্থ দিনে বৈবাহিকী তিথি, এইরূপ কহিয়া, সেই বদল-বসন ঋষিগণ তথা হইতে প্রস্থানো-ক্তোগ করিলেন ।

৯৪। তাঁহারা হিমবানকে বিদায়-সম্ভাষণ করিয়া, তখনই সঙ্কত-স্থলে (মহাকোশী-প্রপাত-স্থলে) মহাদেবের কাছে উপস্থিত হইলেন ; এবং তাঁহাদিগের কর্তৃক কার্য্য সিদ্ধি হইয়াছে, ইহা মহাদেবকে নিবেদন করিয়া, তাঁহার কাছেও বিদায় লইয়া আকাশে উত্থিত হইলেন ।

৯৫। পার্শ্বতী-পরিণয়ার্থ পশুপতি এমনই উৎসুক হইয়া-ছিলেন যে, এই তিন দিন তিনি অতি-কষ্টেই কাটাইতে লাগিলেন ;—এই সকল উৎসুক্যাদি ভাব যখন (স্মরহর, জিতেন্দ্রিয়) বিভূকেও স্পর্শ করিতেছে, তখন ইন্দ্রিয়-পরতন্ত্র অপর কে আছে, যাহাকে ঐ ভাবে বিকার-প্রাপ্ত হইতে না হয় ?

বলী মহাদেবও যখন ‘কষ্টে’ ধৈর্য্য রক্ষা করিতেছেন, তখন অবশ লোকে যে ঐরূপ স্থলে বিকল হইয়া থাকে, ইহাতে আর আশ্চর্য্য কি ?

“বন্যা-যাত্রা” নামক ষষ্ঠ সর্গ সমাপ্ত ।

সপ্তম সর্গ

১। তিন দিবসের পরে শুক্লপক্ষে, জামিত্র-গুণাদিত তিথিতে, হিমবান্ বক্ষুবর্গের সহিত মিলিত হইয়া; বন্যার বিবাহ-সংস্কার-কর্মের অনুষ্ঠান করিলেন।

চন্দ্রের বৃদ্ধি-কাল বলিয়া, শুভ-কর্মে ‘শুক্লপক্ষই’ প্রশস্ত।

জ্যোতিষে লগ্নের সপ্তম স্থানকে ‘জামিত্র’ বলে। বিবাহ-ব্যাপারে এই স্থানের শুদ্ধি দেখিতে হয়।

২। সে দিন প্রতিগৃহেই গৃহিণীরা প্রীতিবশে বৈবাহিক মঙ্গলবিধান-কার্যো ব্যগ্র হওয়ায়, সমস্ত ‘ওষধি-প্রস্থ’-পুর ও হিমবানের অস্তঃপুর যেন একই কুলের একই গৃহবৎ প্রতীয়মান হইতেছিল।

হিমবানের নিজের অস্তঃপুরেও সেদিন গৃহিণীরা বৈবাহিক মঙ্গল-কার্যো যেমন ব্যগ্র, সমস্ত ‘ওষধি-প্রস্থ’-পুরের প্রতিগৃহেই গৃহিণীরা পার্শ্বতীর কল্যাণার্থ মঙ্গলিক অনুষ্ঠানে তেমনই ব্যগ্র। কে আপন, কে পর,—ইহা বুঝিবার যো ছিল না;—যেন সকলেই একই বংশের লোক, আর সমস্ত ‘ওষধিপ্রস্থ’পুর যেন একই বংশের একই গৃহবৎ! ইহা-দ্বারা হিমবানের প্রজামুরাগ এবং প্রজাদিগের রাজামুরাগ সূচিত।

৩। সে দিন, ‘ঐষধি-প্রস্থ’-পুর মন্দার-কুম্ভাস্থিত রাজপথ-সকলের দ্বারা সুশোভিত, চীনাংগুক-(পটুবস্ত্র)-বিরচিত কেতু মালায় সুসজ্জিত, এবং কাঞ্চন-তোরণ-সকলের প্রভায় উজ্জলিত হইয়া, স্থানান্তরিত স্বর্গের ন্যায় প্রতিভাত হইতে লাগিল !

স্বর্গ সুমেরুর উপরে স্থিত ; কিন্তু আজ বোধ হইতে লাগিল, যেন উহা স্থানান্তরিত হইয়া হিমালয়ের উপরেই বিরাজ করিতেছে;—ঐষধি-প্রস্থ আজ এমনই ‘স্বর্গীয়’ শোভা ধারণ করিয়াছে !

৪। উমরে বিবাহ সন্মিকট বলিয়া, পিতামাতার ও স্বজ্ঞানদির অনেক সন্তান সন্ততি ও একা উমাই এখন তাঁহাদের সবিশেষ প্রাণভূতা হইয়া উঠিলেন ;—যেন উমাই তাঁহাদের একমাত্র সন্তান ; যেন উমাকে তাঁহারা বহুকাল পরে দেখিতেছেন ;—যেন উমা, প্রাণত্যাগ করিয়া, আবার বাঁচিয়া উঠিয়াছে !

উমার বিবাহ সম্পূর্ণ ; সুতরাং অচিরেই উমা পিতৃগৃহ ত্যাগ করিয়া পতিগৃহে চলিয়া যাইবে, এখন এই চিন্তাই পিতা-মাতার এমন স্নেহাবেগের কারণ ।

৫। উচ্চারিত আশীর্বাদ পাইতে-পাইতে, পার্শ্বতী ক্রোড় হইতে ক্রোড়ান্তরে বসিতে লাগিলেন ; এবং একরূপ ভূষণ ছাড়িয়া অন্যরূপ ভূষণে ভূষিতা হইতে লাগিলেন ;—গিরি-কুলের স্নেহ নিজ-নিজ পুত্রাদি কর্তৃক বিতরিত হইলেও আজ উহা একমাত্র পার্শ্বতীতেই অবিতরিতায়তন প্রাপ্ত হইল !

পার্বত-বংশের সমুদয় স্নেহ আজ অবিভক্ত-রূপে একমাত্র পার্বতীতেই স্থান পাইল; অর্থাৎ আত্মীয়-স্বজন সকলেই আজ নিজ পুত্রাদি ভুলিয়া পার্বতীকেই স্নেহ করিতে লাগিলেন, ইহাই ভাব।

৬। মৈত্র-মুহূর্ত্ত, উত্তর-ফল্গুনী-নক্ষত্রে চন্দ্রের যোগ হইলে, পতি-পুত্রবতী কুটুম্ব-স্ত্রীগণ পার্বতীর শরীরে মাস্তুলিক প্রসাধন (সাজসজ্জা) করিতে আরম্ভ করিলেন।

উদয়-মুহূর্ত্তের পরে তৃতীয় মুহূর্ত্তের নাম, 'মৈত্র-মুহূর্ত্ত'।

৭। তখন, পার্বতীকে অভ্যঙ্গ বেশ করান হইল; প্রক্ষিপ্ত শ্বেত সর্ষপের সহিত ছুর্বাঙ্গুর, নাভির নিম্নে পরিহিত পটুবস্ত্র, এবং হাতে শর, এই সকলের দ্বারা কি শোভাই 'খুলিল!— যেন পার্বতীই এই অভ্যঙ্গ-বেশকে অলঙ্কৃত করিলেন।

সুন্দর বেশে রূপের শোভা বৃদ্ধি করে; কিন্তু পার্বতীর রূপ এমনই অসাধারণ যে, এমন সুন্দর অভ্যঙ্গ-বেশ তাঁহার রূপের শোভা বৃদ্ধি করিবে কি, বরং তাঁহার সু-অঙ্গে উঠিয়া বেশেরই শোভা বৃদ্ধি হইল! অভ্যঙ্গ-বেশে পার্বতীকে শোভিতা করিতে পারিল না; বরং পার্বতীই অভ্যঙ্গ-বেশকে শোভিত করিলেন!

'অভ্যঙ্গ-বেশ'—যে বেশ-ভূষা করিয়া অঙ্গে মাস্তুলিক তৈল-হরিত্রা মর্দনাদি করিতে হয়।

৮। কুম্বপক্ষের অবসানে, ভাস্কর কিরণ পাইয়া, শশাঙ্ক-রেখা যেমন আলোকিতা হয়, বিবাহের সেই নূতন শর ধারণ করিয়া, বালা তেমনই শোভা পাইতে লাগিলেন।

তপস্কা-কাল যেন পার্বতীর পক্ষে 'কৃষ্ণপক্ষ'-স্বরূপ। তদন্তে, এখন এই বিবাহ-কালে পার্বতী যেন কৃষ্ণপক্ষাবসানে 'কীণ শশাঙ্ক রেখা' সদৃশী; বিবাহ-সংস্কারোপযোগী নূতন বাণ ধারণ করিয়া, গুরুপক্ষে ভাঙ্গু-কিরণোজ্জ্বলা চন্দ্রলেখার ন্যায় শোভা পাইতে লাগিলেন।

• 'নূতন শর,' চাক্চিক্য-হেতু সূর্য্য রশ্মির সহিত উপমেয় হইয়াছে।

৯। লোহ-চূর্ণ দ্বারা অঙ্গ-তৈল উঠাইয়া, তৎপরে ঐষৎ শুক গন্ধদ্রব্যে অঙ্গরাগ সমাপন করিয়া, এবং স্নান-যোগ্য পরি-
ধেয় পরাইয়া, নারীগণ পার্বতীকে (মঙ্গল-স্নানার্থ) চতুঃস্তু-
গৃহাভিমুখে লইয়া গেলেন।

১০। সু-বিন্যস্ত মরকত-শিলায় শোভিত, ও আবদ্ধ মুক্তা-
মালায় বিচিত্র, এই চতুষ্ক স্নান-গৃহে পূর্ণ কনক-কলস-সকল
হইতে জল ঢালিয়া, মঙ্গল-বাজের সহিত, পার্বতীকে স্নান
করান হইল।

১১। মঙ্গল-স্নানে নির্মলদেহা হইয়া এবং বরোদগমন-
যোগ্য ধৌত বস্ত্র পরিধান করিয়া পার্বতী, বর্ষান্তে প্রফুল্ল-কাশ-
কুমুম-শোভিতা বসুধার জায় শোভা পাইতে লাগিলেন।

বর্ষান্তে বসুধাও 'নির্মল-দেহা' এবং চতুর্দিকে প্রস্তুতিত কাশগুণ্ণে যেন
'ধৌত বস্ত্রাচ্ছানিতা'।

১২। পরে, পার্শ্বতী, পতিব্রতা রমণীগণ কর্তৃক সেই স্নান-গৃহ হইতে চন্দ্রাতপধারী মণিস্তম্ভ-চতুষ্টয়-যুক্ত কোতুক-বেদী-মধ্যে সজ্জিত আসনোপরে নীতা হইলেন।

স্নানান্তে, এখন পার্শ্বতীর প্রসাধন-কার্য্য হইবে।

১৩। সেইখানে, তদ্বী পার্শ্বতীকে পূর্বমুখে বসাইয়া, এবং নিজেরা তাঁহার সম্মুখে বসিয়া, অলঙ্কার-সকল সন্নিহিত থাকিলেও, নারীগণ আকৃষ্ট-নেত্রে পার্শ্বতীর স্বাভাবিক শোভা দেখিয়া, ক্ষণকাল স্তব্ধ হইয়া রহিলেন।

প্রসাধিকা নারীগণ পার্শ্বতীকে দেখিয়া যেন ভাবিতে লাগিল যে, এমন স্বভাব-সুন্দরীর আর অলঙ্কারে প্রয়োজন কি ?

১৪। পরে, কোন (প্রসাধিকা) নারী, ধূপ-তাপে পার্শ্বতীর কুমুম-খচিত কেশ-পাশ শুকাইয়া লইয়া, ছুঁকা-ভূণের সহিত গ্রথিত হরিত মধুক্রম-কুমুমের মালা দ্বারা রমণীয় বেলী বন্ধন করিয়া দিল।

১৫। কেহ গৌরীর গাত্র শ্বেত-চন্দনে চর্চিত করিয়া, গোরোচনা-রচিত পত্রাবলী দ্বারা বিশেষিত করিল ;—তখন গৌরী, চক্ৰবাক্যকিত-সৈকত-শোভিত গঙ্গার ত্রীকেও অতিক্রম করিয়া বিরাজ করিতে থাকিলেন।

সপ্তম সর্গ

শ্বেত-চন্দনে 'গজার বিশদ কাঙ্ক্ষি' এবং পীত গোরচনা-রচিত পদ্মাবলীতে 'জক্ৰবাক-কাঙ্ক্ষি' ।

'পদ্মাবলী'—অর্থাৎ অঙ্গ শোভার্থ বর্ণাদি স্থূল চন্দন-গোরচনাদি আলেপন দ্বারা পদ্মাকার রচনা ।

১৬। ভূষিত-অলক-শোভায় পার্বতীর মুখ-শ্রী ভ্রমরাঙ্কিত পদ্ম ও মেঘরেখাযুক্ত, চন্দ্রবিশ্বকে এমন পরাস্ত করিল যে, সাদৃশ্যের কথা প্রসঙ্গ ও অসম্ভব !

১৭। 'তাঁহার গণ্ডস্থল লোভ-বিলেপনে বিশদীকৃত হইয়াছিল,' এবং তত্পরি গোরোচনা-বিশ্রাসে অত্যন্ত গৌরবর্ণ দেখাইতেছিল ; এমন সময়ে যখন কর্ণে যবাকুর অর্পিত হইল, তখন উহা (বিভিন্ন-বর্ণ-সান্নিধ্য হেতু) বর্ণোৎকর্ষ পাইয়া লোক-চক্ষু আকর্ষণ করিতে লাগিল ।

বিজাতীয় বর্ণের সান্নিধ্যে বর্ণ-বৈচিত্র্য সংঘটিত হয় ; এবং এই বর্ণ-বৈচিত্র্যই লোক-চক্ষুর আকর্ষক ।

১৮। সুবিভক্তাবয়ব পার্বতীর অধরোষ্ঠও মধ্য-রেখা কর্তৃক সুবিভক্ত ; তাহা যখন আবার কিঞ্চিৎ মধুচ্ছিষ্ট-লেপে সুনির্মল কাঙ্ক্ষি বিকাশ করিয়া, আসন্ন লাবণ্য-কলানুভব-হেতু কম্পিত হইতে লাগিল, তখন-যে উহা কিরূপ শোভা ধারণ করিয়াছিল, তাহা অনির্বচনীয় !

পতি কর্তৃক চন্দনাদি 'আসন্ন লাবণ্যকল' অনুভব করিয়া অধরোষ্ঠের কম্প ।

১৯। কোন সখী পার্বতীর চরণদ্বয় লাক্ষারসে রঞ্জিত করিয়া, পরিহাস-পূর্বক আশীর্বাদ করিলেন—‘এই চরণ দিয়া পতির শিরশ্চন্দ্রকলা স্পর্শ করিও।’—তখন পার্বতী মুখে কথাটা না कहিয়া, কেবল মাল্যের দ্বারা সেই সখীকে তাড়না করিলেন মাত্র।

এইরূপ ‘তাড়না’ কৃত্রিমরাগ-ব্যাঞ্জক ; রতিভাবাত্মক পরিহাসে মনের যে আনন্দ হয়, তাহা গোপন করিবার জন্য কৃত্রিমরাগ প্রদর্শন করা নবযৌবনার পক্ষে স্বাভাবিক।

২০। প্রসাধিকা নারীগণ, পার্বতীর সমাগুৎপন্ন উৎপল-পত্রের দ্বারা রম্য নয়নদ্বয় নিরীক্ষণ করিয়াও, তবু-যে কালান্তর গ্রহণ করিলেন, সে কেবল মজলার্থ ;—নতুবা তদ্বারা পার্বতীর চক্ষু-কাঙ্ক্ষা বৃদ্ধি করিবার অভিপ্রায়ে নহে।

পার্বতীর চক্ষু সহজেই উৎপলপত্র-কাঙ্ক্ষা বিশিষ্ট ; অজ্ঞানে তাহার আর কি শোভা বাড়িবে ? তবে, মজলার্থ আজ চক্ষে অজ্ঞান দিতে হয় বলিয়াই, প্রসাধিকারা পার্বতীর চক্ষুদ্বয়ে অজ্ঞান-রাগ করিতে উদ্যত হইল।

২১। কুমুমোদগম হইতে থাকিলে লতার, নক্ষত্রোদয় হইতে থাকিলে রাত্রির, এবং (চন্দ্রবাকাদি) বিহঙ্গগণ আশ্রয় লইতে থাকিলে নদীর,—যেমন শোভা হয়, আভরণ-সজ্জা-কালে পার্বতীর তেমনই শোভা ফুটিয়া উঠিল !

নানাবর্ণ-হেতু, কুসুমের উপমায় পদ্মরাগ-ইন্দ্রনীলাদি আভরণ, নক্ষত্রের উপমায় মোক্তিকাদি এবং চক্রবাকাদি বিহঙ্গের উপমায় স্বর্ণাভরণাদি সূচিত ।

এখানে আরও একটু সূক্ষ্ম সৌন্দর্য লক্ষ্য ; - তিনটি উপমানই স্বাভাবিক-
• সৌন্দর্য-স্বাক্ষক ;—কুসুম, লতার ; নক্ষত্র, রাত্রির ; এবং বিহঙ্গ, নরীর ।
আভরণগুলিও তেমনই যেন পার্বতীর স্বাভাবিক-সৌন্দর্য-সাধক হইল ;—
অর্থাৎ যদিও কৃত্রিম আভরণাদির সহিত দেহের সহজ সঙ্গ নাই, তবু পার্বতীর অঙ্গে ঐ আভরণগুলি এমনই সুন্দর অঙ্গাঙ্গিতাবে যানাইল, যেন উহারা পার্বতী-অঙ্গেরই স্বাভাবিক অলঙ্কার !

২২। গৌরী, নিশ্চল ও বিক্ষারিত নেত্রে দর্পণমণ্ডলে
নিজের সেই সুশোভন রূপ অবলোকন করিয়া, মহাদেবকে
পাইবার নিমিত্ত ব্যগ্র হইলেন ;—কারণ, প্রিয় কর্তৃক দর্শনই ত
ত্রীলোকদিগের বেশ-ভূষার ফল ।

পতি-মিলনোন্মুখী পার্বতী আজ যেমন নিজের সুরূপ উপলব্ধি করিলেন
এমন আর পূর্বে কখনও করেন নাই ; তাই ‘নিশ্চল ও বিক্ষারিত’ নেত্র ।

পতি কর্তৃক দর্শনেই ত্রীলোকের বেশ-ভূষা সার্থক ; নতুবা অরণ্য-চন্দ্রিকার
স্তায়, বেশ ভূষা নিষ্ফল মাত্র ।

২৩, ২৪। প্রসাধন-কার্য শেষ হইলে পরে, জননী মেনকা,
মাত্রলিক কোঁটা দিবার জন্ত, দুই অঙ্গুলি দিয়া জব হরিতাল
ও মনঃশিলা লইয়া পার্বতীর সেই অমল-দন্তপত্র-শোভিত মুখ
উত্তোলন করিয়া কোন প্রকারে ললাটে বিবাহ-দীক্ষা-তিলক
রচনা করিয়া দিলেন । উমার স্তনোন্তেদের পর হইতেই

মেনকার মনে যে প্রথমাভিলাষ বর্দ্ধিত হইতেছিল, আজ যেন সেই প্রথমাভিলাষ সফল হইয়া তিলক-রূপে প্রকাশিত হইল।

‘অমল’—অর্থাৎ কলক-বর্দ্ধিত, শুভ্র। (‘দম্ভপত্র’র বিশেষণ)।

‘দম্ভপত্র’—গজদন্ত-নির্মিত একপ্রকার কর্ণভরণ বিশেষ।

জননীকে দেখিয়া কালোচিত স্বাভাবিক লজ্জায় পার্শ্বতর মুখ বনত ছিল; স্মৃতরাং তিলক দিবার সময়ে মুখ ‘উত্তোলন’ করিতে হইল। মেনকা ‘কোন প্রকারে’ তিলক-রচনা করিলেন;— কারণ, আনন্দ-বাষ্পাকুলোচনে তখন তিনি ভাল দেখিতে পাইতেছিলেন না, মনে করিতে হইবে।

এখানে কবি তাহার অল্পম তুলিকাপাতে ইঙ্গিতে মাতৃ-হৃদয়ের যে চিত্র অঙ্কিত করিয়াছেন, তাহার তুলনা নাই। কন্যার বিবাহ-কালে জননী-মাত্রেয়ই মনোভাব এইরূপ হইয়া থাকে। এখানে মেনকা-পক্ষে তাহা প্রবলতর হইবার বিশিষ্ট কারণ আছে। একমাত্র পুত্র মৈনাককে হারাইয়া মেনকার সমস্ত স্নেহ স্বভাবতঃ একমাত্র কন্যা পার্শ্বতর উপরেই চ্যুত। আজ সেই কন্যার বিবাহ উপস্থিত। বিশেষতঃ, যৌবনারম্ভে পরম-রূপ-লাবণ্যবতী যে কন্যার মনোমত বরলাভের সুযোগ অপ্রত্যাশিত ভাবে বিধ্বস্ত হইয়া গিয়াছিল, এবং তাহাতেও ভগ্নোন্ময় না হইয়া যে কন্যা জননীর নিষেধ সত্ত্বেও নিজেকে গভীর তপঃ-সাগরে নিমজ্জিত করিতে প্রাণান্ত-পণ করিয়াছিল, (যাহাতে মনে করা যাইতে পারে যে, কন্যার জীবিতাশা জননীর মন হইতে প্রায় বিদূরিতই হইয়াছিল); আজ সেই-পার্শ্বতর বিবাহ সমুপস্থিত এবং বর সেই একান্ত-প্রার্থিত মহাদেব। এমন অবস্থায় কোন্ জননীর হৃদয় আনন্দে উৰ্বেল না হইয়া পারে? তাই, আনন্দে আজ মেনকার চক্ষুর জলভারাক্রান্ত ও হীনদৃষ্টি; তিনি কোন প্রকারে (কষ্টে) কন্যার কপালে তিলক-রচনা-কাৰ্য সম্পন্ন করিলেন

এই শ্লোকে, বহু বিষয়ের পরে কন্যার বিবাহে জননী-হৃদয়ের প্রথমোচ্ছাস কাব্যোচিত ঐজিতে সূচিত।

কন্যার বিবাহ-ব্যাপারে জননী কর্তৃক কন্যার মালিক-কার্যের মধ্যে এই ললাট-তিলক-রচনাই প্রথম। সেইজন্যই বলা হইয়াছে যে, কন্যার যৌবনারাশু দেখিয়া জননীর মনে কন্যার বিবাহ সম্বন্ধে যে 'প্রথমাবিলাস' হইয়াছিল, আজ তাহাই যেন পূর্ণ হইয়া তিলক আকারে প্রকাশিত হইল।

২৫। তারপরে, মেনকা বাম্পাকুল-লোচনে এমনই দৃষ্টিহীনা হইলেন যে, কন্যার হস্তে মঙ্গল-সূত্র কোথায় বাঁধিতে কোথায় বাঁধিবার উপক্রম করিতেছেন দেখিয়া, ধাত্রী তাড়া যথাস্থানে সরাইয়া দিলে, রাণী সে কার্য সম্পন্ন করিলেন।

পূর্ব-শ্লোকে কবি অশ্রুর উল্লেখ না করিয়া কার্যতঃ মেনকার দীনদৃষ্টির ইঙ্গিত করিয়াছেন মাত্র; কিন্তু এখানে স্পষ্টই অশ্রুর উল্লেখ করিয়া কবি দেখাইয়াছেন যে, রাণী একেবারেই দৃষ্টিহীনা। অশ্রুর এই বেগাধিক্য এবং জলিবদ্ধন মেনকার সম্পূর্ণ দৃষ্টি-হীনতা দেখাইতে কবিকে ভিন্ন-একটি শ্লোকও লিখিতে হইয়াছে; ইহাতেই মনে হয়, তিলক-রচনা-কালের মনোভাব অপেক্ষা এখানে তদপেক্ষা গুরুতর মনোভাব মেনকাকে একেবারে অন্ধা করিয়া ফেলিয়াছে! যেন, এত অশ্রু-প্লাবন শুধু 'আনন্দাশ্রু'র কণ্ঠ নয়; উহার সহিত প্রবল বিষাদাশ্রুর যোগ ঘটিয়াছে। সাধারণতঃ কন্যার বিবাহে জননী-মাত্রেই মনোভাব বিধা-বিভক্ত—প্রথমে আনন্দ এবং তৎপরেই আসন্ন বিরহ ভাবিয়া বিষাদ।—

“অদন্তেত্যাগতা লজ্জা দন্তেতি ব্যথিতং মনঃ।

ধর্ম-স্নেহান্তরে নাতা দুঃখিতাঃ খলু মাতরঃ ॥”

—অর্থাৎ কন্যার বিবাহ না দিলে ধর্মহানি-জনিত লজ্জা, এবং দিলেও

বিরহ-জনিত মনঃ-কষ্ট ; এই উভয়-সঙ্কটে জননীদিগের মন দুঃখিত । মেনকা,—
 পক্ষেও কবি ঐ ক্রম রক্ষা করিয়া প্রথমে আনন্দাশ্রর এবং তৎপরেই
 বিষাদাশ্রর ইঙ্গিত করিয়া কন্যার বিবাহ-কালে জননী'র দ্বিধা-বিভক্ত চিত্তের
 নিপুণ চিত্র অঙ্কিত করিয়াছেন ! আনন্দাশ্র ও বিষাদাশ্রর ক্রম ও প্রভেদ
 দেখাইবার নিমিত্ত ভিন্ন শ্লোকের ব্যবস্থা বিবাহ-সম্বন্ধ দ্বির হৃদয়ার
 সময়েই যে-মেনকা “দুহিত-স্নেহ-বিক্রবা” ও “অশ্রুমুখী” হইয়াছিলেন, (২ষ্ঠ
 সর্গে ৯২ শ্লোক) আজ এই আসন্ন দুহিত বিরহ ভাবিয়া তিনি সমাধিক
 বাম্পাকুল লোচনা হইয়া অন্ধ প্রায় হইবেন, ইহাই ত স্বাভাবিক সেই জন্ত
 কবি পূর্বে শ্লোকে আনন্দাশ্রর ক্রিয়া দেখাইয়া, এ শ্লোকে প্রবলতর
 বিষাদাশ্রর ক্রিয়া দেখাইয়াছেন । সুতরাং একই আনন্দাশ্র দিয়া দুইটি শ্লোকে
 ভিন্ন-ভিন্ন ক্রিয়া ব্যাখ্যা করিলে কবিকে ক্ষম করা হয় ।

২৬। নূতন পটুবস্ত্র পরিধান করিয়া, এবং নূতন দর্পণ
 ধারণ করিয়া গৌরী, ক্ষীর-সমুদ্রের ফেনপুঞ্জাচ্ছাদিত বেলার
 ন্যায়, শোভা পাইতে লাগিলেন ।

পার্বতী শুভ্রবে যেন ক্ষীর-সমুদ্রের ‘বেলা,’ পটুবস্ত্র তাহাতে ‘ফেনপুঞ্জ’ ;
 এবা নির্মলবে যেন ‘শরতের রাত্রি’, নূতন দর্পণ তাহাতে ‘পূর্ণচন্দ্র’ !

২৭। বিবাহ-ব্যাপারে যে-যে মঙ্গল-অনুষ্ঠান কন্যাকে
 দিয়া করাইয়া লইতে হয়, মাতা মেনকা তাহাতে সবিশেষ দক্ষা ;
 কুল-দেবতাদিগের পূজা সমাপ্ত হইলে, তিনি কুলের প্রতিষ্ঠা-
 রূপিণী সেই গৌরীকে ঐ সকল কুলদেবতাদিগের কাছে প্রণাম
 করাইয়া, পরে ক্রমানুসারে পতিব্রতা রমণীদিগের পাদ গ্রহণ
 করাইলেন ।

‘ক্রমানুসারে’—অর্থাৎ বয়ঃক্রম-অনুসারে । বয়ঃক্রম-অনুসারেই সন্মান-প্রদর্শনের অগ্র-পশ্চাৎ-রীতি ।

২৮। উমা প্রণাম করিতে থাকিলে, তাঁহারা,—“পতির অথও প্রেমলাভ কর”—বলিয়া আশীর্বাদ করিতে লাগিলেন ; উমাও (পরে) হরের অর্দ্ধাঙ্গভাগিনী হইয়া, বন্ধুজনের এই-সকল আশীর্বচনকে পশ্চাতে ফেলিয়া, তদপেক্ষা অধিক ফল-লাভই করিয়াছিলেন ।

২৯। কৃত্তী ও সামাজিক শিলাদ্রি, ইচ্ছা ও ঐশ্বর্য্য, এই উভয়ের অনুরূপে পার্বতীর কর্তব্য-সকল নিঃশেষে সমাপন করিয়া, সুহৃদ্বর্গের সহিত সভায় বৃষাক্ষের আগমন প্রতীক্ষা করিতে লাগিলেন ।

পার্বতী-সম্বন্ধে যাহা-কিছু কর্তব্য, তাহা হিমবান্ যথেষ্ট ও যথা সামর্থ্য-নিষ্পাদন করিতে সক্ষম রাখেন নাই । ইহাতে কৃত্ত কর্তব্যের অসাধারণত্ব সূচিত হইয়াছে ;—যেহেতু, কুল-প্রদীপ পার্বতীর সম্বন্ধে কর্তব্য-পালনে ‘ইচ্ছা’ এবং তৎসম্পাদনোপযোগী ‘ঐশ্বর্য্য’, উভয়ই হিমবানের অসীম ।

৩০। যে সময়ে গৌরীর প্রসাধন-কর্ম্ম হইতেছিল, সেই সময়ে কুবের-শৈলে মাতৃকাগণ প্রথম-পাণিগ্রহণানুরূপ প্রসাধন-সামগ্রী পূর-শাসন হরেরও সমক্ষে সাদরে রক্ষা করিলেন ।

‘মাতৃকাগণ’—সপ্তমাতৃকা । ব্রাহ্মী, বৈষ্ণবী, চৈতন্যী, রৌদ্রী, বারাহিকী, কোবেরী, ও কোমারী.—এই সাত জন ‘সপ্তমাতৃকা’ বলিয়া প্রসিদ্ধ ।

ইহা মহাদেবের দ্বিতীয়বার দারপরিগ্রহ হইলেও, মাতৃকাগণ ‘প্রথম’

পানি-গ্রহণোপযোগী প্রসাধনেরই উদ্যোগ করিলেন। ইহা মহাদেবের প্রতি মাতৃকাগণের সমধিক আদর-বাক্যক।

‘হরেরও’—মহাদেব স্বয়ং ঈশ্বর ও পরমযোগী হইলেও, অর্থাৎ প্রসাধনে তাঁহার কোন প্রয়োজন না থাকিলেও, কেবল বিবাহ-কৃত্য-সাধন কর্তব্য বলিয়া, মাতৃকাগণ তাঁহাকে সাজাইতে আনিয়াছেন।

৩১। মাতৃকাদিগের গৌরব রক্ষার জন্য, ঈশ্বর সেই প্রসাধন-সম্পৎ কেবল স্পর্শ করিলেন মাত্র; বিভূর ভস্ম-কপালাদি সেই স্বাভাবিক বেশট (আজ) বিবাহ-যোগ্য ভাবান্তর প্রাপ্ত হইল।

সেই অলঙ্কার-সম্ভার মহাদেব কেবল ‘স্পর্শ’ করিলেন মাত্র, কিন্তু অঙ্গ ধারণ করিলেন না।

৩২। ভস্মই তাঁহার শুভ্র-অঙ্গরাগ হইল, কপালই তাঁহার শিরোভূষণশ্রী, এবং গজাজিনেরই প্রান্তভাগ হস্তাদিচিহ্নিত পট্টবস্ত্র-ভাব, ধারণ করিল।

৩৩। অন্তর্নিবিষ্ট-পীতভারা-বিশিষ্ট যে চক্ষু মহাদেবের ললাটাস্থি-মধ্যে দীপ্তি পাইতেছিল, সেই ললাট-নেত্রই এখন তাঁহার হরিতালিক-তিলক-ক্রিয়ার স্থান প্রাপ্ত হইল।

পীত-তার ললাট-লোচনই হরিতাল-তিলক হইল।

৩৪। ভূজগেশ্বরেরা যে যে-অঙ্গে ছিল, সে সেই অঙ্গে থাকিয়াই, তদঙ্গোচিত আভরণই প্রাপ্ত হইল; ইহাতে কেবল-মাত্র তাহাদের শরীরই বিকৃতি পাইয়াছিল; ফণরত্নশোভা

পূর্ণাঙ্গ (ভুজগাবস্থায়) যেমন ছিল, এখনও (অলঙ্কার-বাহ্যে) সেইরূপই রহিল ।

যে ভুজগ হাতে ছিল, সে হাতে থাকিয়াই ককনাকার পাইল ; যে গলায় ছিল, সে গলায় থাকিয়াই হারের আকার ধারণ করিল ; ইহাতে কেবল • তাহাদের শরীরই পরিবর্তিত হইয়াছিল, ফণ-রত্নের পরিবর্তনের কোন প্রয়োজন হয় নাই ;—যে অঙ্গের যে ফণ-রত্ন, সে সেই অঙ্গের অলঙ্কারেরই রত্ন-রূপে শোভা সংবর্দ্ধন করিতে লাগিল ।

৩৫ । দিনমানেও কিরণ-কান্তি উদগীরণ করিতেছে এবং অন্নতনু-হেতু যাহার কলঙ্ক দেখা যাইতেছে না, এমন সদা-জ্যোতি ও নিষ্কলঙ্ক চন্দ্র-কলা যাহার মুকুটের সহিত নিত্য মিলিত, সেই মহাদেবের আর অন্য চূড়া-মণি গ্রহণে প্রয়োজন কি ?

আকাশের চন্দ্র দিবাভাগে মলিন ; হরশিরের চন্দ্রকলা দিবারাত্রি সমুজ্জ্বল ! আকাশের চন্দ্র বর্ধনশীল, সূতরাং বৃদ্ধির সঙ্গে উহার কলঙ্ক ক্রমেই স্পষ্টীকৃত হয় ; হর-ললাটের চন্দ্রকলা কলামাত্র, সূতরাং উহা কলঙ্ক-হীন ! ইহা দ্বারা আকাশের পূর্ণ-চন্দ্রাপেক্ষাও হরশিরচন্দ্রকলার উৎকর্ষ সূচিত হইয়াছে ।

৩৬ । যিনি নিজ-প্রভাবে বেশ-বিধানের কর্তা ; অতএব যিনি সর্ববিধ আশ্চর্য্যের একমাত্র নিধি,—সেই মহাদেব এই রূপে স্বীয় বেশ-ভূষা সম্পাদন করিয়া পার্শ্বস্থ প্রমথগণ কর্তৃক

আনীত খড়্গে নিজের প্রতিবিম্বিত রূপ দর্শন করিলেন ।

খড়্গে নিজরূপ-দর্শন বীরপুরুষদিগের বৈবাহিক আচার ।

৩৭। তখন মহাদেব, কৈলাসারোহণের জায়, নন্দীর বাহু অবলম্বন করিয়া ব্যাঘ্রচৰ্ম্মাচ্ছাদিত বিশাল বৃষভ-পৃষ্ঠে আরোহণ করিয়া চলিলেন ; মহাদেবের বৃষভ বৃহৎ-কায় হইলেও, এখন প্রভুভক্তিবশে সঙ্কুচিত-কায় ।

মহাদেবের বৃষ আকারে, বর্ণে ও বিশালত্বে তুমারাজ্জ্বর কৈলাস-গিরিরই মত ।

৩৮। মাতৃকাগণও মহাদেবের পশ্চাতে গমন করিতে লাগিলেন ; নিজ-নিজ বাহনের প্রকম্পে তাঁহাদের বর্ণ-কুণ্ডলগুলি দোহুলামান হইয়া, এবং প্রভামণ্ডল-রূপ রেণু মণ্ডলে তাঁহাদের মুখগুলি রক্তবর্ণ হইয়া, তখন অন্তরীক্ষকে যেন পদ্মাকর সরোবর-স্বরূপ করিয়া তুলিল !

মাতৃকাদিগের রক্তিম মুখগুলি যেন পদ্ম ; চঞ্চল কুণ্ডল তাহাতে পবন-তাড়িত পর্ণ-স্বরূপ ; এবং মুখের প্রভা-মণ্ডল যেন সেই পদ্মের পরাগ-মণ্ডল ! এইরূপ মুখপদ্মগুলিতে তখন সেই নীলাকাশ, পদ্মাকর সরোবরের জায় শোভা পাইতে লাগিল ।

নীল-বর্ণত্ব-হেতু অন্তরীক্ষ ‘সরোবর-স্বরূপ’ ।

৩৯। সেই কনকপ্রভাময়ী মাতৃকাগণের পশ্চাতে কপালাভরণা কালী শোভা পাইতে লাগিলেন ; যেন বলাকা-শোভিত

নীল পয়োধররাজী সম্মুখে দূরপর্যন্ত তড়িৎ প্রক্ষেপ করিয়াছে !

কালী যেন 'কালমেঘ-রাশি' ; তাঁহার কপাল-মালা যেন সেই কালমেঘ 'হংস-শ্রেণী' ; এবং অগ্রগামিনী মাতৃকাগণের কনক-প্রভা যেন সেই মেঘ হইতে বিকিণ্ড 'বিদ্যাকুটা' !

৪০। মহাদেবের পুরোগামী প্রনথগণ কৃত মঙ্গল-বাণধ্বনি দেবগণের বিমান-চূড়ায় প্রবেশ করিয়া তাঁহাদিগকে প্রভুর সেবাবসর জ্ঞাপন করিল।

মঙ্গল-বাণধ্বনি মহাদেবের বিবাহ-যাত্রা ঘোষণা করিতেছে ; অতএব তৎকালোচিত 'সেবা' করিবার এই সময়। তাহা শুনিয়া দেবগণ বিবাহযাত্রায় যোগ দিয়া দেবাদিদেবের সেবায় প্রবৃত্ত হইলেন।

৪১। সূর্য্যদেব, বিশ্বকর্মা কর্তৃক নব-নির্মিত ছত্র শিবের মস্তকেপরে ধারণ করিলেন ; মুকুটের অনতিদূরে সেই ছত্রের প্রান্তলম্বী শুভ্র পটুবস্ত্র দোহুলামান হওয়াতে বোধ হইতে লাগিল, যেন হর-শিবের গঙ্গা পতিত হইতেছেন !

৪২। সেই সময়ে গঙ্গা ও যমুনা, উভয়েই মূর্ত্তিমতী হইয়া চামর-ব্যঞ্জে মহাদেবের সেবা করিতে থাকিলে, বোধ হইতে লাগিল, যেন এখন ইঁহাদের নদী-রূপ বর্ত্তমান না থাকিলেও ইঁহারা হংসসঙ্কার-বর্জিত হয়েন নাই।

নদী-রূপা গঙ্গা-যমুনা স্বাভাবিক হংস-সঙ্কারে সুশোভিতা। এখন ইঁহাদের সে নদী-রূপ না থাকিলেও হংস-সঙ্কারের সেই স্বাভাবিক শোভাটী

যেন রহিয়াছে ; হস্তান্দোলিত শুভ্র 'চন্দ্র'ই সেই হংস-সঞ্চারের শোভা সম্পাদন করিতেছে !

৪৩। আঢ় বিধাতা (ব্রহ্মা) ও শ্রীবৎসাস্থ (বিষ্ণু) উভয়েই, যুগের দ্বারা অগ্নি-সম্বর্দ্ধনের দ্বায, জয়োচ্চারণে মহাদেবের মহিমা সম্বর্দ্ধন করিতে-করিতে, সাক্ষাৎ তাঁহার সম্মুখে উপস্থিত হইলেন ।

‘সাক্ষাৎ’——নৈকটা-বাক্যক । মহাদেবের সহিত ইঁহাদের একাঙ্গতা নিবন্ধন ‘সাক্ষাৎ’ সমুপস্থিতিতে কোন বাধা নাই ।

৪৪। একই মূর্তি, (কার্যভেদে) ব্রহ্মা-বিষ্ণু-মহেশ্বর-রূপে ত্রিধা-বিভিন্ন হইয়াছে ; অতএব ইঁহাদের মধ্যে জোষ্ঠ-কনিষ্ঠ-ভাব সাধারণ ;—কখনও হর বিষ্ণুর আঢ়, কখনও বা হরি হরের আঢ় ; কখনও ব্রহ্মা, হরি ও হর উভয়েরই আঢ় ; আবার কখনও-বা হরি ও হর, ইঁহারা ব্রহ্মার আঢ় ।

ইঁহাদের তিনের মধ্যে বাস্তবিক ছোট-বড় কেইই নহেন ; হুতরাং ব্রহ্মা ও বিষ্ণু যে মহেশ্বরের মহিমা বাড়াইলেন, টহা অসঙ্গত নয় ।

৪৫। ইন্দ্র-প্রমুখ লোকপালগণ ছত্র-চানর-বাহনাদি ঐশ্বর্যা-চিহ্ন পরিত্যাগ করিয়া, বিনীত বেশে তথায় উপস্থিত হইয়া, প্রভু-দর্শনার্থ নন্দীকে সঙ্কেত করিলেন ; এবং নন্দী মহাদেবের কাছে নিবেদন করিয়া, (ইনি ইন্দ্র প্রণাম করিতেছেন, ইনি কুবের প্রণাম করিতেছেন, ইত্যাদি রূপ কহিয়া-কহিয়া) দর্শন

দেওয়াইলে, তাঁহারা কৃতাজ্জলি হইয়া মহাদেবকে প্রণাম করিলেন।

এখানে মহাদেবের সহিত ইন্দ্রাদি লোকপালদিগের প্রভু-দাস-সম্বন্ধ অতি সুন্দররূপে ব্যক্ত ; সকলেই নিজ-নিজ 'ঐশ্বৰ্য্য-চিহ্ন ত্যাগ করিয়া', 'বিনাত বেশে', 'পদব্রজে', মহাদেব-সমীপে আসিলেন ; আসিয়া ব্রহ্মা-বিষ্ণুর স্তায় 'সাক্ষাৎ' মহাদেবের সম্মুখীন হইবার ভ কথ্য নহে ; সুতরাং 'নন্দী'র কাছে দর্শন যাচঞা করিতে হইল ; তাহাও মুখ ফুটিয়া না করিয়া, 'সঙ্কেতে' নন্দীকে জানাইতে হইল ; নন্দী তখন একে-একে 'পরিচয় জ্ঞাপন' করিতে থাকিলে, তখন তাঁহারা মহাদেবকে প্রণাম করিতে পাইলেন।

৪৬। . তখন মহাদেব, কমল-যোনিতে শিরঃকম্পনে, বিষ্ণুকে বাক্যে, ইন্দ্রকে ঈষৎ হাস্তে, এবং অন্যান্য দেবগণকে দৃষ্টিদান মাত্রে,—এইরূপে যাহার যেমন প্রাধাত্য তাঁহাকে তদ্বিধা সমাদর করিলেন।

৪৭। পরে, সপ্তর্ষিগণ মহাদেবকে “জয়” বলিয়া আশীর্ব্বান করিলে, তিনি ঈষৎ-হাস্তপূর্ব্বক তাঁহাদিগকে কহিলেন—
“অনুষ্ঠিত এই বিবাহ-রূপ যজ্ঞে আমি ত আপনাদিগকে পূর্ব্ব হইতেই হোতা-রূপে বরণ করিয়াছি।”

যজ্ঞে যেমন হোতা, এই বিবাহে তেমনই সপ্তর্ষিগণ ঘটক ও কৰ্ম্মকর্ত্তা-রূপে মহাদেব কর্ত্তক পূর্ব্ব হইতেই নিয়োজিত হইয়াছেন।

৪৮। বিশ্বাবসু-নামক-গন্ধৰ্ব্ব-প্রমুখ নিপুণ দেব-গায়কগণ ত্রিপুর-বিজয়াস্বক স্তুতি-গান করিতে লাগিল ;—এইরূপে

তমোবিকারাতীত চন্দ্রশেখর বিবাহ-যাত্রা-পথে গমন করিতে লাগিলেন ।

এখানে ‘তমোবিকারাতীত’ বলিবার তাৎপৰ্য্য এই যে, কি এই স্বতিগানে, আর-কি এই বিবাহ-ব্যাপার-সংক্রান্ত সমারোহে. ইহার কিছুতেই তিনি • অভিভূত নহেন ; এ সকলই কেবল কার্যোপলক্ষে তাঁহার লীলা-স্বীকার মাত্র ।

৪৯। তাঁহার বাহন বৃষভ, গল-লগ্ন ক্ষুদ্র-ঘটিকা-গুলিকে শঙ্কায়মান করিতে-করিতে, অতি-সুন্দর-গতিতে আকাশ-মার্গে চলিতে লাগিল ; (মেঘ-ভেদ করিয়া যাইবার কালে) যখন মেঘ তাহার শৃঙ্গদ্বয়ে সংলগ্ন হইতেছিল, তখন যেন তটাভিঘাতে কৰ্দম লাগিতেছিল ভাবিয়া, সে মুহুমুহু শৃঙ্গ-সঞ্চালন করিতে-করিতে যাইতে লাগিল ;—এইরূপে বৃষরাজ মহাদেবকে বহন করিয়া চলিল ।

নদী-তটে বগ্ন-ক্ৰীড়া-কালে বৃষের শৃঙ্গে কৰ্দম লাগে, এবং সেই সংলগ্ন কৰ্দম ফেলিয়া দিবার জন্য তাহাকে মুহুমুহু শৃঙ্গ-সঞ্চালন করিতে হয় ; এখন মেঘ-ভেদ-কালে মেঘরাশি যেন কৰ্দমবৎ বৃষভের শৃঙ্গে সংলগ্ন হইতেছিল, এবং যেন উহা ছাড়াইবার জন্যই বৃষভ বারংবার শৃঙ্গ-সঞ্চালন করিতে লাগিল । বাস্পময় মেঘকে ঘন ‘কৰ্দম’-বোধ বৃষের জ্ঞতি-গতি-ব্যঞ্জক ।

৫০। বাহন যেন হর-দৃষ্টিপাত-রূপ সম্মুখ-বিলগ্ন স্বর্ণমূত্র কর্তৃক আকৃষ্ট হইয়াই, মুহূর্ত-মধ্যে, নগেন্দ্র-রক্ষিত এবং শত্রু কর্তৃক অদলিত সেই ওষধিগ্রন্থ-পুর প্রাপ্ত হইল ।

‘হরদৃষ্টিপাত’ পিঙ্গলবর্ণ হেতু স্ববর্ণ-স্বর-নামের সহিত উপমেয় হইয়াছে ।
বাহনের অগ্রে প্রসৃত এই দৃষ্টিপাতই যেন বাহনকে শীঘ্র টানিয়া লইয়াছে ।
ইহাতে মহাদেবের বাগ্র-ভাবও সূক্ষ্মরূপে সূচিত ।

৫১ । ঘননীলকণ্ঠ মহাদেব (ত্রিপুর-বিজয়কালীন) স্ববাণ-
চিহ্নিত কোন আকাশ-পথ হইতে অবতরণ করিয়া, যখন
ওষধিপ্রসূ-পুরের উপকণ্ঠ-প্রদেশে ভূপৃষ্ঠের সমীপবর্তী হইলেন,
তখন পৌরজন কুতূহল-বশে উর্দ্ধমুখে দেখিতে লাগিল ।

৫২ । শিবাগমনে হৃষ্ট গিরি-চক্রবর্তী গজবৃন্দাকূট সগৃঙ্ধি-
শালী বন্ধুজনের সহিত তাঁহাকে প্রত্যাদগমন করিলেন ; তখন
বোধ হইতে লাগিল, যেন গিরিরাজ তাঁহার প্রফুল্ল-কুসুমিত
বৃক্ষরাজী-শোভিত স্বীয় শৃঙ্গগণের দ্বারাই মহাদেবকে প্রত্যাদগমন
করিতেছেন !

‘বজ্রালঙ্কার’-সমৃদ্ধ বন্ধুজন যেন প্রফুল্ল কুসুমিত বৃক্ষ-রাজী,—গিরিশৃঙ্গ-রূপ
গজগণের পৃষ্ঠদেশে বিরাজমান ।

এখানে আরও-একটু সৌন্দর্য্য এই যে, গিরিরাজ, তাঁহার (জন্ম ও
স্বাবর) দুই মূর্তিতেই যেন শিবের আগমন-সন্মাননা করিলেন ।

৫৩ । পুরদ্বার উদঘাটিত হইলে, দেবদল ও মহীধর
একত্র হইলেন ; তাঁহাদের পরস্পর সন্তোষণ-ধ্বনি দূর-পর্য্যন্ত
বিসর্পিত হইতে লাগিল ;—যেন দুইটা জল-প্রবাহ, তদ্ব্যবস্থায়
একমাত্র সেতু ভগ্ন হওয়ায়, দিগন্তব্যাপী শব্দে পরস্পরের সহিত
মিলিত হইল !

৫৪। ত্রৈলোক্যের যিনি বন্দনীয়, সেই মহাদেব যখন ভূধরকে প্রণাম করিলেন, তখন ভূধর লক্ষিত হইলেন ; কারণ, তখন তিনি ভুলিয়া গিয়াছিলেন যে, পূর্ব হইতেই ত দেবাদি-দেবের মহিমায় তাঁহার নিজের মস্তক সুদূর-অবনমিত হইয়াই আছে ।

৫৫। শ্রীতি-বিকশিত-মুখশ্রী হিমবান্, জামাতার অগ্রগামী হইয়া, আগুলফ-কুমুমাস্তৃত পণাবীথিকা দিয়া, সমৃদ্ধ নগরে তাঁহাকে প্রবেশ করাইলেন ।

৫৬। মহাদেবের এই পুর-প্রবেশকালে পুর-সুন্দরীরা অন্যান্য কর্ম পরিত্যাগ করিয়া ঈশান-সন্দর্শন-লোলূপ হইলে, প্রাসাদ-মালায় নিম্নলিখিত ব্যাপার সকল ঘটিয়াছিল :—

৫৭। সহসা দ্রুতপদে গবাক্ষ-স্থানে যাইতে কোন রমণীর কবরীবন্ধন শিথিল হইয়া গেল, এবং গ্রথিত মালাও শ্লথিত হইয়া পড়িয়া গেল ; তিনি সেই উন্মুক্ত-বন্ধন ও মালাহীন কেশপাশ হস্তে ধারণ করিয়াই গবাক্ষ-মুখে চলিলেন ;—যে-পর্যন্ত-না গবাক্ষে উপস্থিত হইলেন, সে পর্যন্ত তাঁহা বাঁধিতে তাঁহার মনেই পড়িল না !—

৫৮। কোন রমণীর চরণে অলক্তক-রাগ হইতেছিল ; প্রসাধিকা তাঁহার দক্ষিণপদ করে ধরিয়া সেই পদের অলক্তক-

রাগ করিয়াছে মাত্র, এমন সময়ে তিনি সেই অলঙ্কৃত পদ
আকর্ষণ করিয়া অমম্বর-গতিতে গবাক্ষমুখে যাইতে, গবাক্ষ
পর্যন্ত সমস্তপথ সালঙ্কক পদচিহ্নে চিহ্নিত হইল !—

এখানে ‘আকর্ষণ’ অতিশয়-বাগ্যতা-ব্যাঙ্গক ।

৫৯। অপর কোন রমণী, দক্ষিণ চক্ষু অঞ্জন অলঙ্কৃত
করিয়া, বামেন্দ্রে অঞ্জন-রাগ করিতে আর সময় পাইলেন না ;
অঞ্জন-শলাকা হাতে করিয়াই তিনি বাতায়ন-সমীপে গমন
করিলেন !—

৬০। দ্রুত গমনে আর-এক রমণীর বসন-গ্রন্থি পুলিয়া
গিয়াছিল ; তবু তিনি গবাক্ষে গিয়া গবাক্ষমধ্যে দৃষ্টি সঞ্চালন
করিতেই থাকিলেন,—নৌবি-বন্ধন করিবার অবসরই যেন না
পাইয়া, হস্তের দ্বারাই সেই শিথিল বাস ধরিয়া রহিলেন ;—
তাহাতে তাঁহার হস্তের অলঙ্কারপ্রভা নাভি-রন্ধ্রে প্রবেশ
করিতে থাকিল !—

৬১। কোন রমণী অঙ্গুষ্ঠে সূতা বাঁধিয়া, তাহাতে মণি
পরাইয়া মেখলা গাঁথিতেছিলেন ; অর্দ্ধমাত্র গাঁথা হইয়াছে,
এমন সময়ে সত্বর উত্থান করায়, সেই অর্দ্ধ-রচিত মালা হৃৎকের
সহিত উৎক্ষিপ্ত হইলে, প্রতি পাদক্ষেপে তাহা হইতে মণিরত্ন-
সকল ঝলিত হইতে লাগিল ;—এইরূপে রমণী যখন গবাক্ষ-

সমীপে উপস্থিত হইলেন, তখন সেই মেখলার অঙ্গুষ্ঠবন্ধ সূত্রটী কেবল অবশিষ্টে রহিল মাত্র !—

৬২। প্রাসাদ-গবাক্ষ-সকল গাঢ়-কুতূহলাক্রান্ত রমণিদিগের আসবগন্ধী ও চঞ্চলনেত্র-শোভিত মুখমণ্ডলের দ্বারা আচ্ছন্ন হওয়াতে, যেন সুগন্ধী ও ভ্রমর-শোভিত পদ্মালঙ্কারেই ভূষিত হইয়াছে, এইরূপ শোভা পাইতে লাগিল !

৬৩। এই অবসরে চন্দ্রশেখর, উন্নত-তারণ-শোভিত ও পতাকাকীর্ণ রাজপথ দিয়া যাইতে লাগিলেন ; তখন দিবাকাল হইলেও, তাঁহার শিরশ্চন্দ্রের জ্যোৎস্নাভিষেক প্রাসাদশৃঙ্গ-সকল দ্বিগুণিত-কাস্তি ধারণ করিল ।

হরশিরের চন্দ্রকলা দিবাভাগেও ভাস্বর। (৩৫ শ্লোক দেখ)

৬৪। তখন, প্রাসাদ-গবাক্ষস্থ নারীগণ, তাঁহাদের একমাত্র দৃশ্য সেই মহাদেবকে নয়নদ্বারা যেন পানই করিতে লাগিলেন ; যেন, সে সময়ে তাঁহারা অশ্রুশ্র-ইন্দ্রিয়-ভোগ্য বস্তু কিছুই অনুভব করিতে পারিলেন না ;—যেন সেই সময়ে তাঁহাদের অশ্রুশ্র ইন্দ্রিয়-বৃত্তি সর্বদ্বন্দ্ব-রূপে তাঁহাদের চক্ষুর মধ্যেই প্রবিষ্ট হইয়াছিল ।

সর্বৈন্দ্রিয়-শক্তি যেন সেই সময়ে রমণীদের চক্ষুগত হইয়াছিল ; তাঁহার সেই চক্ষু মহাদেবের রূপ ‘পান’ করিতে লাগিলেন, অর্থাৎ মহাদেব-দর্শন-ত্বা ‘প্রাণ ভরিয়া’ মিটাইতে লাগিলেন ।

৬৫। (মহাদেবকে দেখিয়া পুরাঙ্গনারা কহিতে লাগিলেন)—“সুকোমলা হইয়াও এমন বরের জন্য অপর্ণা পার্বতী যে তুচ্ছর তপস্যা করিয়াছিলেন, তাহা উপযুক্তই হইয়াছিল ; কারণ, যে নারী এমন সুপুরুষের দাসিত্ব লাভ করিতে পায়, সেও যখন নিজেকে কৃতার্থ মনে করে, তখন যে নারী ইঁহার ক্রোড়রূপ শয্যা লাভ করিবে, তাহার সৌভাগ্যের কথা কি আর বলিতে হয় ?—

তপস্যাকালে পার্বতী গলিতপত্রাহার পর্য্যন্ত ত্যাগ করিয়াছিলেন বলিয়া, তিনি ‘অপর্ণা’ নামে খ্যাত ।—(৫ম সর্গে ২৮শ শ্লোক দেখ) ।

৬৬। “(যেমন পার্বতী বধু, তত্পযুক্তই এই মহাদেব বর ;) এমন স্পৃহণীয় রূপ-যুগল যদি পরম্পরের সহিত মিলিত না হইত, তাহা হইলে এই উভয়ের প্রতি প্রজাপতির রূপসৃষ্টি-যত্নই বিফল হইয়া যাইত !—

৬৭। “এই মহাদেব কোপাক্রান্ত হইয়া মদনের দেহ দক্ক করিয়াছিলেন, ইহা কখনই সম্ভব নহে ; বরং মদনই এই সৌম্য-মূর্ত্তি মহাদেবকে দেখিয়া, লজ্জায় নিজেকে দেহ-ত্যাগ করিয়াছেন, ইহাই মনে হয় ।—

মহাদেবের রূপের কাছে মদনের প্রসিদ্ধ রূপও নগণ্য, ইহাতেই মদনের

৬৮। “হে সখি! শৈলরাজ পরমাঙ্কুরাদে এই ঈশ্বরের সহিত তাঁহার অভীষিক্ত সম্বন্ধ স্থাপন করিয়া, ক্ষিতি-ধারণ-হেতু তাঁহার উচ্চশির আরও উচ্চতর করিয়া ধারণ করিবেন।”

‘উচ্চশির’—(স্থাবর ও জঙ্গম—উভয় পক্ষেই প্রযুক্ত)।

ফলিতার্থ :—মহাদেবকে জামাতা করিয়া, মহামহিম শৈলরাজের মাহিমা আরও বর্দ্ধিত হইবে।

৬৯। ওষধিপ্রস্ফুর রমণিদের মুখে এইরূপ শ্রবণসুখকর প্রশংসাবাদ শুনিত-শুনিতে ত্রিনেত্র, হিমবানের ভবনে উপস্থিত হইলেন ; - দেখানে এত স্ত্রীলোকের সমাগম হইয়াছিল যে, মঙ্গলার্থ-নিষ্কপ্ত লাজমুষ্টিগুলি ঐ সকল রমণিদের পরম্পরের কেয়ুর-ঘর্ষণেই চূর্ণীকৃত হইতে লাগিল।

‘কেয়ুর’—বাহ-ভূষণ। পরম্পরের ‘কেয়ুর-ঘর্ষণ’ অত্যধিক জনতা-দায়ক।

৭০। তথায় উপস্থিত হইয়া, বিষ্ণুর হস্তধারণপূর্বক মহাদেব বৃষ হইতে অবতরণ করিলেন ;—যেন শরতের মেঘ হইতে সূর্য্য নামিলেন ! পরে, হিমাদ্রির কঙ্কান্তরে, যেখানে ব্রহ্মা ইতিপূর্বেই আসিয়াছেন,—তথায় মহাদেব প্রবেশ করিলেন।

মহাদেবের বৃষ ওভ্রতায় শরশ্বেঘের সদৃশ, এবং মহাদেবও স্বয়ং সূর্য্য-সম দীপ্তিশালী।

তপ-জপের পরে বিশ্রামকালে পার্শ্বতী নিদ্রার পরিবর্তে এইরূপ পুণ্যাক্ষুণ্ণান করিয়া কালক্ষেপণ করিতেন,—‘তন্দ্রাহীন’ বলিবার ইচ্ছা তাৎপর্য।

১৫। অঞ্জলি করিয়া নীবারাদি আরণ্য-বীজদানে লালিত হরিণেরা পার্শ্বতীকে এমনই বিশ্বাস করিত যে, তিনি কুতূহল-বশে নিজ-সমক্ষে সখীদের মুখের কাছে হরিণদের মুখ লইয়া, তাহাদের চক্ষুর সহিত হরিণদের চক্ষুঃ অনায়াসে মাপিতে পারিতেন।—

ব্রতস্থা বলিয়া, পার্শ্বতী নিজের চক্ষুর সহিত না মাপিয়া, সখিদিগের চক্ষুর সহিত হরিণদের চক্ষু মাপিয়া দেখিতেন,—দেখিতেন সখিদের চক্ষু বড়, না, হরিণদিগের চক্ষু বড়।

পূর্বে শ্লোকে পার্শ্বতীর বৃক্ষপালন উক্ত হইয়াছে ; এখানে পশুপালন উক্ত হইল। পুণ্যাক্ষুণ্ণান বলিয়া এ সকল কর্ম তপশ্চরণের অন্তর্গত।

১৬। পার্শ্বতী স্নানান্তে অগ্নিতে হোম-কার্য্য সমাধা করিয়া, বন্ধলের উদ্ভরীয় ধারণ করতঃ যখন স্তুতিপাঠাদি করিতেন, তখন তাহাকে দেখিবার জন্য উৎসুক হইয়া ঋষিরা তথায় আগমন করিতেন ; কারণ, যে ব্যক্তি ধর্ম্ম-জ্ঞানে বৃদ্ধ, তাহার বয়সের প্রতি কেহ লক্ষ্যই করে না।

পার্শ্বতী বয়সে ছোট হইলেও ধর্ম্ম-জ্ঞানে বড় ; সুতরাং ঋষিদিগেরও সমাদরণীয়া। মনু—“ন তেন বৃদ্ধো ভবতি যেনাস্ত্র পলিতঃ শিরঃ। যো বা যুবাধ্যাযানস্তঃ দেবাঃ স্তবিরং বিদুঃ ॥” বাঙ্গালা প্রবাদ—“বয়সে না বৃদ্ধ হয়, বৃদ্ধ হয় জ্ঞানে।”

১৭। সেই তপোবনে গো-ব্যাঘ্রাদি বিরোধী প্রাণীগণ পূর্ব-বৈর ত্যাগ করিয়া বাস করাতে, বৃক্ষগণ অভীষ্ট ফলদানে অতিথিগণের সেবা করাতে, এবং তথায় নবনির্মিত পর্ণশালা-সকলের মধ্যে অগ্নি সঞ্চিত থাকাতে, উহা অতি পবিত্র হইয়াছিল।

অহিংসা, অতিথি-সংকার, ও অগ্নিপরিচর্যা,—ইহা তিনই তপোবনের পবিত্রতা-সাধক।

পার্বতীকে দেখিতে আসিয়া ঋষিগণ সেই পবিত্র তপোবনে পর্ণশালা নির্মাণ করিয়া বাস করিতেছিলেন।

১৮। কিছুকাল পরে যখন পার্বতী দেখিলেন যে, এ-পর্যন্ত-অনুষ্ঠিত তপঃ-সমাধি দ্বারা বাঞ্ছিত ফললাভ করিতে সক্ষম হইলেন না, তখন অবিলম্বে তিনি নিজদেহের সৌকুমার্য্য মনে গণনা না করিয়াই দুষ্চর তপঃসাধনে প্রবৃত্ত হইলেন।

পার্বতী তখন একবারও ভাবিয়া দেখিলেন না যে, তাঁহার সুকুমার দেহ দুষ্চর তপস্চরণে সক্ষম হইবে, কি, না। ইহাকেই বলে—“মস্ত্রের সাধন, কিম্বা শরীর-পাতন।”

১৯। যে পার্বতী কন্দুক-ক্রীড়াতেও ক্রান্তি বোধ করিতেন, তিনি আজ মুনিদিগেরই-সাধ্য দুষ্চর তপঃ-সাগরে-নিমগ্ন হইলেন—নিশ্চয়ই পার্বতীর দেহ কাঞ্চন-পদ্মে গঠিত!—সুতরাং পদ্ম-স্বভাবে মৃৎ হইলেও, কাঞ্চন-স্বভাবে সসার (কঠিন)।

‘কাঞ্চন-পদ্মে গঠিত’, বলায় বুঝিতে হইবে—কাঞ্চন ও পদ্মে গঠিত, কাঞ্চনের পদ্মে গঠিত নহে। সোণার পদ্মে মৃদুহৃৎ থাকিবে কেমন করিয়া ?

পদ্মের মৃদুতা ও কাঞ্চনের কাঠিন্য, দুই-ই এককালে পার্শ্বতীর দেহে বিদ্যমান, অর্থাৎ পার্শ্বতীর দেহ যেমন স্নকুমার, তেমনই তীব্রতপঃ-ক্ষম।

২০। গ্রীষ্মে, সুমধ্যমা পার্শ্বতী, পবিত্রহাস্ত-বদনে, চারি দিকে জ্বলন্ত অগ্নি-চতুষ্টয়ের মধ্যবর্তী হইয়া, নেত্রনাশ-কারী (সুপ্রথর) সৌরতেজঃ উপেক্ষা করিয়া, এক-দৃষ্টিতে সূর্য্যের দিকে চাহিয়া থাকিতেন।

‘পবিত্রহাস্ত’ অর্থাৎ মৃদুহাস্ত। ইহাতে বুঝাইতেছে যে, এই নিদারুণ তপঃ পার্শ্বতী অনায়াসেই সম্পাদন করিতেন।

ইহাকেই বলে “পঞ্চতপ” অর্থাৎ চারিদিকে অগ্নি-চতুষ্টয় রাখিয়া, এবং উর্দ্ধে সূর্য্যের দিকে মুখ রাখিয়া তপঃ-সাধনা।

২১। তখন, সূর্য্যের কিরণে অতি-তপ্ত হইয়া তাঁহার সেই মুখে, কমল-শ্রী ধারণ করিত; কেবল অপাঙ্গ-ভাগে ধীরে ধীরে কালিমা পড়িতে লাগিল।

পার্শ্বতীর গৌরবর্ণ মুখ রবিকিরণ-তাপে রক্তিমাত হইয়া পদ্মশ্রী ধারণ করিত।: রবিতাপে কমল যেমন স্নান না হইয়া, প্রভাত বিকশিতই হইয়া থাকে, পার্শ্বতীর মুখও তেমনই প্রথর রবি কিরণে হীনশ্রী না হইয়া, বরং বিকশিত-শ্রীই হইয়া উঠিত।

২২। (এই পঞ্চতপঃ-কালে) কেবলমাত্র অযাচিতো-
পস্থিত বৃষ্টির জল ও অমৃতময় চন্দ্রের (স্নিগ্ধ) রশ্মিই পার্বতীর
পারণ-কর্ম্মের ভোজ্য-বস্তু হইয়াছিল ;—বস্তুতঃ ইহা বৃক্ষ-
জীবনোপায় ব্যতিরিক্ত অধিক কিছুই নহে ।

মেঘজল ও চন্দ্রকিরণ, এই দুই পদার্থ বৃক্ষদিগের জীবনোপায় বলিয়া
প্রসিদ্ধ । পার্বতীও তাঁহার “পঞ্চতপঃ” কালে পারণার্থ ঐ দুইটী বস্তু বাতীত
অন্য কিছুই আহার করিতেন নী ।

২৩। গ্রীষ্মে এইরূপ বিবিধ অর্থাৎ নভশ্চর ও ইক্ষনজাত
অগ্নিতে অতি-তপ্তা পার্বতী, গ্রীষ্মাস্ত্রে (বর্ষারস্ত্রে) নববারি
সিক্তা হইয়া, (পঞ্চাগ্নি-তপ্তা) ভূমির সহিত উদ্ধগামী উষ্ণ বাষ্প
তাগ করিতে লাগিলেন ।

২৪। (বর্ষার) বারিবিন্দুসকল প্রথমে পার্বতীর নেত্রপাক্ষ
ক্ষণকাল অবস্থিত করিয়া, পরে অধরকে পীড়ন করিয়া, তৎপরে
পয়োধরোপরি পতনে চূর্ণিত হইয়া, তদনন্তর ত্রিবলীরেখায়
শ্বলিত হইয়া, এই ভাবে বিলম্বে নাভিতে প্রবেশ করিত ।

পার্বতী দাড়াইয়া তপঃ করিতেছেন ; বর্ষার বারি-বিন্দু তাঁহার উপরে
পড়িতেছে ; প্রথমে ‘নেত্র পাক্ষে ক্ষণকাল অবস্থিতি,’ ইহাতে পাক্ষের
নিবিড়ত্ব সূচিত ; নিবিড় নেত্র-পাক্ষ বারিবিন্দুর পতনে বাদা দিল ; কিন্তু
‘ক্ষণকাল’ মাত্র—ইহাতে পাক্ষের স্নিগ্ধত্ব সূচিত ; পাক্ষের স্নিগ্ধত্ব-হেতু জলবিন্দু-
গুলি অধিকক্ষণ সেখানে থাকিতে পাইল না ।

পরে, নেত্র-পদ্ম হইতে পড়িয়া, বারিবিन्दু-সকল অধরকে 'পীড়ন' করিল,—ইহাতে অধরের স্বকুমারত্ব সূচিত ; যেহেতু বারি-বিन्दুর পতনে অধর ব্যথিত !

তৎপরে, পয়োধরে পতিত হইয়া, বারিবিन्दু 'চূর্ণিত',—ইহাতে পয়োধরের কাঠিন্য সূচিত ।

বারি-বিन्दু, তদনন্তর, ত্রিবলী-রেথায় 'স্থলিত' ; ইহাতে ত্রিবলী-রেথার কঠুক উদর-ভাগের নিম্নোন্নতত্ব সূচিত ।

সর্বশেষে, 'বিলম্বে' 'নাভিতে প্রবেশ' । 'বিলম্বে', কেন-না বহুবাদ অতিক্রম করিতে হইয়াছে ।

'নাভিতে প্রবেশ'—ইহাতে নাভির গভীরত্ব সূচিত ; বারিবিन्दু নাভিতে 'প্রবেশ' করিল, কিন্তু আর বাহির হইল না ।

২৫ । বর্ষাকালে রাত্রিতে নিরন্তর বৃষ্টি হইত, মধো-মধো প্রচণ্ড পবন বহিত,—তখনও পার্বতী অনাবৃত স্থানে শিলার উপরে শুইয়া থাকিতেন ! রাত্রির পরে রাত্রি পার্বতীকে এই অবস্থাতেই দেখিত,—যেন রাত্রিরা পার্বতীর এই মহান্ তপের সাক্ষী-স্বরূপ হইয়া বিছানায় চক্ষুরুন্মেষে তাঁহাকে অবলোকন করিত ।

বৃষ্টি, বায়ু, ও বিদ্যুৎ—বর্ষাকালে এই ত্রিবিধ ক্লেশেও পার্বতী অনাবৃত স্থানে, শিলার উপরে, শয়ন করিয়া রাত্রি কাটাইতে লাগিলেন ।

২৬ । পৌষ-মাসের রাত্রিতে,—যখন অত্যন্ত শীতল-তুষার-বাহী বায়ু বহিত,—সেই পৌষ রাত্রিতে আগ্রাহের সহিত জলে

বাস করিয়া, এবং রাত্রি-সমাগমে তাঁহারই সম্মুখে বিযুক্ত চক্রবাক্-মিথুন যখন সমস্ত রাত্রি পরস্পরকে সক্রোধে আহ্বান করিতে থাকিত, তখন ঐ দুঃখী পক্ষি-মিথুনের প্রতি (মনে-মনে) কৃপাবতী হইয়া, পার্শ্বতী রাত্রি যাপন করিতেন।

প্রথমে গ্রীষ্মকালের তপশ্চরণ বর্ণিত হইয়াছে ; তার পরে বর্ষার তপশ্চরণও বর্ণিত হইয়াছে ; এখানে শীতের তপশ্চরণ বর্ণিত হইল।

“দুঃখী”র প্রতি কৃপাপ্রকাশ মহতের স্বভাব ও সহৃদয়তার লক্ষণ ; সেই জন্যই এখানে চক্রবাক্-মিথুনের প্রতি পার্শ্বতীর “কৃপা” ; নতুবা কেবল মাত্র তাহাদের ইন্দ্রিয়-লালসার প্রতি সহানুভূতি তপশ্চারিণী পার্শ্বতীর পক্ষে অসঙ্গত।

২৭। (সেই শীতকালের) রাত্রিতে তুষার-বৃষ্টিতে জলের পদ্যসম্পৎ সকলই নষ্ট হইয়া গেলেও, (আকর্ষণ-নিমিত্ত) পার্শ্বতীর পদ্যগন্ধী ও কম্পবান্-অধর-পল্লব-শোভী মুখ-পদ্মের দ্বারাই যেন সেই জলের পদ্য-সংঘটন সাধিত হইত !

তুষার-বৃষ্টিতে প্রকৃত পদ্য নষ্ট হইয়া যাইত ; কিন্তু পার্শ্বতীর মুখ-পদ্য যেমন প্রফুল্ল, তেমনই প্রফুল্ল থাকিত ;—এই দুঃসহ তপস্যা পার্শ্বতী “অজ্ঞান বদনে” করিতেন, ইহাই ভাব।

‘পদ্যগন্ধী মুখ’—অর্থাৎ স্বভাবতঃ পদ্যবৎ মুগন্ধী মুখ।

শীত-কম্পিত অধর, পবন-তাড়িত পদ্য-পল্লবের সদৃশ।

২৮। বৃক্ষের গলিত-পত্র-মাত্র ভক্ষণ করিয়া তপস্যা তাপের পরাকর্ষা (বলিয়া কথিত হইয়া থাকে) ; পার্শ্বতী

কিন্তু তাহাও পরিত্যাগ করিয়াছিলেন ; এইজন্য পুরাণজেরা প্রিয়ংবদা পার্বতীকে “অপর্ণা” कहিয়া থাকেন ।

২৯। গ্রীষ্মে অগ্নিমধ্যে বাস, শীতে জলমধ্যে বাস ইত্যাদি কঠোর ব্রতচরণ দ্বারা পার্বতী তাঁহার পদ্মিনী-কন্দ-কোমল দেহকে ক্ষয় করিয়া, তপস্বীদিগের কঠিনদেহোপার্জিত তপস্ব্যাকেও সুদূর-নিম্নে রাখিয়াছিলেন ।

স্বকুমার দেহে পার্বতী যেমন কচ্ছ-সাধ্য তপস্ব্য করিয়াছিলেন, তাহাতে উহার কাছে কঠিন-দেহ তপস্বীদিগের তপস্ব্য নিতান্তই পরাজিত ।

৩০। পার্বতী এইরূপে তপস্ব্য করিতে থাকিলে, পরে, অজিন-পরিহিত, পলাশ-দণ্ড-ধারী, প্রগল্ভ-বাক্ এবং ব্রহ্মতেজে যেন দীপ্তিমান, এক জটাধারী পুরুষ সেই তপোবনে প্রবেশ করিলেন ;—তিনি দেখিতে ঠিক যেন মূর্ত্তিমান্ ব্রহ্মচর্যাশ্রম ।

৩১। অতিথিসেবা-পরায়ণা পার্বতী বহুসম্মান-পূর্বক অর্চনা করিয়া তাঁহাকে প্রত্যুদগমন করিলেন ;—সমান হইলেও, ব্যক্তি-বিশেষের প্রতি ধীরচিত্ত লোকে অতি গৌরবাত্মক ভাবই দেখাইয়া থাকেন ।

জটাধারী পুরুষের গায় পার্বতীও যখন তপস্বিনী, তখন তাঁহার ‘সমান’ তাহা হইলেও, পার্বতী তাঁহাকে বহু-সম্মানে অভ্যর্থনা করিলেন ।

৩২। পার্শ্বতী কর্তৃক এইরূপে বিধি-পূর্বক সম্পূজিত হইয়া, সেই ব্রহ্মচারী ক্ষণকাল পরিশ্রম-অপনোদনাতে, উমার প্রতি ঋজু অর্থাৎ সরল-চক্ষে চাহিয়া, যথোচিত-রীতি-অনুসারে তাঁহাকে কহিতে আরম্ভ করিলেন ;—

‘সরল-চক্ষে চাহিয়া’ — অর্থাৎ অকপটভাবে চাহিয়া। ব্রহ্মচারী পার্শ্বতীকে ছলনা করিতে আসিয়াছেন, ইহা যেন পার্শ্বতী বুঝিতে না পারেন, এইজন্য ‘সরল’ অর্থাৎ অকপট চাহনির প্রয়োজন ; মন্নিনাথ মূলের ‘ঋজু’ অর্থে “বিলাস-রহিত” করিয়াছেন ; ‘সরল চক্ষের’ ভাবার্থও তাহাই।

‘যথোচিত রীতি অনুসারে’——অর্থাৎ এরূপ আলাপ-স্থলে যাহার পরে বাহ্য কহিতে বা জিজ্ঞাসা করিতে হয়, সেই ক্রম বা পদ্ধতি অনুসারে।

৩৩। “হোমাদি কৰ্ম্মানুষ্ঠানের জন্য সমিধ ও কুশ এখানে সহজ-প্রাপ্য ত ? এখানকার জল তোমার স্নান-ক্রিয়ার যোগ্য ত ? তুমি স্বশক্তি-অনুযায়ী—(ক্ষমতার অনতিরিক্ত) তপঃ-সাধনে প্রবৃত্ত হইয়া থাক ত ?—জানিও, শরীরই ধৰ্ম্ম-সাধনের প্রধান উপায়।—

শরীর, বাক্য, মনঃ, ধন ইত্যাদি বহুবিধ বস্তু দ্বারা ধৰ্ম্ম-সাধন করা যায় ; কিন্তু তন্মধ্যে শরীরই মুখ্য ;—কারণ, শরীর থাকিলেই তবে ধৰ্ম্মার্থ-কাম-মোক্শ চতুর্বিধ সাধন সম্ভব হয় ; শরীরের অভাবে সাধনার সম্ভাবনা কোথায় ?

৩৪। “তোমার স্বহস্তের জল-সেচনে বর্দ্ধিত এই সকল লতাদিগের পল্লবরাজী কি তুমিই গ্রথিত করিয়াছ ? ঐ রক্তবর্ণ

পল্লব-সকল তোমার রক্তাভ অধরেরই তুল্য,—তবু তুমি বহুদিন
হইতে অধরের অলঙ্কর-রাগ ত্যাগ করিয়াছ !

পার্বতী কষ্টক সময়ে পালিত লতাগুলিতে প্রচুর পল্লবরাজী এমন
নিরবচ্ছিন্ন-ভাবে বিস্তৃত যে, বুঝি উহা পার্বতী কষ্টকই গ্রথিত হইয়া
থাকিবে ;—এই সংশয়-হেতু প্রশ্ন ।

বহুদিন হইতে অলঙ্কর-রাগ না করিয়া থাকিলেও, পার্বতীর অধর,
রক্তবর্ণে নব-পল্লবেরই তুল্য । ইহাতে পার্বতীর অধরের স্বাভাবিক রক্তবর্ণের
উৎকর্ষ সূচিত ।

৩৫। “ঐ সকল হরিণ,—বাহারা তোমার হাত-থেকে
তৃণ কাড়িয়া খায়, উহাদের প্রতি তোমার মন প্রসন্ন ত ?
হে উৎপলাক্ষি ! ঐ বৃগগণ, তাহাদের চঞ্চল-দর্শনে যেন
তোমারই চক্ষু-সাদৃশ্য অভিনয় করিতেছে !

পহারীর প্রতি প্রসন্নতা সাধুতা-ব্যাঞ্জক ।

পার্বতী হরিণদিগের উপর প্রসন্ন বলিয়াই যেন উহারা পার্বতীর
নেত্র-সাদৃশ্য অভিনয় করিতেছে ! এখানে আর-একটু সৌন্দর্য লগ্ন্য ;—
পার্বতীর বিলোল দৃষ্টি যেন স্বাভাবিক, আর হরিণের নেত্র-চাঞ্চল্য যেন
উহার অনুকরণে ‘অভিনয়’ মাত্র ।

৩৬। “হে পার্বতী ! সৌম্যাকৃতি কখনই পাপাচারের
নিমিত্ত নহে—ইহা যে কথিত হইয়া থাকে, তাহা মিথ্যা নয় ;
হে উদার-দর্শনে ! দেখ, তোমার সংস্কার তপস্বীদিগেরও
উপদেশস্থল ।—

লোক-প্রবাদ যথা—“স্বাকৃতিস্ত্রয়গুণাঃ”—অর্থাৎ দেখানে রূপ, সেখানেই গুণ ;—‘ন স্বরূপাঃ পাপসমাজারা ভবন্তি’ —অর্থাৎ স্বরূপ জনই পাপাচারী হয় না ।

‘উদার-দর্শনে’—অর্থাৎ আয়ত-লোচনে—(স্বরূপ-বাঙ্কক) ; অথবা উন্নত-জ্ঞান-সম্পন্ন বিবেকবর্তি—(শুগুণ-বাঙ্কক) ।

৩৭ । “তোমার অনাবিল চরিত্রের দ্বারা এই মতীধর হিমবান্ পুত্রপৌত্রাদির সহিত যেমন পবিত্রীকৃত হইয়াছেন, সপ্তর্ষিগণ কর্তৃক বিক্ষিপ্ত পুষ্পোপহারে সমুদ্ভাসিত, স্বর্গ-চাত গঙ্গার জলের দ্বারাও তিনি তেমন পবিত্রীকৃত হয়েন নাই !—

এক স্বর্গের গঙ্গা, তাহাতে আবার উদার জলে সপ্তর্ষিদিগের পূজার ফল ভাসিতেছে,—এমন সুপবিত্র গঙ্গাজল হিমালয়ের শিরে পড়িয়াও তাহাকে দত-না পবিত্র করিয়াছে, কত্যা পার্বত্যের সূচরিত্র তাহার অধিক করিয়াছে—চিরকালের জন্ম সৰ্বশে হিমবান্ পবিত্র হইয়াছেন !

৩৮ । “হে ভাবিনি ! তুমি অর্থ ও কাম মন হইতে দূর করিয়া, কেবল ধর্ম্মে মাত্র লক্ষ্য রাখিয়া, তাহারই সেবা করিতেছ ; ইহাতে আজ আমার সর্বশেষ প্রতীতি হইতেছে যে, ত্রিবর্গ-মধ্যে ধর্ম্মই শ্রেষ্ঠ ।—

৩৯ । “হে প্রণতাস্ত্রি ! আমার প্রতি এবংবিধ সংকারের পরে, তুমি আর আমাকে পর ভাবিতে পার না ;—যেহেতু,

পণ্ডিতেরা কহিয়া থাকেন যে, সতের সখা সাতটী কথা, উচ্চারণেই সংঘটিত হইয়া থাকে ।—

সাতটী কথার স্থলে, পার্শ্বতী কতই-না সভক্তি অর্চনা করিলেন ! ইহার পরে ব্রহ্মচারীকে এখন আপন ভাবাই পার্শ্বতীর উচিত । পার্শ্বতীর মনের কথা জানিবার জন্য ব্রহ্মচারী এইরূপ ভূমিকা করিয়া কৌশলে তাঁহার মনে বিশ্বাসোৎপাদন করিতেছেন ।

৪০ । “সুতরাং (এই সখ্য হেতু) এখন আমি ব্রাহ্মণ-সুলভ-চাপল্য-বশে তোমাকে কিছু জিজ্ঞাসা করিতে ইচ্ছা করিতেছি ;—হে তপোধনে ! তুমি ক্ষমাবতী—(দোষ লইও না) ; যদি গোপনীয় না হয়, তবে আমায় উত্তর দেওয়াই কর্তব্য জ্ঞান করিও ।—

৪১ ।—“হিরণ্যগর্ভের কুলে তোমার জন্ম ; তোমার দেহে যেন ত্রিলোকের সৌন্দর্য্য একত্র সমাহৃত ; ঐশ্বর্য্য-সুখ তোমাকে অন্বেষণ করিতে হয় না ; বয়সও তোমার নবীন ; ইহার পরে আর কি তপঃফল আছে, বল,—যাহার জন্য তুমি তপঃসাধনে প্রবৃত্ত হইয়াছ ?—

পার্শ্বতী স্ব-উচ্চকূলে জাতা ; অলোক-সামান্ধ্য রূপবতী ; ঐশ্বর্য্য-সুখেরও কোন অভাব তাঁহার নাই ; আর ঐশ্বর্য্যসুখ ভোগ করিবার বয়স,—নব-যৌবনও, তাঁহার বর্তমান । তবে আর তপস্শা কিসের জন্য ? সঙ্কল, স্বরূপ, ঐশ্বর্য্য, ও ভোগ, এই সকলের জন্যই ত লোকে তপঃসাধনে প্রবৃত্ত হয় । পার্শ্বতীর যখন এই সকলই আছে, তবে আর কিসের জন্য এই তপস্শা ?

৪২। “স্বামীকৃত অপ্রিয় ব্যবহারে মানিনীদিগের সম্ভবতঃ এইরূপ তপশ্চরণ-প্রবৃত্তি হইয়া থাকে ; কিন্তু হে কৃশোদরি ! বিশেষ মনোযোগের সহিত বিচার করিয়াও তোমাতে তাহাও দৃষ্ট হয় না।

৪২। “তোমার এই সৌমা-আকৃতি কখনই অবমাননা-জন্য দুঃখ-লাভের যোগ্য নহে ; পিতৃ-গৃহে অবমাননার সম্ভাবনাই বা কৈ ? আর, অন্য কর্তৃক অবমাননা, তাহাও ত তোমার হইতে পারে না ;—ফণীর শিরোমণি-শলাকা লইবার জন্য কে হস্ত প্রসারণ করে ?—

গিরিরাজের একমাত্র কন্যা পার্শ্বতীকে ধর্ষণ করে, এমন মূঢ় কে আছে ? —তখনই তাহার নিপাত অবশ্যস্তাবী।

৪৪। “হে গৌরি ! এ কি ? কেন তুমি যৌবনেই আভরণ-সকল পরিত্যাগ করিয়া বঙ্কল ধারণ করিয়াছ ?—বঙ্কল ত বার্কিক্যেই শোভা পায়। বল দেখি, বিভাবরী কি প্রকট-চন্দ্র-তার প্রদোষ-কালেই অরুণোদয় চাহে ?—

প্রদোষ-কালে—যখন দীপ্তিমান্ চন্দ্র তারকায় রঞ্জনী শোভা পাইতে আরম্ভ করিয়াছে মাত্র, তখনই যদি অরুণোদয় হয়, তাহা হইলে যেমন সেই-সব চন্দ্র-তারকা অন্তর্হিত হইয়া গিয়া, চারিদিক কেবল অরুণিমা-ব্যাপ্ত হইয়া পড়ে, তেমনই যৌবনারম্ভে পার্শ্বতী যৌবনোচিত অলঙ্কারাদি পরিত্যাগ ও বার্কিক্যোচিত বঙ্কল ধারণ করিয়া, প্রদোষে অরুণোদয়ের দশাই পাইয়াছেন।

পার্বতীর নিরাভরণ দেহ রক্তগত বন্ধনে আচ্ছাদিত হইয়া, লুপ্ত-চন্দ্র-তার ও অরুণিমাব্যাপ্ত উনার সহিত সুন্দর তুলনীয় হইয়াছে ।

৪১। “যদি স্বর্গ-প্রার্থনা তোমার মনোগত, তাহা হইলে
বুঝা তোমার এষ্ট কষ্ট-স্বীকার ;—কারণ, তোমার পিতার এষ্ট
রাজ্যই, এষ্ট শিমালায়ই, ত দেব-ভূমি । আর, যদি বিবাহক
বরই তোমার প্রার্থনার বিষয় হয়, তাহা হইলেই বা তপস্যায়
প্রয়োজন কি ? রত্ন কি কখনও গ্রাহক অন্বেষণ করিয়া
ঝেড়ায় ?—গ্রাহকই রত্নের অন্বেষণ করিয়া থাকে ।—

ধীরে-ধীরে, স্তব্ধকোশে, প্রকৃত কথার অবতারণা করা হইল—
পুত্রস বেন প্রকৃত তথ্য কিছুই জানেন না !

৪২। “তোমার তপ্ত-শ্বাসই তোমার (বরার্থিত) ভাব
প্রকাশ করিতেছে ; কিন্তু তবু আমার মনে সংশয় হইতেছে ;—
কারণ, যখন তোমার প্রার্থনার যোগ্য ব্যক্তিই দেখিতেছি না,
তখন (যদিও কেহ থাকেন) সে ব্যক্তি তোমা-কর্তৃক প্রার্থিত
হইয়াও তুল্য, ইহা কিরূপে সম্ভব হয় ?—

বর-প্রার্থনা-প্রসঙ্গ হইবা-মাত্র পার্বতীর উষ্ণশ্বাস বহিয়াছিল ; তাহাতেই
মল্লার এই উক্তি ।

৪৩। “আশ্চর্য্য ! তুমি যাহাকে পাইতে ইচ্ছা কর, সেই
যুবা কি নিষ্ঠুর ! বহুদিন হইতে কর্ণোৎপলহীন তোমার এই

পঞ্চম সর্গ

কপালদেশে শালিধানের অগ্রভাগের ন্যায় পিঙ্গলবর্ণ জটা
ঝুলিতে দেখিয়াও সে ব্যথিত হইতেছে না !—

পার্বতীর যে গণ্ডস্থলে কণোৎপল দুর্লভ, সেই গণ্ডস্থলে আজ জটা
ঝুলিতেছে,— ইহা দেখিয়াও সে বুঝা (বাহ্যকে পার্বতী চাহেন), পার্বতীর
প্রার্থনা পূরণ করিতেছেন না, —সে কি কঠিন-হৃদয় !

৪৮। “তোমাকে ক্ষুদ্র-তপঃ-সাধনে অতিমাত্র বশীকৃত
দেখিয়া, ভূষণাম্পদ তোমার অঙ্গগুলি দিবাকর-করে দক্ষ হইতে
দেখিয়া,— প্রভুত, তোমাকে দিনমানের শশিকলার ন্যায় নিম্প্রভ
দেখিয়া, কোন্ সচেতন ব্যক্তির মন না পরিতপ্ত হয় ?—

৪৯। “বুঝিলাম, যিনি তোমার প্রিয়জন, তিনি নিজের
সৌন্দর্য্য-গর্বেবর দ্বারা নিজেকেই বঞ্চিত করিতেছেন ; নতুবা
কেন তিনি এখনও নিজের মুখকে তোমার মধুর-দৃষ্টি ও কুটিল
পদ্ম-শোভিত চক্ষুঃদ্বয়ের চিরলক্ষ্য করিতেছেন না ?—

‘চির-লক্ষ্য’——দেখা দিয়া, মূর্ত্তের জগৎ আর চক্ষুর অধঃপাশ না
হওয়া একান্ত প্রেমবশতা-বাঞ্ছক ।

৫০। “হে গৌরি ! বহুকাল ধরিয়া কত আর এই তপঃ-
ক্লেশ করিতে থাকিবে ? আমারও ব্রহ্মচর্যাশ্রম-সঙ্কিত তপঃ-
ফল প্রাপ্য আছে ; (না হয়) তাহারই অর্দ্ধভাগ লইয়া তুমি
ঈপ্সিত বর (বিবাহক) লাভ কর ;—কেবল সম্যক জানিতে
চাই, তোমার ঈপ্সিত সেই জনটী কে ?”

এখানে ব্রহ্মচারী তাঁহার তপঃফলের অর্ধেক-মাত্র পার্বতীকে দান করিতে চাহিতেছেন, যদি তাহার দ্বারাও পার্বতীর মনোমত পতি-প্রাপ্তি ঘটে। এই “অর্ধভাগ” দানের প্রস্তাব মল্লিনাথ কিছুই বলেন নাই ; কিন্তু আমার মনে হয়,—ছদ্মবেশী মহাদেবের এইরূপ ‘ভাগাভাগি’ প্রস্তাবের মধ্যে একটি গুঢ়ভাব প্রচ্ছন্ন রহিয়াছে ;—মনে রাখিতে হইবে যে, ব্রহ্মচারী স্বয়ং মহাদেব । তাই তিনি পার্বতীর উপকারের জন্ত নিজের তপঃফলের অর্ধভাগ মাত্র দিতে চাহিয়া, বাকি অর্ধভাগ যেন নিজের জন্তই রাখিতেছেন ! ইহার মর্ম্ম এই যে, যেমন মহাদেবের মত পতি লাভ করিতে পার্বতীর তপঃফলের প্রয়োজন, তেমনই পার্বতীর মত পত্নী পাইতে মহাদেবের মত ব্যক্তিরও তপস্যা চাই । এইজন্তই তিনি নিজের তপঃফলের ‘অর্ধভাগ’ মাত্র পার্বতীকে দিতে চাহিতেছেন ; কেন-না, বাকী অর্ধেক তাঁহার নিজের কাক্সের অর্থাৎ পার্বতী-লাভের জন্ত রাখা আবশ্যক ।

৫১। ব্রাহ্মণ এইরূপে পার্বতীর মনোমধ্যে প্রবেশ করিয়া (অন্তরের ভাব জানিয়া) কহিলে, পার্বতী, তাঁহার মনোগত বর কে, তাহা লজ্জায় বলিতে না পারিয়া, তাঁহার সেই অঞ্জনহীন চক্ষু চালনা দ্বারা পার্শ্ববর্তী সখীর দিকে চাহিয়া দেখিলেন ।

ইহাতে মনোগত ভাব ব্যক্ত করার জন্য সখীকেই ইঙ্গিত করা হইল । বক্ষ্যমাণ অনঙ্গ-প্রসঙ্গ সখীমুখেই শোভা পায় ।

৫২। “তখন পার্বতীর সখী সেই ব্রহ্মচারীকে কহিতে লাগিলেন ;—“হে সাধো ! যাহার জন্ত পার্বতী, পদ্যকে

আতপ-ত্র করার শ্রায়, তাঁহার এই সুকোমল দেহকে তপশ্চর্যায়
নিযুক্ত করিয়াছেন, তাঁহার নাম জানিতে যদি আপনার কুতূহল
হইয়া থাকে, তবে শুনুন;—

আতপ-সহনে অশ্রম পদ যেন আতপ-নিবারণ কাষের অল্পযোগী,
পার্বতীর সুকোমল দেহও তেমনই তপঃসাধনের নিভাস্তই অল্পযোগী।

৫৩। “এই মানিনী (পার্বতী), সমধিক-ঐশ্বর্যশালী
মহেন্দ্র প্রভৃতিকে ও ইন্দ্র-বরুণ-যম-কুবের—এই দিকপাল-
চতুষ্টয়কে অনাদর করিয়া, পিনাক-পাণিকে—যিনি মদনের
নিগ্রহ করিয়া নিজের অরূপ-বশিষ্ঠের (তিনি যে রূপের বশীভূত
নহেন, ইহারই) প্রমাণ দিয়াছেন,—সেই পিনাক-পাণিকে
পতিত্বে বরণ করিতে ইচ্ছুক।—

দশটী অনঙ্গ-দশা, যথা —দর্শন, মনন, সঙ্গ, সঙ্গ, জাগরণ, কৃশতা,
অরতি, লজ্জাত্যাগ, উন্মাদ ও মুচ্ছা। এই দশটীর বে-কয়টী পার্বতীতে
বিদ্যমান, সখা এখন ক্রমে-ক্রমে তাহাই কহিতেছেন। এইখানে “সংস্কারবস্থা”
স্থচিত হইল।

৫৪। “ইতিপূর্বে পুষ্প-ধনুঃ মদন বিনাশ-প্রাপ্ত হইলেও
তাঁহার বাণ মহাদেবের অসহ্য ছঙ্কারে বিতাড়িত, স্তূতরাং তাঁহার
প্রতি অকৃতকার্য হইয়া, অবশেষে পার্বতীর হৃদয়কে অতি
গাঢ়রূপে ভেদ করিয়া, ইঁহাকে জর্জরিত করিয়া ফেলিয়াছে!—

মদন মরিলেন ; তবু কিন্তু তৎকর্তৃক পরিত্যক্ত বাণ নিজকার্য সাধন
করিতে ছাড়ে নাই—মহাদেবের ভৈরব-ছঙ্কার-তাড়নে সেখানে কিছু করিতে

না পারিয়া, কোমল-প্রাণা পার্শ্বতীর হৃদয়ে গভীররূপে বিধিয়া বসিল,—
তাহাতেই তিনি এমন জর্জরিতা !

এখানে “ক্লশতাবস্থা” সূচিত । “মৃদুঃ সর্বত্র বাধাতে ।”

৫৫ । “(মদন-বাণাহতা) পার্শ্বতী সেই-হইতে পিতৃগৃহে
উৎকট মদনাবস্থায় (কাল কাটাইতে) ছিলেন ; —তঁহার
ললাট-তিলকের চন্দনে অলক-গুচ্ছ ধূসরিত হইত ! অতি
শীতল তুষার-শিলায় শয়ন করিয়াও তিনি সুখ পাইতেন না ।—

ললাট-তিলকের ও অলক-গুচ্ছের প্রতি অনাস্থায়, এখানে “অরতি”
অর্থাৎ বিষয়-বিদ্বেষাবস্থা, এবং তুষার-শিলায় শুইয়াও গাত্র-দাহ নিবারণ
হইত না, ইহাতে “সংজ্ঞাবস্থা” সূচিত ।

৫৬ । “ইনি যখন সঙ্গীত-সখা কিন্নররাজকন্যাদিগের
সহিত মিলিতা হইয়া বনাস্থে গীত-চর্চা করিতেন, তখন
পিনাকীর (ত্রিপুর-বিজয়াদি) চরিত-গুণ-গানকালে, ইঁহার গদগদ
কণ্ঠে অম্পটোচ্চারিত পদগুলি শুনিয়া, তঁাহারা বারংবার রোদন
করিতেন ।

গদগদ কণ্ঠ ও অম্পটোচ্চারণ তীব্র-ভাব-বাক্যক । হর-চরিত-গান-
কালে পার্শ্বতীর হৃদয় ভাব-ময় হইয়া উঠিত ! ইহাই “প্রলাপাবস্থা” ;—
“প্রলাপে গুণ-কীর্তনম্ ।”

৫৭ । “নিশার তৃতীয় ভাগে, পার্শ্বতী ক্ষণকালমাত্র চক্ষু
মুদিয়াই সহসা,—‘হে নীলকণ্ঠ ! কোথায় যাইতেছ ?—স্বপ্নে

এইরূপ অলৌক সম্বোধন করিতে-করিতে এবং অলৌক কাণে
বাহু-বন্ধন করিতে-করিতে, জাগিয়া উঠিতেন !

এখানে “জাগরণ” ও “উন্মাদ”—এই দুইটা অবস্থা সূচিত ।

৫৮ । “(কখন-কখন) মূঢ়া পার্শ্বতী চন্দ্রশেখরের প্রতি-
মূর্ত্তি স্বহস্তে চিত্রিত করিয়া, একান্তে (সখি-সমক্ষে) ঐ প্রতি-
মূর্ত্তি লক্ষ্য করিয়া কহিতেন,—‘যখন জ্ঞানীগণ তোমাকে সর্বজ্ঞ
কহিয়া থাকেন, তখন এইজনকে (আমাকে) তোমার প্রতি
অমুরাগবতী বলিয়া জানিতেছ না কেন ?’—

মূলের “সর্বগতঃ” অর্থ সর্ব-ব্যাপী বা সর্বজ্ঞ, দুই-ই হয় । তবে,
‘সর্বজ্ঞের’ প্রতিই “কথং ন বেৎসি” অর্থাৎ ‘জানিতেছ না, কেন ?’ এই
প্রশ্ন সমধিক সঙ্গত ।

“সর্বব্যাপী” অর্থ গ্রহণ করিলে বুঝিতে হইবে——যিনি সর্বব্যাপী,
তিনি ত পার্শ্বতীর হৃদয়েও আছেন, তবে সেই হৃদয়ের শিবামুরাগ
জানিতেছেন না কেন ?

এখানে, সখি-সমক্ষে পার্শ্বতীর এইরূপ উক্তিতে “লজ্জাত্যাগাবস্থা”
সূচিত ।

৫৯ । “যখন সেই জগৎ-পতিকে পাইবার জন্য কোন উপায়
দেখিতে পাইলেন না, তখন ইনি পিতার আশ্রয়ে আমাদের
সঙ্গে লইয়া তপস্কার্য তপোবনে আসিলেন ।—

৬০ । “তপোবনে আসিয়া সখী (পার্শ্বতী) যে সকল বৃক্ষ
স্বয়ং (নিজহস্তে) রোপণ করিয়াছিলেন, তাঁহার তপস্কার্য সাক্ষী-

স্বরূপ সেই বৃক্ষ-সকলে ফল পর্য্যন্ত দেখা দিয়াছে ; কিন্তু এখনও সখীর শশি-মৌলি-প্রাপ্তি বিষয়ক মনোরথের অঙ্গুরোদগমও ত দেখা বাইতেছে না।—

এখনও যখন অঙ্গুরেরও দেখা নাই, তখন কল্যাণ ত বহুদূরের কথা।
ইহাই ভাব।

৩১। “আহা ! তপস্যা করিতে-করিতে ইনি এমন কৃশা হইয়াছেন যে, ইহার দিকে চাহিয়া দেখিলেই আমাদের অশ্রু-পাত হয় ; ইন্দের অনাদরে (অনারুপিতে) পীড়িতা কষিতা-ভূমির প্রতি ইন্দের অনুগ্রহ-বর্ষণের শ্রায়, কবে যে সেই প্রার্থিত-তুল্য মহাদেব আমাদের (সখী) এই পার্শ্বতীর প্রতি অনুগ্রহ করিবেন, জানি না।”

কষিতা-ভূমি যেমন বর্ষণের অপেক্ষা করে, রুত-তপস্যা পার্শ্বতীও তেমনই শিবানুগ্রহের অপেক্ষা করিতেছেন। কষণে যেমন ভূমিকে বারিগ্রহণোপ-যোগী করে, তপস্যাতেও তেমনই পার্শ্বতীকে মহাদেবের অনুগ্রহ-লাভেব উপযোগিনী করিয়াছে, ইহাই এ উপমার নিগূঢ় সৌন্দর্য।

৩২। পার্শ্বতীর হৃদয়জ্ঞা সখী এইরূপে সদতিপ্রায় প্রকাশ করিয়া নিবেদন করিলে, তখন সেই নৈষ্ঠিক-সুন্দর কোনরূপ হর্ষ-লক্ষণ প্রকাশ না করিয়া, পার্শ্বতীকে জিজ্ঞাসা করিলেন ;—
“অয়ি ! ইহা কি সত্য, না, পরিহাস মাত্র ?”

ছদ্মবেশী অন্ধকারী যখন স্বয়ং মহাদেব, তখন সখি-মুখে পার্শ্বতীর শিবানু-রাগ শ্রবণে তাঁহার হর্ষ হইবারই কথা। কিন্তু এখানে ছদ্মবেশধারীর পক্ষে

তাহা প্রকাশ করা উচিত নয় বলিয়া, তিনি বাহু হর্ষ-লক্ষণ প্রকাশ করিলেন না ।

৬৩। তখন, অঙ্গি-তনয়া সম্পূর্ণকৃতানুলি হস্তের অগ্রভাগে স্ফটিকাক্ষমালা সমর্পণ করিয়া এবং অনেক চিন্তার পরে কথা কহিতে স্বীকার করিয়া, অতিকষ্টে ও স্বল্প কথায় কহিলেন ;—

‘অনেক চিন্তার পরে’ ও ‘অতিকষ্টে’—উভয়ই পার্শ্বতীর স্বাভাবিক লজ্জা-বাঞ্ছক ।

৬৪। “হে বৈদিক-শ্রেষ্ঠ ! (সখি-মুখে) আপনি যাহা শুনিলেন, তাহাই বটে ;—মাদৃশ জন উচ্চ-স্থান লঙ্ঘনে উৎসুক হইয়াছে ; কিন্তু এই (সামান্য) তপস্যা কি তাহার প্রাপ্তি-পক্ষে সাধক হইতে পারে ? (তবু মন বুঝিতেছে না)—মনোরথের অগম্য (স্থান বা বিষয়) কিছুই নাই ।”

‘মনোরথের অগম্য’ অর্থাৎ অভিলাষের অবিসয়, কিছুই নাই ;—যদিও অভাব থাকিলেও মন, দুঃপ্রাপ্য বস্তু পাইবার অভিলাষ হইতে নিবৃত্ত হয় না । মনোরথের গতি সর্বত্র । ‘মনোরথ’ অর্থাৎ মন-রূপ রথ ।

৬৫। তখন ব্রহ্মচারী কহিলেন ;—“তুমি মহেশ্বরকে জানিয়াও, পুনরায় তাঁহাকেই পাইতে অভিলাষ করিতেছ ! তাঁহার যে রূপ অমঙ্গলাচারে রতি, তাহা ভাবিয়া আমি তোমার এই অভিলাষ অনুমোদন করিতে পারিতেছি না ;—

‘মহেশ্বরকে জানিয়াও’—অর্থাৎ একবার তৎকর্তৃক ভগ্ন-মনোরথ হইয়াও ।

৬৬। “হে পার্শ্বতি! (দেখিতেছি), তুচ্ছ বস্তুতে তোমার অতিশয় নির্বন্ধ। (যদি তাহাট ঘটে, তবে বল দেখি), শত্রু তাহার সর্প-বিজড়িত হস্তের দ্বারা যখন তোমার বিবাহ-সূত্র যুক্ত হস্তখানি প্রথম ধারণ করিবেন, তখন তাহা তুমি কেনন করিয়া সহিতে সক্ষম হইবে :—”

অনভ্যাস-হেতু অতি-ভয়ঙ্কর বলিয়াই বোধ হইবে, ‘প্রথম’ বলার ইহাট তাৎপর্য।

৬৭। “তুমি নিজেই ইহা একটু ভানিয়া দেখ-না-কেন যে, নবোতা বধূর কলহংস-চিহ্নিত পটবস্ত্র কি কখনও শোণিতবিন্দু-বর্ষী গজাজিনের সহিত একত্র সংযুক্ত হইবার যোগ্য ?—

মহাদেব গজাসুর বধ করিয়া তাহার চর্ম নিজে পরিধান করিতেন : ইহারই অপর নাম ‘রুদ্রি’।

যদি মহাদেবের সঙ্গে পার্শ্বতীর বিবাহ সংঘটিত হয়, তাহা হইলে যখন বর-বধূর বস্ত্রগ্রন্থি দিতে হইবে, তখন পার্শ্বতীর সূচিব্রিত পটুবাসে ও মহাদেবের সেই শোণিতাঙ্গ রুদ্রি-বাসে এক করিয়া গাঁধিতে হইবে—কি অযোগ্য মিলন !

৬৮। “কুম্ভাস্তৃত বিবাহ-মণ্ডপে বিচরণ করার পরেই, তোমার সেই সালঙ্কক চরণদ্বয়ের লাক্ষারঞ্জিত পদচিহ্ন-সকল কেশাকীর্ণ শ্মশান-ভূমিতে দেখিতে ইচ্ছা করে, তোমার শত্রুর মধ্যেও কি এমন কেহ আছে ?—

বিবাহ-কালে পিতৃগৃহে কুম্ভাস্তৃত-মণ্ডপে পার্শ্বতীর পদক্ষেপ এবং তৎপরে বিবাহান্তে সেই সালঙ্কক পদেই শত্রুর সঙ্গে শব-কেশাকীর্ণ শ্মশানে

বিচরণ ! মহাদেবের সহিত পার্শ্বতীর পরিণয় হইলেই এই বিসদৃশ ঘটনা অবশ্যস্তাবী !

৬৯। “যদি” সেই ত্রিনেত্রীর বক্ষালিঙ্গনই তোমার ঘটে, তাহা হইলে, হরিচন্দনের আশ্রয় তোমার এই সূন্যগলে হরিচন্দনের স্থানে চিত্তভঙ্গ্য বিরাজ করিবে ; বল দেখি, ইহা অপেক্ষা অতি অসঙ্গত কিছু চাইতে পারে ?—

মহাদেবের দেহ চিত্তভঙ্গ্য-রাগে বিভূতিভূষিত ; সুতরাং তাহার সহিত বিবাহ হইলে স্বামীর আলিঙ্গনে পার্শ্বতীর বক্ষ—হরিচন্দনরাগই তাহার উপযুক্ত—সেই বক্ষ চিত্তভঙ্গ্য-রাগে বিসদৃশ দেখাইতে থাকিবে !

‘ত্রিনেত্রী’ এখানে বিরূপতা-গায়ক ।

৭০। “আর-এক বিড়ম্বনা তোমার সম্মুখে বর্তমান এই যে, বিবাহান্তে তোমার গজেন্দ্রের পরিবর্তে বৃদ্ধ বৃষভে চড়িয়া যাইতে দেখিয়া সাধুজনে না হাসিয়া থাকিতে পারিবে না।—

কোথায় সমৃদ্ধশালী বর গিরিরাজকন্যাকে বিবাহ করিয়া গজেন্দ্রপৃষ্ঠে চড়াইয়া লইয়া যাইবেন, না, বৃষভ-বাহন তাহাকে এক বৃদ্ধ বৃষভের উপরে চড়াইয়া লইয়া যাইতেছে ! ইহা দেখিয়া কি লোকে হাস্য সংবরণ করিতে পারিবে ?—লোকের হাস্যাস্পদ হওয়া ভাল নয়, ইহাই ভাব ।

৭১। “পিনাকীর সঙ্গ প্রার্থনা করিয়া সম্প্রতি দুইটা বস্তু শোচনীয়তা প্রাপ্ত হইল ;—সুকাণ্ঠি চন্দ্রকলা ত পূর্বেই

৭১। যেমন মহৎ প্রয়োজন-সকল প্রকৃষ্ট উপায়ের অনুসরণ করে, সেইরূপ মহাদেবকে অনুসরণ করিয়া ইন্দ্র-প্রমুখ দেবগণ, সপ্তর্ষি-প্রমুখ সনকাদি পরমষিগণ, এবং প্রমথগণ, গিরিরাজ-মন্দিরে প্রবেশ করিলেন।

দেবগণের প্রয়োজনেই মহাদেব এই বিবাহকার্যে প্রবৃত্ত হইয়াছেন; সুতরাং দেবগণের ‘মহৎ প্রয়োজন’ই যেন মহাদেবকে ‘প্রকৃষ্ট উপায়’ স্বরূপ করিয়া, তাহার অনুসরণ করিতেছে।

এই অনুসরণ-ঘটনাটিকে উপলক্ষ করিয়া, এই ক্ষুদ্র উপমাটির দ্বারা, এই কাব্যের মুখ্য ব্যাপার অর্থাৎ ‘মহৎ প্রয়োজন’ ও ‘তদুপযোগী ‘প্রকৃষ্ট উপায়’—এই দুইটিকে যেন মৃষ্টিমস্ত করিয়া দেখান হইয়াছে;—‘প্রকৃষ্ট উপায়’-স্বরূপ মহাদেব আগে-আগে চলিয়াছেন, এবং ‘মহৎ-প্রয়োজন’-রূপী দেবগণাদি তাহার অনুসরণ করিতেছেন।

৭২। তথায়, মহাদেব আসনে উপবিষ্ট হইয়া, হিমবান্ কর্তৃক আনীত যথাযোগ্য সরস্ব অর্ঘ্য, মধুপর্ক ও নূতন পটুবস্ত্র-জোড়,—সকলই মন্ত্রোচ্চারণ-সহকারে গ্রহণ করিলেন।

৭৩। নবোদিত-চন্দ্রকিরণসমূহ কর্তৃক শুভ্র-ফেনাময় সমুদ্র যেমন বেলা-সমীপে নীত হয়, শুভ্রপটুবাসাচ্ছাদিত হইয়া মহাদেবও তেমনই অবরোধ-গমন-যোগ্য বিনীত লোকগণ কর্তৃক বধু-সমীপে নীত হইলেন।

‘শুভ্রপটুবাসাচ্ছাদিত’ মহাদেব যেন ‘শুভ্র ফেনাময় সমুদ্র’। সন্দেরস সহিত উপমায় মহাদেবের বিশালত্ব সূচিত।

পার্বতী এই সমুদ্রের 'বেলা'-স্বরূপা। বেলা যেমন সমুদ্রোচ্চাসের প্রতীক্ষা করে, পার্বতীও তেমনই শিবাগমনের প্রতীক্ষা করিতেছিলেন।

'বিনীত' অর্থাৎ অল্পদূরত লোকেই অবরোধ-মধ্যে যাইবার যোগ্য। এই নিম্ন-স্বভাব হেতু ইহারা 'নবোদিত চন্দ্রকিরণ-সমূহের' সহিত উপমেয় হইয়াছেন। সমুদ্র-পক্ষে, চন্দ্রের আকর্ষণেই সমুদ্র উচ্ছসিত হইয়া, বেলা-সমীপে নীত হয়।

ফলিতার্থ :—শান্ত-স্বভাব লোকেরা মহাদেবকে অন্তঃপুরমধ্যে বধুসমীপে লইয়া গেলেন।

৭৪। শরতের ন্যায়, পূর্ণচন্দ্রানন-কান্তি পার্বতীর সহিত মিলিত হইয়া, শিবের চক্ষু-কুমুদ প্রফুল্ল এবং চিত্ত-সলিল প্রসন্ন হইল।

শরৎ-পক্ষে, পূর্ণচন্দ্রই যেন আনন-কান্তি।

পার্বতী-পক্ষে, পূর্ণচন্দ্রের মতই যেন আনন-কান্তি। সেই শরচ্চন্দ্র-নিভাননা পার্বতীর সহিত মহাদেব মিলিত হইলেন; যেন 'ভূলোক শরতের' সহিত মিলিত হইল। শরদাগমে, কুমুদ যেমন প্রফুল্ল এবং সলিল যেমন প্রসন্ন হয়, পার্বতী-মিলনে মহাদেবের 'চক্ষু'ও তেমনই 'প্রফুল্ল' এবং 'চিত্ত'ও তেমনই 'প্রসন্ন' হইল।

৭৫। তখন উভয়ে, উভয়ের মিলনার্থ অধীর দৃষ্টি কিঞ্চিৎ স্থির করিয়া, পরে নিবর্তিত করিলেন; ইহাতে উভয়েরই সতৃষ্ণ চক্ষুগুলি সে সময়ে লজ্জা-নিবন্ধন যন্ত্রণা অনুভব করিতে লাগিল।

উভয়ে উভয়কে দেখিবার জন্য সতৃষ্ণ হইলেও লজ্জাবশতঃ দেখিতে পারিতেছেন না, এই 'যন্ত্রণা'।

৭৩। পরে, শৈল-পুরোহিত পার্শ্বতীর রক্তাঙ্গুলি-শোভিত হস্ত শিব-সমক্ষে ধরিলে, শিব তাহা ধারণ করিলেন ; রক্তাঙ্গুলি-শোভিত এই হস্তখানি যেন শিব-ভয়ে পার্শ্বতীতে গুপ্ত-দেহ • মদনের প্রথমাস্কুর ।

পার্শ্বতীর হাতের ‘রক্তবর্ণ’ ও সুকোমল অঙ্গুলিগুলি যেন প্রথমাস্কুরের ক্রায় । হর-ভয়ে কাম-দেব, যেন পার্শ্বতীর মধ্যে লুকাইয়া ছিলেন ; এগন আবার পুনরুদ্ধারিত হইতেছেন । এখানে মদনের সূক্ষ্মদেহই পার্শ্বতী-মধ্যে প্রচ্ছন্ন বুদ্ধিতে হইবে । সেই সূক্ষ্মদেহ যেন আবার পুনরুজ্জীবিত হইতে চলিল ! পার্শ্বতীর সেই হস্তখানিই যেন উহার ‘প্রথমাস্কুর’ ।

৭৭। এই হস্ত-সংস্পর্শে, মনোভব-বৃত্তি যেন উভয়ে সমান-রূপে বিভক্ত হইয়া গেল ;—উমার দেহে রোমাঞ্চ পাত্তভূত হইল ; মহাদেবেরও করচরণাঙ্গুলি অবশ হইয়া পড়িল ।

৭৮। যখন, লৌকিক বর-বধূর পাণিগ্রহণ-কালে তাঁহাদের মধ্যে হর-গৌরীর অধিষ্ঠান হয় বলিয়া, ঐকালে তাঁহারা সমধিক কান্তি পোষণ করিয়া থাকেন, তখন স্বয়ং হরগৌরীর এই বিবাহ-কালে তাঁহাদের যে কি ক্রী হইল, তাহা কি আর বলিতে হইবে ?

বিবাহ-কালে, সকল বর-বধূতেই হর-গৌরীর অর্থাৎ বরে হরের এবং বধূতে গৌরীর অধিষ্ঠান হইয়া থাকে, ইহা আগম-বাক্য ।

৭৯। দিবা ও রাত্রি যেমন পরস্পর সংলগ্ন হইয়া মেলকে

প্রদক্ষিণ করে, তেমনই সেই মিথুন (বর-বধূ) তখন পরস্পর মিলিত হইয়া, উদ্ধ-শিখ অগ্নিকে প্রদক্ষিণ করিতে লাগিলেন।

৮০। পরস্পর-সংস্পর্শ সুখাবেশে নিমোলিত-চক্ষু সেই দম্পতীকে শৈলকুল-পুরোহিত তিনবার অগ্নি-প্রদক্ষিণ করাইয়া, বধূকে দিয়া সেই দাঁতু-শিখ অগ্নিতে লাভ-ক্ষেপণ করাইলেন।
ইহা বৈবাহিক মঙ্গলাচার।

৮১। বধু তখন, পুরোহিতের উপদেশে, স্বাগার্থে সেই সুগন্ধ লাভ-ধূম অঞ্জলি করিয়া বদন-সমীপে লইতে লাগিলেন ; সেই ধূমের শিখা তৎকালে গৌরীর কপোলে বিস্তারিত হইয়া, ক্ষণকালের জন্য তাঁহার কর্ণোৎপল-ভাব ধারণ করিল।
ধূম-শিখা বাপন-শীল বসিয়া, কর্ণোৎপল-ভাব 'ক্ষণ'-স্থায়ী।

৮২। এই আচার-ধূম-প্রাণে বধুবদনের গঁড়স্থল ঈষৎ আর্দ্র ও অরুণ হইয়া উঠিল ; অক্ষি-দ্বয়ের কালাঞ্জন বিশ্লেষিত হইয়া গেল ; এবং যবাকুর-কর্ণপূর স্নান হইয়া পড়িল।

৮৩। পরে, পুরোহিত বধূকে কহিলেন ;—“বৎসে !
অগ্নি তোমার বিবাহ-ব্যাপারে কৰ্ম্ম-সাক্ষী ; (এখন হইতে)
নির্বিচারে পতির সহিত ধৰ্ম্মাচরণ করিতে থাক !”

ইহা প্রাজাপত্য বিবাহ। স্বামীর সহিত ‘নির্বিচারে ধৰ্ম্মাচরণ’ই এই বিবাহে মুখ্য উপদেশ।

৮৪। নিদাঘ-কালে উৎকট-তাপিতা পৃথিবী যেমন ইন্দ্রের প্রথম বারিধারা (মাগ্রাহ) পান করে, ভবানীও তেমনই মাগ্রাহ, স্বীয় কর্ণদ্বয়কে চক্ষু-পর্যন্ত বিস্তারিত করিয়া, পুরোহিতের ঐ বচন-বারি পান করিলেন।

জল পান করিবার সময়ে যেমন মূখ-বাদ্যানের বাহুল্যে তৃষ্ণাতিশয়া সৃচিত হয়, এখানে তেমনই কর্ণ-বিস্তার দ্বারা শ্রবণাগ্রহের আতিশয়া সৃচিত।

ইতিপূর্বে (৬৪শ স্লোকে) 'নয়ন দ্বারা রূপ পান' পাওয়া গিয়াছে। এখানে 'কর্ণ দ্বারা বচন-পান'। উভয় স্থলেই 'পান' আগ্রহাতিশয়া ও তৃপ্তি-বাক্যক।

৮৫। শাস্ত্রত ও প্রিয়দর্শন স্বামী, বধূকে ধ্রুব-নক্ষত্র দেখাইতে থাকিলে, লঙ্কায় ক্ষৌণ্ডপরা বধু অতি-কাণ্ডে মুখ তুলিয়া (ধ্রুব নক্ষত্র দেখিয়া) কহিলেন,—“দেখিলাম”।

আকাশে ধ্রুব-নক্ষত্র যেমন স্থির, পতিকূলে তেমনই স্থির হইবার উপদেশ-কালে উদাহরণরূপে বধূকে 'ধ্রুব-নক্ষত্র' দেখান বিধি।

[ছুঃপের বিষয়, বহুকাল হইতে বাঙ্গালা দেশে যাহাদের “বিবাহ”-ক্রিয়া সম্প্রদানের পরদিন সম্পন্ন করা হয়, তাহাদিগকে দিনমানেরই ধ্রুব-নক্ষত্র দেখান হয় ও দেখিতে হয়। মন্দের প্রমাণে রাত্রি মধ্যেই বিবাহ-ক্রিয়া সম্পন্ন হওয়ারই বিধি; তদন্তথায় স্থল-বিশেষে গুরুতর দোষের সম্ভাবনা—বিশেষতঃ যে-স্থলে বর-বধু উভয়েরই যৌবনাবস্থা।]

৮৬। বিধিভ্রষ্ট শৈল-কুল-পুরোহিত এইরূপ বিবাহ-ক্রিয়া-সকল সমাপন করিলে তখন বিশ্বলোকের সেই পিতামাতা (উমা-মহেশ্বর) পদ্মাসনস্থ পিতামহ ব্রহ্মাকে প্রণাম করিলেন।

পিতামহ পিতামাতার পূজা ; এই হেতু বিপ্রজনের ‘পিতামাতা’ উদ্যানেশ্বর, ‘পিতামহ’ ব্রহ্মাকে প্রণাম করিলেন ।

৮৭। তখন বিধাতা, বধূকে—“কল্যাণি ! বীর-প্রসবা হও”—এই বলিয়া আশীর্বাদ করিলেন ; কিন্তু অষ্ট-মূর্ত্তি মহাদেবের প্রতি কি আকাঙ্ক্ষা কথিতব্য, তাহা তিনি স্বয়ং বাগীশ্বর হইয়াও নির্দ্বারণ করিতে না পারিয়া, নির্বাক্ রহিলেন ।

বধূর প্রতি ঐ আশীর্বাদ এতলে সবিশেষ সার্থক ; কারণ, দেবগণের উপস্থিত বিপদ হইতে উদ্ধার-কল্পে এক বীর-মূর্ত্তিই এ কাবোয় মুখ্য লক্ষ্য ।

পঞ্চভূতানি অষ্ট-মূর্ত্তিতে মহাদেব জগদাশ্বক ও জগন্ময় । যখন তাঁহাতেই সব এতঃ সবই তিনি, তখন আর তাঁহাকে আশীর্ষাদের বিষয় কি আছে ?

৮৮। পরে, সেই বরবধু পুষ্পরচনাদি-শোভিত চতুষ্কোণ বেদাতে গিয়া, তত্পরিস্থ কনকাসনে উপবেশন করিলেন ; এবং মস্তকে আর্দ্র আতপ-তণুল গ্রহণ—এই যে লোকাচার প্রসিদ্ধ আছে, সেই বাঞ্ছনীয় লোকাচার স্বীকার করিলেন ।

৮৯। তখন লক্ষ্মী, সেই বর-বধূর মস্তকোপরে দীর্ঘনাল-দণ্ড কমল-হস্ত ধারণ করিলে, কমলদলের প্রান্তভাগ সংলগ্ন জলবিদুম্বালা, রাজহস্তের প্রান্তাবলম্বী মুক্তাকলাপের শোভা আহরণ করিয়াছিল ।

সামান্য বর-বধূর মস্তকোপরে মুক্তার-ঝালর-দেওয়া সামান্য (কৃত্রিম) ছাতা ধরা হইয়া থাকে ; এবং সামান্য ছদ্মধরেই তাহা ধরিয়া থাকে । এখানে

কাষের বর-বধূর শিরোপরে স্বয়ং লক্ষ্মী ছত্র ধরিলেন ; সে ছত্রই বা কেমন ! দীর্ঘনাল-রূপ দণ্ডের উপরে সহস্রদল পদ্মই সেই ছত্র ! সহস্রদলের প্রাণলগ্নী ঘনবিন্দু-মালা এই ছত্রে মুক্তা-ঝালরের শোভা প্রদান করিয়াছে !

৯০। পরে সরস্বতী,—বরুণা বরকে বিজুহু সংস্কৃতে এবং বধূকে সুখবোধা প্রাকৃতে,—সেই দম্পতীর স্তুতি করিলেন।

৯১। তখন, অমরাগণ বর-বধূর শ্রীত্যাগে এক নাটকান্ধিনয় করিল ; ঐ নাটকের রচনা ও অভিনয়, উভয়ই অতি পরিপাটি ; উহার সন্ধি-গুলিতে ভাবভেদে ভাষার বৃত্তিভেদ সুস্পষ্টীকৃত এবং রসভেদে যথানিয়ম রাগ-ভেদ ও সুপ্রযুক্ত ; এবং সর্বত্রই মধুর অঙ্গবিক্ষেপে অভিনয়টী অতিশয় মনোরম ;—দম্পতী, ক্ষণকাল ঐ অভিনয় দেখিলেন।

সংস্কৃত-নাটকের গল্পাংশ—মুগ, প্রতিমুগ, গর্ভ, বিমর্ষ ও উপসংস্কৃতি, ঐ পাঁচ ভাগে বিভক্ত ; ঐ বিভাগগুলিই নাটকের ‘সন্ধি’।

‘ভাষার বৃত্তি’ অর্থাৎ ভাষার ভঙ্গি (style)। সংস্কৃতে রস-ভেদে চারি প্রকার বৃত্তির ব্যবহার প্রসিদ্ধ ;—শৃঙ্গার-রসে “কৈশিকী,” বীর-রসে “সাত্ত্বী,” রোদ্র ও বীভৎস-রসে “আরভটী,” এবং সর্বরসে “ভারতী”।

‘রস’ নয়-প্রকার ;—শৃঙ্গার, হাস্য, করুণ, রোদ্র, বীর, ভয়ানক, বীভৎস, অদ্ভুত, ও শান্ত। কোন মতে ‘বাৎসল্য’ ধরিয়া রস দশ-প্রকার।

‘রস-ভেদে রাগ-ভেদ’ যথা ;—রোদ্র, অদ্ভুত ও বীর-রসে “পুংরাগ”—শৃঙ্গার, হাস্য ও করুণ-রসে “স্ত্রী-রাগ”—এবং ভয়ানক, বীভৎস ও শান্ত-রসে “নপুংসক-রাগ”, ব্যবহার্য ; ইহাই সংস্কৃত নাট্য-শাস্ত্রের উপদেশ

৯২। সর্বশেষে, দেবগণ নিজ-নিজ মুকুটে অঞ্জলি বদ্ধ করিয়া, কৃতদার মহাদেবকে প্রণাম পূর্বক, এই যাচঞা করিলেন যে, এখন শাপমুক্ত মদন পুনরায় দেহলাভ করিয়া, তাঁহার সেবা করিতে অনুমতি প্রাপ্ত হউন।

হরপার্বতীর পরিণামেই মদনের প্রতি ব্রহ্মার অভিশাপের অস্তিত্ব ; (৪র্থ সর্গে ৪৩৪৪ শ্লোকে দেখ)। সুতরাং শাপিচ্ছ, এখন হরপার্বতীর সেবার্থ মদনের পক্ষ হইয়া দেবগণ মহাদেবের অনুমতি চাহিতেছেন।

৯৩। বিগত-ক্রোধ মহাদেব, তখন নিজের উপর পঞ্চ-শরীর কার্য অনুমোদন করিলেন ; কার্যাদ্ধ (অথবা, অবসরজ্ঞ) বাক্তিগণ অবসর বুঝিয়া প্রভুসম্বন্ধে (কিছু) প্রার্থনা করিলে, তাহা সিদ্ধই হইয়া থাকে ; কদাচ অন্যথা হয় না।

মহাদেবের প্রতি মদনের কার্যের এই উপযুক্ত 'অবসর' বুঝিয়া দেবগণ উপর নিমিত্ত অনুমতি প্রার্থনা করায়, মহাদেব উহা সহজেই স্বীকার করিলেন ; দেবগণেরও কার্য সিদ্ধ হইল।

৯৪। পরে, চন্দ্রশেখর দেবগণকে ত্যাগ করিয়া, স্বহস্তে মহীধররাজ-কন্যাকে ধারণ করিয়া, মঙ্গল-শয্যাগৃহে চলিলেন ; সেখানে পূর্ণ কনক-কলস-সকল স্থাপিত ছিল ; পুষ্পমালাদি শোভা পাইতেছিল ; এবং ভূমিতলে বর-বধূর জন্ত শয্যা বিরচিত ছিল।

৯৫। সেখানে নবপরিণয়-লজ্জাভূষণা পার্শ্বতীর লজ্জা দূর করিবার জন্য মহাদেব তাঁহার মুখ তুলিতে চেষ্টা করিলে, পার্শ্বতী মুখ ফিরাইয়া লইয়া, শয্যা-সখিদের প্রতিও অতি-কষ্টে কথার উত্তর দিতে লাগিলেন ; তখন মহাদেব তাঁহার প্রমথ-গণকে দিয়া বিকৃত-মুখভঙ্গি করাইয়াও, সেই অতি-লজ্জাশীল পার্শ্বতীকে গঢ়ভাবে হাসাইতে সক্ষম হইয়াছিলেন মাত্র।

শয্যা-সখিদের কাছেও ‘অতিকষ্টে’ কথার উত্তর করা লজ্জাতিশয়া-বাক্যক।

মুখ তুলিয়া লজ্জাভঙ্গ করিতে গিয়া সফল না হওয়ায়, মহাদেব প্রমথ-গণকে দিয়া পার্শ্বতীকে হাসাইবার চেষ্টা করিলেন—হাসাইলে যদি লজ্জা ভাঙ্গে। কিন্তু তাহাতেও মহাদেব সম্পূর্ণ কৃতকার্য হইলেন না;— প্রমথগণের বিকৃত মুখভঙ্গি দেখিয়া পার্শ্বতী ‘গঢ়ভাবে’ অর্থাৎ মনে-মনে হাসিলেন মাত্র। কিন্তু সে হাসি বাহিরে প্রকাশ পাইল না। এখানে পার্শ্বতীর লজ্জাশীলতা নীতি স্বন্দররূপে ব্যক্ত হইয়াছে।

“উমা-প্রদান” নামক সপ্তম সর্গ সমাপ্ত।

গ্রন্থ সমাপ্ত

শুদ্ধি-পত্র

শ্লোক

মিকা-পৃষ্ঠা	চ	তারকাস্বর
টাকা-সমেত শ্লোক	১।২০	... অধাতুকতা-দোষ
” ...	৩।৪৮	... দীপো নিবর্তিতো নেদ্ব্যত
” ...	৪।৩৪	... ভস্মই
” ...	৪।৪৬	... তৃতীয় সর্গে
” ...	৫।৬	... কুণ্ঠিতা হয়.
” ...	৫।৪০	... প্রস্তাব-সহক্ষে
” ...	৫।৭০	... তোমায়
” ...	৬।৩৮	... সাধারণতঃ
” ...	৬।৫৫	... যেন
” ...	৬।৭৭	... মনীষিগণ
” ...	৭।২৫	... ক্ষুণ্ণ

Approved as a Prize-Book & a Library-Book.

কবি শ্রীনিবাসনাথ দাশগুপ্ত এম্-এ, বি-এল,

প্রণীত

ভিখারিণী

পদ-লালিতো

ভাব গাষ্ঠীর্ঘো

চন্দ-বৈচিত্র্যো

শ্রুতি মাধুর্যো

অতুলনীয়

ভাষা-প্রাঞ্জল

ভাব অন্তরঙ্গশী

ইহা পাঠ করিলে

হৃদয়ে তেজ,

কর্মে উৎসাহ

জীবনে আনন্দ,

মনে শাস্তি,

জীবে দয়া, ঈশ্বরে ভক্তি

সঞ্চার হয়।

কবির কবিত্ব

প্রেমিকের প্রেম

ভক্তের ভক্তি,

সাধকের সাধনা,

সমস্তই একাধারে বিদ্যমান।

সংস্কৃত-ভাষায়—“বিখ্যাত ও সাধারণ দুঃগদৈত্তের কথা রসাত্মক বাক্যে প্রকাশ পাইয়াছে। ভাবে নূতনত্ব আছে। গভীর অনুভূতি ও উন্নত কাব্যরসের পরিচয় পাওয়া যায়। কবির উক্তি প্রাণময়। কবির বীণা বিশ্বের বেদনার দ্বারা আহত হইলেও তাঁহার হৃদয়ে আশার বাণী স্পষ্ট হইয়া উঠিয়াছে।”

A. B. Patrika—“Each one of the poems is pregnant with celestial fire”.

সংস্কৃত-ভাষায়—“প্রথম কবিতাতেই প্রাণের স্পর্শ পাইলাম। সর্বত্রই একটা সুন্দর ও প্রশান্ত শাস্তিরসে হৃদয় আর্দ্র হয়।”

Bengalee—“Several lines are gems of purest ray serene. The thoughts, the style, the conceptions & sentiments make the book interesting to all lovers of literature.”

কবি শ্রীনলিনোনাথ দাশগুপ্ত এম্-এ, বি-এল্ প্রণীত

কাব্য-কাহিনী

সুন্দর-সুন্দর বর্ণাকর্ষক চিত্রে সুশোভিত

যাঁহার লেখনী ইউরোপ আমেরিকা এমন কি সমাগরা
পরিত্রোকে এক সময়ে উদ্বেলিত উত্তেজিত ও মোহিত করিয়া
তুলিয়াছিল এবং যাঁহার প্রতিভা আজিও “কুমেরু অবধি
সুমেরু হইতে” বিকশিত সেই অমর কবি

সেক্সপীয়ারের

কয়েকখানি নাটক সরল ও সাধু ভাষায় গল্পাকারে লিখিত
হইয়াছে। প্রাচ্য ও প্রতীচ্যের অপূর্ব সমাবেশ।

এককথায় কাব্যকাহিনী বাংলার Lamb's Tales বলিলেও
হয়। প্রথম হইতে শেষ পর্য্যন্ত অতি সুললিত, সুমধুর, সাধু
ও সরল ভাষায় গল্পগুলি বর্ণিত।

প্রত্যেক গল্প চিত্তাকর্ষক

আবাল বৃদ্ধ বনিতা সকলেরই পাঠোপযোগী।

Prize Book বা উপহারের

একটি অপূর্ব কোহিনুর বলিলেও অত্যাক্তি হয় না।

যাঁহারা মূল সেক্সপীয়ারের রসান্বাদনে বঞ্চিত, তাঁহাদের
নিকট ইহা চির-আদরের সামগ্রী।

A. B. Patrika—Stories have all been rendered in Bengali in an elegant style & simple language. The idea of adaptation is commendable & the execution admirable. It is just the book for the boys. The author has shown consummate skill in the choice of suitable Bengali names of Stories. Bengali literature expects much from him

রায় শ্রীযুক্ত দাননাথ সান্যাল বাহাদুর বি-এ, এম্-বি
কর্তৃক সংগ্রহীত ও অনূদিত

শ্লোক-রত্নাবলী

আনন্দ-বাজার—“.....এই বৃহৎ গ্রন্থে সান্যাল মহাশয় সংস্কৃতের বিপুল ভাণ্ডার হইতে বহু শ্লোক সংগ্রহ করিয়া পাঠকবর্গকে উপহার দিয়াছেন। শ্লোকগুলি সহজ, সুন্দর ধর্মমূলক এবং উপদেশাত্মক। নির্বাচিত শ্লোকের সরল বাঙ্গলা অর্থ দেওয়া হইয়াছে। বাহারা সংস্কৃত শ্লোক পড়িতে চাহেন, তাঁহাদের কাছে পুস্তকগানি আদর্শনীয় হইবে।”

Amrita Bazar Patrika—“.....Slokas with their translation in simple chaste Bengali. The compilation ranges from Post Vedic to almost recent times. The selection has been happy and the reading public will not find much difficulty in enjoying their beauty. A book like this was a long-felt want.”

বসুমতী—... ..সান্যাল মহাশয় অমূল্য সংস্কৃত সাহিত্য হইতে শ্লোক-রত্নমালা আহরণ করিয়া এই গ্রন্থে সজ্জিত করিয়াছেন। তাঁহার এই অবচিত কুসুম-নিচয়ে বাঙ্গালী রসজ্ঞ পাঠক প্রীতি ও জ্ঞান লাভ করিবেন একথা আমরা মুক্তকণ্ঠে বলিতে পারি।”

Advance—“.....A collection of Slokas from various sources, devotional, philosophic & literary and expounded in the venerable translator's inimitable way in chaste and dignified Bengali. The slokas have been selected with discrimination & care & woven together into a chaplet of flowers. The compilation will stand all knights of the pen and the tongue in excellent stead. The book will make a special appeal to those who have drunk deep at the fountain of Sanskrit learning. An attempt has been made to string together all slokas expressive of real poetic feeling & fervour & giving a new & inspiring interpretation of life.”

রায় শ্রীদাননাথ সান্যাল বাহাদুর বি-এ, এম্-বি,

কর্তৃক ব্যাখ্যাত সমালোচিত ও সম্পাদিত

অমরকবি মাইকেল মধুসূদনের

ভিলোভন-সন্তান

এই পয়ার-প্রাবৃত দেশে অকস্মাৎ এক নতুন প্রকার অমৃতচন্দ্রে বাজালা কাব্য বাহির হওয়াতে তৎকালিক বিদ্বজ্জন-সমাজে ক্রিপে একটা তুমুল কল্লোল-কোলাহল উখিত হইয়াছিল এবং ক্রিপে সেই কোলাহলের মধ্যে থাকিয়া এই কাব্য-খানি বাজালা সাহিত্যে নব-যুগের প্রবর্তন করিয়াছে তাহার বিশদ বিবরণ কবিত্বের জীবনী সহ গ্রন্থারম্ভে

- বিস্তারিত ভূমিকায় ও সমালোচনায় দেগান হইয়াছে

A. B. Patrika—"In the introductory part of the book, the editor has dealt with the history of Bengali Poetry ; how the old style had been gradually 'supplanted' by the new, what part Madhu Sūtan played & what struggle the immortal poet made during the transition period of Bengali literature. So vivid is the description that the reader feels the pulsation which the poet himself felt. He has very ably put the mind of the poet before the readers. The edition is a valuable acquisition to the Bengali literature."

ভাষ্য-সম্বন্ধ—"শ্রীযুক্ত সান্যাল মহাশয় মাইকেলের মেঘনাদ-বধের যে বিস্তৃত ব্যাখ্যা ও সমালোচনা ইতঃপূর্বে প্রকাশ করিয়াছিলেন, তাহা পড়িয়াই তাঁহার প্রগাঢ় পাণ্ডিত্য ও তীক্ষ্ণ সমালোচনার শক্তির পরিচয় সকলে পাইয়াছিলেন। বর্তমান পুস্তকের ব্যাখ্যা ও সমালোচনাতেও তাঁহার পাণ্ডিত্যের পরিচয় সুপ্রকাশিত।"

বায়ঃশ্রীযুক্ত দীননাথ সাম্ভাল বাহাদুর বি-এ, এম্-বি,

কর্তৃক ব্যাখ্যাত, সমালোচিত ও সম্পাদিত

ব্রজাঙ্গনা ও বীরাঙ্গনা

মাইকেল মধুসূদনের এই 'ব্রজাঙ্গনা বীরাঙ্গনা' ভাষা ও ভাব-সৌন্দর্যে অসুপম। যিনি বঙ্গ-সাহিত্যে অমিত্রাক্ষরের প্রবর্তন ও পরিপুষ্টি সাধন করিয়াছেন, তাহার লেখনী হইতে স্মধুর মিষ্টাক্ষরের এই 'ব্রজাঙ্গনা' কাব্যখানি রচিত হইয়াছে। দেখিয়া বাস্তবিকই চমকিত ও মুগ্ধ হইতে হয় আমার অমিত্রাক্ষরজ্ঞে এই 'বীরাঙ্গনাই' তাহার শেষ কাব্য। সূতরাং কবীর ভাষা ও চন্দ্র যতদূর উৎকৃষ্ট হইতে হয়, তাহাই হইয়াছে। এই কাব্যে, ভাষা কীরূপ সুললিত ও সরল এবং চন্দ্র সর্বত্র কেমন মধুর ও সঙ্গীত স্বাদ-বিশিষ্ট, গ্রন্থারম্ভে বিস্তীর্ণ সমালোচনায় তাহাই দেখান হইয়াছে সুন্দর আণ্টিক কাগজে-পরিষ্কার অক্ষরে ছাপা।

ভক্তচন্দ্রিকা—“প্রথমেই মুখবন্ধে একটি নাতিদীর্ঘ সমালোচনায় বঙ্গ সমালোচকের লেখনী সম্পাতে সমগ্র কাব্যখানির একটি নিবিড় রসানুভূতি মূর্ত হইয়া উঠিয়াছে। বঙ্গ সাহিত্যক্ষেত্রে ইহা তাহারই একান্ত নিঃস্ব দান।”

A. B. Patrika—“.....The annotator has shown special skill & power in analysing the mind of our emotional Poet. He has lucidly explained the keynote of the great poems. The hidden beauty of the two poems has been nicely explained in his admirable introduction.”

ভারতবর্ষ—“পড়িলেই বুঝিতে পারা যায় তিনি কেমন অভিনিবেশ সহকারে প্রত্যেক শব্দটির আলোচনা করিয়াছেন। সমালোচনা করিয়া বাঙ্গালা সাহিত্যের শোভা বৃদ্ধি করিয়াছেন।”

Approved as a Prize Book & a Library Book.

রায় বাহাদুর শ্রীদীননাথ সান্যাল বি-এ, এম্-বি,

কর্তৃক সংকলিত

রামায়ণ (মচিত্র)

Revised 2nd Edition

সরল গদ্যে সমগ্র বাণ্মৌকির সার সংকলন।

মহর্ষি বাণ্মৌকির মহাকাব্যখানি ভারতীয় আৰ্য্য সভ্যতার কালজয়ী অমূল্য কীর্তি-স্বস্ত স্বরূপ। ভারতে আৰ্য্য-সভ্যতা যখন উন্নতির উচ্চতম শিখরে উঠিয়াছিল, রামায়ণ সেই সময়ের কাব্যানুব্যক্তি। ইতিবাং সেই যুগের বাণী, আদর্শ ও ধারা এবং তাৎকালিক সমাজের ধ্যান, ধারণা, চিন্তা ও কর্মপ্রণালী জানিতে ও বুঝিতে হইলে, ঐ রামায়ণের সহিত পরিচিত হওয়া আবশ্যিক। কিন্তু এই কাব্য-বাহুল্যের দিনে আগন্তু পড়িবার অবসর অনেকেরই নাই। অথচ গৌরব-মণ্ডিত আৰ্য্য সভ্যতার এমন এক সমুজ্জল নিদর্শন ও চিত্র, এমন একখানি জগন্মাতৃ বিশ্বকাব্যের সহিত শিক্ষিত বাঙালী মাত্রেরই ঘনিষ্ঠ পরিচয় থাকা একান্ত বাঞ্ছনীয়।

অবাসী—“.....রচনার গুণে ইহা যে বালক, বৃদ্ধ ও বনিতা সকলেরই সুখপাঠ্য হইয়াছে তাহা বলাই বাহুল্য.....”

A. B. Patrika—“.....a very valuable addition to the Bengali literature. The language & style is extremely elegant & simple. The author has taken great care & pain to develop the Epic beauty & grandeur in plain & simple prose.....”

আত্মশক্তি—“ওহ মার্জিত ভাষায় লিখিত। ‘প্রত্যেক হিন্দু গৃহস্থের বাড়ীতে এই পুস্তকখানি আদৃত হইবে আশা করা যায়।’

প্রবাসী—“আলোচ্য পুস্তকখানি ভাষায় ও রচনাগুণে ছেলে মেয়েদের উপযোগী হইয়াছে। এই সুন্দর সংস্করণটী আদৃত হইবে সন্দেহ নাই।”

রায় বাহাদুর শ্রীদীননাথ সান্যাল বি-এ, এম্-বি,
কর্তৃক অনূদিত ও সমালোচিত

কুমারসম্ভব

Revised Second Edition.

ইহাতে সরল অর্থসম্পূর্ণ গল্পে লোকের ভাবানুবাদ ও বিস্তৃত ব্যাখ্যা করা
হইয়াছে। ইহার বিশ্লেষণমূলী-সমালোচনা বঙ্গ সাহিত্য-ভাণ্ডারে অমূল্য
বনিয়া সমালোচিত হইয়াছে।

Telegraph—“.....The book is a beautiful translation. His command over the language & thoughts is unrivalled. • The most learned, erudite & educative portion of the book is the introduction. He begins with the gradual evolution of human nature & the influence of the poet & moralist upon it. Such an able, learned, clear, simple & refreshing analysis as well as symphthetic introduction has never adorned a Bengali book...”

সামান্যপ্রিয়নী—“.....কাব্য-দেহের রস-ধাতু বিজ্ঞানে ও
বিশ্লেষণে এমন বিচক্ষণ কয়জন আছেন, জানি না। তিনি কুমার দুখিয়াছেন
ও বুঝাইয়াছেন! ইহার ভূমিকা অপূর্ণ বস্তু। ইহা সাহিত্য ভাণ্ডারের
অমূল্য লিপি-রূপে চিহ্ন-পূজিত হইবে।”

প্রবাসী—“লেখক ভূমিকায় দেখাইয়াছেন যে প্রেম ও
সৌন্দর্য এই দুইটী অমূল্যবস্তুই মানব-জন্মের পরম উপাদেয় উপাদান-বস্তু।
সামাজিক ধর্ম প্রেমে প্রতিষ্ঠিত। প্রেমের মূল সত্য-ধর্ম।.. লেখক সমস্ত
ধর্মনাবলীকে বিশ্লেষণ করিয়াছেন, লোক অনুবাদ করিয়াছেন, টীকায় প্রত্যেক
শব্দের তাৎপর্য বিচার করিয়াছেন। ইহাতে লেখকের ভাবুকতার হৃদয়
পর্যাবক্ষণ ও পটুতার অনেক পরিচয় আছে। এই পুস্তকে কুমারের নূতন
আনোক-পাত দেখিতে পাওয়া যায়।

বঙ্গবাসী - "অনেক কালে মল্লিনাথের চিকায় কুমারের যে
কবিত্ব সৌন্দর্য প্রস্ফুট হয় নাই এই ব্যাখ্যা তাহা হইয়াছে। ভূমিকায় কাব্য-
কীৰ্ত্তি ও শাস্ত্র-কীৰ্ত্তির যে অপূৰ্ণ বিবেচন হইয়াছে তাহা বঙ্গসাহিত্যের
বিরাট বিশেষত্ব। ভূমিকার প্রত্যেক পদে ইনিগুন চিত্র-শিল্পীর রুচির
সাহিত্য-কাব্য-কীৰ্ত্তিরই পরিচয় পাই।"

রায় বাহাদুর শ্রীদীননাথ সাক্তালম্ব-এ, এম্-এ,

কৃত
সীতা ও সরমা

3rd Edition.

সীতা ও সরমা চিত্রে মধুসূদনের যে কি অসাধারণ সূক্ষ্ম কাব্যকলা
লক্ষিত হয় বিস্তারিত সমালোচনায় তাহা দেখান হইয়াছে। ভাবে ভাষায় ও
নিপুণতায় এমন মৰ্মগ্রাহী সমালোচনা বঙ্গভাষায় নিতান্তই বিরল।

